

Approved and Authorized by the Govt. of Bengal
(vide Calcutta Gazette. 13th November 1924).

শব্দ-চন্দ্রিকা ।

(গদ্য ও পদ্য)

শ্রীরাামদয়াল চট্টোপাধ্যায় সঙ্কলিত

দ্বিতীয় সংস্করণ

প্রকাশক—শ্রীকুমুদরঞ্জন চট্টোপাধ্যায়

কুমুদ লাইব্রেরী

৪২নং ওয়েলিংটন স্ট্রীট, কলিকাতা ।

১৩৩১ সাল ।

PRINTED BY P. C. DASS
KUNTALINE PRESS
61, BOWBAZAR STREET, CALCUTTA.

বিজ্ঞাপন ।

অল্পকালের মধ্যে বাঙ্গালাভাষার যে উন্নতি হইয়াছে, তাহা সাহিত্যসেবিত্রেরই আনন্দের বিষয়। ভিন্ন ভিন্ন মনস্বী ব্যক্তির চিন্তাপ্রবাহ ভিন্ন ভিন্ন দিকে অগ্রসর হইয়া, এই ভাষাকে এখন মহতী সমৃদ্ধিতে সুসজ্জিত করিয়া তুলিয়াছে—আমাদের সাহিত্যসংসাবে সুচিন্তা-প্রসূত বহুবিধ গ্রন্থাদি প্রকাশিত হইয়াছে। ঐ সকলের আলোচনায় বালকগণের মনোবৃত্তি মাজিত ও উৎকৃষ্ট পথে পরিচালিত হইবে, আশা করা যায়। ভিন্ন ভিন্ন গ্রন্থের বর্ণনায় বিষয়, লিখনভঙ্গী ও ভাব-সৌন্দর্য্য বিভিন্ন প্রকার। এখন আমাদের সাহিত্যসংসারে যে সকল মনোহর সৌধ রচিত হইয়াছে, শিক্ষার্থীগণ অল্প সময়ের মধ্যে ঐ সকলের সম্যক্ আলোচনা করিতে পারে না। এই নিমিত্ত এই পুস্তকে চিন্তাশীল ব্যক্তিগণের ভিন্ন ভিন্ন পুস্তকাদি হইতে কতকগুলি প্রবন্ধ সংকলন করিয়া প্রকাশ করা হইল। আশা করি, ইহা দ্বারা বালকগণের সাহিত্যশিক্ষার সুবিধা হইবে। সুবুদ্ধি শিক্ষার্থীগণ অবসরমতে ঐ সকল গ্রন্থ সমগ্র পাঠ করিলে, অধিকতর উপকৃত হইতে পারিবে। এই ভারতভূমি বর্তমান সময়ে জ্ঞানগৌরবে তাদৃশ উন্নত না হইলেও এখানে অতি প্রাচীনকাল হইতেই নানা বিজ্ঞার সৃষ্টি ও উৎকর্ষ হইয়াছে। ঐরূপ বিষয়ের আলোচনা এদেশের শিক্ষার্থীগণের বিশেষ প্রয়োজনীয়। ইহা ভিন্ন ভাষা শিক্ষার সহিত সমাজ, নীতি ও আত্মমর্য্যাদার বিকাশ হওয়াও আবশ্যিক। এইরূপ বিবেচনা করিয়া, ঐ প্রকারের কয়েকটি পাঠও সংকলিত হইয়াছে। ফলতঃ দীর্ঘকাল শিক্ষাবিভাগের সংশ্রবে থাকিয়া সাহিত্যশিক্ষা সম্বন্ধে আমার যে

সামান্য প্রতীতি হইয়াছে, তাহার উপর নির্ভর করিয়া, এই পুস্তকে গল্প ও পদ্য-বিষয়ক বহুবিধ পাঠ সন্নিবেশিত হইল। সেপক্ষে কত দল রুতকার্য্য হইয়াছি; বলিতে পারি না।

যে সকল মহাত্মাদিগের পুস্তকাদি হইতে এই পুস্তকের প্রবন্ধগুলি সংগৃহীত হইয়াছে, তাহাদের সকলের নিকটেই রুতজ্ঞতা স্বীকার করিতেছি। জীবিত গ্রন্থকারদিগের মধ্যে অনেকেই নিজ নিজ প্রবন্ধ গ্রহণের অনুমতি দানে রুতার্থ করিয়াছেন। সময়ের অল্পতা ও অন্যান্য কারণে তাহাদের অনুমতি গ্রহণ করিতে পারি নাই, তাহাদের নিকট সবিনয়ে ক্রটি স্বীকার করিতেছি।

শ্রীরামদয়াল শর্মা।

সূচীপত্র ।

গণ্যংশ ।

নাম ।	পত্রাঙ্ক ।
শ ও লবের পরিচয় (ঈশ্বরচন্দ্র বিদ্যাসাগর)	১
শ্যপের আশ্রমে ঐ	৭
হৃদয়-দেহ (অক্ষয়কুমার দত্ত)	১৮
শ-দর্শন—জ্ঞান-বিষয়ক ঐ	২০
শব্দমন্দির (বঙ্কিমচন্দ্র চট্টোপাধ্যায়)	২৬
শ্রীপীড়ের প্রতি শুকনাশের উপদেশ (তারাশঙ্কর তর্করত্ন)	৩১
শন ও ব্যয় (রামকমল ভট্টাচার্য)	৩৫
শ্যপের পরিণাম (রমেশচন্দ্র দত্ত)	৩৯
শিশীথে আগন্ধক ঐ	৫৭
শ্যরোগ্য ঐ	৫৯
শব্দস্বৃতি (ভূদেবচন্দ্র মুখোপাধ্যায়)	৬৫
শিক্ষানের শিক্ষা ঐ	৭১
শ্রুতি বিষয়ে অধ্যয়ন (ব্রজনাথ বিশ্বাস)	৭৯
শাস্ত্র-সভ্যতার ক্রম-বিকাশ (শশধর রায়)	৮৫
শারীরিক, মানসিক ও নৈতিক শিক্ষা (গুরুদাস বন্দ্যোপাধ্যায়)	৯০
শ্রাচীন ভারতের সভ্যতা (রামপ্রাণ গুপ্ত)	৯৫
শাগরিক। (অক্ষয়কুমার মৈত্রেয়)	১০৪
শিবের সর্বব্যাপিত্ব (অশ্বিনীকুমার দত্ত)	১০৯
শ্রোধ ঐ	১১১
শহায়া রাজা রামমোহন রায় (শিবনাথ শাস্ত্রী)	১১২
শব্দীন সন্ন্যাসী (কৃষ্ণকুমার মিত্র)	১১৮
শব্দস্বরের তত্ত্বজ্ঞানলাভ (মোজাম্মেল হক)	১৩৫
শিংহল (রামদয়াল চট্টোপাধ্যায়)	১৩৭
শম্মপদং (রবীন্দ্রনাথ ঠাকুর)	১৪৬

প্ৰাচ্যংশ ।

বিষয় ।	পত্রাঙ্ক ।
ঈশ্বর (ঈশ্বরচন্দ্র গুপ্ত)	১৫৫
নামোদর-তীরে স্বপ্নদৃষ্ট কানন (হেমচন্দ্র বন্দ্যোপাধ্যায়)...	১৫৮
সায়ং-চিন্তা (নবীনচন্দ্র সেন)	১৬১
নদী ও কালের সমতা (যজ্ঞগোপাল চট্টোপাধ্যায়)	১৬৪
শস্য (রাজকৃষ্ণ মুখোপাধ্যায়)	১৬৫
নিদ্রা (যজ্ঞগোপাল চট্টোপাধ্যায়)	১৬৮
সমুনাতে (হেমচন্দ্র বন্দ্যোপাধ্যায়)	১৭৩
মাতা (সুরেন্দ্রনাথ মজুমদার)	১৭৫
প্রহরী (অজ্ঞাত কবি)	১৮৩
বঙ্গবাণী (কালিদাস রায়)	১৮৫
শাসি ও অশ্রু (দ্বিজেন্দ্রলাল রায়)	১৮৮
বন্দী (রবীন্দ্র নাথ ঠাকুর)	১৯০
ভূই বিঘা জমি (রবীন্দ্র নাথ ঠাকুর)	১৯০
পুণ্ডরীকের প্রতি শ্বেতকেতু (শ্রীমতী কামিনী রায়)	১৯৩
নিশাকালে বিহঙ্গম-রব (রাজকৃষ্ণ মুখোপাধ্যায়)	১৯৩
ঈন্দ্র ও রঘু (নবীন চন্দ্র দাস)	১৯৭
সীতা ও সরমাব কথোপকথন, (মাইকেল মধুসূদন দত্ত)	২০১
শক্তিশেলবিদ্ধ লক্ষ্মণের মুমূর্ষু অবস্থায় রামচন্দ্রের বিলাপ (মাইকেল মধুসূদন দত্ত)	২০২
স্বভাবের শোভা (কৃষ্ণচন্দ্র মজুমদার)	২১২
সীতাহরণে রামের খেদ (কুন্তিবাস)	২১৭
দ্রোপদীর স্বয়ংবর (কাশীরাম দাস)	২১৮
অন্নদার ভবানন্দ-ভবনে যাত্রা (ভারতচন্দ্র রায় গুণাকর)	২২৪
কৈলাস	২২৮
উগার আব্দার (রামপ্রসাদ সেন)	২২৯
খুল্লনার নিকটে দেবকণ্ঠার আত্ম-পরিচয় (মুকুন্দরাম চক্রবর্তী)	২৩০
মগরায় দুর্জয় ঝড়	২৩২

প্রবন্ধ-চন্দ্রিকা ।

কুশ ও লবের পরিচয় ।

‘মহর্ষি বাল্মীকি রাম-চরিত অবলম্বন করিয়া অতি অদ্ভুত কাব্য রচনা করিয়াছেন, তাহার দুই কোকিল-কণ্ঠ তরুণ-বয়স্ক শিষ্য অতি মধুর-স্বরে সেই কাব্য গান করে । আগামী দিবস প্রভাতে তাহারা রাজ-সভায় সঙ্গীত করিবে’—এই সংবাদ নৈমিষাগত ব্যক্তিমাতেই অবগত হইয়াছিল । রজনী অবসন্ন হইবামাত্র কি ঋষিগণ, কি নৃপতিগণ, কি অপরাপর নিমন্ত্রিত ব্যক্তিগণ, সকলেই সাতিশয় ব্যগ্র-চিত্তে সঙ্গীত-শ্রবণ-লালসায় রাজসভায় উপস্থিত হইতে লাগিলেন । সে দিবসের সভায় সমারোহের সীমা ছিল না । রামচন্দ্র রাজসিংহাসনে উপবেশন করিলেন । ভারত, লক্ষ্মণ, শত্রুঘ্ন ও লক্ষ্মা-সমর-সহায় সুরগ্রীব-বিভীষণাদি সূহৃদ্বর্গ তাঁহার বামে ও দক্ষিণে যথাযোগ্য আসনে আসীন হইলেন । কোশল্যা, কৈকেয়ী, সুমিত্রা, উষ্মিলা, মাণ্ডবী, শ্রতকীর্ণি প্রভৃতি রাজপরিবার অরুন্ধতী-প্রভৃতি ঋষি-পত্নীগণ সমভিব্যাহারে পৃথক স্থানে অবস্থিত হইলেন ।

এইরূপে রাজসভায় সমবেত হইয়া সমস্ত লোক স্কুমার গায়ক-যুগলের কথা লইয়া আন্দোলন ও কথোপকথন এবং নিতান্ত উৎসুক-চিত্তে তাহাদের আগমন প্রতীক্ষা করিতেছেন, এমন সময়ে মহর্ষি বাল্মীকি কুশ ও লব সমভিব্যাহারে সভাদ্বারে উপস্থিত হইলেন । তদর্শনে

প্রবন্ধ-চন্দ্রিকা ।

সভা-মণ্ডপে সহস্রা মহান্ কোলাহল উপস্থিত হইল । যাহারা পূর্কদিন কুশ ও লবকে অবলোকন করিয়াছিল, তাহারা অঙ্গুলি নির্দেশ করিয়া সমীপস্থ ব্যক্তিদিগকে সেই দুই সহোদরকে দেখাইতে লাগিল । বাল্মীকি সভা-প্রবেশ করিবামাত্র সভাস্থ সমস্ত লোক এককালে গাত্রোথান করিয়া তাঁহার সংবর্দ্ধনা করিলেন । মহর্ষি ও তাঁহার দুই শিষ্যের নিমিত্ত পৃথক স্থান নির্ণীত ছিল ; এই হেতু তাঁহারা সেই স্থানে উপবেশন করিলেন । সকলেই সঙ্গীত-শ্রবণের নিমিত্ত নিতান্ত অধীর হইয়া, উৎসুক-চিত্তে কখন সঙ্গীতারম্ভ হয়, ইহাই প্রতীক্ষা করিতে লাগিলেন ।

কিয়ৎক্ষণ পরে, বাল্মীকি সভার সর্কাংশে নয়ন সঞ্চারণ করিয়া রামচন্দ্রকে কহিলেন, ‘মহারাজ ! সকলেই শ্রবণের নিমিত্ত উৎসুক হইয়াছেন ! অতএব অনুমতি করুন, সঙ্গীতের আরম্ভ হউক ।’ অনন্তর তদীয় নির্দেশ-ক্রমে কুশ ও লব বীণা-যন্ত্র-সহযোগে সঙ্গীত আরম্ভ করিল । বাল্মীকি পূর্কই কুশ ও লবকে শিখাইয়া রাখিয়াছিলেন যে, রামায়ণের যে সকল অংশে রামের ও সীতার পরস্পর স্নেহ ও অমুরাগের বিষয় বর্ণিত আছে, তোমরা অত সেই সকল অংশই যত্নপূর্কক গান করিবে । তদনু-সারে তাহারা কিয়ৎক্ষণ গান করিবামাত্র রামের হৃদয় দ্রবীভূত হইল এবং তাঁহার নয়ন-যুগল হইতে প্রবল-বেগে বাষ্পবারি বিগলিত হইতে লাগিল । রাম সেই দুই সহোদরকে যতই নিরীক্ষণ করিতে লাগিলেন, ততই তাহারা সীতার তনয় বলিয়া তাঁহার হৃদয়ের দৃঢ় প্রতীতি-জন্মিতে লাগিল । ভরত, লক্ষ্মণ, শক্রয় ইহারাও তাহাদের কলেবরে রামের ও সীতার অবয়ব-সৌসাদৃশ্য অবলোকন করিয়া, মনে মনে নানা বিতর্ক করিতে লাগিলেন । তদ্ব্যতিরিক্ত সভাস্থ সমস্ত লোক একবাক্য হইয়া কহিতে লাগিলেন, ‘কি আশ্চর্য্য ! এই দুই ঋষি-কুমার যেন রামচন্দ্রের প্রতিকৃতি-স্বরূপ ; যদি বেশে ও বয়সে বৈষম্য না থাকিত,

কুশ ও লবের পরিচয়—বিছাসাগর ।

তাহা হইলে, বামে ও এই দুই ঋষিকুমারে কিঞ্চিন্মাত্র বৈলক্ষণ্য লক্ষিত হইত না। বোধ হয়, যেন রাম দুইটি মূর্তি পরিগ্রহ করিয়া, কুমার-বয়সে ঋষি-কুমার-বেশ অবলম্বন করিয়াছেন! এই বয়সে রামেব যেরূপ আকৃতি ও রূপলাবণ্যের মাধুরী ছিল, ইহাদিগেরও অবিকল সেইরূপ দেখিতেছি।' যাহা হউক, সভায় সমস্ত লোক মোহিত ও নিম্পন্দ-ভাবে অবস্থিত হইয়া একাগ্রচিত্তে তাহাদের সঙ্গীত শ্রবণ ও অনিমেষ নয়নে তাহাদের রূপ-নিরীক্ষণ করিতে লাগিলেন।

কিয়ৎক্ষণ পরে রামচন্দ্র লক্ষ্মণকে কহিলেন, 'বৎস! ইহাদিগকে অবিলম্বে সহস্র স্বর্ণ-মুদ্রা পুরস্কার দাও।' তাহারা শ্রবণমাত্র বিনয়-পূর্ণ-বচনে কহিল, 'মহারাজ! আমরা বনবাসী;—বিলাসী বা ভোগাভিলাষী নহি; যদৃচ্ছালব্ধ ফল-মূল-মাত্র আহার ও বস্ত্র-মাত্র পরিধান করি। আমাদের স্বর্ণমুদ্রার প্রয়োজন নাই। আমরা বহু যত্নে ও বহু পরিশ্রমে আপনার চরিত অভ্যাস করিয়াছিলাম। অতঃপর আপনার সমক্ষে তাহা কীর্তন করায় আমাদের সেই যত্ন ও পরিশ্রম সফল হইল। আপনি শ্রবণ করিয়া যে প্রীত ও প্রসন্ন হইয়াছেন, তাহাতেই আমরা চরিতার্থ হইয়াছি।' ঐ বালকদ্বয়ের এইরূপ নিম্পৃহতা দেখিয়া সকলেই এক-কালে চমৎকৃত হইলেন।

কুশ ও লবকে কিয়ৎক্ষণ অবিচলিত-নয়নে নিরীক্ষণ করায় কৌশল্যার অন্তঃকরণে দৃঢ় প্রতীতি জন্মিল যে, ইহারা সীতারই ভ্রমণ। তখন তিনি একান্ত অস্থিরচিত্ত হইয়া দীর্ঘ-নিশ্বাস সহকারে 'হা বৎসে জানকি!' এই বাক্য উচ্চারণ করিয়া, ভূতলে পতিতা ও মূচ্ছিতা হইলেন। তদর্শনে সকলে বিকলান্তঃকরণ হইয়া অশেষ-যত্নে তাঁহার চৈতন্য সম্পাদন করিলেন। কিয়ৎক্ষণ সঙ্গীত-শ্রবণে সকলেরই হৃদয়ে সীতা-শোক এত প্রবল-ভাবে উদ্ভূত হইয়া উঠিয়াছিল যে, তাঁহারা অত্যন্ত

প্রবন্ধ-চন্দ্রিকা ।

অস্থির হইয়া অবিরল-ধারে বাষ্প-বারি-বিমোচন ও মুহুমূর্ছ দীর্ঘ নিশ্বাস পরিত্যাগ করিতে লাগিলেন । কৌশল্যা একান্ত অধীরা হইয়া উন্মত্তার গায় কহিতে লাগিলেন, 'ঐ দুই কুমারকে তোমরা কেহ আমার নিকটে আনিয়া দাও ; উহাদিগকে ক্রোড়ে লইয়া একবার মুখচুম্বন করিব । উহারা জানকীর পুত্র, উহাদিগকে দেখিয়া আমার প্রাণ কেমন করিতেছে ; হয়, তোমরা উহাদিগকে আমার নিকটে আনিয়া দাও, নয়, আমি উহাদের নিকটে যাই । একবার উহাদিগকে ক্রোড়ে লইয়া মুখচুম্বন করিলে, আমার জানকী-শোক অনেকাংশে নিবারিত হয় । ঐ দেখ, উহাদের অবয়বে আমার রামের ও জানকীর সম্পূর্ণ লক্ষণ দেখা যাইতেছে । উহারা সভা-প্রবেশ করিবামাত্র যেন কেহ আমাব কাণে কাণে কহিয়া দিল, ঐ তোমার রামের দুই বংশধর আসিতেছে : সেই অবধি উহাদের জন্ত আমার প্রাণ কাঁদিয়া উঠিতেছে । আমি বাব বৎসবে সীতাকে একপ্রকার ভুলিয়া গিয়াছিলাম, কিন্তু উহাদিগকে দেখিবামাত্র আমার সীতা-শোক নূতন হইয়া উঠিয়াছে । হা বৎসে জানকি ! তুমি কোথায় রহিয়াছ, তোমার কি অবস্থা ঘটিয়াছে, তুমি অত্যাপি জীবিতা আছ ? কি, এই পাপিষ্ঠ নরলোক পরিত্যাগ করিয়াছ, কিছুই জানি না ।' ইহা বলিয়া দীর্ঘ-নিশ্বাস-পরিত্যাগ করিয়া কৌশল্যা পুনর্বার মূচ্ছিতা হইলেন । সকলে সঘন হইয়া পুনর্বার তাঁহার চৈতন্য সম্পাদন করিলেন । তখন তিনি নিতান্ত অধৈর্য হইয়া কহিতে লাগিলেন, 'এখনও তোমরা উহাদিগকে আমার নিকটে আনিয়া দিলে না ;—কেহ একবার লক্ষ্মণের নিকটে গিয়া আমার নাম করিঘ; বলুক, তাহা হইলে, এখনই লক্ষ্মণ উহাদিগকে আনিয়া আমার ক্রোড়ে দিবে ।'

কৌশল্যার এইরূপ অস্থিরতা ও কাতরতা দেখিয়া, অরুন্ধতীর

কুশ ও লবের পরিচয়—বিদ্যাসাগর।

আদেশানুসারে সমীপবর্তিনী প্রতিহারী লক্ষ্মণের নিকটে গিয়া কৌশল্যাব অভিপ্রায় সবিশেষ নিবেদন করিল। লক্ষ্মণ কৌশল-ক্রমে সে দিবস সেই পর্যন্ত সঙ্গীত-ক্রিয়া রহিত করিয়া সভাভঙ্গ করিলেন এবং কুশ ও লবকে সমভিব্যাহারে লইয়া কৌশল্যার নিকটে উপস্থিত হইলেন। কৌশল্যা সেই দুই সহোদরকে ক্রোড়ে লইয়া স্নেহভরে বারংবার 'তাহাদের মুখচুম্বন করিলেন এবং 'হা বৎসে জানকি ! তুমি কোথায় রহিলে,'—ইহা বলিয়া নিতান্ত কাতব-ভাবে ও উচ্চঃস্বরে রোদন করিতে লাগিলেন। তদর্শনে স্মিত্রা, উশ্বিতা প্রভৃতি সকলেই অশ্রুপাত, বিলাপ ও পরিতাপ করিতে আরম্ভ করিলেন। কুশ ও লব এই সকল দেখিয়া গুনিয়া অবাক হইয়া রহিল।

কিয়ৎক্ষণ পরে, কৌশল্যা কিঞ্চিৎ শোক-সংবরণ করিয়া, সন্দেহ-ভঞ্জন-মানসে তাহাদিগকে জিজ্ঞাসা করিলেন, 'তোমাদের ও তোমাদের জনক-জননীর নাম কি ?' তাহারা অতি বিনীত-ভাবে স্ব স্ব নাম উল্লেখ করিয়া কহিল, 'আমাদের পিতা কে তাহা আমরা জানি না ; এ পর্যন্ত আমরা তাহাকে কখনই দেখি নাই ; আমাদের জননী আছেন, তিনি তপস্বিনী ; কিন্তু এক দিনও আমরা তাঁহার নাম গুনি নাই ; কেহই আমাদের ইহা বলিয়া দেয় নাই, আমরাও তাঁহাকে বা অন্য কাহাকেও কখনই জিজ্ঞাসা করি নাই। আমরা মহর্ষি বাল্মীকির শিষ্য,—তাঁহারই তপোবনে প্রতিপালিত হইয়াছি এবং তাঁহারই নিকটে বিদ্যাশিক্ষা করিয়াছি।' আকুল-চিত্তে এই সকল কথা শ্রবণ করায় অনেকাংশে কৌশল্যার সংশয়ানোদন হইল, কিন্তু তিনি সম্পূর্ণ পরিতুষ্ট না হইয়া পুনর্বার জিজ্ঞাসা করিলেন, 'তোমাদের জননীর আকৃতি কেমন ?' কুশ ও লব তদীয় আকৃতির যথাযথ বর্ণন করিল। তাহারা যে সীতার তনয়, তদ্বিষয়ে তৎকালে সকলেই দৃঢ়-নিশ্চয় হইল

প্রবন্ধ-চন্দ্রিকা ।

এবং কৌশল্যা প্রভৃতি যাবতীয় রাজ-পরিবারের শোক-সিন্ধু অনিবার্য-
যোগে উচ্ছলিত হইয়া উঠিল । কিঞ্চিৎকাল পরে কৌশল্যা কুশ ও
লবকে জিজ্ঞাসা করিলেন, 'তোমাদের জননী কেমন আছেন ?' তাহারা
কহিল, 'তাঁহাকে সর্বদাই জীবন্ত-প্রায় দেখিতে পাই ; বিশেষতঃ
তিনি দিন দিন যেরূপ ক্ষীণ হইতেছেন, তাহাতে বোধ হয়, তিনি আর
অধিক দিন জীবিত থাকিবেন না ।'

কুশ ও লবের এই সকল কথা শুনিয়া, সকলেই যৎপরোনাস্তি বিলাপ
ও পরিতাপ করিতে লাগিলেন । কৌশল্যা কিঞ্চিৎ ধৈর্য্য অবলম্বন
করিয়া সম্পূর্ণ-রূপে সন্দেহ-ভঞ্জন করিবার নিমিত্ত লক্ষ্মণকে কহিলেন,
'বৎস ! তুমি একবার মহর্ষি বাল্মীকিকে এইস্থানে আনয়ন
কর ।' কিয়ৎক্ষণ পরে মহর্ষি বাল্মীকি লক্ষ্মণ-সমভিব্যাহারে সেই স্থানে
উপস্থিত হইলে, সকলেই সমুচিত-ভক্তি সহকারে প্রণাম করিয়া পরম-
সমাদরে তাঁহাকে আসনে উপবেশন করাইলেন । অনন্তর কৌশল্যা
কৃতাজলি-পুটে জিজ্ঞাসা করিলেন, 'ভগবন্ ! আপনার এই দুইটা শিষ্য
কে, রূপা করিয়া সবিশেষ বলুন ।' যে দিবস লক্ষ্মণ সীতাকে পরিত্যাগ
করিয়া আসেন, সেই দিবস অবধি বাল্মীকি সমস্ত বৃত্তান্ত আত্ম কীর্তন
করিলেন এবং রাম বিরহে সীতার কিরূপ অবস্থা ঘটয়াছে, তাহারও
যথাযথ বর্ণন করিলেন । এই সমস্ত কথা শ্রবণ করাতে সকলেরই
চক্ষুর জলে বক্ষঃস্থল প্রাবিত হইয়া যাইতে লাগিল । কৌশল্যা শোকে
একান্ত অভিভূত হইয়া, 'হা বৎসে জানকি ! বিধাতা তোমার কপালে
এত দুঃখ লিখিয়াছিলেন ?' ইহা বলিয়া বিলাপ করিতে লাগিলেন ।
যাহা হউক, সীতা অद्याপি জীবিত আছেন, এবং কুশ ও লব তাঁহারই
তনয়, তদ্বিষয়ে আর তাঁহার অণুমাত্র সংশয় রহিল না ।

এত দিন পরে আত্ম-পরিচয় লাভ করাতে কুশ ও লবের ভক্তঃকরণে

কশ্যপের আশ্রমে—বিদ্যাসাগর ।

নানা অনির্বচনীয় ভাবের উদয় হইতে লাগিল । বাল্মীকি তাহাদিগকে কহিলেন, ‘বৎস কুশ ! বৎস লব ! পিতামহী ও পিতৃব্য-পত্নী-গণের চরণ-বন্দনা কর ।’ তাহারা তৎক্ষণাৎ কৌশল্যা, কৈকেয়ী ও সুমিত্রার এবং উর্মিলা, মাণ্ডবী ও শ্রুতকীর্তির চরণে সাষ্টাঙ্গ প্রণিপাত করিল । অনন্তর মহর্ষি কহিলেন, ‘তোমরা রামায়ণে লক্ষ্মণ-নামক যে মহাপুরুষের গুণ-কীর্তন পাঠ করিয়াছ, তিনি এই,—ইনি তোমাদের তৃতীয় পিতৃব্য ।’ ইহা বলিয়া বাল্মীকি লক্ষ্মণকে দেখাইয়া দিলেন । ‘লক্ষ্মণ’-নাম-শ্রবণ-মাত্র তাহারা বিস্ময়-বিস্ফারিত-নয়নে পদ অবধি মস্তক পর্য্যন্ত অবলোকন করিয়া, দৃঢ়তর-ভক্তি-সহকারে তাঁহার চরণে প্রণাম করিল ।

(ঐশ্বরচন্দ্র বিদ্যাসাগর)

কশ্যপের আশ্রমে ।

রাজা দুঃস্বপ্ন রথ হইতে অবতীর্ণ হইয়া জিজ্ঞাসা করিলেন, ‘দেবরাজ-সারথি ! এই পর্ব্বতের কোন্ অংশে ভগবান্ কশ্যপের আশ্রম ?’ মাতলি কহিলেন, ‘মহারাজ ! মহর্ষির আশ্রম অনতিদূরবর্তী নহে ; চলুন, আমি সমভিব্যাহারে যাইতেছি ।’ কিয়ৎ দূর গমন করিয়া, এক ঋষি-কুমারকে সমাগত দেখিয়া, মাতলি জিজ্ঞাসা করিলেন, ‘ভগবান্ কশ্যপ এক্ষণে কি করিতেছেন ?’ ঋষিকুমার কহিলেন, ‘তিনি এক্ষণে নিজপত্নী অদিতিকে ও অন্যান্য ঋষিপত্নীদিগকে পতিব্রতাদি শ্রবণ করাইতেছেন ।’ তখন রাজা কহিলেন, ‘তবে আমি এখন তাঁহার নিকটে যাইব না ।’ মাতলি কহিলেন, ‘মহারাজ ! আপনি এই অশোক বৃক্ষমূলে অবস্থিত

প্রবন্ধ-চন্দ্রিকা ।

হইয়া, কিয়ৎক্ষণ অপেক্ষা করুন ; আমি মহর্ষির নিকট আপনকার আগমন সংবাদ নিবেদন করি ।’ এই বলিয়া মাতলি প্রশ্নান করিলেন ।

রাজার দক্ষিণ বাহু স্পন্দিত হইতে লাগিল । তখন নিজ হস্তকে সন্দোধন করিয়া কহিতে লাগিলেন, ‘হে হস্ত ! আমি যখন নিতান্ত বিচেতন হইয়া প্রিয়াকে পরিত্যাগ করিয়াছি, তখন আর আমার অভীষ্টলাভের প্রত্যাশা নাই । তবে তুমি কি নিমিত্ত বৃথা স্পন্দিত হইতেছ ?’ মনে মনে এই আক্ষেপ করিতেছেন, এমন সময়ে, “বৎস ! এত দুর্ভক্ত হও কেন ?”—এই শব্দ রাজার কর্ণকূহরে প্রবিষ্ট হইল । রাজা শ্রবণ করিয়া মনে মনে এই বিতর্ক করিতে লাগিলেন, এ অবিনয়ের স্থান নহে । এই অরণ্যে যাবতীয় জীবজন্তু স্থান-মাহাত্ম্যে হিংসা, ঘেয়, মদ, মাংসযা প্রভৃতি পরিত্যাগ করিয়া, পরস্পর সৌহৃদ্যে কালযাপন করে, কেহ কাহারও প্রতি অত্যাচার বা অনুচিত ব্যবহার করে না । এমন স্থানে কে দুর্ভক্ততা করিতেছে ? যাহা হউক, এ বিষয়ে অনুসন্ধান করিতে হইল ।

রাজা এইরূপ কৌতূহলাক্রান্ত হইয়া শব্দানুসারে কিঞ্চিৎ অগ্রসর হইয়া দেখিলেন, এক অতি অল্পবয়স্ক শিশু সিংহশিশুর কেশর আকর্ষণ করিয়া অত্যন্ত উৎপীড়ন করিতেছে এবং দুই তাপসী সমীপে দণ্ডায়মানা আছেন—দেখিয়া, চমৎকৃত হইলেন এবং মনে মনে কহিতে লাগিলেন, তপোবনের কি অনির্বাচনীয় মহিমা ! মানব-শিশু সিংহ-শিশুর উপর বল প্রকাশ করিতেছে, সিংহ-শিশু অবিকৃত-চিত্তে সেই অত্যাচার সহ করিতেছে ! অনন্তর কিঞ্চিৎ নিকটবর্তী হইয়া, সেই শিশুকে অবলোকন করিয়া, স্নেহরস-পরিপূর্ণ-চিত্তে কহিতে লাগিলেন, আপন পুত্রকে দেখিলে মন যেমন স্নেহরসে আর্দ্র হয়, এই শিশুকে দেখিয়া আমার মন সেইরূপ হইতেছে কেন ? অথবা আমি পুত্রহীন ; এজন্য এই

কশ্যপের আশ্রমে—বিদ্যাসাগর ।

সর্বাঙ্গসুন্দর শিশুকে দেখিয়া, আমার মনে এরূপ প্রগাঢ় স্নেহরসের আবির্ভাব হইতেছে ।

এদিকে, সেই শিশু সিংহশাবকের উপর অত্যন্ত উৎপীড়ন আরম্ভ করাতে, তাপসীরা কহিতে লাগিলেন, ‘বৎস ! এই সকল জন্তুকে আমরা আপন সন্তানের গায় স্নেহ করি ; তুমি কেন অকারণে উহাকে ক্লেশ দাও ? আমাদের কথা শুন, ক্ষান্ত হও, সিংহশিশুকে ছাড়িয়া দাও ; ও আপন জননীর নিকটে যাউক । আর যদি তুমি উহাকে ছাড়িয়া না দাও, সিংহী তোমাকে জব্দ করিবেক ।’ বালক শুনিয়া কিঞ্চিৎশ্রীও ভীত না হইয়া সিংহ-শাবকের উপর পূর্বাপেক্ষা অধিকতর উপদ্রব আরম্ভ করিল । তাপসীরা ভয়-প্রদর্শন দ্বারা তাহাকে ক্ষান্ত করা অসাধ্য বুঝিয়া, প্রলোভনার্থে কহিলেন, ‘বৎস ! তুমি সিংহ-শিশুকে ছাড়িয়া দাও, তোমাকে একটি ভাল খেলানা দিব ।’

রাজা এই কৌতুক দেখিতে দেখিতে ক্রমে ক্রমে অগ্রসর হইয়া তাহাদের অতি নিকটে উপস্থিত হইলেন ; কিন্তু সহসা তাহাদের সম্মুখে না আসিয়া, এক বৃক্ষের অন্তরালে থাকিয়া, সস্নেহনয়নে সেই শিশুকে অবলোকন করিতে লাগিলেন । এই সময়ে সেই বালক, ‘কি খেলানা দিবে—দাও,’— বলিয়া হস্ত প্রসারণ করিল । রাজা বালকের হস্তে দৃষ্টিপাত করিয়া, চমৎকৃত হইলেন এবং মনে মনে কহিতে লাগিলেন, ‘কি আশ্চর্য্য ! এই বালকের হস্তে চক্রবর্ত্তি-লক্ষণ লক্ষিত হইতেছে । তাপসীদিগের সঙ্গে কোন খেলানা ছিল না, সুতরাং তাহারা তৎক্ষণাৎ দিতে না পারাতে, বালক রুষ্ট হইয়া কহিল, ‘তোমরা খেলানা দিলে না, তবে আমি উহাকে ছাড়িব না ।’ তখন এক তাপসী অপরা তাপসীকে কহিলেন, ‘সখি ! ও কথায় ভুলিবার ছেলে নয় । কুটীরে মাটির ময়ূর আছে, শীঘ্র লইয়া আইস ।’ তাপসী মৃন্ময়ময়ূর আনয়নার্থ কুটীরে গমন করিলেন ।

প্রবন্ধ-চন্দ্রিকা ।

ময়ূর আনয়নে বিলম্ব দেখিয়া, কুপিত হইয়া বালক কহিল, ‘এখনও ময়ূর দিলে না ;’ তবে আমি ইহাকে ছাড়িব না’—এই বলিয়া সিংহ-শিশুকে অত্যন্ত বলপূর্বক আকর্ষণ করিতে লাগিল। তাপসী বিস্তর চেষ্টা পাইলেন ; কিন্তু তাহার হস্তগ্রহ হইতে সিংহশিশুকে ছাড়াইতে পারিলেন না। তখন বিরক্ত হইয়া কহিলেন, ‘এমন সময়ে এখানে কোন ঋষি-কুমার নাই, যে ছাড়াইয়া দেয়।’ এই বলিয়া, পার্শ্বে দৃষ্টি নিষ্ক্ষেপ করিবামাত্র, রাজাকে দেখিতে পাইয়া কহিলেন, ‘মহাশয় ! আপনি অনুগ্রহ করিয়া সিংহ-শিশুকে এই বালকের হস্ত হইতে মুক্ত করিয়া দেন।’ রাজা তৎক্ষণাৎ নিকটে আসিয়া, সেই বালককে ঋষি-পুত্র-বোধে সম্বোধন করিয়া কহিলেন, ‘ওহে ঋষি-কুমার ! তুমি কেন তপোবন-বিরুদ্ধ আচরণ করিতেছ ?’ তখন তাপসী কহিলেন, ‘মহাশয় ! আপনি জানেন না, এ ঋষি-কুমার নহে।’ রাজা কহিলেন, ‘বালকের আকার প্রকার দেখিয়াই বোধ হইতেছে,—ঋষি-কুমার নয়, কিন্তু এ স্থানে ঋষিকুমার ব্যতীত অন্ত্রবিধ বালকের সমাগম-সম্ভাবনা নাই, এই জন্ত আমি এরূপ বোধ করিয়াছিলাম।’

এই বলিয়া রাজা সেই বালকের হস্তগ্রহ হইতে সিংহশিশুকে মুক্ত করিয়া দিলেন এবং স্পর্শসুখ অনুভব করিয়া মনে মনে কহিতে লাগিলেন, “পরের পুত্রের গাত্র স্পর্শ করিয়া আমার এরূপ সুখানুভব হইতেছে ; যাহার পুত্র, সে ব্যক্তি ইহার গাত্র স্পর্শ করিয়া কি অনুপম সুখ অনুভব করে, তাহা বলা যায় না।”

বালক অত্যন্ত দুরন্ত হইয়াও রাজার নিকট অতিশয় শান্তস্বভাব হইল, ইহা দেখিয়া এবং উভয়ের আকার-গত সৌসাদৃশ্য অবলোকন করিয়া, তাপসী বিস্ময়াপন্ন হইলেন। রাজা সেই বালককে ক্ষত্রিয়-

কশ্যপের আশ্রমে—বিছাসাগর ।

সন্তান নিশ্চয় করিয়া, জিজ্ঞাসা করিলেন, 'এই বালক যদি ঋষি-কুমার না হয়, কোন্ ক্ষত্রিয়-বংশে জন্মিয়াছে, জানিতে ইচ্ছা করি ।' তাপসী কহিলেন, 'মহাশয় ! এ পুরুবংশীয় ।' রাজা শুনিয়া মনে মনে কহিতে লাগিলেন, আমি যে বংশে জন্মিয়াছি, ইহারও সেই বংশে জন্ম । পুরুবংশীয়দিগের এই রীতি বটে, তাঁহারা প্রথমতঃ অশেষ সাংসারিক সুখভোগে কালযাপন করিয়া পরিশেষে সস্ত্রীক হইয়া অরণ্য বাস আশ্রয় করেন ।'

অনন্তর তাপসীকে জিজ্ঞাসিলেন, 'এ দেবভূমি, মানুষের অবস্থিতর স্থান নহে । অতএব এই বালক কি সংযোগে এখানে আসিল ?' তাপসী কহিলেন, 'ইহার জননী অপ্সরাসম্বন্ধে এখানে আসিয়া এই সন্তান প্রসব করিয়াছে ।' রাজা শুনিয়া মনে মনে কহিতে লাগিলেন, পুরুবংশীয় ও অপ্সরা-সম্বন্ধ এই দুই কথা শুনিয়া, আমার হৃদয়ে পুনরায় আশার সঞ্চার হইতেছে । যাহা হউক, ইহার পিতার নাম জিজ্ঞাসা করি, তাহা হইলে, সন্দেহ ভঞ্জন হইবেক ।

এই বলিয়া তাপসীকে পুনর্বার জিজ্ঞাসিলেন, 'আপনি জানেন, এই বালক পুরুবংশীয় কোন্ রাজার পুত্র ?' তখন তাপসী কহিলেন, 'মহাশয়, কে সেই ধর্ম-পত্নী-পরিত্যাগী পাপাত্মার নাম-কীর্তন করিবেক ?' রাজা শুনিয়া মনে মনে কহিতে লাগিলেন, 'একথা আমাকেই লক্ষ্য করিতেছে । ভাল, ইহার জননীর নাম জিজ্ঞাসা করি, তাহা হইলেই এককালে সকল সন্দেহ দূর হইবেক । অথবা পরস্ত্রী-সংক্রান্ত কোন কথা জিজ্ঞাসা করা অবিধেয় । (আর, আমি যখন মোহান্ন হইয়া স্বহস্তে আশা-লতার মূলচ্ছেদন করিয়াছি, তখন সে আশা-লতাকে বৃথা পুনর্জীবিত করিবার চেষ্টা করিয়া, অবশেষে কেবল সমধিক ক্ষোভ পাইতে হইবেক । অতএব ও কথায় আর কাজ নাই ।')

প্রবন্ধ-চন্দ্রিকা ।

রাজা মনে মনে এই আন্দোলন করিতেছেন, এমন সময়ে অপরা তাপসী কুটীর হইতে মৃন্ময় ময়র আনয়ন করিলেন এবং কহিলেন, 'বৎস ! কেমন শকুন্ত-লাবণ্য দেখ ।' এই বাক্যে শকুন্তলা শব্দ শ্রবণ করিয়া, বালক কহিল, 'কৈ, আমার মা—কোথায় ?' তখন তাপসী কহিলেন, 'বৎস ! তোমার মা এখানে আইসেন নাই । আমি তোমাকে পক্ষীর লাবণ্য দেখিতে কহিয়াছি ।' এই বলিয়া রাজাকে কহিলেন, 'মহাশয় ! এই বালক জন্মাবধি জননী ভিন্ন আপনার আর কাহাকেও দেখে নাই, নিয়ত জননীর নিকটেই থাকে ; এই নিমিত্ত অত্যন্ত মাতৃ-বৎসল । শকুন্ত-লাবণ্য শব্দে জননীর নামধ্বনি শ্রবণ করিয়া, উহার জননীকে মনে পড়িয়াছে । উহার মাতার নাম শকুন্তলা ।'

সমুদয় শ্রবণ করিয়া, রাজা মনে মনে কহিতে লাগিলেন, ইহার জননীর নাম শকুন্তলা । কি আশ্চর্য্য ! উত্তরোত্তর সকল কথাই আমার বিষয়ে ঘটতেছে ! এই সকল কথা শুনিয়া, আমার আশাই বা না জন্মিবে কেন ? অথবা, আমি মৃগতৃষ্ণিকায় ভ্রাতৃ হইয়া নাম-সাদৃশ্য শ্রবণে মনে মনে বৃথা এত আলোচনা করিতেছি । একপ নাম-সাদৃশ্য শত শত ঘটতে পারে ।

শকুন্তলা অনেকক্ষণ অবধি পুত্রকে দেখেন নাই, এই নিমিত্ত সাতিশয় উৎকণ্ঠিতা হইয়া অন্তেষণ করিতে করিতে সহসা সেই স্থানে উপস্থিত হইলেন । রাজা বিরহ-ক্লশা মলিন-বেশা শকুন্তলাকে সহসা সেই স্থানে উপস্থিত দেখিয়া, বিষয়াপন্ন হইয়া এক দৃষ্টিতে তাঁহার দিকে চাহিয়া রহিলেন, নয়নযুগলে জলধারা বহিতে লাগিল, বাকশক্তি রহিত হইয়া দণ্ডায়মান রহিলেন ; একটিও কথা কহিতে পারিলেন না । শকুন্তলাও অকস্মাৎ রাজাকে দেখিয়া স্বপ্ন-দর্শনবৎ বোধ করিয়া স্থির-

কশ্যপের আশ্রমে — বিদ্যাসাগর ।

নয়নে তাঁহার দিকে চাহিয়া রহিলেন ; লোচন-যুগল বাষ্প-বারিতে পরিপূর্ণ হইয়া আসিল । বালক, শকুন্তলাকে দেখিবামাত্র মা মা করিয়া তাঁহার নিকটে উপস্থিত হইল এবং জিজ্ঞাসা করিল, ‘মা ! ও কে ? ওকে দেখিয়া তুই কাঁদিস্ কেন ?’ -তখন শকুন্তলা গদগদ-বচনে কহিলেন, ‘বাছা ! ও কথা আমাকে জিজ্ঞাসা কর কেন ? আপন অদৃষ্টকে জিজ্ঞাসা কর ।’

কিয়ৎক্ষণ পরে রাজা মনের আবেগ সংবরণ করিয়া শকুন্তলাকে কহিলেন, ‘প্রিয়ে ! আমি তোমার প্রতি যে অসদ্ব্যবহার করিয়াছি, তাহা বলিবার নয় । তৎকালে আমার মতিচ্ছন্ন ঘটিয়াছিল, তাহাতেই অবমাননা করিয়া বিদায় করিয়াছিলাম । কয়েক দিবস পরেই আমার সকল ঘটনা স্মরণ হইয়াছিল । তদবধি আমি কি অসুখে কালযাপন করিয়াছি, তাহা আমার অন্তরাআই জানেন । পুনর্বার তোমার দর্শন পাইব, আমার সে আশা ছিল না । আজি আমার কি সৌভাগ্যের দিন—বলিতে পারি না । এক্ষণে তুমি প্রত্যাখ্যান-দুঃখ পরিত্যাগ করিয়া আমার অপরাধ মার্জনা কর ।’

এই বলিয়া উন্মূলিত তরুর শাখায় ভূতলে পতিত হইলেন । তদর্শনে শকুন্তলা আশ্চর্য্যবশত রাজার হস্তে ধরিয়া কহিলেন, ‘আর্য্য পুত্র ! উঠ, উঠ । তোমার দোষ কি ? আমার অদৃষ্টের দোষ । এত দিনের পর দুঃখিনীকে যে স্মরণ করিয়াছ, তাহাতেই আমার সকল দুঃখ দূর হইয়াছে ।’ এই বলিতে বলিতে শকুন্তলার চক্ষু ধারা বহিতে লাগিল । রাজা গাত্রোখান করিয়া বাষ্প-পূর্ণ-নয়নে কহিতে লাগিলেন, ‘প্রিয়ে ! প্রত্যাখ্যান-কালে তোমার লোচনদ্বয় হইতে যে জলধারা বিগলিত হইয়াছিল, তাহা উপেক্ষা করিয়াছিলাম ; পরে সেই দুঃখে আমার হৃদয় বিদীর্ণ হইয়া গিয়াছিল । এক্ষণে তোমার চক্ষুর জলধারা

প্রবন্ধ-চন্দ্রিকা ।

মুছিয়া দিয়া সকল দুঃখ দূর করি' ; এই বলিয়া স্বহস্তে শকুন্তলার অশ্রু-মোচন করিয়া দিলেন । শকুন্তলার শোক-সাগর আরও উথলিয়া উঠিল ; দ্বিগুণ প্রবাহে নয়নে জলধারা বহিতে লাগিল ।

অনন্তর দুঃখাবেগ সংবরণ করিয়া, শকুন্তলা রাজাকে কহিলেন, 'আর্য্যপুত্র ! তুমি যে এই দুঃখিনীকে পুনর্বার স্বরণ করিবে, সে আশা ছিল না । অতএব কিরূপে আমি পুনরায় তোমার স্মৃতিপথে পতিত হইলাম, ভাবিয়া স্থির করিতে পারিতেছি না ।' তখন রাজা কহিলেন, 'প্রিয়ে ! তৎকালে তুমি আমাকে যে অঙ্গুরীয় দেখাইতে পার নাই, কয়েক দিবস পরে উহা আমার হস্তে পড়িলে, আত্মোপাস্ত সকল বৃত্তান্ত আমার স্মৃতিপথে উদয় হয় । এই সেই অঙ্গুরীয়, এই বলিয়া, স্বীয় অঙ্গুলিস্থিত সেই অঙ্গুরীয় দেখাইয়া, পুনর্বার শকুন্তলার অঙ্গুলিতে পরাইয়া দিবার চেষ্টা করিলেন । তখন শকুন্তলা কহিলেন, 'আর্য্য-পুত্র ! আর আমার ও অঙ্গুরীয়ে কাজ নাই । ওই আমার সর্বনাশ করিয়াছিল । ও তোমার অঙ্গুলিতেই থাকুক, আর আমার উহা ধারণ করিতে সাহস হয় না ।'

উভয়ের এইরূপ কথোপকথন হইতেছে, ইত্যবসরে মাতলি আসিয়া প্রফুল্ল-বদনে কহিলেন, 'মহারাজ ! এত দিনের পর আপনি যে ধর্ম্মপত্নীর সহিত সমাগত হইলেন, ইহাতে আমরা কি পর্য্যন্ত আনন্দিত হইয়াছি, বলিতে পারি না । ভগবান্ কশ্যপও শুনিয়া অতিশয় প্রীত হইয়াছেন । এক্ষণে গিয়া ভগবানের সহিত সাক্ষাৎ করুন ; তিনি আপনকার প্রতীক্ষা করিতেছেন ।' তখন রাজা শকুন্তলাকে কহিলেন, 'প্রিয়ে ! চল, আজি উভয়ে এক সমভিব্যাহারে ভগবানের চরণ-দর্শন করিব ।' শকুন্তলা কহিলেন, আর্য্যপুত্র ! ক্ষমা কর, আমি তোমার সঙ্গে গুরুজনের নিকটে যাইতে পারিব না ।' তখন রাজা কহিলেন, 'প্রিয়ে ! শুভসময়ে এক

কশ্যপের আশ্রমে—বিছাসাগর ।

সমভিব্যাহারে গুরুজনের নিকটে যাওয়া দৃষ্ট নহে । চল, বিলম্ব করিয়া কাজ নাই ।’

এই বলিয়া, রাজা শকুন্তলাকে সঙ্গে লইয়া, মাতলি সমভিব্যাহারে কশ্যপের নিকট উপস্থিত হইলেন ; দেখিলেন, ভগবান্ কশ্যপ অদিত্যের সহিত একাসনে বসিয়া আছেন । তখন সঙ্গীক সাষ্টাঙ্গ-প্রণিপাত করিয়া কৃতাজলি-পুটে সম্মুখে দণ্ডায়মান রহিলেন । কশ্যপ “বৎস ! চিরজীবী হইয়া অপ্রতিহত-প্রভাবে অথগু ভূমণ্ডলে একাধিপত্য কর” এই বলিয়া আশীর্বাদ করিলেন । অনন্তর শকুন্তলাকে কহিলেন, ‘বৎসে ! তোমার স্বামী ইন্দ্রসদৃশ, পুত্র জয়ন্তসদৃশ ! তোমাকে অণু আর কি আশীর্বাদ করিব ? তুমি শচীসদৃশী হও ।’ উভয়কে এই আশীর্বাদ করিয়া উপবেশন করিতে কহিলেন ।

সকলে উপবিষ্ট হইলে, রাজা কৃতাজলি হইয়া বিনয়-বচনে নিবেদন করিলেন, ‘ভগবন্ ! শকুন্তলা আপনার সগোত্র মহর্ষি কণ্ঠের পালিত-তনয়া । আমি মহর্ষির তপোবনে যুগয়া-প্রসঙ্গে উপস্থিত হইয়া, গান্ধর্বি-বিধানে ইহার পাণি-গ্রহণ করিয়াছিলাম । পরে ইনি যৎকালে রাজধানীতে উপস্থিত হন, তখন আমার এরূপ স্মৃতিভ্রংশ হইয়াছিল যে, ইহাকে চিনিতে পারি নাই । চিনিতে না পারিয়া প্রত্যাখ্যান করিয়াছিলাম । ইহাতে আমি মহাশয়ের ও মহর্ষি কণ্ঠের নিকট অত্যন্ত অপরাধী হইয়াছি । কৃপা করিয়া আমার সে অপরাধ মার্জনা করিতে হইবেক এবং যাহাতে মহর্ষি কণ্ঠ আমার উপর ক্রোধ না করেন, তাহারও উপায় করিতে হইবেক ।’

কশ্যপ শুনিয়া ঈষৎ হাস্য করিয়া কহিলেন, ‘বৎস ! সে জন্ম তুমি কুণ্ঠিত হইও না । এ বিষয়ে তোমার অণুমাত্র অপরাধ নাই । যে কারণে তোমার স্মৃতিভ্রংশ ঘটিয়াছিল, তুমি ও শকুন্তলা উভয়েই অবগত

প্রবন্ধ-চন্দ্রিকা ।

নহ । এই নিমিত্ত আমি তোমাদিগকে সেই স্মৃতি-ভ্রংশের প্রকৃত হেতু
কহিতেছি । শুনিলে, শকুন্তলার হৃদয় হইতে প্রত্যাখ্যান-নিবন্ধন সকল
ক্ষোভ দূর হইবেক ।’ এই বলিয়া শকুন্তলাকে কহিলেন, ‘বৎসে !
রাজা তপোবন হইতে প্রত্যাগমন করিলে পর, এক দিন তুমি পতি-চিন্তায়
মগ্না হইয়া কুটীরে উপবিষ্টা ছিলে । সেই সময়ে দুর্কাসা আসিয়া অতিথি
হন । তুমি এককালে বাহুজ্ঞান-শূন্য হইয়াছিলে ; স্মরণে তাঁহার
সংকার বা সংবন্ধনা করা হয় নাই । তিনি তাহাতে কুপিত হইয়া
তোমাকে এই শাপ দিয়া চলিয়া যান যে—‘তুমি যাহার চিন্তায় মগ্না
হইয়া অতিথির অবমাননা করিলে, সে তোমাকে স্মরণ করিবে না ।’

“তুমি এই অভিশাপ শুনিতে পাও নাই । তোমার সখীরা শুনিতে
পাইয়া, তাঁহার চরণে ধরিয়া অনেক অনুনয় বিনয় করিলেন । তখন
তিনি কহিলেন, ‘এ অভিশাপ অশুভ হইবার নহে । তবে যদি কোন
অভিজ্ঞান দর্শাইতে পারে, তাহা হইলে, স্মরণ করিবেক ।’ অনন্তর
রাজাকে কহিলেন, ‘বৎস ! দুর্কাসার শাপ-প্রভাবেই তোমার স্মৃতি-ভ্রংশ
হইয়াছিল, তাহাতেই তুমি উহাকে চিনিতে পার নাই । শকুন্তলার
সখীর অনুনয়-বাক্যে কিঞ্চিৎ শান্ত হইয়া, দুর্কাসা অভিজ্ঞান-দর্শনকে
শাপ-বিমোচনের উপায় নির্ধারণ করিয়া দিয়াছেন । সেই নিমিত্ত
অপুত্রীয়-দর্শন-মাত্র শকুন্তলার বৃত্তান্ত পুনর্বার তোমার স্মৃতিপথে আকৃষ্ট
হয় ।’

দুর্কাসার শাপ-বৃত্তান্ত শ্রবণ করিয়া অত্যন্ত হষিত হইয়া, রাজা
কহিলেন, ‘ভগবন্ ! এক্ষণে আমি সবলের নিকট সকল অপরাধ হইতে
মুক্ত হইলাম ।’ শকুন্তলাও শুনিয়া মনে মনে কহিতে লাগিলেন, এই
নিমিত্তই আমার এই দুর্দশা ঘটয়াছিল । নতুবা, আর্ষ্যপুত্র এমন
সরল-হৃদয় হইয়া, কেন আমাকে অকারণে পরিত্যাগ করিবেন ?

কশ্যপের আশ্রমে— বিद्यासागर ।

दुर्वासार शपई आमार सर्कनाशेर मूल । এই নিमित्त तपोवन हईते प्रस्थानकाले, सखीराओ यत्न-पूर्वक आर्य-पुत्रके अङ्गुरीय देखाईते कहियाछिलेन । आजि भाग्ये এই कथा सुनिलाम ; नतुवा यावज्जीवन आमार अन्तःकरणे, आर्य-पुत्र अकारणे परित्याग करियाछिलेन— बलिया फ्फोभ थाकित ।’

परे कश्यप राजाके समोधन करिया कहिलेन, ‘बंस ! तोमार এই पुत्र समागरा सदीपा पृथिवीर अद्वितीय अधिपति हईबेन एवं भुवनेर कर्ता हईया उत्तरकाले भरत नामे प्रसिद्ध हईबेन ।’ तখন राजा कहिलेन, ‘भगवन् ! आपनि यখন এই बालकेर संस्कार करियाछेन, तখন ईहाते कि ना संभव हईते पारे ?’ अदिति कहिलेन, ‘अबिलम्बे कथ ओ मेनकार निकट এই संवाद प्रेरण करा आवश्यक ।’ तदनुसारे कश्यप, दुई शिष्यके आह्वान करिया, कथ ओ मेनकार निकट संवाद-दानार्थे प्रेरण करिलेन एवं राजाके कहिलेन, ‘बंस ! बहु दिवस हईल, राजधानी हईते आसियाछ, अतएव कालबिलम्ब ना करिया देबरथे आरोहण-पूर्वक पत्नी-पुत्र-समभिव्याहारे प्रस्थान कर ।’ तখন राजा, ‘महाशयेर ये आज्ञा’ এই बलिया, प्रणाम ओ प्रदक्षिण करिया, सङ्गीक सपुत्र रथे आरोहण करिलेन एवं निज राजधानी-प्रत्यागमन-पूर्वक परमसुखे राज्यशासन ओ प्रजापालन करिते लागिलेन ।

(७ईश्वरचन्द्र विद्यासागर)

বিহঙ্গম-দেহ ।

জগদীশ্বর পক্ষিগণের শরীর-নির্মাণ-বিষয়ে যেরূপ কৌশল প্রকাশ করিয়াছেন, তাহার উপমা দিবার স্থল নাই । তাহাদের যে অঙ্গের বিষয় বিবেচনা করিয়া দেখা যায়, তাহাতেই তাহার নিরূপম নৈপুণ্য প্রতীয়মান হয় । তাহাদিগকে সতত বায়ু-সাগরে সন্তরণ করিতে হয়, এ নিমিত্ত পরমেশ্বর তাহাদিগের শরীর একখানি উৎকৃষ্ট তরল-স্বরূপ করিয়াছেন । তাহাদের পক্ষ দণ্ড-স্বরূপ, পুচ্ছ কর্ণ-স্বরূপ এবং বক্ষঃস্থল নৌকার পুরোভাগ-রূপ । শরীর ভারি হইলে, তাহারা আকাশপথে উড্ডীয়মান হইতে অসমর্থ হইবে, এই বিবেচনায়, তিনি তাহাদের অঙ্গ-সমুদায় অত্যন্ত লঘু পদার্থে প্রস্তুত করিয়াছেন এবং তাহাদিগকে অক্লেশে বায়ু ভেদ করিতে সমর্থ করিবার নিমিত্ত তাহাদের মস্তকের অগ্রভাগ অস্থূল ও চঞ্চুপুট সূতীক্ক করিয়া নির্মাণ করিয়াছেন ।

পক্ষিগণের চক্ষু অতি আশ্চর্য্য বস্তু । যে পক্ষী যেরূপ দ্রব্য আহার করে, জগদীশ্বর তাহার চক্ষু তদুপযোগী করিয়া দিয়াছেন । শোন, শকুনি প্রভৃতি যে সকল পক্ষী অন্ত প্রাণীর শরীর বিদীর্ণ করিয়া আহার করে, ও শুক-শারিকাদি যে সমস্ত পক্ষী শস্য ভঞ্জন ও ফলাদি খণ্ডন করিয়া ভক্ষণ করে, তাহাদের চক্ষু অত্যন্ত কঠিন করিয়া দিয়াছেন । কিন্তু হংস-রাজহংসাদি যে সমস্ত পক্ষী পক্ষের মধ্যে আহার অন্তেষণ করে, তাহাদের চক্ষু কোমল ও চেপ্টা এবং এ প্রকার কৌশল-সহকারে নিশ্চিত যে, তাহার মধ্য দিয়া জল নির্গত হয়, কিন্তু সার বস্তু পতিত হয় না । মাংসাশী পক্ষীদিগের চক্ষুর পার্শ্ব-দেশ তীক্ষ্ণ এবং অগ্রভাগ বড়িশবৎ বক্রাকার । তাহারা তদ্বারা নিহত পশুপক্ষ্যাদির শরীর

বিদারণ ও মাংসাদি উৎপাটন করিয়া ভক্ষণ করে । আবার বক প্রভৃতি যে সমস্ত পক্ষী জলজন্তু ধরিয়া আহার করে, তাহাদের চক্ষু কঠিন, তীক্ষ্ণ ও দীর্ঘাকার । কিন্তু তাহাদিগকে যেমন নিহত জীবের শরীর হইতে মাংস উৎপাটন করিয়া ভক্ষণ করিতে হয় না, তেমন তাহাদের চক্ষুও উল্লিখিত মাংস-ভোজী বিহঙ্গমদিগের চক্ষুর ন্যায় বক্রাকার নহে । কপোত চটকাদি গ্রাম্য পক্ষীদিগের চক্ষু ছোট, সূচল ও ঈষদ্বক্র ; তদ্বারা তাহারা শস্তাদি ভোজ্য বস্তু অক্লেশে তুলিয়া লইতে পারে । এইরূপ পুঙ্খানুপুঙ্খ বিবেচনা করিয়া দেখিলে, নিশ্চয় হয়, পক্ষীদিগের মধ্যে যে জাতি যেরূপ সামগ্রী ভক্ষণ করে, পরমেশ্বর তাহার তদুপযোগী চক্ষু নির্মাণ করিয়া, নিরূপম নৈপুণ্য প্রকাশ করিয়াছেন । কোন স্থলে এ নিয়মের কিছুমাত্র অগ্রথা দেখা যায় না ; যে স্থলে যেমন আবশ্যক, জগদীশ্বর সেই স্থানে সেইরূপ করিয়াছেন ।

তিনি যাবতীয় প্রাণীরই গ্রাসাচ্ছাদন নির্মাণ-বিষয়ে অদ্ভুত কৌশল প্রদর্শন করিয়াছেন ; কিন্তু পক্ষীদিগের শরীরের আচ্ছাদন যেমন পরিপাটী, এমন বৃষ্টি, আর কোন জন্তুরই নয় । ইহা যেমন লঘু, তেমনি মৃগ, আবার তদনুরূপ শীত-নিবারক ও উষ্ণতা-সাধক । উহার বর্ণ ও শোভাই বা কেমন ! পর্য্যটকেরা অকস্মাৎ এক এক বন-বিহারী বিহঙ্গমের অসামান্য সৌন্দর্য্য অবলোকন করিয়া, মোহিত হইয়া যান ।

এক একটি পালক এক এক অত্যাশ্চর্য্য অসামান্য শিল্পকার্য্য । উহার পূর্বভাগ অর্থাৎ পুচ্ছদেশ যেরূপ লঘু, তদনুরূপ দৃঢ় । লঘুতা ও দৃঢ়তা এই উভয় গুণের একরূপ একত্র সমাবেশ আর কোন বস্তুতে দৃষ্ট হয় না । ঐ পূর্বভাগের ন্যায় অপর ভাগও অতি আশ্চর্য্য । তাহা যে পদার্থে প্রস্তুত, ভূ-মণ্ডলের অণু কোন প্রাণীতে ও কোন বস্তুতে তাহা বিচ্যমান

প্রবন্ধ-চন্দ্রিকা ।

নাই । উহা লঘু, দৃঢ় ও দুর্ভেদ্য, কোমল ও নমনীয় ; অতএব ইচ্ছানুসারে সকল দিকে নত ও চালিত করা যায় ; এবং স্থিতি-স্থাপক, অর্থাৎ উহাকে কোন দিকে নত অথবা চালিত করিয়া যদি ছাড়িয়া দেওয়া যায়, তাহা হইলে, পূর্বে যে ভাবে ছিল, তৎক্ষণাৎ সেই ভাবে অবস্থিতি করে । পালকগুলি লঘু না হইলে, পক্ষিগণ উড়িতে সমর্থ হইবে না, এই বিবেচনায় পরমেশ্বর উহাদিগকে লঘু করিয়াছেন । উহারা দৃঢ় না হইলে, বায়ুপ্রবাহ দ্বারা ভগ্ন হইয়া যাইবে, এই কারণে উহাদিগকে দৃঢ় ও দুর্ভেদ্য করিয়াছেন । উহাদিগকে পরিষ্কৃত করিবার নিমিত্ত সকল দিকে চালনা করা আবশ্যিক ; এই বিবেচনায়, উহাদিগকে কোমল, শিথিল, নমনীয় ও স্থিতি-স্থাপক করিয়াছেন । বিশ্বপতি বিহঙ্গমজাতির শরীরের লঘুতা ও দৃঢ়তা একত্র সংসাধনার্থ কতই যত্ন প্রকাশ করিয়াছেন । জগতের যে বস্তুর বিষয় উক্তরূপ বিবেচনা করা যায়, তাহাতেই তাঁহার অদ্ভুত কৌশল ও প্রগাঢ় যত্নের লক্ষণ প্রতীয়মান হয় । অপরিচ্ছিন্ন অসীম বিশ্বের কণামাত্রও তাঁহার অযত্নের বিষয় নয় ।

(অক্ষয় কুমার দত্ত)

স্বপ্ন-দর্শন—ন্যায়-বিষয়ক ।

আমি বৃন্দাবন, কুরুক্ষেত্র, হরিদ্বার, কনখল প্রভৃতি পশ্চিমোত্তর-প্রদেশীয় বহুতর স্থান পর্য্যটন করিয়া, শীত-ঋতুর উপক্রমেই বিষ্ণ্যাচলে আসিয়া উপস্থিত হইয়াছি । এ প্রদেশে শীতের অত্যন্ত প্রাচুর্য্য । প্রাতঃকালে চতুর্দিক্ মেঘাবৃতবৎ ঘনতর কুঞ্জটিকাতে আচ্ছন্ন থাকে ; অতি শীতল পশ্চিম বায়ু প্রবাহিত হইয়া, কলেবর কম্পমান করে ও

স্বপ্নদর্শন—শ্রায়বিষয়ক—অক্ষয়কুমার !

বৃক্ষপত্রের শিশির-বিন্দু-সমুদায় ঝরঝর শব্দে পতিত হইয়া, তলস্থ ভূমিকে অল্প অল্প আর্দ্র করিতে থাকে । সূর্য্য-বিষয় সংর্ষদাই ম্লানমূর্তি ; গগন-মণ্ডলে বহু দূর উখিত হইলেও নীহার-প্রভাবে চন্দ্র-বিশ্বের শ্রায় অতি মৃদুভাবে প্রকাশ পায় এবং মধ্যাহ্নকালেও তৃতীয় কিরণ-জাল পংরম সূখ-সেব্য বলিয়া অনুভূত হয় । সায়ংকালে ও রজনীতে গৃহের বহিভূত হওয়া, অত্যন্ত দুষ্কর ; তৎকালে দ্বাররোধ করিয়া অগ্নিসেবন করাই পরম প্রীতিকর বোধ হয় । গত দিবস যামিনী-যোগে যোগমায়া মন্দিরের সমীপবর্ত্তী গৃহে কতকগুলি উদাসীনের সাহিত একত্র উপবেশন-পূর্ব্বক অগ্নি সেবন ও পরস্পর কথোপকথনে মহাসুখে কালযাপন করিতেছিলাম । আমার বামপার্শ্বে এক বিগর্ষ-যুক্ত মৃদু-ভাষী তরুণ-বয়স্ক সন্ন্যাসী উপবিষ্ট ছিলেন ; কথা-প্রসঙ্গে তাঁহার পরিচয় জিজ্ঞাসিয়া অবগত হইলাম, তিনি বাঙ্গালাদেশীঃ এক ব্রাহ্মণের পুত্র । তাঁহার পিতার পরলোক-যাত্রার পরে তাঁহার পিতৃব্য-পুলেরা প্রতারণা করিয়া, তাঁহাকে পৈতৃক বিষয়ে বঞ্চিত করিয়াছে । তিনি অতি নির্ব্বিরোধ মনুষ্য ; বিবাদ-বিসংবাদে কোন ক্রমে প্রবৃত্ত হইতে চাহেন না ; তথাপি আত্মীয় স্বজনের পরামর্শক্রমে রাজ-দ্বারেও ইহার প্রতীকার-চেষ্টা করিয়াছিলেন ; কিন্তু প্রতিপক্ষের সহায়-সম্পত্তি-বল অধিক ছিল, একারণ কৃতকার্য্য হইতে পারেন নাই ; অবশেষে মনোদুঃখে সংসারে বিরক্ত হইয়া, সন্ন্যাসাশ্রম গ্রহণ করিয়াছিলেন ।

তাঁহার বাক্যাবসান না হইতেই আমার সম্মুখবর্ত্তী আর এক সুশীল শাস্ত্র-স্বভাব ধর্ম্মপরায়ণ উদাসীন, “হা নারায়ণ !” বলিয়া দীর্ঘনিশ্বাস-পরিত্যাগ-পূর্ব্বক কহিলেন,—“ভাই ! তোমার দারুণ দুঃখের কথা শুনিয়া আমি মহা-খেদান্বিত হইলাম , এক্ষণে আমার দুর্দ্দশার বিষয় কিছু শ্রবণ কর । আমি কোন রাজ-সংক্রান্ত সম্রাস্ত পদে নিযুক্ত ছিলাম এবং নির্ব্বিল্পে কর্ম্ম নির্ব্বাহ করিয়া, যশোভাজন হইয়াছিলাম ; ইতিমধ্যে আমার উপরিতন

প্রবন্ধ-চন্দ্রিকা ।

অধ্যক্ষের মৃত্যু ঘটনা হইলে, অণ্ড এক ব্যক্তি তৎপদে অভিষিক্ত হইলেন । প্রথমাবধি তাঁহার আচরণ দেখিয়া বোধ হইল, অণ্ডায়রূপে স্বার্থ-সাধনের সঙ্কল্প করিয়াই তিনি এক্ষণ গ্রহণ করিয়াছেন । আমাকে তাঁহার অনুগামী করিবার নিমিত্ত বিস্তর কৌশল করিলেন ; কিন্তু কোন ক্রমেই মানসপূর্ণ করিতে না পারিয়া, অবশেষে আমাকে পদ-চ্যুত করিবার নিমিত্ত চেষ্টা করিতে লাগিলেন এবং ক্রমাগত তিন বৎসর শঠতা, মিথ্যাকথন ও নানা প্রকার প্রতারণার অনুষ্ঠান দ্বারা চরিতার্থ হইয়া, আপনার কোন প্রিয়-পাত্রকে আমার পদে নিযুক্ত করিলেন । প্রধান প্রধান রাজপুরুষেরা অনেকেই তাঁহার দুষ্ট ব্যবহার ও আমার নির্দোষ চরিত্র জ্ঞাত ছিলেন , কিন্তু তাঁহারা কেহই মনোযোগ করিলেন না । এ সকল বিষয়ের যেরূপ চরম ফলাফল দেখিয়া আসিতেছি, তাহাতে আমার নিশ্চয় বোধ হইল, ইহার প্রতীকার করা এক প্রকার অসাধ্য । অতএব নির্ভীক অমুপায় ভাবিয়া সংসারাত্মকে ধিক্কার দিয়া, এই পথের পথিক হইয়াছি ।”

এই সমুদায় শোচনীয় ব্যাপার শ্রবণ করিয়া, আমি বিষাদ-সমুদ্রে মগ্ন হইলাম এবং দয়া, ক্ষোভ ও ক্রোধ পর্যায়ক্রমে আমার অন্তঃকরণকে ব্যাকুলিত করিতে লাগিল । সাংসারিক লোকের এই সকল অণ্ডায়াচরণ ভাবিতে ভাবিতে, সে রজনীতে আমার সুন্দররূপ নিদ্রা হইল না ; কারণ চিন্তাকুল-চিত্তে সূচারু সুষুপ্তি-সমাগম সম্ভব নয় । পরে রাত্রিশেষে কিঞ্চিৎ নিদ্রাকর্ষণ হইতেই আমি কি অপূর্ব ব্যাপারসকলই দর্শন করিলাম ! সে সমুদায় আমার একরূপ হৃদয়ঙ্গম হইয়া রহিয়াছে যে, স্বপ্ন কি বাস্তবিক, সহসা অনুভব করা যায় না । আমি জন-সমাজের যে প্রকার বিপর্যয় দেখিয়াছি, তাহা সবিশেষ বর্ণনা করা দুঃসাধ্য । তবে তাহার স্কল তাৎপর্য ও স্বদেশ সম্বন্ধীয় যৎকিঞ্চিৎ যাহা দৃষ্টি করিয়াছি, তাহাই যথার্থবৎ বর্ণন করি । কিন্তু স্বপ্নের সর্বাংশে সম্পূর্ণ সামঞ্জস্য না থাকিলেও না থাকিতে পারে ।

আমার বোধ হইল যে, কোন তিমিরাবৃত রজনীতে ভ্রমণ করিতে করিতে, অকস্মাৎ আকাশ-মণ্ডলের পশ্চিমাংশ দাব-দাহ-তুল্য অসামান্য জ্যোতিঃপূর্ণ দেখিয়া, সাতিশয় বিস্ময়াপন্ন হইলাম। সেই আশ্চর্য্য তেজোরশি দ্রুতবেগে অধোদিকে আগমন করিতে লাগিল। অনুভব হইল, যেন সূর্য্যমণ্ডল কোন অনির্দেশ্য অনির্ক্বচনীয় কারণবশতঃ স্থান-ভ্রষ্ট হইয়া, পতিত হইতেছে। কিঞ্চিৎ সমীপস্থ হইলে, তাহার অভ্যন্তরে এক পুরুষছায়া প্রত্যক্ষবৎ আভাসমান হইল। তাহার কিছুকাল পরে, স্পষ্ট দেখিলাম—শুভ্রকান্তি, শুভ্রমালাদি বিশিষ্ট, শুভ্রালঙ্কার-ভূষিত কোন তেজঃপুঞ্জ পুরুষ এক মণিময় দণ্ডহস্তে * পৃথিবীতে অবতরণ করিতেছেন। সেই দণ্ডের শিরোভাগে 'শ্রায়' এই অক্ষরদ্বয় অঙ্কিত ছিল এবং দিবসে যেমন বিদ্যুৎ প্রকাশ পায়, সেই তেজোমণ্ডল-মধ্যে শ্রায়-দণ্ডের ঐরাপ সেইরূপ প্রকাশ পাইতে লাগিল।) ফলতঃ সেই পুরুষের সমস্ত লক্ষণ দৃষ্টি করিয়া, আমার নিশ্চয় প্রতীতি হইল, ইনি ধর্ম্ম-পুরুষ ; শ্রায়দণ্ড হস্তে করিয়া ভুলোক শাসনার্থ আগমন করিতেছেন। অনেকেই তাঁহার প্রথর প্রভা সহ্য করিতে না পারিয়া, ভীত-চিত্ত হইল, আর যিনি সহিষ্ণুতা-প্রভাবে তাঁহাকে সুন্দর-রূপে নিরীক্ষণ করিতে পারিলেন, তাঁহার নিকটে তিনি পরম রমণীয়রূপে প্রকাশিত হইলেন। এক কালেই তিনি ভয়ঙ্কর ক্র-ভঙ্গি দ্বারা কাহাকেও ভয়ে কম্পমান করিলেন, কাহাকেও বা প্রসন্ন বদনে সুমধুর-হাস্য-প্রকাশ দ্বারা পরমানন্দ-নীরে নিমগ্ন করিতে লাগিলেন। যখন তিনি ভূ-মণ্ডলের সমীপবর্তী হইয়া, মনুষ্যের দৃষ্টিপথের অন্তর্গত হইলেন, তখন চতুর্দিকে কতকগুলি মেঘাবলি বিস্তার দ্বারা অপার মহামহিমাবিত জ্যোতিঃপূর্ণ মূর্ত্তি আবৃত করিয়া, তৎপরিবেশ-স্বরূপ আলোক-ঘটা নানাবর্ণ-ভূষিত ও সর্বলোকের সুখ-দৃশ্য করিয়া,

* পুরাণে ধর্ম্মের এইরূপ মূর্ত্তি বর্ণিত আছে

প্রবন্ধ-চন্দ্রিকা ।

বিকীর্ণ করিলেন । ইতিমধ্যে যাবতীয় লোক বিশ্বয়াপন্ন ও শঙ্কাকুল হইয়া, এক বিস্তীর্ণ প্রান্তরে সমাগত হইল । বোধ হইল, যেন সমুদায় মনুষ্য একত্র উপস্থিত হইয়াছে । অকস্মাৎ “সত্যের জয় !” “সত্যের জয় !” বলিয়া ঘন ঘন আকাশ-বাণী হইতে লাগিল । পরে সেই মহামহিমাম্বিত পুরুষ মেঘাভ্যন্তর হইতে কহিতে লাগিলেন,—“মানবগণ ! রাজ্যের অবিচার নিবারণার্থে আমার আগমন হইয়াছে ; তোমরা আপন আপন প্রাপ্য-বিষয় প্রাপ্ত্যর্থ প্রস্তুত হও ।” এই আকস্মিক দৈবধ্বনি শ্রবণ করিয়া জনসমাজ ভয়, আশা, হর্ষ ও খেদে যে প্রকার বিচলিত হইল, তাহা বর্ণন করা যায় না ।

তদনন্তর ধর্ম অনুমতি করিলেন,—“প্রথমতঃ বিষয়াধিকারের বিষয় সমাধা করিতে প্রবৃত্ত হইলাম । যে ধনে যাহার স্বত্ব আছে, তিনি তাহা এই দণ্ডেই প্রাপ্ত হইবেন । অতএব যাহার যত লেখ্যপত্র আছে, সমস্ত উপস্থিত কর ।” ইহা শুনিয়া, যাবতীয় লোক স্ব স্ব স্বত্বাধিকার সপ্রমাণ করিবার নিমিত্ত বিবিধ-প্রকার লেখ্যপত্র আহরণ করিলেন । কি আশ্চর্য্য তাহাদের উপর ঞ্চায়দণ্ডের জ্যোতিঃ পতিত হইবামাত্র, তাহাদের যথার্থ তত্ত্ব প্রকাশিত হইল । সেই দণ্ডের এ প্রকার আশ্চর্য্য গুণ যে, তদীয় কিরণ-স্পর্শমাত্র যাবতীয় কৃত্রিম পত্র দগ্ধ হইয়া গেল । দহমান পত্রের প্রজ্জ্বলিত অগ্নি, সমুদায় লাক্ষাদ্রব ও অনর্গল ধূমোদগমদ্বারা সে স্থান অতি ভয়ানক ও পরম বিষ্ময়কর হইয়া উঠিল । কোন কোন পত্রের ছুই চারি পঙ্ক্তি ও কোন কোন পত্রের কেবল কতিপয় প্রক্ষিপ্ত অক্ষর নষ্ট হইয়া, তাহার অগ্নি নির্বাণ হইয়া গেল । কিন্তু শত শত মুদ্রার ষ্ট্যাম্পপত্র সকল দাবানল-দগ্ধ মহারণ্যের ঞ্চায় ভস্মীভূত হইয়া, পর্কতাকার হইল । সেই লক্ষ লক্ষ মণিময় দণ্ডের জ্যোতিঃ কত কত পরম গুহস্থানে প্রবিষ্ট হইয়া, অলক্ষিত, অপহৃত ও সংগোপিত লেখ্য-পত্র প্রকাশ করিয়া ফেলিল ।

ইতিমধ্যে আর এক অদ্ভুত ব্যাপার দর্শন করিলাম। প্রধান প্রধান বিচারাগারের সহস্র সহস্র অনুজ্ঞা-পত্র দক্ষ হইল, ইন্সালবেণ্ট কোর্টের প্রায় সমস্ত নিষ্কৃতি পত্র ভস্মীভূত হইয়া গেল ও যে সকল সম্ভ্রমশালী ভাগ্যবান ব্যক্তি তাহার আশ্রয় গ্রহণ করিয়া, নিস্মৃক্ত পুরুষের ঞায় বিহার ও ব্যবহার করিতেছিলেন, তাঁহারা তৎক্ষণাৎ বন্দী হইয়া, দণ্ডায়মান হইলেন। ইতিমধ্যে উৎকোচ, অপহরণ, প্রতারণা ও বলপ্রয়োগ দ্বারা যাবতীয় ধন উপার্জিত হইয়াছিল, তৎসমুদায় পর্কত-প্রমাণ রাশীকৃত হইয়া, মেঘমণ্ডল স্পর্শ করিল। তখন ধর্মপুরুষ ঘোষণা করিয়া দিলেন,— “এই ধনরাশি, হইতে যাহার যত ঞায়্য ধন আছে, গ্রহণ কর।”

উহাতে লোক-সমাজের কি বিষম বিপর্যয় ঘটয়া উঠিল! সহস্র সহস্র ব্যক্তি অপূর্ব বেশভূষণ ধারণপূর্বক পরম-রমণীয় রথারোহণ করিয়া, মহাবেগে গমন করিতেছিলেন, তৎক্ষণাৎ অবতরণ পুরঃসর গাত্র হইতে সমস্ত বস্ত্রাভরণ উন্মোচন করিয়া, এক সামান্য বসন পরিধান-পূর্বক পদব্রজে চলিলেন। কোন স্থানে দেখিলাম, লক্ষপতি বা কোটিপতি ধনাঢ্য ব্যক্তি পরম শোভাকর অট্টালিকায় বহুমূল্য অত্যাশ্রম আসনে উপবিষ্ট হইয়া, বন্ধুবান্ধবদিগের সহিত আমোদ-প্রমোদে পরমস্বখে কাল-হরণ করিতেছিলেন, ইতিমধ্যে একজন সামান্য গৃহস্থ অকস্মাৎ উপস্থিত হইয়া, তাঁহাকে আসনচ্যুত করিয়া দিল এবং তিনি তৎক্ষণাৎ তথা হইতে নির্গত হইয়া, অতি পুৰাতন বৃক্ষ-মূল-বিদ্ধ ভগ্ন গৃহে গিয়া বাস করিলেন। কুত্রচ দৃষ্টি করিলাম, যে সকল ধনাসক্ত মহামান্য মনুষ্য সমধিক ধনাগম করিয়া, অতি উদার-ভাবে ব্যয়-ব্যসন করিয়া আসিতে-ছিলেন ও অতিশয় আড়ম্বর-সহকারে নিত্য-নৈমিত্তিক ক্রিয়াকলাপ সম্পন্ন করিয়া, বিপুল কীর্তি-লাভ করিতেছিলেন, সহসা তাঁহাদের সামান্যরূপ উদরান্ন আহরণ করাও কঠিন হইল এবং কতকগুলি নিরন্ন-

প্রবন্ধ-চন্দ্রিকা ।

নির্বিষয় ব্যক্তি আসিয়া, তাঁহাদের সমুদায় সম্পত্তি বিভাগ করিয়া লইল । তদ্বিন্ন ধনাধিকার-বিষয়ে যে সকল অল্প অল্প পরিবর্তন হইল, তাহার বিবরণ করিয়া শেষ করা যায় না । জাগরিত হইয়া যাহা দেখিতেছি, তখন তাহার বিস্তর অন্তথাভাব দৃষ্টি করিয়াছিলাম ।

(অক্ষয়কুমার দত্ত)

দেবমন্দির ।

১৯৭ বঙ্গাব্দের নিদাঘশেষে একদিন এক জন অশ্বারোহী পুরুষ বিষ্ণুপুর হইতে মান্দারণের পথে একাকী গমন করিতেছিলেন । দিনমণি অস্তাচল গমনোদ্যোগী দেখিয়া অশ্বারোহী দ্রুতবেগে অশ্ব সঞ্চালন করিতে লাগিলেন । কেন না, সম্মুখে প্রকাণ্ড প্রান্তর ; কি জানি, যদি কালধর্ম্মে প্রদোষকালে প্রবল ঝটিকাবৃষ্টি আরম্ভ হয়, তবে সেই প্রান্তরে নিরাশ্রয়ে যৎপরোনাস্তি পীড়িত হইতে হইবে । প্রান্তর পার হইতে না হইতেই সূর্যাস্ত হইল ; ক্রমে নৈশ গগন নীলনীরদমালায় আবৃত হইতে লাগিল । নিশারন্তেই এমত ঘোরতর অন্ধকার দিগন্ত-সংস্থিত হইল যে, অশ্বচালনা অতি কঠিন বোধ হইতে লাগিল । পান্থ কেবল বিদ্যুদীপ্তিপ্রদর্শিত পথে কোন মতে চলিতে লাগিলেন ।

অল্পকাল মধ্যে মহারবে নৈদাঘ ঝটিকা প্রধাবিত হইল এবং সঙ্গে সঙ্গে প্রবল বৃষ্টিধারা পড়িতে লাগিল । ঘোটকারূঢ় ব্যক্তি গন্তব্যপথের আর কিছুমাত্র স্থিরতা পাইলেন না । অশ্ব-বল্গা শ্লথ করাতে অশ্ব যথেষ্ট গমন করিতে লাগিল । এইরূপে কিয়দূর গমন করিয়া

ঘোটকচরণে কোন কঠিন দ্রব্যসংঘাতে ঘোটকের পদাঙ্কলন হইল । ঐ সময় একবার বিদ্যুৎপ্রকাশ হওয়াতে পথিক সম্মুখে প্রকাণ্ড ধবলাকার কোন পদার্থ চকিতমাত্র দেখিতে পাইলেন । ঐ ধবলাকার স্তূপ অট্টালিকা হইবে, এই বিবেচনায় অশ্বারোহী লাফ দিয়া ভূতলে অবতরণ করিলেন । অবতরণমাত্র জানিতে পারিলেন যে, প্রস্তুত-নির্মিত সোপানা-
 " বলীর সংশ্রবে ঘোটকের চরণ স্থলিত হইয়াছিল ; অতএব নিকটে কোন আশ্রয়স্থান আছে জানিয়া, অশ্বকে ছাড়িয়া দিলেন । নিজে অন্ধকারে সাবধানে সোপানমার্গে পদক্ষেপ করিতে লাগিলেন । অচিরাৎ তাড়িতা-
 লোকে জানিতে পারিলেন যে, সম্মুখস্থ অট্টালিকা এক দেবমন্দির । কৌশলে মন্দিরের ক্ষুদ্র দ্বারে উপস্থিত হইয়া দেখিলেন যে দ্বার রুদ্ধ ; হস্ত মার্জনে জানিলেন, দ্বার বহির্দিক হইতে রুদ্ধ হয় নাই । এই জনহীন ঐশ্বরস্থিত মন্দিরে এমত সময়ে কে ভিতর হইতে অর্গল আবদ্ধ করিল, এই চিন্তায় পথিক কথঞ্চিৎ বিস্মিত ও কৌতূহলাবিষ্ট হইলেন । মস্তকোপরি প্রবল-বেগে ধারাপাত হইতেছিল, স্মৃতবাৎ যে কোন ব্যক্তি দেবালয়-মধ্যবাসী হউক, পথিক দ্বারে ভূয়োভূয়ঃ বল-দর্পিত করাঘাত করিতে লাগিলেন, কেহই দ্বারোন্মোচন করিতে আসিল না । ইচ্ছা, পদাঘাতে কবাট মুক্ত করেন, কিন্তু দেবালয়ের পাছে অমর্যাদা হয়, এই আশঙ্কায় পথিক ততদূর করিলেন না ; তথাপি তিনি কবাটে যে দারুণ করপ্রহার করিতেছিলেন, কাষ্ঠের কবাট তাহা অধিকক্ষণ সহিতে পারিল না, অল্পকালেই অর্গলচ্যুত হইল । দ্বার খুলিয়া যাউবামাত্র যুবা যেমন মন্দিরাভ্যন্তরে প্রবেশ করিলেন, অমনি মন্দির মধ্যে অক্ষুট চীৎকারধ্বনি তাঁহার কর্ণে প্রবেশ করিল ও তনুহর্ভে মুক্তদ্বারপথে ঝটিকাবেগ প্রবাহিত হওয়াতে তথায় যে ক্ষীণ প্রদীপ জ্বলিতেছিল, তাহা নিবিয়া গেল । মন্দিরমধ্যে

প্রবন্ধ-চন্দ্রিকা ।

মনুষ্যই বা কে আছে, দেবই বা কি মূর্তি, প্রবিষ্ট ব্যক্তি তাহার কিছুই দেখিতে পাইলেন না। আপনার অবস্থা এইরূপ দেখিয়া নির্ভীক যুবাপুরুষ কেবল ঈষৎ হাস্য করিয়া প্রথমতঃ ভক্তিভাবে মন্দিরমধ্যস্থ অদৃশ্য দেব-মূর্তিকে উদ্দেশে প্রণাম করিলেন। পরে গাত্রোত্থান করিয়া অন্ধকারমধ্যে ডাকিয়া কহিলেন, “মন্দিরমধ্যে কে আছে?” কেহই প্রশ্নের উত্তর করিল না, কিন্তু অলঙ্কার-ঝঙ্কারশব্দ কর্ণে প্রবেশ করিল। পথিক তখন বৃথা বাক্যব্যয় নিস্প্রয়োজন বিবেচনা করিয়া, বৃষ্টিধারা ও ঝটিকাপ্রবেশরোধার্থ দ্বার যোজিত করিলেন এবং ভগ্নার্গলের পরিবর্তে আত্মশরীর দ্বারে নিবিষ্ট করিয়া পুনর্বার কহিলেন, “যে কেহ মন্দিরমধ্যে থাক, শ্রবণ কর; এই আমি সশস্ত্র দ্বারদেশে বসিলাম, আমার বিশ্বাসের বিঘ্ন করিও না। বিঘ্ন করিলে যদি পুরুষ হও, তবে ফলভোগ করিবে; স্ত্রী যদি স্ত্রীলোক হও, তবে নিশ্চিন্ত হইয়া নিদ্রা যাও, রাজপুত্র-হস্তে অসিচর্ম থাকিতে তোমাদিগের পদে কুশাক্ষরও বিঁধিবে না।”

“আপনি কে?” বামাস্বরে মন্দিরমধ্য হইতে এই প্রশ্ন হইল। শুনিয়া সাবস্ময়ে পথিক উত্তর করিলেন, “স্বরে বুঝিতেছি, এ প্রশ্ন কোনও সুন্দরী করিলেন। আমার পরিচয়ে আপনার কি হইবে?”

মন্দিরমধ্য হইতে উত্তর হইল, “আমরা বড় ভীত হইয়াছি।”

যুবক তখন কহিলেন, “আমি যে হই, আমাদিগের আত্মপরিচয় দিবার রীতি নাই। কিন্তু আমি উপস্থিত থাকিতে অবলা জাতির কোন প্রকার বিঘ্নের আশঙ্কা নাই।”

রমণী উত্তর করিল, “আপনার কথা শুনিয়া আমার সাহস হইল, এতক্ষণ আমরা ভয়ে মৃতপ্রায় ছিলাম। এখনও আমার সহচরী অন্ধ মূর্চ্ছিতা রহিয়াছেন। আমরা সায়াকালে এই শৈলেশ্বর শিবপূজার

জন্ম আসিয়াছিল। পরে ঝড় আসিলে, আমাদের বাহক ও দাস-দাসীগণ আমাদেরকে ফেলিয়া কোথায় গিয়াছে, বলিতে পারি না।”

যুবক কহিলেন, “চিন্তা করিবেন না, আপনারা বিশ্রাম করুন, কাল প্রাতে আমি আপনাদিগকে গৃহে রাখিয়া আসিব।”

রমণী কহিল, “শৈলেশ্বর আপনার মঙ্গল করুন।”

অর্দ্ধবাত্রের ঝটিকা-বৃষ্টি নিবারিত হইলে যুবক কহিলেন, “আপনারা এইখানে কিছুকাল কোনরূপে সাহসে ভর করিয়া থাকুন। আমি একটা প্রদীপ সংগ্রহের জন্ম নিকটবর্তী গ্রামে যাই।”

এই কথা শুনিয়া, যিনি কথা কহিতেছিলেন, তিনি কহিলেন, “মহাশয়, গ্রাম পর্যন্ত যাইতে হইবে না। এই মন্দিরের রক্ষক একজন ভৃত্য অতি নিকটেই বসতি করে; জ্যোৎস্না প্রকাশ হইয়াছে, মন্দিরের বাহির হইতে তাহার কুটার দেখিতে পাইবেন। সে ব্যক্তি একাকী প্রান্তরমধ্যে বাস করিয়া থাকে, এজন্য সে গৃহে সর্বদা অগ্নি জ্বালিবার সামগ্রী রাখে।”

যুবক এই কথা অনুসারে মন্দিরের বাহিরে আসিয়া জ্যোৎস্নার আলোকে দেবালয় রক্ষকের গৃহ দেখিতে পাইলেন। গৃহদ্বারে গমন করিয়া তাহার নিঃশব্দ করিলেন। মন্দির-রক্ষক ভয়প্রযুক্ত দ্বারোদঘাটন না করিয়া প্রথমে অন্তরাল হইতে কে আসিয়াছে, দেখিতে লাগিল। বিশেষ পর্যবেক্ষণে পথিকের কোন দস্যুলক্ষণ দৃষ্ট হইল না; বিশেষতঃ তৎস্বীকৃত স্বর্ণমুদ্রার লোভ সংবরণ করা তাহার পক্ষে কষ্টসাধ্য হইয়া উঠিল। সাত পাঁচ ভাবিয়া মন্দিররক্ষক দ্বার খুলিয়া প্রদীপ জ্বালিয়া দিল।

পান্চ প্রদীপ আনিয়া দেখিলেন, মন্দিরমধ্যে শ্বেত-প্রস্তর-নির্মিত শিবমূর্তি স্থাপিত আছে। সেই মূর্তির পশ্চাদ্ভাগে দুইজন মাত্র কার্মিনী। যিনি নবীনা, তিনি দীপ দেখিবামাত্র সাবগুণে নম্রমুখী হইয়া বসিলেন।

প্রবন্ধ-চন্দ্রিকা ।

পরন্তু তাঁহার অনাবৃত প্রকোষ্ঠে হীরকমাণ্ডিত চূড় এবং বিচিত্র কারুকার্য-খচিত পরিচ্ছদ, তদুপরি রত্নাভরণ-পারিপাট্য দেখিয়া, পান্থ নিঃসন্দেহ জানিতে পারিলেন যে, এই নবীনা হীন-বংশসম্ভূতা নহে। দ্বিতীয়া রমণীর পরিচ্ছদের অপেক্ষাকৃত হীনার্ঘ্যতায় পথিক বিবেচনা করিলেন যে, ইনি নবীনার সহচারিণী দাসী হইবেন; অথচ সচরাচর দাসীর অপেক্ষা সম্পূর্ণ। বয়ঃক্রম পঞ্চত্রিংশদ্বর্ষ বোধ হইল। সহজেই যুবা পুরুষের উপলব্ধি হইল যে, বয়োজ্যেষ্ঠারই সহিত তাঁহার কথোপকথন হইতেছিল। তিনি সবিস্ময়ে ইহাও পর্যবেক্ষণ করিলেন যে, তদুভয়মধ্যে কাহারও পরিচ্ছদ এতদেশীয় স্ত্রীলোকদিগের গ্ৰায় নহে, উভয়েই পশ্চিমদেশীয় অর্থাৎ হিন্দুস্থানী স্ত্রীলোকের বেশধারিণী। যুবক মন্দিরাভ্যন্তরে উপযুক্ত স্থানে প্রদীপ স্থাপন করিয়া রমণীদিগের সম্মুখে দাঁড়াইলেন। তখন তাঁহার শরীরোপরি দীপরশ্মিসমূহ প্রপতিত হইলে, রমণীরা দেখিলেন যে, পথিকের বয়ঃক্রম পঞ্চবিংশতি বৎসরের কিঞ্চিন্মাত্র অধিক হইবে, শরীর এতাদৃশ দীর্ঘ যে, অত্রের তাদৃশ দৈর্ঘ্য অসৌষ্ঠবের কারণ হইত। কিন্তু যুবকের বক্ষোবিশালতা এবং সর্বাঙ্গের প্রচুরায়ত গঠনগুণে সে দৈর্ঘ্য অলৌকিক শ্রীদম্পাদক হইয়াছে। প্রাবৃত্তসম্ভূত নবদূর্বাদল তুল্য, অথবা তদধিক মনোজ্ঞ-কান্তি, বসন্ত প্রসূত নবপত্রাবলীতুল্য বর্ণোপরি কবচাদি রাজপুত্র-জাতির পরিচ্ছদ শোভা করিতেছিল; কটিদেশে কটিবন্ধে কোষসংবদ্ধ অসি; দীর্ঘ করে দীর্ঘ বর্ষা ছিল; মস্তকে উষ্ণীষ, তদুপরি একখণ্ড হীরক; কর্ণে মুক্তাসহিত কুণ্ডল; কর্ণে রত্নহার।

পরস্পর সন্দর্শনে উভয়পক্ষেই পরস্পরের পরিচয় জন্ম বিশেষ ব্যগ্র হইলেন, কিন্তু কেহই প্রথমে পরিচয় জিজ্ঞাসার অভদ্রতা স্বীকার করিতে ইচ্ছুক হইলেন না।

(৩৮ বন্ধিমচন্দ্র চট্টোপাধ্যায়)

চন্দ্রাপীড়ের প্রতি শুকনামের উপদেশ ।

রাজা, চন্দ্রাপীড়কে যৌবরাজ্যে অভিষিক্ত করিতে অভিলাষ করিলেন । রাজকুমার যুবরাজ হইবেন, এই বিষয়ের ঘোষণা সর্বত্র প্রচারিত হইল । রাজবাটী মহোৎসবময় এবং নগর আনন্দ-কোলাহলে পরিপূর্ণ হইল । অভিষেকের সামগ্রী-সস্তার সংগ্রহের নিমিত্ত উপযুক্ত লোক সকল দিগ্দিগন্তে প্রেরিত হইল ।

একদা কার্য্য-ক্রমে চন্দ্রাপীড় অমাত্য-ভবনে উপস্থিত হইয়াছেন, তথায় শুকনাম তাঁহাকে সম্বোধন করিয়া মধুর-বচনে কহিলেন, “কুমার ! তুমি সমস্ত শাস্ত্র অধ্যয়ন ও সমুদয় বিদ্যা অভ্যাস করিয়াছ, ভূমণ্ডলে জন্মগ্রহণ করিয়া যাহা জ্ঞাতব্য, সমুদায় জানিয়াছ । তোমার অজ্ঞাত ও উপদেষ্টব্য কিছুই নাই । তুমি যুবা, মহারাজ তোমাকে যৌব-রাজ্যে অভিষিক্ত ও ধন-সম্পত্তির অধিকারী করিতে ইচ্ছা করিয়াছেন ; সুতরাং যৌবন, ধন-সম্পত্তি, প্রভূত্ব তিনেরই অধিকারী হইলে । কিন্তু যৌবন অতি বিষম কাল । যৌবন-রূপ বনে প্রবেশ করিলে, বন্য জন্তুবন্য ব্যবহার হয় । যৌবন-প্রভাবে মনে এক প্রকার তমঃ উপস্থিত হয়, উহা কিছুতেই নিরস্ত হয় না । যৌবনের আরম্ভে অতি নির্মল বুদ্ধিও বর্ষাকালীন নদীর ন্যায় কলুষিতা হয় । তখন অতি গর্হিত অসৎ কর্ম্মকেও দুষ্কর্ম্ম বলিয়া বোধ হয় না । তখন লোকের প্রতি অত্যাচাব করিয়া স্বার্থ-সম্পাদন করিতেও লজ্জা বোধ হয় না । সুরাপান না করিলেও, চক্ষুর দোষ না থাকিলেও, ধন-মদে মত্ততা ও অন্ধতা জন্মে । ধন-মদে উন্মত্ত হইলে, হিতাহিত বা সদমদ-বিবেচনা থাকে না । অহঙ্কার ধনের অনুগামী । অহঙ্কৃত পুরুষেরা মানুষকে

প্রবন্ধ-চন্দ্রিকা।

মানুষ বলিয়া জ্ঞান করে নাই। আপনাকেই সর্বাপেক্ষা গুণবান, বিদ্বান ও প্রধান বলিয়া ভাবে এবং অন্নের নিকটেও সেইরূপ প্রকাশ করে। তাহার স্বভাব এরূপ উদ্ধত হয় যে, আপন মতের বিপরীত কথা শুনিলে, তৎক্ষণাৎ স্বজা-হস্ত-হইয়া উঠে। প্রভুত্ব-রূপ হলাহলের ঔষধ নাই। প্রভু-জনেরা অধীন লোকদিগকে দাসের ন্যায় জ্ঞান করে। আপন সুখে সম্বৃত থাকিয়া, পরের দুঃখ সম্বাপ কিছুই দেখিতে পায় না। তাহারা প্রায় স্বার্থ-পর ও অন্নের অনিষ্ট কারক হইয়া উঠে। যৌবরাজা, যৌবন, প্রভুত্ব ও অভুল ঐশ্বর্যা এসকল কেবল অনর্থ-পারাবার। অসামান্য ধী শক্তি-সম্পন্ন ব্যক্তিরাই ইহার তরঙ্গ হইতে উত্তীর্ণ হইতে পারেন। তীক্ষ্ণ-বুদ্ধি-রূপ দৃঢ় নৌকা না থাকিলে, উহার প্রবল প্রবাহে মগ্ন হইতে হয়। একবার মগ্ন হইলে, আর উঠিবার সামর্থ্য থাকে না।

“সদংশে জন্মিলেই যে সং ও বিনীত হয়, এ কথা অগ্রাহ্য। উল্লরা ভূমিতে কি কণ্টকী বৃক্ষ জন্মে না? চন্দনকাষ্ঠের ঘষণে যে অগ্নি উৎপন্ন হয়, তাহার কি দাহিকা শক্তি থাকে না? ভবাদৃশ বুদ্ধিমান ব্যক্তিরাই উপদেশের যথার্থ পাত্র। মূর্খকে উপদেশ দিলে কোন ফল হয় না। দিবাকরের কিরণ কি স্ফটিক-মণির ন্যায় মূর্খ-পিণ্ডে প্রতিফলিত হইতে পারে? (সুপদেশ অমূল্য ও অসমুদ্র-সম্বৃত রত্ন।’ উহা শরীরের বৈরূপ্য প্রভৃতি জরার কাঁচা প্রকাশ না করিয়াও বৃদ্ধ সম্পাদন করে। ঐশ্বর্য-শালীকে উপদেশ দেয়, এমন লোক অতি বিবল। যেমন গিরি-গুহার নিকটে শব্দ করিলে প্রতিশব্দ হয়, সেইরূপ পার্শ্ববর্তী লোকের মুখে প্রভু বাক্যের প্রতিধ্বনি হইতে থাকে, অর্থাৎ প্রভু যাঁহা কহেন, পার্শ্ববর্তী তাহাই যুক্তি-যুক্ত বলিয়া অঙ্গীকার করে। প্রভুর নিতান্ত অসঙ্গত ও অগ্নায় কথাও

চন্দ্রাপীড়ের প্রতি শুকনাশের উপদেশ—তারশঙ্কর।

পারিষদদিগের নিকট স্ম-সঙ্গত ও ন্যায়ানুগত হয় এবং সেই কথাব পুনঃ পুনঃ উল্লেখ করিয়া তাহা বা প্রভু কতই প্রশংসা করিতে থাকে। তাঁহার কথা বিপরীত কথা বলিতে কাহারও সাহস হয় না। যদি কোন সাহসিক পুরুষ ভয় পরিত্যাগ করিয়া তাঁহার কথা অন্তায় ও অযুক্ত বলিয়া বুঝাইয়া দেন, তথাপি তাহা গ্রাহ্য হয় না। প্রভু সে সময় বধির হন অথবা কোপান্বিত হইয়া আত্ম-মতের বিপরীত-বাদী বর্ণনা করেন। অর্থ অনর্থের মূল। মিথ্যা অভিমান, অকিঞ্চিৎকর অহংকার ও বৃথা ঔদ্ধত্য প্রায় অর্থ হইতে উৎপন্ন হয়।

“প্রথমতঃ লক্ষ্মীর প্রকৃতি বিবেচনা করিয়া দেখ,—ইনি অতি দুঃখে লক্ষ ও অতি যত্নে রক্ষিত হইলেও, কখন এক স্থানে স্থির হইয়া থাকেন না, রূপ, গুণ, বৈদগ্ধ্য, কুল, শীল কিছুই বিবেচনা করেন না; রূপবান্, গুণবান্, বৈদগ্ধ্যবান্, সদাশ-জাত, সুশীল ব্যক্তিকেও পরিত্যাগ করিয়া জঘন্য পুরুষাধনের আশ্রয় গ্রহণ করেন। স্বভাব-চঞ্চলা লক্ষ্মী যাহাকে আশ্রয় করেন, সে স্বার্থ-নিষ্পাদন-পর ও লুক্ক-প্রকৃতি হইয়া দাত ক্রীড়াকে বিমোদ, যথোচ্ছাচাবকে প্রভুত্ব ও মুগ্ধকে ব্যায়াম বলিয়া গণনা করে। মিথ্যা স্তুতিবাদ করিতে না পারিলে, ধনীদিগের নিকটে জীবিকা লাভ করা কঠিন। যাহারা অন্ত-কাৰ্য্য-পরাশ্রয় ও কাৰ্য্যাকাৰ্য্য-বিবেক-শূন্য হয় এবং সৰ্বদা বদমাঙ্গলি হইয়া ধনেশ্বরকে জগদীশ্বর বলিয়া বর্ণনা করে, তাহা বাই ধনিগণের সন্নিধানে বসিতে পায় ও প্রশংসা-ভাজন হয়। প্রভু স্তুতি বাদীকে যথার্থ-বাদী বলিয়া জ্ঞান করেন, তাহার সঙ্গিতই আলাপ করেন, তাহাকেই সন্নিবেচক ও বুদ্ধিমান বলিয়া ভাবেন, তাহাব পরামর্শ ক্রমেই কাৰ্য্য করিয়া থাকেন, স্পষ্ট-বক্তা উপদেষ্টাকে নিন্দক বলিয়া অবজ্ঞা করেন, নিকটেও বসিতে দেন না। তুমি ছুরবগাহ রাজ্য তন্ত্ৰের ভারগ্রহণে প্রবৃত্ত হইয়াছ, সাবধান !

প্রবন্ধ-চন্দ্রিকা ।

যেন সাপুদিগের উপাচাসাম্পদ ও চাটুকারের প্রতারণাম্পদ হইও না । চাটুকারের প্রিয়-বচনে তোমার যেন ভ্রান্তি উপস্থিত না হয় । যথার্থ-বাদীকে নিন্দক বলিয়া যেন অবজ্ঞা করিও না । রাজারা আপন চক্ষু দ্বারা কিছুই দেখিতে পান না, নিরন্তর চাটুকার ও স্বার্থপর লোকদ্বারা পবিত্রত থাকেন । তাহারা প্রভুকে প্রতারণা করিয়া আপন অভিপ্রায় সিদ্ধ করিতে পারিলেই চরিতার্থ হয় ও সর্বদা উহারই চেষ্টা পায় । বাহু-ভক্তি-প্রদর্শন-পৃষ্ঠক আপনাদিগেব দুষ্ট অভিপ্রায় গোপন করিয়া থাকে, সময় পাইলেই চাটু-বচনে প্রভুকে প্রতারিত করিয়া লোকেব সন্মানশ কবে । তুমি স্বভাবতঃ ধীর ; তথাপি তোমাকে বাবংবাব উপদেশ দিতেছি, সাবধান ! যেন দন ও ধৌবন-মদে উন্মত্ত হইয় কৰ্ত্তব্য কন্মের অন্তর্গানে পরাঙ্গুথ ও অসদাচরণে প্রবৃত্ত হইও না । এক্ষণে মহারাজের ইচ্ছাক্রমে অভিনব যৌবরাজ্যে অঙ্গিল্ল হইয়া কুলক্রমাগত ভূ-ভার বহন কর, অরাতিমগুলের মস্তক অবনত কর এবং সমুদায় দেশ জয় করিয়া অথও ভূমণ্ডলে স্বীয় আধিপত্য-স্থাপন পৃষ্ঠক প্রজাদিগকে প্রতিপালন কর ।”

এইরূপ উপদেশ দিয়া অমাত্য ক্ষান্ত হইলেন । চন্দ্রাপীড় শুভনাশেব গভীর অথ-যুক্ত উপদেশ-বাক্য শ্রবণ করিয়া মনে মনে উদ্যবই আন্দোলন করিতে করিতে রাজবাটীতে গমন করিলেন ।

(৩তারাশঙ্কর তর্ক । ৩)

ধন ও ব্যয় ।

ধন, আমাদের কেবল জীবিকানির্ভার, মান-সম্মত রক্ষা ও সংরক্ষণ
সাধেব নিমিত্ত প্রয়োজনীয় : ধনে আর কিছু প্রয়োজন নাই ; অতএব
সম্মত বিত্ত-শাস্তি কবা অতি গণিত : স্বদেশের মঙ্গলের নিমিত্ত
উপযুক্ত অবসরে সর্বস্ব ব্যয় করা ও দয়ণীয় নহে, কিন্তু সচরাচর সাংসারিক
ব্যয় করিবাব সময় আপনার ওজন বুঝিয়া চলা উচিত । এখন উদার ও
স্বল্প-হস্য হইলে, পরিণামে বিক্র-হস্য হইতে হইবে ! উপজীবী-গণ
সাধাতে মৌনরূপে ঠকাইতে না পারে, তদ্বিষয়ে সাবধান থাকা
সকলেই উচিত ।

যদি কেবল স্বচ্ছন্দে সংসার যাত্রা নিৰ্বাহ হইলেই পরিতুষ্ট হও, তবে
আয়ের অর্ধেক ব্যয় করিবে ; আর যদি সম্পন্ন হইতে ইচ্ছা কব, তবে
আয়ের তৃতীয়াংশমাত্র ব্যয় করিবে । তুমি যত বড় ধনী হও না কেন,
তথাপি আপনার বিষয় আপনি পর্যবেক্ষণ করা কখন ক্ষুদ্রতার কৰ্ম
বলিয়া মনে করিও না । পাছে ভগ্ন-দশা দেখিয়া বিষয়া হইতে হয়, এই
কাৰণে অনেকে বিষয়-পর্যবেক্ষণ করিতে উপেক্ষা করেন, কিন্তু তাহা
হইলে উত্তরোত্তর আরও ভগ্ন হইবার সম্পূর্ণ সম্ভাবনা । বিকার স্থান না
দেখিলে কিকপে প্রতীকারের আবশ্য হইতে পারে ? যাহারা স্বয়ং বিষয়-
রক্ষা না করেন, তাহাদিগেব কৰ্মচারী মনোনীত করিবাব সময় অনেক
বিবেচনা করিয়া কাৰ্য্য কবা কর্তব্য এবং মধ্যো মধ্যো কৰ্মচারীর পবি-
বর্তন করা উচিত ; নতুবা পুৰাতন কৰ্মচারিগণ কিছুদিনেব পর প্রভুর

প্রবন্ধ-চন্দ্রিকা ।

বাণি দ্বারা, লয় এবং ক্রমে ভয়শূন্য হইবে, তাহাব সঙ্ঘনাশপূর্বক স্বাধীন স্বাধীন করিতে ক্রটি কবে না ।

কোন বিষয়ে বায়-বালুলা করিতে হইলে, অপব বিষয়ে হস্ত-সঙ্কোচ করিতে হইবে । যদি আহাৰের পৰিপাট্য-বিষয়ে অধিক ব্যয় কৰ, তবে পরিচ্ছদের ব্যয় কমাইতে হইবে । যদি ভ্ৰাসন-বিষয়ে অনেক আশঙ্ক কর, তবে ধান-বিষয়ে মিতব্যয়ী হইতে হইবে । নহবা একেবারে, চারিদিকে মুক্ত-হস্ত হইলে অচিন্ত উৎসম হইবার সম্ভাবনা ।

যদি স্বাধীন থাকে, ক্রমে পরিবেশিত কৰ, একেবারে আনন্দ প্রদান সম্ভবা বিষয় বিক্রয় কাঁলে, উচিত মূল্য হইবে না, অধিক মুক্ত-স্বাধীন করিতে হইবে । ক্রমে পরিবেশিত করার আবশ্যক হইবে, তাহাতে মিতব্যয়িতা অভাব হইয়া আসিবে । কিন্তু একেবারে পরিবেশিত করিলে আবাব অপ্রতুলতা ঘটিতে পারে, সুতরাং আবাব স্বাধীন করিতে হইবে ।

যাহাকে স্বাধীন-মুক্ত হইতে হইবে, তাহাব অল্প ব্যয় কুচিত হইবে নিন্দনীয় নহে । ব্যয় মিতাক্ত অল্প হইলেও তদ্ বিষয়ে পূৰ্বাভিপ্রেত অল্প সন্ধান লওয়া আবশ্যিক । অল্প আয়ের নিমিত্ত নানতা স্বাধীন ক্ষুদ্রের কক্ষ বটে, কিন্তু অল্প ব্যয়ে বিমুখ হওয়া কখনই ক্ষুদ্রতা নহে ।

মিত্য কক্ষে ব্যয় বাহুলা করিতে হইলে, সাবশেষ বিবেচনা করিবে কিন্তু নৈমিত্তিক কক্ষে স্থল-লক্ষ্য হইলে হানি নাই, বর কাৰ্ণা প্রকাশ করিলে, অসম্ভব ও নিন্দা হয় ।

অতুল ঐশ্বর্য মিতাক্ত আবশ্যিক নহে, বিতরণ ভিন্ন উহার আব বিচ্ছ প্রয়োজন নাই । প্রভূত উহার রক্ষণার্থ খেদ প্রাপ্ত হইতে হয় এবং অনেক গুরুতর বিষয়ে মনোনিবেশ করিবার অবকাশ থাকে না । তবে “আপদেৎ ধন রক্ষা করিবে” বলিয়া শাস্ত্রে যে বিধান নিদিষ্ট আছে, তজ্জন্ম মানুষের

কিছু কিছু সঞ্চয় করিয়া রাখা আবশ্যিক । যেহেতু সংসারে থাকি-
 যাইলে, মানুষের পুণ্ডে গুণে বিপদে পতিত হইবার সম্ভাবনা আছে ।

অভিমান প্রকাশ বা আশ্রমবের নিমিত্ত ঐশ্বৰ্য্যের আকাজক-
 ন্য । যাহা আশ্রমতঃ অজ্ঞান করিবে, তাহাতেই পরিতুষ্ট থাকিবে এবং
 দান ও বিতরণ করিতে কাতর হইবে না । সংসারী লোকের ধনে এক-
 বাবে অলস্তুক্তি করাও উচিত নহে, আশ্রম ও অশ্রমের উপকাবার্ণে
 মতপথে থাকিয়া অগোপ্যজ্ঞান করা কোন ক্রমেই দৃশ্যায় নহে । সচর
 সম্পন্ন হইবার নিমিত্ত ব্যয় হইবে না, তাহা হইলে ধন্য বক্ষা হইবে না ।
 ধন্য পাচাইয়া হঠাৎ বড় মানুষ হইতে প্রায় দেখা যায় না ।

মিতব্যয়িতা সম্পন্ন হইবার প্রধান উপায় ; বিশ্ব উদ্বাও নিতান্ন
 নিদ্রায় নুহে, উদ্বাতে দান-ধন্য বোধ এবং দীন ও অনাথ ব্যক্তিদিগের
 আশা ভঙ্গ করিতে হয় ।

কৃষি-কর্মে অনেকে সম্পন্ন হইয়া থাকেন । বসুমতী প্রদত্তা হইয়া
 যাহার প্রতি কৃপা-দৃষ্টি-পাত করেন, সে অতি ভাগ্যবান, সন্দেহ নাই ।
 ঐকপে সম্পত্তি উপাঞ্জন করিতে অধম বা অজ্ঞায়ের লেশ নাই, বাস্তবিক
 অধিক মলধন লইয়া কৃষি করিলে অতিশয় লাভ হয় ।

বাণিজ্যে বিত্তোপাঞ্জন করাও দৃশ্যীয় নহে । সকলের সহিত স
 ব্যবহার ও পরিশ্রম করিতে পারিলেই বাণিজ্যে বিলক্ষণ লাভ হয় । সহধ-
 সমুখানেও অনেকে বিলক্ষণ লাভ করে । যদি সমুখারীরা সকলে সাধু
 হন ও পরস্পর বধনা না করেন, তবে উক্ত ব্যবসায় বন্দ নহে । কুসৌদ-
 ব্যবহারে কোন বিঘ্ন নাই, ইহাতে অর্থ প্রয়োগ করিলে কোন সংশয়ে
 আনোহণ করিতে হয় না, কিন্তু উদ্বাতে আয় অতি অল্প ।

কোন বিষয়ে অভিনব কৌশল উদ্ভাবন করিতে পারিলে, অতি শীঘ্র
 ভাগ্যবান হইবার সম্ভাবনা । এক ব্যক্তি কানেবী দ্বীপ-পুঞ্জ সর্বপ্রথম

প্রবন্ধ-চন্দ্রিকা ।

ইক্ষু রোপণ করিয় অচিবাৎ অতুল ঐশ্বর্য উপাভ্জন করিয়াছিলেন । ফলতঃ উত্তমরূপে অগ্র পশ্চাৎ বিবেচনা-পূর্বক উপযুক্ত অবসরে কোন বিষয়ে অভিনব কৌশল প্রকাশ করিতে পারিলে, নিতান্ত নিঃসন্দেহ বাস্তব অচিবাৎ ভাগ্যবান বলিয়া গণ্য হইতে পারেন ।

যে ব্যক্তিতে নিঃসংশয় লাভ হয়, তাহাতে কখন অধিক লাভ হয় না, আর তাহাতে একেবারে অধিক লাভের সম্ভাবনা, তাহাতে একেবারে সঙ্কীর্ণতা হইতে পারে, অতএব তাহাতে কে বসান হইলেও মনোমানে বঞ্চিত হইতে হয় না এবং অন্য ব্যক্তির লাভে পৃষ্ঠ হইতে পারে, এ প্রকার ব্যক্তির অবগমন করা কঠিন ।

তাহা এক্ষণে স্থগিত, কিছু কিছুদিন পরে উল্লেখ করা অক্লান্ত হইবে, বিবেচনা-পূর্বক একটা কথা এক করিয়া রাখিতে পারিলে, বিদ্যমান লাভ হইতে পারে

কিছু সেবারও অনেকে সম্পন্ন হইয়া বসে, কিন্তু হঠাৎ চমকিত হইয়া পরের মন হোগাইয়া যে অর্থ উপার্জিত হয়, তাহা নিতান্তই ছেদ । পর সেবার আদ এক দোষ এই যে, উহাতে অনেক সময়ে নাচ-মনা কাঁকির অনুরক্তি করিতে হয় ।

তাহার মুখে অল্পে অল্পে প্রকাশ করে, তাহা হইলেও বসায় বিশ্বাস করিও না । তাহার অর্থে নিমিত্ত অনেকবার বিচল-প্রবল হইয়া পরিশেষে এ প্রকার নিকট হইয়াছে, স্তব্ধ একেবারে উঠে আসিয়া পরিত্যাগ-পূর্বক একদে আত্মনির্দেশে প্রবেশ করে ।

কোন বিষয়ে বিতৃষ্ণা করিও না, বাস করিতে বাস করিও না, মন চিরস্থায়ী নহে, মনের অনেক শত্রু আছে । কখন কখন আপনিও উঠা নষ্ট হইতে পারেন । যতক্ষণ আছে, দান-ভোগ দ্বারা সার্থক করিও না । মৃত্যুকালে ধন সাধ্য হইবে না, হয় একজন দাসদেহ হইবে, ন

পৌরুষের পরিণাম—রমেশচন্দ্র ।

সাধারণের হিতার্থ কোন অন্তর্দানে বিনিযুক্ত হইবে, দায়াদের বহুসংখ্যক
মল্ল হয় এবং বিবেক-শক্তি সম্যক উন্মোচিত না হইব থাকে, তবে
কিন্তু পদ ধ্বংস তাহার সহিত জুটিয়া লুটিয়া থাকিবে ।

(৩ বামকর্মে ভট্টাচার্য্য ।)

পৌরুষের পরিণাম

‘রক্ত-মণ্ডল’

রক্ত-বা, দলে বায়

‘রক্ত-মণ্ডল’

‘রক্ত-মণ্ডল’

‘রক্ত-মণ্ডল’

‘রক্ত-মণ্ডল’

(৩ বামকর্মে ভট্টাচার্য্য ।)

‘রক্ত-মণ্ডল’ পিবিভূগ জয়ের পরদিন অপরাহ্নে সেই দুইগোপীর
অপকণ্ড সভা সম্মিলিত হইল । রোপা-বিনিমিত চার স্বভেদ
উপায় রক্তবর্ণের চক্রাত্মক, নীচের রক্তবর্ণ বস্ত্রে যিঙিত রাজ গদীর
উপর রাজ জয়সিংহ ও রাজা শিবজী উপবেশন করিয়া আছেন ।
চারি পাশে মৈত্রীগণ বন্দুক লইয়া শ্রেণীবদ্ধ হইয়া দণ্ডায়মান রহিয়াছে ।
সেই বন্দুকের কিরীচ হইতে রক্তবর্ণের পতাকা অপরাহ্নের বায়ুধিল্লেনে
লতা করিতেছে । চারদিকে শত শত লোক দিল্লীশ্বরের, জয়সিংহের ও
শিবজীর জয়নাদ করিতেছে ।

জয়সিংহ সহাগ্রবদনে শিবজীকে বলিলেন, “আমি দিল্লীশ্বরের
অক্ষয়বলখন করিয়া অবধি তাহার দক্ষিণহস্ত-স্বরূপ হইয়াছেন । এ

প্রবন্ধ-চন্দ্রিকা ।

উপকার দিল্লীশ্বর কখনই বিস্মৃত হইবেন না, আপনার সকল চেঁচার জয় হইয়াছে ।”

শিবজী । মহারাজের প্রসাদে দুর্গজয় হইয়াছে বটে, কিন্তু বিপক্ষে বা কল্য রজনীতে সকলেই জাগরিত ও সমজ্জ ছিল । তাহাতে যে ক্ষতি হইয়াছে, এ জীবনে তাহার পূরণ হইবে না । সহস্র আক্রমণকারীর মধ্যে দুই তিন শত জনকে আমি আর এ জীবনে দেখিব না ; সেদূর দৃঢ়প্রতিজ্ঞ বিশ্বস্ত সেনা বোধ হয় আর পাইব না ।

শিবজী ক্ষণেক শোকাবুল হইয়া রহিলেন ; পরে বন্দিগণকে আনয়নের আদেশ করিলেন ।

রহমৎ খাঁর অধীনে সহস্র সেনা সেই দুর্গম দুর্গ রক্ষা করিত ; কল্যকার যুদ্ধের পর কেবল দুই এক শত বন্দিরূপে আছে ; অন্য সমস্ত হত বা পলায়িত । বন্দীদিগের হস্তদ্বয় পশ্চাৎদিকে বদ্ধ, — তাহারা সভা-সম্মুখে উপস্থিত হইল ।

শিবজী আদেশ করিলেন, “সকলের হস্ত খুলিয়া দাও । আফগান-সেনাগণ ! তোমরা বীরের নাম রাখিয়াছ, তোমাদের আচরণে আমি পরিতুষ্ট হইয়াছি । তোমরা স্বাধীন । ইচ্ছা হয়, দিল্লীশ্বরের কার্যে নিযুক্ত হও, নচেৎ আপন প্রভু বিজয়পুরের সুলতানের নিকট চলিয়া যাও ; আমার আদেশে কেহ তোমাদের কেশাগ্র স্পর্শ করিবে না ।”

শিবজীর এই সদাচরণ দেখিয়া কেহই বিস্মিত হইল না । সকল যুদ্ধে সকল দুর্গবিজয়ের পর তিনি বিজিতদিগের প্রতি যথেষ্ট দয়াপ্রকাশ ও সদাচরণ করিতেন ; তাহার বন্ধুগণ কখন কখন তাঁহাকে এজন্য দোষ দিতেন, কিন্তু তিনি গ্রাহ্য করিতেন না । শিবজীর সদাচরণে বিস্মিত হইয়া আফগানগণ অনেকেই দিল্লীশ্বরের বেতনভোগী হইতে স্বীকার করিল ।

পৌরুষের পরিণাম—রমেশচন্দ্র ।

পরে শিবজী কিল্লাদার রহমৎ খাঁকে আনিবাব আদেশ দিলেন । তাঁহারও হস্তদ্বয় পশ্চাৎ দিকে বন্ধ, তাঁহার ললাটে খড়্গের আঘাত, বাহুতে তীর বিদ্ধ হইয়া ক্ষত হইয়াছে । বীর সদর্পে সভা সম্মুখে দণ্ডায়মান হইলেন, সদর্পে শিবজীর দিকে চাহিলেন ।

শিবজী সেই বীরশ্রেষ্ঠকে দেখিয়া, স্বয়ং আসন-ত্যাগ করিয়া খড়্গ দ্বারা রঞ্জ কাটিয়া ফেলিলেন । পরে ধীরে ধীরে বলিলেন, “বীরবব ! যুদ্ধের নিয়মানুসারে আপনাব হস্ত বন্ধ হইয়াছিল, আপনি এক রজনী বন্দিরূপে ছিলেন, আমাব দোষ মার্জনা করুন । আপনি এম্মণে স্বাধীন । জয়-পবাজয় ভাগ্যক্রমে ঘটে, কিন্তু আপনার গায় যোদ্ধার সহিত যুদ্ধ করিবা আমিই সম্মানিত হইয়াছি ।”

রহমৎ খাঁ প্রাণদণ্ডের আদেশ প্রত্যাশা করিতেছিলেন, তাহাতেও স্থির-গর্ভিত-ময়নের একটি পত্রও কম্পিত হয় নাই ; কিন্তু শিবজীব এই অসাধারণ ভদ্রতা দেখিয়া তাঁহার হৃদয় বিচলিত হইল । যুদ্ধ-সময়ে শত্রুমধ্যে কেহ কখন রহমৎ খাঁর কাতরতা-চিহ্ন দেখেন নাই, অথু বৃদ্ধের দুই উজ্জ্বল চক্ষু হইতে দুই বিন্দু অশ্রু পতিত হইল । রহমৎ খাঁ মুখ ফিরাইয়া তাহা মোচন করিলেন, ধীরে ধীরে বলিলেন, “ক্ষত্রিয়রাজ ! কল্য নিশীথে আপনার বাহুবলে পরাস্ত হইয়াছিলাম, অথু আপনার ভদ্রাচরণে তদধিক পরাস্ত হইলাম । যিনি হিন্দু ও মুসলমানদিগের অনীশ্বর, যিনি বাদশাহের উপর বাদশাহ, জমীন ও আশমানের স্বল্তান, তিনি এই জন্যই আপনাকে নৃতন রাজ্যবিস্তারের ক্ষমতা দিয়াছেন ।”

জয়সিংহ । পাঠান সেনাপতি, আপনাবও উচ্চপদের যোগ্যতা আপনি প্রমাণ করিয়াছেন । দিল্লীশ্বর আপনার গায় সেনা পাইলে আরও পদবৃদ্ধি করিবেন, সন্দেহ নাই । দিল্লীশ্বরকে লিখিতে পারি যে,

প্রবন্ধ-চলিতিকা ।

আপনার ঞায় বীরশ্রেষ্ঠ তাঁহার সৈন্যের একজন প্রধান কর্মচারী হইতে সম্মত হইয়াছেন ।

রহমৎ খাঁ । মহারাজ । আপনার প্রস্তাবে আমি যথেষ্ট সম্মানিত হইলাম । কিন্তু আজীবন যাহার কাৰ্য্য করিয়াছি, তাঁহাকে পরিত্যাগ করিব না । যত দিন এ হস্ত খণ্ডা ধবিতে পাবিবে, বিজয়পুরের দুর্গ ধরিবে ।

শিবজী । তাহাই হউক । আপনি অণু রাত্রি বিশ্রাম করুন, কল্যা প্রাতে আমার একদল সেনা আপনাকে বিজয়পুর পর্য্যন্ত নিরাপদে পৌছাইয়া দিবে ।

রহমৎ খাঁ । ক্ষত্রিয়প্রনব ! আপনি আমার সহিত ভদ্রাচরণ করিয়াছেন, আমি অভদ্রাচরণ করিব না, আপনার নিকট কোন বিষয় গোপন রাখিব না ; আপনার সেনার মধ্যে বিশেষ অনুসন্ধান করিয়া দেখুন, সকলে প্রভু-ভক্ত নহে । কল্যা দুর্গাক্রমণের গোপনানুসন্ধান আমি পূর্বেই প্রাপ্ত হইয়াছিলাম, সেই জগুই সমস্ত সেনা সমস্ত রাত্রি সমজ্জ ও প্রস্তুত ছিল । অনুসন্ধান-দাতা আপনারই একজন সেনা । ইহাব অধিক বলিতে পারি না, সত্যলজ্জন করিব না ।

এই বলিয়া রহমৎ খাঁ দীবে ধীরে প্রহরিগণের সহিত প্রাসাদাভিমুখে চলিয়া গেলেন । রোমে শিবজীর মুখমণ্ডল একেবারে ক্রম্বণ ধাবণ করিল, নয়ন হইতে অগ্নিস্ফুলিঙ্গ বাহির হইতে লাগিল, শরীর কাঁপিতে লাগিল । তাঁহার বন্ধগণ বুঝিলেন, এক্ষণে পরামর্শ দেওয়া বৃথা ; তাঁহার সৈন্যগণ বুঝিল, অণু প্রমাদ উপস্থিত ।

জয়সিংহ শিবজীকে এতদবস্থায় দেখিয়া তাঁহাকে কথঞ্চিৎ শান্ত করিয়া, পরে সৈন্যদিগকে লক্ষ্য করিয়া বলিলেন, “এই দুর্গ আক্রমণ করা হইবে, তোমরা কখন জানিয়াছিলে ?”

পৌরুষের পরিণাম—রমেশচন্দ্র ।

সৈন্যগণ উত্তর দিল, “এক প্রহর রজনীতে ।”

জয়সিংহ । তাহার পূর্বে কেহই এ কথা জানিতে না ?

সৈন্যগণ । রজনীতে কোন একটা দুর্গ আক্রমণ করিতে হইবে, জানিতাম ; এই দুর্গ আক্রমণ করিতে হইবে, তাহা জানিতাম না ।

জয়সিংহ । ভাল, কোন্ সময়ে তোমরা দুর্গে পৌঁছিযাছিলে ?

সৈন্যগণ । অনুমান দেড় প্রহর রজনী সময়ে ।

জয়সিংহ । উত্তম, এক প্রহর হইতে দেড় প্রহর মধ্যে তোমরা সকলেই কি একত্র ছিলে ? কেহ অনুপস্থিত ছিল না ? যদি হইয়া থাকে, প্রকাশ কর । একজনের দোষের জন্য সহস্র জনের গ্লানি অনুচিত । তোমরা দেশে দেশে গ্রামে গ্রামে রাজা শিবজীর অধীনে যুদ্ধ করিয়াছ, রাজা তোমাদিগকে বিশ্বাস করেন, তোমরাও একপ প্রভু কখনও পাব না । আপনাদিগকে বিশ্বাসের যোগ্য প্রমাণ কর, যদি কেহ বিবেচনা থাকে, তাহাকেও আনিয়া দাও । যদি সে কল্যা রজনীর যুদ্ধে মাঝখানে থাকে, তাহার নাম কর, অন্তায় সন্দেহে কেন সকলের নাম কলুষিত হইতেছে ?

সৈন্যগণ তখন কল্যাঙ্কার কথা স্মরণ করিতে লাগিল, পরস্পরে কথা কহিতে লাগিল, শিবজীর ক্রোধ কিঞ্চিৎ হ্রাস হইল । স্তম্ভ হইয়া শিবজী বলিলেন, “মহারাজ ! অণু যদি সেই কপট দোক্তাকে বাহির করিয়া দিতে পারেন, আমি চিরকাল আপনার নিকট ঋণী থাকিব ।”

চন্দ্ররাও নামে একজন সেনাপতি অগ্রসর হইয়া ধীরে ধীরে বলিলেন, “রাজন্ ! কল্যা এক প্রহর রজনীর সময় যখন আমরা যুদ্ধযাত্রা করি, তখন আমার অধীন একজন হাবিলদারকে অনুসন্ধান করিয়া পাই নাই । যখন দুর্গতলে পৌঁছিলাম, তখন তিনি আমাদের সহিত যোগ দিলেন ।”

প্রবন্ধ-চন্দ্রিকা ।

শিবজী । সে কে, এখনও জীবিত আছে ?

বিদ্রোহীর নাম শুনিবার জগু সকলে নিস্তব্ধ ! শিবজীর খন খন নিশ্বাসের শব্দ শুনা যাইতেছে, সভাতলে একটা সূচিকা পড়িলে বোধ হয়, তাহার শব্দ শুনা যায় । সেই নিস্তব্ধতার মধ্যে চন্দ্ররাও ধীরে ধীরে বলিলেন, “রঘুনাথজী হাবিলদার ।”

সকলে নির্ঝাক্, বিস্ময়-স্তব্ধ !

চন্দ্ররাও একজন প্রসিদ্ধ যোদ্ধা ছিলেন । কিন্তু রঘুনাথের আগমন-বধি সকলে চন্দ্ররাওয়ের নাম ও বিক্রম বিস্মৃত হইয়াছিলেন । মানব-প্রকৃতিতে ঈর্ষ্যার ত্রায় ভীষণ বলবতী প্রবৃত্তি আর নাই ।

শিবজীর মুখমণ্ডল পুনরায় ক্রমঃবর্ণ হইয়া উঠিল, ওষ্ঠে দস্তস্থাপন করিয়া চন্দ্ররাওকে লক্ষ্য করিয়া সরোমে বলিলেন, “রে কপুটাচারিন্ । বৃথা এ কপট অভিযোগ করিতেছিস্ ! তোব নিন্দা রঘুনাথের যশোরাশি স্পর্শ করিবে মা, রঘুনাথের আচরণ আমি স্বচক্ষে দেখিয়াছি । কিন্তু মিথ্যা নিন্দকের শাস্তি সৈন্তেরা দেখুক ।”

সেই বজ্রহস্তে শিবজী লৌহবর্শা উত্তোলন করিয়াছেন, সহসা রঘুনাথ সম্মুখে আসিয়া বলিলেন, “মহারাজ ! প্রভু চন্দ্ররাওয়ের প্রাণসংহার করিবেন না, তিনি মিথ্যাবাদী নছেন, আমার দুর্গতলে আসিতে বিলম্ব হইয়াছিল ।”

আবার সভাস্থল নিস্তব্ধ, সকলে নির্ঝাক্, বিস্ময়-স্তব্ধ ।

শিবজী ক্ষণকাল প্রস্তর-প্রতিমূর্তির ত্রায় নিশ্চেষ্ট হইয়া রহিলেন, পরে ধীরে ধীরে ললাটের স্বেদবিন্দু মোচন করিয়া বলিলেন, “আমি কি স্বপ্ন দেখিতেছি ? তুমি, রঘুনাথ, তুমি এই কার্য্য করিয়াছ ? তুমি যে প্রাচীর লঙ্ঘনের সময় একাকী দুদ্দমনীয় তেজে অগ্রসর হইয়াছিলে, তুমি যে দুই শত মাত্র সেনা লইয়া পাঁচশত আফগানকে দুর্গের নীচে

পর্যন্ত হটাইয়া দিয়াছিলে,—তুমি বিদ্রোহাচরণ করিয়া কিল্লাদাংকে পূর্বে আক্রমণ-সংবাদ দিয়াছিলে ?”

রঘুনাথ ধীরে ধীরে উত্তর করিলেন, “প্রভু, আমি সে দোষে নিন্দোষী ।”

দীর্ঘকায় নির্ভীক তরুণ যোদ্ধা শিবজীর অগ্নিদৃষ্টির সম্মুখে অনক্ষুণ্ণ হইয়া দণ্ডায়মান বহিয়াছেন, চক্ষের পলক পড়িতেছে না, একটি পত্র পর্যন্ত কম্পিত হইতেছে না । সভাস্থ সকলে এবং চারিদিকে অসংখ্য লোক রঘুনাথের দিকে তীব্রদৃষ্টি কবিত্তেছে, রঘুনাথজী স্থির, অবিচলিত, অকম্পিত, তাহার বিশাল বক্ষঃস্থল কেবল গভীর নিশ্বাসে স্ফীত হইতেছে । কল্য যেরূপ অসংখ্য শক্রমধ্যে প্রাসীরোপরি একাকী দণ্ডায়মান হইয়াছিলেন, অতু তদপেক্ষা অধিক সঙ্কট মধ্যে যোদ্ধা সেইরূপ ধীর, সেইরূপ অবিচলিত ।

শিবজী তর্জন করিয়া বলিলেন, “তবে কি জন্তু আমার আঙ্গুলক্ষন করিয়া এক প্রহর রজনীর সময় অনুপস্থিত ছিলে ?”

রঘুনাথের ওষ্ঠ ঈষৎ কম্পিত হইল, কিন্তু তিনি কোন উত্তর না করিয়া ভূমির দিকে চাহিয়া রহিলেন ।

রঘুনাথকে নির্ঝাক্ দেখিয়া শিবজীর সন্দেহ বৃদ্ধি হইল, নয়নদ্বয় পুনরায় রক্তবর্ণ হইল, ক্রোধ-কম্পিত-স্বরে বলিলেন, “কপটাচারিন্ । এই জন্তু বীরত্ব প্রদর্শন করিয়া ছিলে ? কিন্তু কুক্ষণে শিবজীর নিবট ছলনা-চেষ্টা করিয়াছিলে !”

রঘুনাথ সেইরূপ ধীর অকম্পিত-স্বরে বলিলেন, “রাজন্ ! ছলনা ও কপটাচরণ আমার বংশের রীতি নহে ; বোধ হয়, প্রভু চন্দ্রাও তাহা জানিতে পারেন ।”

। রঘুনাথের স্থিরভাব শিবজীর ক্রোধে আছতিস্বরূপ হইল । তিনি

প্রবন্ধ-চন্দ্রিকা ।

কর্কশভাবে বলিলেন, “পাপিষ্ঠ ! পরিত্রাণ-চেষ্টা বৃথা , ক্ষুধার্ত্ত সিংহের
গ্রাসে পড়িয়া পলায়ন করিতে পার, কিন্তু শিবজীর জলন্ত ক্রোধ হইতে
পরিত্রাণ নাই ।”

রঘুনাথ পূর্ববৎ ধীরে ধীরে উত্তর করিলেন, “আমি মহারাজের
নিকট পরিত্রাণ প্রার্থনা করি না, মনুষ্যেব নিকট ক্ষমা প্রার্থনা কবি
না, জগদীশ্বর আমার দোষ মার্জনা করুন ।”

ক্ষিপ্তপ্রায় শিবজী বর্শা উত্তোলন করিয়া বজ্রনাদে আদেশ করিলেন,
“বিদ্রোহাচরণের শাস্তি প্রাণদণ্ড ।”

রঘুনাথ সেই বজ্রমুষ্টিতে তীক্ষ্ণ বর্শা দেখিলেন, তখনও সেই অবিচলিত
স্বরে বলিলেন, “যোদ্ধা মরণে প্রস্তুত আছে, বিদ্রোহাচরণ সে করে নাই ।”

শিবজী আর সহ্য করিতে পারিলেন না, অব্যর্থ মুষ্টিতে সেই বর্শা
কম্পিত হইতেছে, একপ সময়ে রাজা জয়সিংহ তাঁহার হস্তধারণ করিলেন ।

তখন শিবজীর মুখমণ্ডল ক্রোধে বিকৃত হইয়াছিল, শরীর কম্পিত
হইতেছিল । তিনি জয়সিংহের প্রতিও সমুচিত সম্মান বিস্মৃত হইয়া
কর্কশস্বরে কহিলেন, “হস্ত ত্যাগ করুন, রাজপুত্রদিগের কি নিয়ম, জানি
না ; জানিতে চাহি না ; মহারাষ্ট্রীয়দিগের সনাতন নিয়ম বিদ্রোহীর
শাস্তি প্রাণদণ্ড । শিবজী সেই নিয়ম পালন করিবে ।”

জয়সিংহ কিছুমাত্র ক্রুদ্ধ না হইয়া ধীরে ধীরে বলিলেন, “ক্ষত্রিয়বাজ্র ।
অণু যাহা করিবেন, কল্যা তাহা অণুথা করিতে পারিবেন না । এই
যোদ্ধার অণু প্রাণদণ্ড করিলে, চিরকাল সেনাগণ অনুতাপ করিবেন ।
যুদ্ধব্যবসায় আমার কেশ শুরু হইয়া গিয়াছে, আমার মত গ্রহণ করুন,
এ যোদ্ধা বিদ্রোহী নহে । কিন্তু সে বিচার এক্ষণে আবশ্যক নাই,
আপনি আমার সুহৃদ, সুহৃদের নিকট আমি এই রাজপুত্র-যোদ্ধার
প্রাণভিক্ষা করিতেছি, আমাকে ভিক্ষা দান করুন ।”

নিশীথে আগন্তুক—রমেশচন্দ্র ।

শিবজী জয়সিংহের ভদ্রতা দেখিয়া ঈষৎ অপ্রতিভ হইলেন ; কহিলেন, “তাত ! আমার পরামবাক্য মার্জনা করুন, আপনার কথা কখনও অবহেলা করিব না , কিন্তু শিবজী বিদ্রোহীকে ক্ষমা করিবে, তাহা কখনও মনে ভাবে নাই । হাবিলদার ! রাজা জয়সিংহ তোমার জীবনরক্ষা করিলেন, কিন্তু আমার সম্মুখ হইতে দূর হও, শিবজী বিদ্রোহীর মুখ দর্শন করিতে চাহে না !”

(৩রমেশচন্দ্র দত্ত)

নিশীথে আগন্তুক

‘কে তুমি—

বিভূতি-ভূষিত অঙ্গ ?’

মাইকেল (মধুসূদন দত্ত)

কয়েকদিনের মধ্যে শিবজী আরঞ্জীবের উদ্দেশ্য স্পষ্ট বুঝিতে পারিলেন । শিবজী আর স্বদেশে না যাইতে পারেন, চিরকাল দিল্লীতে বন্দী হইয়া থাকেন, মহারাষ্ট্রীয়েরা আর কখনও স্বাধীন না হয়, এই আরঞ্জীবের উদ্দেশ্য । শিবজী সম্রাটের এই কপটাচরণে যৎপরোনাস্তি ক্রুদ্ধ হইলেন, কিন্তু রোষ গোপন করিয়া দিল্লী হইতে প্রস্থানের উপায় চিন্তা করিতে লাগিলেন ।

একদিন সন্ধ্যার সময় শিবজী গবাক্ষপার্শ্বে চিন্তিতভাবে উপবেশন করিয়া আছেন । সূর্য্য অস্ত গিয়াছে, কিন্তু এখনও অন্ধকার হয় নাই, রাজপথ দিয়া লোকের শ্রোত এখনও অবিরত বহিয়া যাইতেছে । কত দেশের লোক বতরূপ পরিচ্ছদে কত কার্য্যে এই রাজধানীতে আসিয়াছে ।

প্রবন্ধ-চন্দ্রিকা ।

ক্রমে জনশ্রোত হ্রাস পাইতে লাগিল । দিল্লীর অসংখ্য দোকানদার আপন আপন দোকান বন্ধ করিতে লাগিল । নগরের অনন্ত-কলরব ক্রমে ক্রমে থামিয়া গেল, দুই একটি বাটার গবাক্ষভিতর হইতে দীপশিখা দেখা যাইতে লাগিল । দূরস্থ অট্টালিকাগুলি ক্রমে অন্ধকারে আবৃত হইতে লাগিল । আকাশে দুই একটি তারা দেখা দিল, পশ্চিমদিকে রক্তিমচ্ছটা আর নাই । শিবজী পূর্বদিকে চাহিলেন, দেখিলেন, শান্ত বিস্তীর্ণ দিগন্ত-প্রবাহিণী যমুনানদী সায়ংকালে নিশ্চলভাবে অনন্ত সাগরাভিমুখে যাত্রা করিতেছে ।

সেই নিশ্চলতার মধ্যে জুম্মা মস্জিদ হইতে আজানের পবিত্র শব্দ উথিত হইল যেন গন্তীর শব্দ ধীরে ধীরে চারিদিকে বিস্তীর্ণ হইতে লাগিল, যেন ধীরে ধীরে মানবের মন আকর্ষণ করিয়া গগনে উথিত হইতে লাগিল । শিবজী মুহূর্তের জন্য স্তব্ধ হইয়া সেই সায়ংকালীন সূদূর উচ্চারিত গন্তীর শব্দ শ্রবণ করিতে লাগিলেন । অন্ধকারে পুনরায় চাহিলেন, কেবল জুম্মা মস্জিদের শ্বেত-প্রস্তর-বিনির্মিত গম্বুজগুলি সুনীল আকাশপটে অস্পষ্ট দেখা যাউতেছে ।

রজনী গভীর, কিন্তু শিবজীর চিন্তাসূত্র এখনও ছিন্ন হইল না ; কেন না, অগ্ন পূর্বকথা একে একে হৃদয়ে জাগরিত হইতেছিল । বাল্যকালের স্মৃতিদর্শন, বাল্যকালের আশা, ভরসা, উদ্যম ; সাহসী ও উন্নত-চরিত্র পিতা শাহজা, পিতৃতুল্য বাল্যসুহৃদ দাদাজী কানাইদেব, গরীয়সী মাতা জীজী ! সেই বীরমাতা শিশু শিবজীকে মহারাষ্ট্র-জয়ের কথা বলিয়াছিলেন, সেই বীরমাতা বালক শিবজীকে বিপদে আশ্বাস দিয়াছেন, আহবে উৎসাহ দিয়াছেন ।

তাহার পর জীবনের উন্নত আশা, উন্নত কার্য্য-পরম্পরা, দুর্গ-বিজয়, দেশ-বিজয়, রাজ্য-বিজয়, বিপদের পর বিপদ, যুদ্ধের পর যুদ্ধ, অপূর্ব

নিশীথে আগন্তুক—রমেশচন্দ্র ।

জয়লাভ, দোর্দণ্ড প্রতাপ, দুন্দমনীয় উচ্চাভিলাষ । শিবজী বিংশ বংসর পধ্যালোচনা করিয়া দেখিলেন, প্রতি বংসরই অপূর্ণ বিজয়ে বা অসম-সাহসের কার্যে অঙ্কিত ও সমুজ্জ্বল !

সে কার্য্যপরম্পরা কি ব্যাণ ? সে আশা কি মায়াবিনী ? না, এখনও ভবিষ্যৎ আকাশে গৌরব-নক্ষত্র দীপ্তিমান্ রহিয়াছে, এখনও ভারতবর্ষে মুসলমান-রাজ্যের অবমান হইবে, হিন্দু রাজচক্রবর্তী বংশের উপর রাজচ্ছত্র উন্নত হইবে।

শিবজী এই প্রকার চিন্তা করিতেছিলেন, একপ সময়ে উন্মালিত গবাক্ষদ্বারে একটি দীর্ঘ মনুষ্যমূর্তি দেখিতে পাইলেন । কৃষ্ণবর্ণ অন্ধকার-ময় আকাশপটে যেন একটি দীর্ঘ নিশ্চেষ্ট প্রতিকৃতি ।

বিস্মিত হইয়া শিবজী দণ্ডায়মান হইলেন, সেই প্রতিকৃতির প্রতি তীব্রদৃষ্টি করিলেন, কোথ হইতে আসি অর্ধেক বহির্গত করিলেন । অপরিচিত আগন্তুক তাহা গ্রাহ্য না করিয়া ধীরে ধীরে গবাক্ষভিতর দিয়া গৃহে প্রবেশ করিলেন, ধীরে ধীরে ললাট ও ক্রয়ুগলের উপর নৈশ শিশির মোচন করিলেন ।

শিবজী তীক্ষ্ণনয়নে দেখিলেন, আগন্তুকের মস্তকে জটাভূট, শরীরে বিভূতি ; হস্তে বা কোষে আসি বা ছুরিকা, কোন প্রকার অস্ত্র নাই । তবে আগন্তুক শিবজীকে হত্যা করিবার জন্ত সত্ৰাট-প্রেরিত চর নহে । তবে আগন্তুক কে ?

তীক্ষ্ণনয়নে অন্ধকারময় ঘরের ভিতর শিবজীকে লক্ষ্য করিয়া আগন্তুক বলিলেন, “মহারাজের জয় হউক !”

অন্ধকাবে আগন্তুকের আকৃতি দেখিয়া শিবজী তাঁহাকে চিনিতে পারেন নাই, কিন্তু তাঁহাব বংশদ্বন্দ্ব শব্দমাত্র চিনিতে পারিলেন । জগতে প্রকৃত বন্ধু অতি বিরল । বিপদের সময় এরূপ বন্ধুকে পাইলে

প্রবন্ধ-চন্দ্রিকা ।

হৃদয় নৃত্য করিয়া উঠে । শিবজী সীতাপতি গোস্বামীকে প্রণাম ও সম্মেহে আলিঙ্গন করিয়া নিকটে বসাইলেন, একটি দীপ জালিলেন, পরে ত্রৈলোক্য সহ জিজ্ঞাসা করিলেন, “বন্ধুপ্রবর ! রায়গড়ের সংবাদ কি ? আপনি তথা হইতে কবে কিরূপে আসিলেন ? এত দূরেই বা কি প্রয়োজনে আসিলেন ? অত্ৰ নিশীথে গবাক্ষদ্বার দিয়া আমার নিকট আসিবারই বা অর্থ কি ?

সীতাপতি । মহারাজ ! রায়গড়ের সংবাদ সমস্ত কুশল । আপনি যে সচিবপ্রবরের হস্তে রাজ্যভার গ্ৰহণ করিয়াছেন, তাহাতে অমঙ্গল হইবার সম্ভাবনা নাই । কিন্তু এ বিষয় আমি বিশেষ জানি না, কেন না, আপনি রায়গড় পরিত্যাগ করিবার পরে অধিক কাল আমি তথায় ছিলাম না । পূর্বেই আপনাকে বলিয়াছিলাম, আমার ব্রত সাধনার্থে আমাকে দেশ-পর্যটন করিতে হয়, সেই প্রয়োজনেই মথুরা প্রভৃতি তীর্থস্থান-দর্শনার্থ দিল্লী আসিয়াছি ; প্রভুর সহিত যখন সাক্ষাৎ করি, তখনই আমার সৌভাগ্য, দিবাই কি, নিশাই কি ?

শিবজী । তথাপি কোন বিশেষ কারণ না থাকিলে গবাক্ষ দিয়া নিশীথে আসিতেন না । কি কারণ, প্রকাশ করিয়া বলুন ।

সীতাপতি । নিবেদন করিতেছি, কিন্তু পূর্বে জিজ্ঞাসা করি, প্রভু আসিয়া অবধি কুশলে আছেন ?

শিবজী । শারীরিক কুশলে আছি, শত্রুমধ্যে মনের কুশলতা কোথায় ?

সীতাপতি । প্রভুর সহিত ত সম্রাটের সন্ধি আছে, আপনার শত্রু কোথায় ?

শিবজী । সর্পের সহিত ভেকের সন্ধি কতক্ষণ স্থায়ী ? সীতাপতি ! আপনি অবশ্যই সমস্ত অবগত আছেন, আর আমাকে লজ্জা দিবেন না :

নিশীথে আগন্তুক—রমেশচন্দ্র ।

যদি রায়গড়ে আপনার পরামর্শ শুনিতাম, তাহা হইলে কঙ্কণদেশের পরিত ও উপত্যকার মধ্যে অত্যাধি স্বাধীন থাকিতে পারিতাম, খল সম্রাটের কথায় বিশ্বাস করিয়া দিল্লীনগরীতে বন্দী হইতাম না ।

সীতাপতি । প্রভু, আত্ম-তিরস্কার করিবেন না, মনুষ্যমাত্রেরই ভ্রাতৃর অধীন, এ জগৎ ভ্রম-পরিপূর্ণ । বিশেষ এ বিষয়ে আপনার দোষদাতা নাই, আপনি সন্ধিবাক্যে বিশ্বাস করিয়া, সদাচরণ প্রদর্শন করিয়া, এ স্থানে আসিয়াছেন । যিনি অসদাচরণ ও কপটাচরণে দোষী, জগদীশ্বর অরণ্য তাঁহাকেই দণ্ড দিবেন । প্রভু! খলতার জয় নাই, অত্ম আরংজীব যে পাপ করিয়া আপনাকে রুদ্ধ করিয়াছেন, সেই পাপে সবংশে নিধন হইবেন । মহারাজ ! আপনি রায়গড়ে যে কথা বলিয়াছেন, মহারাষ্ট্র-দেশে সে কথা এখনও কেহ বিশ্বাস হয় নাই ; আরংজীব যদি কপটাচরণ করেন, তবে মহারাষ্ট্রদেশে যে যুদ্ধানল প্রজ্জ্বলিত হইবে, সমস্ত মোগলসাম্রাজ্য তাহাতে দগ্ধ হইয়া যাইবে ।

উৎসাহে উল্লাসে শিবজীর নয়ন জ্বলিতে লাগিল । তিনি বলিলেন, “সীতাপতি ! সে ভরসা এখনও লোপ পায় নাই । এখনও আরংজীব দেখিবেন, মহারাষ্ট্র-জীবন লোপ পায় নাই ! কিন্তু হায় ! যে সময়ে আমার বীরাগ্রগণ্য সৈন্যেরা মোগলদিগের সহিত তুমুল সংগ্রামে লিপ্ত হইবে, সে সময়ে আমি কি দূর দিল্লীনগরে নিশ্চেষ্ট বন্দিস্বরূপ থাকিব ?”

সীতাপতি । যবে গগনসঞ্চারি বায়ুকে আরংজীব জ্বালমধ্যে রুদ্ধ করিতে পারিবেন, তখন আপনাকে দিল্লীর প্রাচীর মধ্যে বন্দী রাখিতে পারিবেন, তাহার পূর্বে নহে ।

শিবজী ঈষৎ হাস্য করিলেন, পরে ধীরে ধীরে বলিলেন, “তবে বোধ করি, আপনি কোন পলায়নের উপায় উদ্ভাবন করিয়াছেন, তাহাই বলিবার জন্ত এরূপ গুপ্তভাবে অত্ম রক্ষণীতে আমার গৃহে আসিয়াছেন ।”

প্রবন্ধ-চন্দ্রিকা ।

সীতাপতি । প্রভু তীক্ষ্ণবুদ্ধি, প্রভুর নিকট কিছুই গোপন রাখিতে পারি, এরূপ সম্ভাবনা নাই ।

শিবজী । সে উপায় কি ?

সীতাপতি । অন্ধকার রজনীতে প্রভু অনায়াসে ছদ্মবেশে গৃহ হইতে বাহির হইতে পারেন । দিল্লীর চারিদিকে উচ্চ প্রাচীর, কিন্তু পূর্বদিকে এক স্থানে সেই প্রাচীরে লৌহশলাকা স্থাপিত হইয়াছে, তদ্বারা প্রাচীর উল্লঙ্ঘন করা মহারাজিষ বীরের অসাধ্য নহে, অপরপার্শ্বে ক্ষুদ্র তরীতে আটজন মাল্লা আছে, প্রভু নিমেষমধ্যে মথুরায় পৌঁছিবেন । তথায় প্রভুব অনেক ধর্ম্মাত্মা পুরোহিত আছেন, তথা হইতে প্রভু অনায়াসে স্বদেশে যাইতে পারিবেন ।

শিবজী । আমি আপনার উদ্দেশ্যে তুষ্ট হইলাম । আপনি যে প্রকৃত বন্ধু, তাহার আর একটি নিদর্শন পাইলাম, কিন্তু প্রাচীর উল্লঙ্ঘনের সময় যদি কেহ আমাকে দেখিতে পায়, তাহা হইলে, পলায়ন দুঃসাধ্য ; আরংজীবের হস্তে মৃত্যু নিশ্চিত ।

সীতাপতি । প্রাচীরে যে স্থানে লৌহশলাকা দেওয়া আছে, তাহার অনতিদূরে আপনার সেনার মধ্যে দশ জন তীরন্দাজ ছদ্মবেশে লুক্কায়িত আছে । যদি কেহ প্রভুকে দেখিতে পায় বা গতিরোধ করে, তাহার মৃত্যু নিশ্চয় ।

শিবজী । ভাল, নৌকায় গমনকালে তীরস্থ কোন প্রহরী যদি সন্দেহ-প্রযুক্ত নৌকা ধরিতে চাহে ?

সীতাপতি । অষ্টজন ছদ্মবেশী নৌকাবাহক আপনারই অষ্টজন ঘোড়া । তাহাদিগের শরীর বস্মাচ্ছাদিত, তৃণ পরিপূর্ণ । সহসা নৌকা কেহ রোধ করিতে পারে, তাহার সম্ভাবনা নাই ।

শিবজী । মথুরা পৌঁছিয়া যদি প্রকৃত বন্ধু না পাই ?

নিশীথে আগন্তুক—রমেশচন্দ্র ।

সীতাপতি । আপনার পেশওয়ার ভগিনীপতি মথুরায় আছেন, তিনি আপনার চির পরিচিত ও বিশ্বস্ত, তাহা আপনি জানেন । আমি অণু তাঁহার নিকট হইতে আসিতেছি । তিনি সমস্ত প্রস্তুত রাখিয়াছেন, তাহার পত্র পাঠ করুন ।

বস্ত্রের ভিতর হইতে একখানি পত্র বাহির করিয়া সীতাপতি, শিবজীর হস্তে দিলেন । শিবজী ঈষৎ হাস্য করিয়া পত্র ফিরাইয়া দিয়া বলিলেন, “আপনি পাঠ করিয়া শুনান ”

সীতাপতি লজ্জিত হইলেন : তাঁহার তখন স্মরণ হইল যে, শিবজী আপন নাম লিখিতেও জানিতেন না, কখনও লেখাপড়া শিখেন নাই ।

সীতাপতি পত্র পাঠ করিয়া শুনাইলেন । বাহা বাহা আবশ্যক, সুবেশ্বরের কুটুম্ব সমস্ত স্থির করিয়াছেন, পত্রে বিস্তীর্ণ লেখা আছে ।

শিবজী বলিলেন, “গোস্বামিন্ । আপনার সমস্ত জীবন যাগযজ্ঞে অতিবাহিত হইয়াছে, কখনই বোধ হয় না । শিবজীর প্রধান মন্ত্রীও আপনা অপেক্ষা সুন্দররূপে উপায় উদ্ভাবন করিতে পারিত না । কিন্তু এখনও একটি কথা আছে । আমি পলাইলে আমার পুত্র কোথায় থাকিবে, আমার বিশ্বস্ত মন্ত্রী রঘুনাথপন্থ ও প্রিয় সূহৃদ্ তম্বজী থাকিবে ? আমার বিশ্বস্ত সৈন্যগণই বা কিরূপে আরংজীবকে কোপ হইতে পরিত্রাণ পাইবে ?

সীতাপতি । আপনার পুত্র, প্রিয়সূহৃদ্ ও মন্ত্রিবর আপনার সহিত অণু রজনীতে যাইতে পারে । আপনার সেনাগণ দিল্লীতে থাকিলে হানি নাই, আরংজীব তাহাদিগকে লইয়া কি করিবেন, অগত্যা ছাড়িয়া দিবেন ।

শিবজী । সীতাপতি ! আপনি আরংজীবকে জানেন না ; তিনি ভ্রাতৃগণকে বধ করিয়া সিংহাসনে আরোহণ করিয়াছেন ।

প্রবন্ধ-চন্দ্রিকা ।

সীতাপতি । যদি আপনার সেনাগণের উপর কঠোর আদেশ দেন, কোন্ মহারাষ্ট্রসেনা আপনার নিরাপদ-বার্তা শ্রবণ করিয়া উল্লাসের সহিত প্রাণবিসর্জন না করিবে ?

শিবজী ক্ষণেক নীরবে চিন্তা করিলেন, পরে মহানুভব ধীরে ধীরে বলিলেন, “গোশ্বামিন্ ! আমি আপনার চেষ্টা, আপনার উদ্যোগেব জন্ম আপনার নিকট চিরবাধিত রহিলাম ; কিন্তু শিবজী তাহার বিশ্বস্ত ও চিরপালিত ভৃত্যদিগকে বিপদে রাখিয়া আপনার উদ্ধার চাহে না, একপ ভীকৃত্যর কাণ্ড কখনও করিবে না । সীতাপতি ! অন্য উপায় উদ্ভাবন করুন, নচেৎ চেষ্টা ত্যাগ করুন ।”

সীতাপতি । অন্য উপায় নাই ।

শিবজী । তবে সময় দিন, শিবজীর এই প্রথম বিপদ নহে, উপায় উদ্ভাবনে শিবজী কখনও পরাজ্য হইয়া নাই ।

সীতাপতি । সময় নাই । অন্য রজনীতে প্রভু পলায়ন করুন, নতুবা কল্যাণ আপনার পলায়ন নিষিদ্ধ ।

শিবজী । আপনি কোন্ যোগবলে এরূপ জানিলেন, জানি না, কিন্তু আপনার কথা যদি যথার্থই হয়, তথাপি শিবজীব অন্য উত্তর নাই । শিবজী আশ্রিত প্রতিপালিত লোককে বিপদে রাখিয়া আপন পবিত্রাণ করিবে না । গোশ্বামিন্ ! এ ক্ষত্রিয়ের ধর্ম নহে ।

সীতাপতি । প্রভু ! বিশ্বাসঘাতকের শাস্তিদান করা ক্ষত্রিয়ের ধর্ম, আরংজীবকে শাস্তিদান করুন । সেই দূর-মহারাষ্ট্রদেশে প্রত্যাবর্তন করুন, তথায় সাগর-তরঙ্গের স্রায় সমর-তরঙ্গ প্রবাহিত করুন । অচিরে আরংজীবের সুখস্বপ্ন ভঙ্গ হইবে ; অচিরে এই পাপপূর্ণ সাম্রাজ্য অতুল জলে নগ্ন হইবে ।

শিবজী । সীতাপতি ! যিনি ব্রহ্মাণ্ডের রাজা, তিনি বিশ্বাস-

নিশীথে আগন্তুক—রমেশচন্দ্র ।

ঘাতকতার শাস্তি দিবেন, আমার কথা অবধারণা করুন, তাহার অধিক বিলম্ব নাই । শিবজী আশ্রিতকে ত্যাগ করিবে না ।

সীতাপতি । প্রভু ! এখনও এ প্রতিজ্ঞা ত্যাগ করুন, এখনও বিবেচনা করিয়া আদেশ করুন, কল্যাণ বিবেচনার সময় থাকিবে না, কল্যাণ আপনি বন্দী ।

শিবজী । তাহাই হউক । শিবজী আশ্রিতকে ত্যাগ করিবে না, শিবজীব এ প্রতিজ্ঞা অবিচলিত ।

সীতাপতি নীরব হইয়া রহিলেন । শিবজী চাহিয়া দেখিলেন, তাঁহার নয়নে জলবিন্দু । তখন সম্মুখে সীতাপতির হস্ত ধরিয়া বলিলেন, “গোস্বামিন্ ! দোষ গ্রহণ করিবেন না । আপনার যত্ন, আপনাব চেষ্টা, আপনার ভালবাসা আমি জীবন থাকিতে ভুলিব না । রায়গড়ে আপনার বীরপরামর্শ ও দিল্লীতে আমার উদ্ধারার্থ আপনার এতদূর উদ্যোগ চিরকাল আমার হৃদয়ে অঙ্কিত থাকিবে । আপনি আমার সহিত অবস্থান করুন, আপনার পরামর্শে শীঘ্র সকলেরই উদ্ধারসাধন করিব ।”

সীতাপতি । প্রভু ! আপনার মিষ্টবাক্যে যথোচিত পুংস্কৃত হইলাম ; জগদীশ্বর জানেন, আপনার সঙ্গে থাকা ভিন্ন আমার আর অণু অভিলাষ নাই । কিন্তু আমার ব্রত অলঙ্ঘনীয়, ব্রতসাধনের জগু নানা স্থানে নানা কাষে যাইতে হয়, এখানে অবস্থিতি অসম্ভব ।

শিবজী । এ কি অসাধারণ ব্রত, জানি না, সীতাপতি ! এ কি কঠোর ব্রত-ধারণ করিয়াছেন ?

সীতাপতি । সমস্ত এক্ষণে কিরূপে বিস্তার করিয়া বলিব, সাধনের একটি অঙ্গ এই যে, দিবসে রাজদর্শন নিষিদ্ধ ।

শিবজী । ভাল, এ ব্রত কি উদ্দেশ্যে ধারণ করিয়াছেন ?

ক্ষণেক চিন্তা করিয়া সীতাপতি বলিলেন, “আমার লামাটে একটি

প্রবন্ধ-চন্দ্রিকা ।

অমঙ্গল লিখিত আছে, আমার ইষ্টদেবতা, যাহাকে আমি বাল্যকাল হইতে পূজা করিয়াছি, যাহার নাম জপ করিয়া জীবনধারণ করিয়াছি, বিধির নির্বন্ধে তিনি আমার উপর বিমুখ । সেই অমঙ্গল খণ্ডনার্থ ব্রত-ধারণ করিয়াছি ।”

শিবজী । এ অমঙ্গল কে গণনা করিয়া আপনাকে জানাইল ? কেই বা আপনাকে অমঙ্গল খণ্ডনার্থ এ বিষম ব্রত-ধারণ করিতে বলিল ?

সীতাপতি । কাব্যবশতঃ আমি স্বয়ংই এটি জানিতে পারিলাম, ঈশানী-মন্দিরে একজন আমাকে এই ব্রত-ধারণ করিবার আদেশ করিয়াছেন । যদি সফল হই, সমস্ত আপনার নিকট নিবেদন করিব । যাহার পূজার্থ জীবনধারণ করিতেছি, তিনি বিমুখ হইলে এ জীবনে আবশ্যক কি ?

শিবজী । সীতাপতি ! যাহা বলিলেন, যথার্থ । যাহার জন্ত প্রাণপণ করি, যাহার জন্ত আত্মসমর্পণ করি, তাঁহাব অসন্তোষ অপেক্ষা জগতে মর্য়ভেদী দুঃখ আর নাহি ।

সীতাপতি । প্রভু ! আপনি কি এ যাতনা কখনও ভোগ করিয়াছেন ?

শিবজী । জগদীশ্বর আমাকে মার্জ্জনা বরুন, আমি একজন নিদোষী বীরপুরুষকে এই যাতনা দিয়াছি । সে বালকের কথা মনে হইলে এখনও আমার সময়ে সময়ে হৃদয়ে বেদনা হয় ।

সীতাপতি । সে হতভাগার নাম কি ?

শিবজী বলিলেন, “রঘুনাথজী হাবিলদার !”

ঘবের দীপ সহসা নির্মাণ হইল । শিবজী প্রদীপ জ্বালিবার উদ্যোগ করিতেছিলেন, এমন সময় সীতাপতি বলিলেন, “দীপ অনাবশ্যক, বলুন, শ্রবণ করিতেছি ।”

নিশীথে আগন্তুক— রমেশচন্দ্র।

শিবজী। আর কি বলিব! তিন বৎসব অতীত হইয়াছে, সেই বালকবেশী বীরপুরুষ আমার নিকট আইসে ও সৈনিকের কাষে প্রবৃত্ত হয়। তাহার বদনমণ্ডল উদার। সীতাপতি! আপনারই গায় তাহার উন্নত ললাট ও উজ্জল নয়ন ছিল। বালকের বয়স আপনা অপেক্ষা অল্প, আপনার গায় তাহার বুদ্ধির প্রখরতা ছিল না, কিন্তু সেই উন্নত হৃদয়ে আপনার গায়ই দুন্দমনীয় বীরত্ব ও সাহস সর্বদা বিরাজ করিত। আপনার বলিষ্ঠ উন্নত দেহ যখন দেখি, আপনার বীরোচিত বিক্রম যখন আলোচনা করি, সেই বালকের কথা সর্বদাই হৃদয়ে জাগরিত হয়।

সীতাপতি। তাহার পর?

শিবজী। সেই বালককে যে দিন প্রথম দেখিলাম, সেই দিন প্রকৃত বীর বলিয়া চিনিলাম; সে দিন আমার নিজের একখানি অসি তাহাকে দান করিলাম, বধুনাথ সে অসির অবমাননা কবে নাই। বিপদের সময় সর্বদা আমার ছায়ার গায় আমার নিকটে থাকিত, যুদ্ধের সময় দুন্দমনীয় তেজে শত্রুরেখা ভেদ করিয়া অগ্রসর হইত। এখনও বোধ হয়, তাহার সেই বীর আকৃতি, সেই গুচ্ছ গুচ্ছ কৃষ্ণকেশ, সেই উজ্জল নয়ন আমি দেখিতে পাইতেছি।

সীতাপতি। তাহার পর?

শিবজী। সেই বালক এক যুদ্ধে আমার জীবন রক্ষা করিয়াছিল, অন্য এক যুদ্ধে তাহারই বিক্রমে দুর্গজয় হইয়াছিল, অনেক যুদ্ধে সে আপন অসাধারণ পরাক্রম প্রকাশ করিয়াছিল।

সীতাপতি। তাহার পর?

শিবজী। আর জিজ্ঞাসা করেন কি জ্ঞা? আমি একদিন ভ্রমে পতিত হইয়া সেই চিরবিশ্বাসী অনুচরকে অবমাননা করিয়া কাষ্য হইতে

প্রবন্ধ-চন্দ্রিকা ।

দূর করিয়া দিলাম । শেষ পর্য্যন্ত ও রঘুনাথ একটিও কর্কশ কথা উচ্চারণ করে নাই, যাইবার সময় ও আমার দিকে মস্তক নত করিয়া চলিয়া গেল ।

শিবজীর কণ্ঠ রুদ্ধ হইল, নয়ন দিয়া অশ্রু বহিয়া পড়িতে লাগিল । অনেকক্ষণ কেহ কথা কহিতে পারিলেন না । অনেকক্ষণ পরে সীতাপতি বলিলেন, “তাহাতে আক্ষেপের কারণ কি ? দোষীর দণ্ডই রাজধর্ম্ম ।”

শিবজী । দোষী ? রঘুনাথের উন্নত চরিত্রে দোষ স্পর্শে না, আমি কি কুক্ষণে ভ্রান্ত হইলাম, জানি না । রঘুনাথের যুদ্ধস্থানে আসিতে বিলম্ব হইয়াছিল, আমি তাহাকে বিদ্রোহী মনে করিলাম । মহানুভব জয়সিংহ পরে এ বিষয় অনুসন্ধান করিয়া জানিয়াছেন যে, তাঁহার একজন পুরোহিতের নিকট রঘুনাথ যুদ্ধের পূর্বে আশীর্বাদ লইতে গিয়াছিল, সেই জন্তই বিলম্ব হইয়াছিল । নিদোষীকে আমি অবমাননা করিয়াছিলাম, শুনিয়াছি, সেই অবমাননায় রঘুনাথ প্রাণত্যাগ করিয়াছে । যুদ্ধে সে আমার প্রাণরক্ষা করিয়াছিল, আমি তাহার প্রাণবিনাশ করিয়াছি ।

শিবজীর কথা সমাপ্ত হইল, তাঁহার বাক্শক্তি রুদ্ধ হইল, তিনি অনেকক্ষণ নীরব হইয়া রহিলেন । অনেকক্ষণ পরে ডাকিলেন, “সীতাপতি !”

কোন উত্তর পাইলেন না । কিঞ্চিৎ বিস্মিত হইয়া ‘প্রদীপ’ জালিলেন ; দেখিলেন, সীতাপতি ঘরের মধ্যে নাই ।

(৩২মেশচন্দ্র দত্ত)

আরোগ্য ।

'এত শুনি উত্তর কণ্ঠে ক স্বর হ'য়ে
কহিতে লাগিল পুনঃ প্রণাম করিয়ে ।
হে বীর, কমলচক্ষে কব পরিহাব,
অজ্ঞানের অপবাদ ক্ষমিবা আমার ।'

(কাশীরাম দাস)

উপরি-উক্ত ঘটনার কয়েক দিন পরে নগরে সংবাদ প্রচারিত হইল যে, শিবজীর পীড়ার কিছু উপশম হইয়াছে । নগরে পুনরায় আনন্দভাব দৃষ্ট হইল, সকলেই সেই কথা কহিতে লাগিল । হিন্দুমাতেই এ কথা শুনিয়া পরম আনন্দ উপভোগ করিল ; মহাশয় মুসলমানগণ এই সংবাদ পাইয়া সুখী হইলেন । পথে, ঘাটে, দোকানে, মস্জিদে সকলেই এই কথা কহিতে লাগিল, আরংজীব এ সংবাদ শুনিয়া যথোচিত সন্তোষ প্রকাশ করিলেন ।

নগরে ধুমধাম পড়িয়া গেল । শিবজী ব্রাহ্মণদিগকে রাশি রাশি মুদ্রা দান করিতে লাগিলেন, দেবালয়ে পূজা পাঠাইতে লাগিলেন, চিকিৎসক সকলকে অর্থদানে সন্তুষ্ট করিলেন । বাজাবে আর মিষ্টান্ন রহিল না, শিবজী রাশি রাশি মিষ্টান্ন ক্রয় করিয়া দিল্লীর সমস্ত বড়লোকের বাটীতে পাঠাইতে লাগিলেন । পরিচিত সমস্ত লোকের নিকট ভেট পাঠাইতে লাগিলেন ; এমন কি, প্রতি মস্জিদে ও ফকিরগণের সেবার্থ প্রচুর পরিমাণে মিষ্টান্ন পাঠাইতে লাগিলেন । সম্রাটের মনে যাহাই থাকুক, অন্য সকলেই শিবজীর এই বদান্যতা ও সদাচরণে সন্তুষ্ট হইয়া, তাঁহার প্রশংসা করিতে লাগিলেন ।

প্রবন্ধ-চন্দ্রিকা ।

শিবজী কেবল মিষ্টান্ন প্রেরণ করিয়া সন্তুষ্ট হইতেন না, মিষ্টান্ন ক্রয় কবিয়া নিজের গৃহে আনিতেন ও অতি প্রকাণ্ড প্রকাণ্ড আধার সমস্ত নিৰ্ম্মাণ করাইয়া স্বয়ং মিষ্টান্ন সাজাইয়া প্রেরণ করিতেন । সে আধার কখন কখন তিন চারি হাত দীর্ঘ হইত, আট কি দশ জন লোক বহিষ্কা লইয়া যাইত । কয়েকদিন এইরূপে মিষ্টান্ন বিতরিত হইতে লাগিল ।

একদিন সন্ধ্যার সময় এইরূপ দুইটি প্রকাণ্ড মিষ্টান্নের আধার শিবজীর গৃহ হইতে বাহির হইল । প্রহরিগণ জিজ্ঞাসা করিল, “এ কাহার বাটীতে যাইবে ?” বাহকেরা উত্তর করিল, “রাজা জয়সিংহ-সদনে ।”

প্রহরিগণ । তোমাদের প্রভু আর কত দিন মিষ্টান্ন পাঠাইবেন ?

বাহকেরা । অল্পই শেম ।

মিষ্টান্নের ভার লইয়া বাহকগণ চলিয়া গেল ।

কতক পথ যাইয়া বাহকেরা একটি অতি সজ্জোপন স্থানে সন্ধ্যার অন্ধকারে সেই দুই আধার নামাইল । বাহকগণ চাবিদিকে চাহিয়া দেখিল, জনমাত্র নাই, কেবল সন্ধ্যার বায়ু রহিয়া রহিয়া যাইতেছে । বাহকেরা একটি ইঙ্গিত করিল, একটি আধার হইতে শিবজী অপরটি হইতে শঙ্কুজী বাহির হইলেন । উভয়ে জগদীশ্বরকে ধন্যবাদ দিলেন ।

বিলম্ব না করিয়া উভয়ে ছদ্মবেশে দিল্লীর প্রাচীরান্নিনুখে যাইতেছেন । সন্ধ্যার সময় লোক অতি অল্প, তথাপি রাজপথে দুই এক জন লোক যখন নিকট দিয়া যায়, শঙ্কুজীর হৃদয় ভয়ে ও উদ্বেগে কম্পিত হইয়া উঠে । শিবজীর চিরজীবন এইরূপ বিপৎপূর্ণ, তাঁহার পক্ষে এ বিপদ কিছু নূতন নহে, তথাপি তাঁহার হৃদয় উদ্বেগশূন্য ছিল না ।

উভয়ে কম্পিতহৃদয়ে প্রাচীর পার হইলেন । একজন প্রহরী জিজ্ঞাসা করিলেন, “কে যায় ?”

শিবজী উত্তর করিলেন, “গোঁস্বামী ।” হবেনাম হবেনাম হবেনামেব কেবলম্ ।

প্রহরী । কোথায় যাইতেছ ?

শিবজী । মথুরা তীর্থস্থানে । কলো নাশ্যেব নাশ্যেব নাশ্যেব গতিরন্তথা ।

• উভয়ে প্রাচীর পার হইলেন !

প্রাচীরের বাহিরেও অনেক ধনাঢ্য ও উচ্চপদাভিষিক্ত লোক বাস করিতেন । সে সকল দুই পার্শ্বে রাখিয়া শিবজী ও শঙ্কুজী স্ববার পথ অতিবাহন করিতে লাগলেন ।

দূরে একটি বৃক্ষতলে একটি অশ্ব বন্ধ রহিয়াছে, দেখিলেন । অতি সতর্কভাবে সেই দিকে যাইলেন ; দেখিলেন, তন্নজী-বণিত অশ্বই বটে । জিজ্ঞাসা করিলেন, “ভাই অশ্বরক্ষক ! তোমার নাম কি ?

রক্ষক । জানকীনাথ ।

শিবজী । কোথায় যাইবে ?

রক্ষক । মথুরা ।

শিবজী বলিলেন, “হাঁ, এই অশ্ব বটে ।”

শিবজী অশ্বে আরোহণ করিলেন, পশ্চাতে শঙ্কুজীকে উঠাইয়া লইলেন, মথুরাব দিকে চলিলেন । অশ্বরক্ষক পশ্চাৎ পশ্চাৎ পদব্রজে চলিতে লাগিল ।

অন্ধকার নিশীথে পল্লী বা প্রান্তর দিয়া নির্ঝাক্ হইয়া শিবজী পলায়ন করিতেছেন । আকাশে নক্ষত্রগুলি মিট মিট করিতেছে, অল্প অল্প মেঘ একবার গগন আচ্ছাদিত করিতেছে, বর্ষাবালে পূর্ণকলেবরা যমুনা প্রবলবেগে বহিয়া যাইতেছে, পথ-ঘাট বন্দম বা জলপূর্ণ । শিবজী উদ্বেগপূর্ণ-হৃদয়ে পলায়ন করিতেছেন ।

প্রবন্ধ-চন্দ্রিকা ।

দূর হইতে অশ্বের পদশব্দ শ্রুত হইল । শিবজী লুকাইবার চেষ্টা করিলেন, কিন্তু সে স্থানে বৃক্ষ বা কুটীর নাই, অগত্যা পূর্ববৎ গমন করিতে লাগিলেন ।

তিন জন অশ্বারোহী বেগে দিল্লী-অভিমুখে আসিতেছেন, তাঁহাদিগের কোষে অশ্ব । দূর হইতে শিবজীর অশ্ব দেখিতে পাইয়া, তাঁহারা সেই দিকে অশ্ব প্রধাবিত করিলেন । শিবজীর হৃদয় উদ্বেগে ছুরু ছুরু করিতে লাগিল । নিকটে আসিয়া একজন অশ্বারোহী জিজ্ঞাসা করিলেন, “কে যায় ?”

শিবজী । গোস্বামী ।

অশ্বারোহী । কোথা হইতে আসিতেছ ?

শিবজী । দিল্লীনগরী হইতে ।

অশ্বারোহী । আমরা দিল্লীনগরীতে যাইব, কিন্তু পথ হারাইয়াছি । আমাদের সঙ্গে আসিয়া পথ দেখাইয়া দেও, পরে তুমি মগুরায় যাইও ।

শিবজীর মস্তকে যেন বজ্রাঘাত হইল । দিল্লী বাইতে অশ্বীকাব করিলে সৈনিকেরা বলপ্রকাশ করিবে, বিবাদের সময় সহসা শিবজীকে চিনিলেও চিনিতে পারে ; কেন না, দিল্লীতে একুপ সৈনিক ছিল না যে, শিবজীকে দেখে নাই । আর দিল্লীতে পুনর্গমন করিলে সহস্র বিপদ ! ইতিকর্তব্যবিমূঢ় হইয়া চিন্তা করিতে লাগিলেন ।

একজন অশ্বারোহী সম্মুখে আসিয়া শিবজীর সহিত কথা কহিয়াছিল, অপর দুইজন অস্পষ্টস্বরে পরামর্শ করিতেছিল । কি পরামর্শ ?

একজন বলিল, “স্বর আমি জানি, আমি দক্ষিণদেশে সায়েস্তা খাঁর অধীনে অনেকদিন যুদ্ধ করিয়াছি, আমি নিশ্চয় বলিতেছি, মুপথিক গোস্বামী নহে ।”

অপরজন বলিল, “তবে কে ?”

প্রথম । আমি সন্দেহ করি, এঁ স্বয়ং শিবজী । দুইজন মন্ত্রণের
কণ্ঠস্বর ঠিক একরূপ হয় না ।

দ্বিতীয় । তুই মূর্খ ! শিবজী দিল্লীতে বন্দী হইয়াছে ।

প্রথম । সেইরূপ আমরাও মনে করিয়াছিলাম যে, শিবজী সিংহগড়
ভূর্গে আছে, সহসা একদিন রজনীযোগে পুনা ধ্বংস করিয়া গিয়াছিল ।

• দ্বিতীয় । ভাল, মস্তকের বস্ত্র তুলিয়া দেখিলেই সমস্ত সন্দেহ দূর
হইবে ।

সহসা একজন অশ্বারোহী আসিয়া শিবজীর উষ্ণীষ দূরে নিক্ষেপ
করিলেন, শিবজী তাঁহাকে চিনিলেন, তিনি সায়েস্তা খাঁর অধীন একজন
প্রধান সেনানী ।

যদি হস্তে কোনরূপ অস্ত্র থাকিত, শিবজী একাকী তিন জনকে হত
করিবার ষেষ্টা করিতেন । রিক্তহস্তেও একজনকে মুষ্টিআঘাতে
অচেতন করিলেন ; এমন সময় আর দুইজন অসিহস্তে নিকটে আসিয়া
শিবজীকে ধরিয়া ভূতলশায়ী করিল ।

শিবজী ইষ্টদেবতাকে স্মরণ করিলেন, আবার বন্দী হইলেন, বিদেশে
বন্ধুশূন্য হইয়া আরংজীব কতক হত হইবেন, এই চিন্তা করিতেছিলেন ।
শত্রুজীর দিকে নয়ন পড়িল, চক্ষু জলে আর্পুত হইল ।

সহসা একটি শব্দ হইল । শিবজী দেখিলেন, একজন অশ্বারোহী
তীরবিদ্ধ হইয়া ভূতলশায়ী হইলেন । আর একটি তীর, আর একটি
তীর ; শিবজীর তিন জন শত্রুই ভূতলশায়ী ! তিন জনই
গত জীবন !

শিবজী পরমেশ্বরকে ধন্যবাদ দিয়া উঠিয়া দেখিলেন, পশ্চাৎ হইতে
সেই অশ্বরক্ষক জানকীনাথ তীর নিক্ষেপ করিতেছিল । বিস্মিত হইয়া
জানকীনাথকে নিকটে ডাকিয়া জীবন-রক্ষার জন্য শত ধন্যবাদ দিতে

প্রবন্ধ-চন্দ্রিকা

লাগিলেন। সে নিকটে আসিলে শিবজী আর ও বিস্মিত হইয়া দেখিলেন, সে অশ্বরক্ষকবেশে সীতাপতি গোস্বামী !

তখন সহস্রবার গোস্বামীর নিকট ক্ষমা প্রার্থনা করিয়া বলিলেন, “সীতাপতি ! আপনি ভিন্ন শিবজীর বিপদের সময় প্রকৃত বন্ধু আর কে আছে ? আপনাকে অশ্বরক্ষক মনে করিয়া তুচ্ছ করিয়াছিলাম, ক্ষমা করুন। আপনার এ কাষের জ্ঞাত আমি কি উপযুক্ত পুরস্কার দিতে পারি !”

সীতাপতি শিবজীর সম্মুখে জানু গাড়িয়া করদোড়ে বলিলেন, “রাজন ! ছদ্মবেশ ক্ষমা করুন, আমি আপনার পুরাতন ভৃত্য রঘুনাথজী হাবিলদার ! জ্ঞান হইয়া অবধি আপনার সেবা করিয়াছি ; আজীবন-কাল আপনার সেবা করিব, ইহা ভিন্ন অন্য কামনা নাই, অন্য পুরস্কার চাহি না। প্রভুব কাছে যদি না জানিয়া কখন কোন দোষ করিয়া থাকি, প্রভু নিরাশ্রয়ের আশ্রয়, দোষ ক্ষমা করুন।”

শিবজী চকিত হইয়া সেই বালক রঘুনাথের দিকে চাহিলেন, হৃদয়ের উদ্বেগ সংবরণ করিতে পারিলেন না, সজল নয়নে রঘুনাথকে বক্ষে ধারণ করিয়া বলিলেন, “রঘুনাথ ! রঘুনাথ ! তোমার নিকট শিবজী শত অপরাধে অপরাধী, কিন্তু এই মহৎ আচরণে আমাকে যথেষ্ট দণ্ড দিয়াছ। তোমাকে সন্দেহ করিয়াছিলাম, তোমার অবমাননা করিয়াছিলাম, স্মরণ করিয়া অন্য বিদীর্ণ হইতেছে। শিবজী যতদিন জীবিত থাকিবে, তোমার গুণ বিস্মৃত হইবে না, প্রণয় ও যত্নে যদি সে মহৎ ঋণ পরিশোধ করা যায়, তবে পরিশোধ করিবার চেষ্টা করিবে।”

শান্ত নিস্তরক রক্তনীতে উভয়ে পরস্পর আলিঙ্গনস্থখে বিমুক্ত হইলেন। রঘুনাথের ব্রত অচ্য শেষ হইল, শিবজীর হৃদয়বেদনা অচ্য দূর হইল, বালকের গায় উভয়ে অজস্র অশ্রুবর্ষণ করিতে লাগিলেন।

(৩রমেশচন্দ্র দত্ত)

মধুস্মৃতি ।

মধুস্মৃদনের সহিত আমার প্রথম আলাপ হিন্দু কলেজে । সংস্কৃত কলেজ ছাড়িয়া, আমি যখন হিন্দু কলেজের সপ্তম শ্রেণীতে আসিয়া ভর্তি হই, তখন মধুও ঐ শ্রেণীতে পড়িত । মধুব তখন যৌবনের প্রাক্কাল, কৈশোর অবস্থা অতিক্রান্ত-প্রায় হইয়াছে ।

রামচন্দ্র মিত্র-নামক জনৈক শিক্ষক আমাদের পড়াইতেন । আমি যে দিন প্রথম ভর্তি হইলাম, সেই দিন রামচন্দ্রবাবু ভূগোল পড়াইবার সময় পৃথিবীর গোলত্বের বিষয় আমাদেরকে বুঝাইয়া দেন । ইংরাজী-শুয়ালা মাত্রেই, বিশেষতঃ ইংরাজী শিক্ষকেরা, ব্রাহ্মণ পণ্ডিত ও স্বদেশীয় শাস্ত্রের প্রতি শ্লেষবাক্য প্রয়োগ করিতে বড় ভাল বাসিতেন । আমার পিতা যে একজন ব্রাহ্মণ পণ্ডিত ছিলেন, রামচন্দ্র বাবু তাহা জানিতেন এবং সেই কারণেই, পড়াইতে পড়াইতে আমার দিকে চাহিয়া বলিলেন, “পৃথিবীর আকার কমলা লেবুর মত গোল, কিন্তু, ভূদেব, তোমার বাবা একথা স্বীকার করিবেন না ।” আমি কোন কথা কহিলাম না, চুপ্ করিয়া রহিলাম । স্কুলের ছুটির পর বাড়ী আসিলাম । কাপড় চোপড় ছাড়িতে দেবী সহিল না ; একেবারে বাবাব কাছে আসিয়া জিজ্ঞাসা করিলাম, “বাবা, পৃথিবীর আকার কি রকম ?” তিনি বলিলেন, “কেন বাবা, পৃথিবীর আকার গোল ।” এই কথা বলিয়াই আমাকে একখানি পুথি দেখাইয়া দিলেন, বলিলেন, “ঐ গোলাধ্যায় পুথি খানিব অমুক স্থানটি দেখ দেখি ?” আমি সে স্থানটি বাহির করিয়া দেখিলাম, তথায় লেখা রহিয়াছে—“করতল-কলিতামলকবদমলং বিদান্তি যে গোলং”! বচনটি পাঠ করিয়া মনে একটু বলের সঞ্চার হইল । একখানি কাগজে

প্রবন্ধ-চন্দ্রিকা ।

এটি টুকিয়া লইলাম । পরদিন স্কুলে আসিয়া রামচন্দ্র বাবুকে বলিলাম, “আপনি বলিয়াছিলেন, আমার বাবা পৃথিবীর গোলত্ব স্বীকার করিবেন না । কেন, বাবা তো পৃথিবী গোলই বলিয়াছেন ; এই দেখুন, তিনি বহু এই শ্লোকটিও আমাকে পৃথিবীমধ্যে দেখাইয়া দিয়াছেন ।” রামচন্দ্র বাবু সমস্ত দেখিয়া ও শুনিয়া বলিলেন, “কথাটা বলায় আমার একটু দোষ হইয়াছিল ; তা তোমার বাবু বলিবেন বৈ কি ; তবে অনেক ব্রাহ্মণ-পণ্ডিত এ বিষয়ে অনভিজ্ঞ ।” রামচন্দ্র বাবুতে ও আমাতে যখন এই সকল কথা হয়, তখন ক্লাসের একটি ছেলের চক্ষু আমাতে বিশেষরূপে আকৃষ্ট দেখিতে পাইলাম । বর্ণ কাল হইলেও ছেলেটি দেখিতে বেশ সুশ্রী, শরীর সতেজ, ললাট প্রশস্ত, চক্ষু দুইটি বড় বড় এবং অতিশয় উজ্জ্বল ; দেখিতে অতি বুদ্ধিমান ও অধ্যবসায়শীল বলিয়া বোধ হয় । যতক্ষণ স্কুলে ছিলাম, ততক্ষণই মধ্যো মধ্যো অতি তীব্র দৃষ্টিতে সে আমার দিকে চাহিতেছিল । ছুটির পর একেবারে সে আমার নিকটে আসিয়া ‘সেক্‌ছাণ্ড’ করিয়া আমাকে জিজ্ঞাসা করিল, “ভাই, তোমার নাম কি, কোথায় বাড়া তোমার,” ইত্যাদি । আমি তাহার এইরূপ অতি সুমিষ্ট সম্ভাষণ এবং সৌজন্যে বিশেষ আপ্যায়িত হইয়া, একে একে তৎকৃত সকল প্রশ্নগুলিরই উত্তর দিলাম ।

ইনিই মধু । এই দিন হইতেই ইহার সহিত আমার ঘনিষ্ঠতা আরম্ভ হইল এবং অত্যল্পকাল মধ্যেই উভয়ের বিশেষ বন্ধুত্ব জন্মিল । মধু মধ্যো মধ্যো প্রায়ই আমাদের বাড়ীতে আসিতে লাগিল, এবং সেই সঙ্গে অন্যান্য সমপাঠীদের মধ্যেও কেহ কেহ আমাদের বাড়ীতে আসিতে আরম্ভ করিল । আমাব মা সকলকেই যত্ন করিতেন । আমাদের সকলকেই খাবার খাইতে দিতেন ; গায়ে মাথায় ধুলা লাগিলে চুল আঁচড়াইয়া ও গা বাড়িয়া দিয়া পরিস্কৃত পবিচ্ছন্ন করিয়া দিতেন । সেই

হইতেই আমার মায়ের উপর মধুর যথেষ্ট শ্রদ্ধা জন্মিয়াছিল। মধু আমাদের বাড়ী আসিত, কিন্তু আমি কোনদিন মধু বাড়ীতে যাই নাই ; মধু আমায় তজ্জগু কোনদিন অনুরোধও করে নাই। বোধ হয়, আমাদের বাড়ীর ধরণ ও মধুর বাবার বাসাবাড়ীর ধরণ স্বতন্ত্র ছিল; সুতরাং তথায় লইয়া যাইলে পাছে আমার প্রীতি না হয়, এই জগুই সম্ভবতঃ, মধু আমাকে ওরূপ অনুরোধ কোনদিন করে নাই। ক্লাসে মধু ও আমি এক সঙ্গে বসিতাম। মধু যে পুস্তকখানি পড়িত, সে খানি আমায় না পড়াইলে তাহার তৃপ্তি হইত না। ফলকথা উভয়ের মধ্যে বন্ধুত্ব খবই প্রগাঢ় হইয়া উঠিয়াছিল।

আমরা উভয়ে যখন পঞ্চম শ্রেণীতে পড়ি, সেই সময়ে একবার আমার মাসিক বেতন বাকী পড়ে। মাসিক ৫০ হিসাবে বেতন ধরিয়া ১৬ মাসে ৮০০ টাকা হয়। আমার পিতা ব্রাহ্মণ-পণ্ডিত ছিলেন; সুতরাং এত টাকা পরিশোধের পর আবার মাসিক ৫০ টাকা বেতন দিয়া আমাকে হিন্দুকলেজে পড়ান তাঁহার পক্ষে বড় সুসাধ্য ছিল না; অগত্যা আমার হিন্দুকলেজে পড়া বন্ধ হইবার উপক্রম হইয়া উঠিল। মধু সেই কথা শুনিয়া বলিল, “তুমি নাকি হিন্দুকলেজে পড়া বন্ধ করিবে?” আমি বলিলাম, “হ্যাঁ, আমাদের অবস্থা ত বুঝিতেছ; ৫০ টাকা করিয়া মাসিক বেতন দেওয়া বাবার পক্ষে কষ্টকর, কাজেই আমাকে পড়া বন্ধ করিতে হইবে।” এই কথায় মধু বিশেষ ক্ষুব্ধ হইয়া বলিল, “কেন ভাই, টাকার জগু তোমার পড়া বন্ধ হইবে? আমি ত আমার মায়ের কাছ থেকে অনেক টাকা জলপানি পাই, আমার টাকা হইতে তোমার স্কুলের বেতন দেওয়া চলিতে পারিবে।” ঐ বৎসর ৫ম শ্রেণীতে আমরা জুনিয়ার বৃত্তি পরীক্ষার জগু প্রস্তুত হইতে ছিলাম, সুতরাং অল্পদিন মধ্যে উত্তীর্ণ হইয়া বৃত্তি পাওয়ায়, আমাকে মধুর

প্রবন্ধ-চন্দ্রিকা ।

অর্থ সাহায্য গ্রহণ করিতে হয় নাই । কিন্তু এ কথা বলিয়া রাখি যে, মধুর টাকা গ্রহণ করিতে যে আমি কুণ্ঠিত হইতাম, তাহা নহে ; আমি মধুকে এতই আপনার বলিয়া মনে করিতাম ।

• পঞ্চম শ্রেণীতে জুনিয়ার বৃত্তি পাঠিয়া আমি, মধু ও আমাদের আর কয়েকজন সমপাঠী আমরা একেবারে দ্বিতীয় শ্রেণীতে উন্নীত হইলাম । মধুর সহিত আমার সৌহার্দ্য পৃষ্ঠের গায় তখনও অক্ষুণ্ণ । ইংরাজী কবিতা মধু যাহা লিখিত বা নূতন পড়িত, আমাকে ছেদ করিয়া শুনাইত, কিন্তু আচাৰ ব্যবহারের বিষয়ে আমার সহিত তাহার কোন কথাবার্তা হইত না । সে সকল বিষয় আমার নিকটে সযত্নেই গোপনে রাখিত । কখন কথা উঠিলে হাসিয়া উড়াইয়া দিত । এক দিন কলেজে আসিয়া মধু আপন মাথা আমাকে দেখাইয়া বলিল, “দেখ দেখি, কেমন চুল কাটিয়াছি । ইহার জন্য আমার এক মোহর ব্যয় হইয়াছে ।” মধু সে দিন ফিরিঙ্গীর মত চুল কাটিয়া আসিয়াছিল—সম্মুখের চুল গুলি বড়, ঘাড়ের চুল গুলি ছোট । আমি বলিলাম, “এ কি করিয়াছ ! তোমার পক্ষে এ ঠিক হয় নাই । তুমি এক জন জিনিয়াস (genious) ; জিনিয়াস যারা, তারা নূতন নূতন বিষয় উদ্ভাবন করিয়া থাকে । তুমি যদি পাঁচ-চূড়া, কি সাত-চূড়া, কি নছূড়া চুল কাটিয়া আসতে, তা হ'লে, যা হোক একটা নূতন রকম কিছু হ'তো ; তা না ক'রে ফিরিঙ্গীর মতন চুল কেটে এসেছ ! একপ নীচ অন্তর্করণ প্রবৃত্তিটা ভাল নয় ।” আমার কথায় মধু যেন কিছু বিবক্ত হইল বলিয়া বোধ হইল । সে দিন আর আমার কাছে ঘেসিয়া বসিল না, একটু তফাতে বসিল । আমার মনে কিছু কষ্ট হইল । মনে হইল, কথাটা বলা ভাল হয় নাই, মধু অন্তরে ব্যথা পাঠিয়াছে । যাহা হউক, আমি মধুর কাছে সরিয়া বসিলাম এবং তাহাকে ভুলে করিবার চেষ্টা পাইলাম । তাহার পরদিন মধু আর

কলেজে আসিল না । অনুসন্ধানে জানিলাম, মধু খৃষ্টান্ হইতে গিয়াছে ; শুনিয়া বড়ই বিস্ময়াপন্ন হইলাম । মধু যে দিন খৃষ্টান্ হইল, সে দিন আমরা তাহাকে দেখিতে পাইলাম । তাহার পর মধু স্মিথ্ সাহেবের তত্ত্বাবধানে কিছু দিন থাকিয়া বিসম্প্ কলেজে গমন করে । তখনও আমি মধুকে মধ্যো মধ্যো দেখিতে গিয়াছি । মধুও আমার সহিত বন্ধুভাবে সম্ভাষণাদি করিয়াছে, কিন্তু পূর্বের ন্যায় সে মুখের ভাব, সে চক্ষুর জ্যোতিঃ কোথায় ? মধুর পূর্ব আকারের এখন অনেকটা বিকৃতি ঘটিয়াছিল ।

বিসম্প্ কলেজে কিছুকাল থাকিয়া মধু মাদ্রাজ যাত্রা করে । সেখানে ঘাইয়া আমাকে একখানি পত্র লেখে । পত্রখানির মধ্যে আমার মার কথার উল্লেখ করিয়া মধু লিখিয়াছিল, “আমার প্রণীত ক্যাপ্টিভ্ লেডী”-নামক পুস্তকে যে রাণীর কথা আছে, সেই রাণী তোমার মাকে আদর্শ করিয়া গঠন করা হইয়াছে ।” বাস্তবিকই আমার মা অতিশয় গুণবতী ও সুন্দরী ছিলেন । যে সৌন্দর্য্যে প্রকৃত মাতৃভাব ব্যক্ত হয়, সেই অন্নপূর্ণা মূর্ত্তিই তাঁহার ছিল ।

কিছুদিন পরে মধু আবার দেশে ফিরিয়া আইসে । ঐ সময়ে নর্ম্ম্যাল স্কুলের প্রধান শিক্ষকের পদ খালি হওয়ায় ঐ পদে উপযুক্ত লোক বাছিযা লইবার জন্ত, একটি প্রতিযোগী পরীক্ষা গৃহীত হয় ; মধু ও আমি উভয়েই ঐ পরীক্ষা দি এবং উক্ত পদ আমারই হয় । কিন্তু এখানে একটি কথা বলি, পরীক্ষায় ভাল হইলেই যে প্রকৃত গুণের পরিচয় পাওয়া যায়, তাহা নহে । মধু ও আমি যতবার এক সঙ্গে পরীক্ষা দিয়াছি, প্রায় সকল বারই আমি উহার উপর হইয়াছি । কিন্তু তাহা হইলেও তাহার প্রতিভা আমাদের মধ্যে অতুল্য ছিল বলিয়াই আমি জানিতাম ।

নর্ম্ম্যাল স্কুলের উক্ত পরীক্ষা দিবার সময়ও মধুর বাঙ্গালা ভাষায়

প্রবন্ধ-চন্দ্রিকা ।

তাদৃশ দখল হয় নাই। তখনও সে ‘পৃথিবী’ লিখিতে ‘প্রথিবী’ লিখিত ; কিন্তু সেই মধু কিছুকাল পরেই, আমার নর্ম্যাল স্কুলে থাকার সময়েই, মেঘনাদবধ কাব্য প্রণয়ন করে এবং মধুর প্রণীত সেই মেঘনাদবধ কাব্য, অতি সমাদরে গ্রহণ করিয়া, আমিই নর্ম্যাল স্কুলে আমার ছাত্রদিগকে পড়াইয়াছি।

মধু আপনার বিদ্যাবুদ্ধি খুবই বেশী মনে করিত। এমন কি, সে মধ্যে মধ্যে আমাদের বলিত, “তোমরা আমার জীবন চরিত লিখিও, আমি পৃথিবীর সকল কবি অপেক্ষা বড় কবি হইব।” আমি মধুর এই কথায় হাস্য করিতাম, কিন্তু সে যে একজন অতি প্রতিভাসম্পন্ন যুবা, তাহা আমি বেশ বুঝিতে পারিতাম। কর্মক্ষেত্রে অবতরণ করিয়া, ক্রমে ক্রমে আমাকে অন্যান্য ২০ লক্ষ ছাত্রের সংস্রবে আসিতে হইয়াছিল, কিন্তু মধু যুগ্ম প্রভিভা আর কাহাতেও কখনও দেখিতে পাই নাই।

বিলাত হইতে ফিরিয়া আসিয়া মধু একবার আমার সহিত চুঁচড়ার বাটীতে দেখা করিতে আসিয়াছিল। তখন তাহার পূর্কের মত চেহারা ছিল না। চক্ষু আর মেরুপ সমুচ্ছল ছিল না, পূর্কের সেই অতি স্তম্ভিষ্টম্বর এক্ষণে অন্তরূপ ধারণ করিয়াছিল, ঠোঁট পুরু এবং শরীরও স্থল হইয়াছিল। মধুর পোষাক সাহেবী, কিন্তু আমার বাড়ীতে আসিয়া আমার সহিত কথাবার্তার পর বিরূপ মনের ভাব উপস্থিত হওয়ায় মধু কাপড় চাহিল, বলিল, “আমাকে কাপড় দেও, আমি কাপড় পরিয়া পিড়ি পাতিয়া বসিয়া খাবার খাইব।” ঐ সময়ে মধুর মনে কি ভাব উপস্থিত হইয়াছিল, তাহা ঠিক বলা যায় না।

ইহার কিছুদিন পরে মধু “হেক্টব বধ কাব্য” রচনা কবে এবং আমাকে কোন কথা না জানাইয়া, গুস্তকথানি আমারই নামে উৎসর্গ করে। অনেক দিন পরম্পরের সংস্রব রহিত থাকিলেও, আমার প্রতি

সন্তানের শিক্ষা—ভূদেব ।

মধুর বরাবরই যে একটু আন্তরিক ভালবাসা ও শ্রদ্ধা ছিল, উল্লিখিত উৎসর্গ ব্যাপার তাহারই প্রমাণস্বরূপ বই আর কি !

(ভূদেব মুখোপাধ্যায়)

সন্তানের শিক্ষা ।

কথায় বলে ছেলেকে মানুষ করিতে হয় । আমার বোধ হয়, ঐ কাজটি কোন পিতা মাতার সাধ্যায়ত্ত নয়, এবং কেহ তজ্জন্ম চেষ্টাও করেন না । ইংরেজ আপনার ছেলেকে ইংরেজ করিবার চেষ্টা করেন, এবং তাহাই করিতে পারেন । চীনীয় আপন সন্তানকে চীনীয় করিবার নিমিত্তই যত্ন করেন, এবং তাহাই করিয়া থাকেন । এইরূপ বিভিন্ন জাতীয় লোকেরা আপনার জাতির বিশেষ ধর্ম এবং গুণের দ্বারাই স্বীয় বংশধরদিগকে বিভূষিত করিতে চাহেন—কেহই মনুষ্য-সাধারণধর্মের প্রতি দৃষ্টি রাখিয়া সন্তানের পালন এবং শিক্ষা সম্পাদন করেন না । তবে যে সাধারণ মনুষ্য-ধর্মগুলি সকল জাতিতেই বিদ্যমান আছে, জাত্যনু-যায়িনী শিক্ষা প্রদান করিতে করিতে সেই সকল ধর্ম সর্বজাতীয় মনুষ্য-শিশুরই শিক্ষা হইয়া থাকে, তাহার সন্দেহ নাই ।

অতএব সকল দেশেরই শিক্ষাপ্রণালী মনুষ্য-সাধারণ-ধর্মের প্রতি লক্ষ্য না করিয়া, জাতীয়ধর্মসাধনের উদ্দেশ্যেই প্রবাহিত হইয়া থাকে । ফলকথা তাহাই হইতে পারে, এবং তাহাই হওয়া উচিত ।

তাহাই হইতে পারে—এইজন্য যে, মনুষ্যমাত্রেরই মন পূর্বপুরুষদিগের সংস্কার এবং আপনাদিগের প্রত্যক্ষীভূত ব্যাপার সমস্তের সমবায়ে সংগঠিত হয় ; সংস্কার, স্বজাতীয় পূর্বপুরুষদিগের হইতে আইসে । এই

প্রবন্ধ-চন্দ্রিকা ।

জন্ম জাতীয় ভাব পরিহার করা মানব-মনের অসাধ্য । বায়ুমণ্ডল অতিক্রম করিয়া যেমন উড্ডয়ন হয় না—জল ছাড়িয়া যেমন সস্তরন সম্ভবে না—ত্বকসীমার বহির্ভাগে যেমন স্পর্শজ্ঞান হইতে পারে না—তেমনই জাতীয়ভাব-পরিশৃঙ্খল হইয়া কোন ব্যাপারের অনুষ্ঠানও মনুষ্য-কর্তৃক সাধিত হইতে পারে না ।

তদ্বিম, সমাজের হিতাহিত লইয়াই সমাজান্তর্গত মনুজগণের হিতাহিত । সকল সময়ে, সকল দেশে, সকল অবস্থায়, সকল সমাজের হিতাহিত এক নয় । বর্ষর, অর্দ্ধসভা, পূর্ণসভা প্রভৃতি বিভিন্ন সমাজের হিতাহিত অনেক অংশেই পরস্পর বিভিন্ন । বিজিত-এবং বিজেতা দুর্বল এবং সবল, দৃঢ় এবং শিথিল প্রভৃতি ভিন্ন ভিন্ন সমাজের হিতাহিতও এক নয় । অভ্যুদয়োন্মুখ এবং পতন-প্রবণ জাতির হিতাহিতও এক নয় । সুতরাং সমাজের অবস্থাভেদে সমাজের প্রয়োজন বিভিন্নরূপ হইয়া থাকে, এবং সমাজের প্রয়োজন-সাধনোপযোগী অনুষ্ঠানও কাজেই ভিন্নরূপ হওয়া আবশ্যিক ।

সমাজের প্রয়োজন-সাধনোপযোগী অনুষ্ঠানই প্রকৃত শিক্ষার বিষয় । এই ভিত্তি অবলম্বন করিয়াই আমাদের শিক্ষাপ্রণালী সংস্থাপিত হয়, ইহাই আমার একান্ত অভিলাষ । আমরা বাঙালী—আমাদের সমাজ যে ভাবাপন্ন তাহাতে আমাদের প্রয়োজন কি?—এইটি সুপরিষ্কটরূপে অবধারিত করিয়া আমাদের পদবর্তী পুরুষেরা যাহাতে ঐ সকল প্রয়োজন সাধনে সন্মত হয়, তাহার উপায় করিয়া দেওয়াই আমাদের প্রকৃত শিক্ষাদান । মনুষ্য-সাধন মস্ত কথ্য । মনুষ্য যে কি, এবং উহা কে কি নয়, বা কি হইতে পারে না, তাহা এ পর্য্যন্ত কেহই স্পষ্টরূপে বুঝিতে এবং বলিতে পারেন নাই । অতএব কিরূপ হইলে ছেলেটি প্রকৃত মনুষ্য হইবে, তাহা না ভাবিতে গিয়া, কিরূপ হইলে

সন্তানের শিক্ষা—ভূদেব ।

ছেলেটি সমাজের অভাবমোচনে সাহায্য করিতে পারিবে, তাহাই চিন্তা করা আবশ্যিক । আমি তাদৃশ চিন্তাসমূহ কয়েকটি বিষয়ের উল্লেখ করিব ।

(১) স্পষ্টই দেখা যাইতেছে যে, বাঙ্গালীর শরীর দুর্বল । অতএব ছেলের শরীর সবল করাব নিমিত্ত যত্ন করা আত্মাদিগের আবশ্যিক । শৈশবাবধি ব্যায়ামচর্চায় মনোনিবেশ করিয়া দেওয়া পিতামাতার কার্য্য ।

• (২) বাঙ্গালীর ইন্দ্রিয়গ্রাম যদিও স্বভাবতঃ কোন জাতীয় লোকের অপেক্ষা হীনতেজ নয়—তথাপি শিক্ষার অভাবে ইন্দ্রিয়গণ বহুস্থলে প্রকৃত বিষয়ের উপলক্ষিতে অক্ষম হইয়া থাকে । দর্শনাদি দ্বারা দৃবতা, নৈকট্য, সংখ্যা, ভার প্রভৃতির অববোধ বাঙ্গালীদিগের মধ্যে প্রায়ই ঠিক হয় না । অতএব বাল্যাবধি ঐ সকল বিষয়ে শিক্ষা প্রদান করা পিতামাতার কার্য্য ।

(৩) বাঙ্গালীর স্মৃতিশক্তি অতীব প্রথরা । যাহারা বাঙ্গালীর নিন্দা করেন, তাহারাও ঐ কথা স্বীকার করেন ; কিন্তু বলেন, ইহাদের ধী-শক্তি এবং উদ্ভাবনীশক্তি তেমন অধিক নয় । নিন্দকদিগের সহিত বিচারে প্রয়োজন নাই । এইমাত্র বলিলেই পর্যাপ্ত হইবে যে, স্মৃতি একটি স্বতন্ত্র মনোবৃত্তি নহে ; মনোবৃত্তিমাত্রেরই কারণশক্তির নাম স্মৃতি—অর্থাৎ স্মৃতিকে অবলম্বন করিয়াই সকল মনোবৃত্তি কার্য্যকারিণী হয় । স্মৃতরাং স্মৃতিকে প্রথরা বলিলে মনোবৃত্তি মাত্রেরই তেজস্বিনী বলিয়া বুঝা যায় । কিন্তু বাঙ্গালীর মনোবৃত্তি তেজস্বিনী বলিয়াই শিক্ষার একটি দোষ জন্মে । ভাব সমস্ত স্মৃতিরক্ষিত না হইলেও বাঙ্গালীর মন সেগুলি গ্রহণ করিয়া রাখে—একেবারে পরিত্যাগ করে না, তাহাতে কার্য্যকালে ক্ষতি হয়, এবং কৃতিসামর্থ্যও ন্যূন হইয়া পড়ে । এই জন্য শিখিবার সময় যাহাতে বালকের ভাব সমস্ত পরিস্ফুট হয়, তজ্জন্য কি শিক্ষক, কি পিতামাতা, সকলেরই যত্ন করা বিধেয় ।

প্রবন্ধ-চন্দ্রিকা ।

(৪) অগ্ন্যাণ্ড মনোবৃত্তি যেমন প্রবলা, বাঙ্গালীর দূরদর্শিতা এবং বল্লনাশক্তিও তদনুরূপ । উদ্ভিন্ন, শরীরের দৌর্ভল্যানিবন্ধন বাঙ্গালী ভীক্শ্বভাব । এই দুই এবং অগ্ন্যাণ্ড কাবণে বাঙ্গালীর ছেলের অনৃত-বাদিতা দোষ জন্মিতে পারে । যাহাতে তাদূশ দোষ না জন্মে, তজ্জগ্ন পিতামাতার সর্কদা সতর্ক থাকা আবশ্যক । দূরদর্শিতা বন্ধিত করিয়াই অনৃতবাদিতাব শাসন করা বিধেয় । সত্যই টেকে, মিথ্যা কখনই টেকে না, এই তথ্যটি সর্কদা সন্তানের মনে জাগরুক রাখা আবশ্যক ।

(৫) বাঙ্গালী ক্ষুদ্রাশয় হইয়া ঘাইতেছে । অতএব আশার বৈফল্যবশতঃ সন্তানের ভবিষ্যতে যতই ক্লেশ হউক, পিতা-মাতার কর্তব্য তাহাকে উচ্চাশয়সম্পন্ন করেন । বাঙ্গালীর মনে উচ্চ আশার উদ্রেক করিয়া দেওয়া একান্ত আবশ্যক । ‘দুবেলা দুমুঠা খেতে পেলেই হইল’, এবন্ধিধ বাক্য সন্তানের কর্ণগোচর হইতে দিতে নাই ।

(৬) বঙ্গদেশের বায়ু সজল এবং উষ্ণ ; বাঙ্গালীর শরীরও দুর্ভল ; বাঙ্গালী সহজেই শ্রমবিমুখ । অতএব সন্তান যাহাতে শ্রমশীল হয়, তজ্জগ্ন পিতা-মাতাকে নিরন্তর সচেষ্টি থাকিতে হইবে । যে সকল বাঙ্গালী শ্রমশীল তাঁহাদিগেরও পরিশ্রম দোষশূণ্য নয় ; একবার খুব হয়, আবার কিছুই থাকে না । এইরূপ অনিয়মে শরীর আরও ভাঙ্গিয়া যায় । ছেলেকে ওরূপ করিতে দিতে নাই । ষেকরূপ পরিশ্রম সহ্য হয়, সেইরূপ নিয়মিত পরিশ্রম অভ্যাগ করাইতে হইবে ।

(৭) এক্ষণকার বাঙ্গালী নিশ্চেষ্ট । নিশ্চেষ্ট হইয়া পড়িলেই পরস্পর পরস্পরকে ঈর্ষ্যা করিয়া থাকে ; ঈর্ষ্যা দোষটি সহ্যর যাইবার নয় ; তবে উহার বাগ ফিরাইতে পারে যায় । অতএব ঐ ঈর্ষ্যা যাহাতে প্রতিযোগিতায় পরিণত হয়, তাহাই চেষ্টা করা আবশ্যক ।

(৮) (বাঙ্গালীর স্বভাবে অমুচিকীর্ষাবৃত্তি অযথাক্রমে প্রবল হইয়া

উঠিয়াছে । অনুকরণ উৎকর্ষসাধনের একটি প্রধানতম পথ, সন্দেহ নাই । কিন্তু অযথা অনুকরণে একপ্রকার আত্মহত্যার সংঘটন হয় । বাঙ্গালীর অন্তঃকরণে আত্মগৌরব সঞ্চিত করিবার উপায় করা আবশ্যিক । পূর্বপুরুষগণের কীর্তিস্মরণে আত্মগৌরব উদ্দীপিত হইয়া থাকে । এই হেতু বাঙ্গালীর ছেলেকে সংস্কৃত বিদ্যার স্বাদ গ্রহণ করাইবার বিশেষ প্রয়োজন বোধ হয় । যখন ছেলে ইংরেজী পড়িবে, তখন ইংরেজী গ্রন্থে কোন উৎকৃষ্ট ভাব দেখিয়া মুগ্ধ হইলে, তাহার অনুরূপ অথবা তাহা হইতেও উৎকৃষ্টতর ভাব যে সংস্কৃত শাস্ত্রে আছে, তাহা দেখাইয়া দেওয়া আবশ্যিক ।

(৯) বাঙ্গালীর সহানুভূতি নিজ-সমাজের মধ্যে তেমন অধিক হয় না । বাঙ্গালী আর বাঙ্গালীর প্রশংসায় যথোচিত পরিতৃপ্ত অথবা বাঙ্গালীর তিরস্কারে তাদৃশ ক্লিষ্ট হইতেছে না । এটি সাংঘাতিক দোষ । ইহার প্রতিবিধানের উপায় কিছুই অনুসন্ধান করিয়া পাই নাই । তবে বোধ হয়, ছেলেকে বাঙ্গালা ভাষার চর্চায় কিয়ৎপরিমাণে প্রবর্তিত করা অর্থাৎ কিছু কিছু বাঙ্গালা গ্রন্থ পাঠ করিতে দেওয়া এবং যাহাদিগের লিখিবার ক্ষমতা জন্মে, তাহাদিগকে বাঙ্গালা প্রবন্ধাদি লিখিতে দেওয়া ভাল ।

(১০) দরিদ্রের পক্ষে বিলাসিতা বড় সাংঘাতিক রোগ । আমরা এক্ষণে দরিদ্র জাতি, আমরাদিগের সুখোপভোগচেষ্টা ভাল নয় । গান-বাজনা, আমোদপ্রমোদ, বিজয়ী ধনশালী প্রবলপ্রতাপ ইংরেজদিগের সাজে ; আমরাদিগের মধ্যে গান-তামাসা নাটকাভিনয়াদি কাণ্ড কোন মতেই শোভা পায় না । অতএব সন্তানকে বিলাসী হইতে দিতে নাই । যিনি আমরাদিগের মধ্যে ধনবান্, তাঁহারও কর্তব্য, ছেলেকে বাবুয়ানা হইতে নিবারণ করিয়া রাখা । সমাজের যে অবস্থা, তাহার

প্রবন্ধ-চন্দ্রিকা ।

অনুরূপ ব্যবহারই সমাজান্তর্গত সকল লোকের পক্ষে বিধেয়। বাঙ্গালীকে অনেক ভার সহ করিতে হইবে, অনেক চাপ ঠেলিয়া উঠিতে হইবে। সুতরাং বাঙ্গালীর শিক্ষা কঠোর হওয়াই আবশ্যিক ।

বশুতা ব্যতিরেকে একতা জন্মিতে পারে না। একটি গল্প বলি। একখানি জাহাজে এক জন অনভিজ্ঞ নূতন কাপ্তেন নিযুক্ত হইয়াছিলেন। কাপ্তেন অপেক্ষা সমধিক অভিজ্ঞ দুই চারি জন লোক তাঁহার অধীনে ছিল। এক দিন কাপ্তেন জাহাজ চালাইতেছেন, এমন সময়ে তাহাদিগের মধ্যে এক জন বলিল, “জাহাজ যে বেগে যে পথ দিয়া যাইতেছে, তাহাতে আর এক ঘণ্টার মধ্যে একটি মগ্ন শিলায় আঘাত হইয়া বিনষ্ট হইবে।” অপর এক জন বলিল,—“তবে একথা কাপ্তেনকে বল না কেন?” সে উত্তর করিল—“সে কি! কাপ্তেন আপনার কৰ্ম করিতেছেন—তাঁহার কথা শুনা মাত্র আমাদের কাজ, তিনি জিজ্ঞাসা না করিলে গায়েপড়া হইয়া কি তাঁহাকে কিছু বলিতে আছে?” কেহ কিছু বলিল না। জাহাজ বিনষ্ট হইল। এরূপ বশুতা পাগলামী বটে—কিন্তু হিন্দুদিগের উন্নতিকালেও এরূপ পাগলামী ছিল; রামায়ণ ও মহাভারতপাঠদিগের তাহা অবদিত নাই। যে দিন বাঙ্গালীদিগের মধ্যে এরূপ পাগলামী জন্মিবে, সে দিন বাঙ্গালীর শুভদিন।

বহুকাল হইতে বাঙ্গালীরা অসামরিক জাতি। এই জন্ত বাঙ্গালীর মধ্যে প্রকৃত বশুতা অতি অল্পই দেখিতে পাওয়া যায়। বলবানের নিকট দুর্বলের যে অধীনতা এবং নম্রতা, তাহাকে বশুতা বলা যায় না। বাঙ্গালী প্রায়ই বাঙ্গালীর বশ থাকিতে চায় না; অন্য জাতীয়ের বশ হয়। বশুতা ভক্তিমূলক—ভক্তি শৈশবে শিক্ষণীয়, এবং পিতা-মাতাই প্রথম হইতে ভক্তির আশ্রয় হইয়া ঐ ভাবটিকে অঙ্কুরিত এবং সম্বদ্ধিত করিতে পারেন।

(৩ ভূদেব মুখোপাধ্যায়)

প্রকৃতি-বিষয়ে অধ্যয়ন ।

ছোট বড় সকলেই সর্বদা প্রকৃতি অধ্যয়ন করিতেছে, জন্ম হইতে মৃত্যু পর্যন্ত সকলেই করিবে । নেত্রাদি বহিরিন্দ্রিয় কাহারও নিষ্ক্রিয় নহে ; স্মরণে হউক, অজ্ঞানে হউক, বুঝিয়া হউক, আর না বুঝিয়া হউক, প্রকৃতি অধ্যয়ন সংসারে প্রতিনিয়ত চলিতেছে ।

কালে কালে মনুষ্যের মন দুর্বল হইয়া পড়িতেছে, গ্রন্থ অধ্যয়নের লিপ্সাও ক্রমেই বৃদ্ধি পাইতেছে । এখনকার লোকের গভীর চিন্তায় আস্থা ক্রমেই কমিয়া যাইতেছে । প্রাচীন মনীষিগণের দুই একটি বচন উদ্ধৃত করিতে পারিলে, কেহই এখন নূতন কথায় নূতন মতে বিশ্বাস করিতে চায় না । এই জন্ত দিনে দিনে গ্রন্থের সম্মান বাড়িয়া চলিয়াছে ; আর আমরা নিত্য-বিরাজমানা জীবিতা প্রকৃতিকে ভাল করিয়া দেখি না । আমরা এখন সৌভাগ্যদায়িনী প্রকৃতিদেবীকে ভুলিয়া গিয়া সুদূরবর্তী সময়ের মৃত গ্রন্থকর্তাদিগের মৃত গ্রন্থাবলীর অনুশীলনে অনুরক্ত হইয়াছি ।

যাজ্ঞ সংসারে যেখানে যে কোন শাস্ত্র অধীত হইতেছে, সে সমস্ত কি ঈশ্বর আসিয়া স্বহস্তে লিখিয়া দিয়াছেন ? তাহা কি মনুষ্য কর্তৃক লিখিত এবং সংগৃহীত নহে ? মনোবিজ্ঞান, যন্ত্রবিজ্ঞান, উদ্ভিদবিজ্ঞা, প্রাণিবিজ্ঞা, ভূগোল, খগোল, গণিত, সঙ্গীত, রসায়নবিজ্ঞা, চিকিৎসাবিজ্ঞা ভাষাবিজ্ঞা, চিত্রবিজ্ঞা, স্থপতিবিজ্ঞা প্রভৃতি যে দিকে দৃষ্টিপাত কর, তাহাই কি মানবের প্রকৃতি অধ্যয়নের ফল নহে ? মনুষ্য সমস্ত বিজ্ঞা লইয়া সংসারে আইসে নাই ; কত যুগযুগান্তর ব্যাপিয়া উপরিলিখিত এক একটা বিষয়ের অনুশীলন করা হইয়াছে । কত প্রতিভাশালী মহাপুরুষ

প্রবন্ধ-চন্দ্রিকা ।

আবিভূত ও তিরোভূত হইয়াছেন, আজিও উহার কোন একটি শাস্ত্র পূর্ণতা প্রাপ্ত হয় নাই । যেমন সহস্র সহস্র শ্রোতস্বতী অনবরত এক মহাসাগরে বারিরাশি ঢালিতেছে, কিন্তু মহার্গব পূর্ণ হইতেছে না, কখনও পূর্ণ হইবে না, তেমনই শত শত যুগের মস্তিষ্ক-নিঃসৃত জ্ঞানরাশি এক এক শাস্ত্রে ঢালা হইতেছে, অথচ সে মহাসমুদ্র পূর্ণ হইতেছে না । আজ যে মত অভ্রান্ত, কাল তাহার ভ্রম বাহির হইতেছে । অন্ধকারময়ী রজনীতে দিগ্ভ্রান্ত মানবের দিগ্‌নির্গম্য অনন্ত প্রকৃতি ক্রবনক্ষত্রের গায় বিরাজমানা ; অন্ধকারে ভীত না হইয়া, স্বদূরবর্তী পূর্বপুরুষগণের বিলীনপ্রায় পদচিহ্নের অনুসরণ না করিয়া যে ঐ নক্ষত্রের দিকে দৃষ্টি স্থির রাখে, এবং সাহসেব সহিত আপনার পথ আপনি বাছিয়া লইতে জানে, সে কখনও বিপথগামী হয় না ; অবশ্যই নূতন পথ আবিষ্কার করিতে পারে । সেই সাহসী পুরুষই প্রকৃত মানব এবং প্রকৃত অধ্যয়নশীল ।

ইউরোপে যে সমস্ত আশ্চর্য্য আশ্চর্য্য যন্ত্র উদ্ভাবিত হইয়াছে, সে সমস্তই প্রকৃতির পরিদর্শন ও অনুশীলনের ফল । আবিষ্কর্তাদিগের মধ্যে কেহ কেহ লেখা পড়াও জানিতেন না ; তাঁহারা পুস্তক অধ্যয়ন দ্বারা পূর্বপুরুষের জ্ঞানের সাহায্যও প্রাপ্ত হন নাই । তাঁহাদের আবিষ্কারে ইউরোপ এবং আমেরিকা অনেক বিষয়ে অসাধ্য সাধন করিয়াছে এবং করিতেছে । প্রকৃতি পাঠ করিতে হইলে, পর্য্যবেক্ষণ ও পরীক্ষা প্রধান সহায় । কেহ তাহার সাহায্যে পাঠ সমাপ্ত করিতেছে ; কেহ আবার এখনকার ছাত্রদিগের পরীক্ষার্থ নির্দ্ধারিত সাহিত্যের অর্থপুস্তকের গায় পূর্বপুরুষের জ্ঞানভাণ্ডাররূপ গ্রন্থাবলীর সাহায্যও গ্রহণ করিতেছে । বাষ্পীয় যন্ত্রের মূলমন্ত্র উদ্ভাবন দ্বারা পৃথিবীর সভ্যতার আজ কি অভাবনীয় পরিবর্তন হইয়াছে ! বারুদ প্রস্তুত করিবার উপায় ও বারুদের

প্রকৃতি-বিষয়ে অধ্যয়ন—ব্রজনাথ

ব্যবহার শিক্ষা দিয়া চীনদেশীয়গণ সমরশাস্ত্রে কি যুগান্তর উপস্থিত করি য়াছে ! দিগ্‌দর্শন, তাড়িত-বার্তাবহ, তাড়িতেব শক্তি, মাধ্যাকর্ষণেব ব্যাখ্যা, সূত্রার কল, কাপড়েব কল, দৃববীক্ষণ, অনুবীক্ষণ, দবশ্রবণ যন্ত্র ও শব্দাধারক যন্ত্র, যাগাই ভাবিয়া দেখ, চারিদিকে কেবল প্রকৃতি-পর্যালোচনা ও প্রাকৃতিক কার্যের পরীক্ষার ফল দেদীপ্যমান দেখিতে পাইবে।

দুই ব্যক্তি একসঙ্গে এক পথে চলিয়া যাইতেছে। একজন নিতান্ত উন্মনা ; --হয়ত কোন বিষয় ভাবিতে ভাবিতে যাইতেছে, অথবা কথোপকথনে ব্যাপৃত আছে। তাহার চক্ষুব সমক্ষে কোন বস্তু বা ব্যক্তি যে উপস্থিত ছিল, সে তাহা একবার লক্ষ্যও করে নাই। আবার আর এক ব্যক্তির দৃষ্টি বাহ্যজগতে। সে পথের দুই পার্শ্বে যেখানে যে বৃক্ষলতা আছে, তাহা দেখিয়াছে, কোথায় কাহার বাসগৃহ, তাহার নির্ণয় করিয়াছে ;—সে মুখে আলাপ করিলেও তাহার চক্ষু চক্ষুর কার্য্য এবং কর্ণ কর্ণের কার্য্য করিয়াছে। দূরে গেলে উভয়ের প্রতি এই পর্যাবেক্ষণ-সম্বন্ধে প্রশ্ন হইলে প্রথমোক্ত ব্যক্তি অবাক হইবে, কিছুই বলিতে পারিবে না ; কিন্তু শেষোক্ত ব্যক্তি সমস্ত কথা যথাযথ বলিয়া দিবে। এ দুইজনেব মধো যেরূপ প্রভেদ, গ্রন্থবদ্ধদৃষ্টি বাহ্যজগতে অন্ধ ছাত্র আর প্রকৃতির ছাত্রের মধ্যেও তাদৃশ পার্থক্য রহিয়াছে। অন্ধ যেমন অবগো ভ্রমণ করিয়াও বৃক্ষ দেখিতে পায় না, চন্দ্রনক্ষত্রমণ্ডিত আকাশে দৃষ্টিপাত করিয়া একটি নক্ষত্র বা চন্দ্রের অস্তিত্ব অনুভব করিতে সমর্থ হয় না, প্রকৃতি-পর্যাবেক্ষণে অনাসক্ত পুস্তকে বদ্ধদৃষ্টি ছাত্রাধমও তেমনই প্রকৃত জ্ঞাতব্য বিষয়ে অনেক পরিমাণে অনভিজ্ঞ থাকে।

আমারা যতদূর বুঝিতে পারি, তাহাতে মনুষ্যই জগতের সর্বপ্রধান

প্রবন্ধ-চন্দ্রিকা ।

সৃষ্টি, প্রকৃতি অধ্যয়ন করিতে হইলে সর্বপ্রথমে তাহাকেই পাঠ করিবে । যেমন সৃষ্টির মধ্যে মনুষ্য শ্রেষ্ঠ, তেমনই মনুষ্যের মধ্যে মন শ্রেষ্ঠ । মানব-মন সর্বশ্রেষ্ঠ অধ্যয়নের বিষয় । যদি একবার মনুষ্যের মন অতি সাবধানে অধ্যয়ন করিতে পার, শুদ্ধ অধ্যয়ন নহে, সম্পূর্ণরূপে আয়ত্ত করিতে পার, তাহা হইলে, তোমার জানিবার অনেক বিষয় অতি সহজে তোমার জানা হইল ;—কারণ মানবমন জগতের অনুকৃতি-মাত্র । মানবমনের ইতিহাস মনোবিজ্ঞান ; মানসিক গুণনিচয়ের ইতিহাস নীতিশাস্ত্র । মানবমনের ভাবপ্রকাশ ভাষা-বিজ্ঞান ; গণনানিচয় গণিতবিজ্ঞান ; তাহার কাব্যকলাপ ইতিহাস । মানবমন অনন্ত রত্নের আকর । তাহার প্রত্যেক ভাব, প্রত্যেক কথা শত শত জীবিতগ্রন্থ । সে সজীব গ্রন্থ উপেক্ষা করিয়া অন্ধ মানব নিজীব গ্রন্থনিচয় কীটের গায় উদরসাৎ করিতেছে ; অথচ তাহার কোন অংশে কি আছে, তাহাও বাহিয়া বাহির করিতে পারিতেছে না !

মানবদেহও সামান্য শিক্ষার বিষয় নহে । চিকিৎসা শাস্ত্রের সমস্ত মুস্ততত্ত্ব ইহাতে নিহিত । যাহারা চিকিৎসা-শাস্ত্রের প্রণেতা, তাহারা যুগযুগান্তর ব্যাপিয়া মানবের মৃত দেহ, জীবিত দেহ পরীক্ষা করিয়াছেন । এক জাতির পর অন্য জাতি, এক বংশের পর অন্য বংশ চলিয়া গিয়াছে, কিন্তু পরীক্ষার বিরাম হয় নাই । আজও পরীক্ষা চলিতেছে, আরও কোটি-কল্প ব্যাপিয়া চলিবে ; চিকিৎসাশাস্ত্র যে কখন অপ্রাপ্ত ও পূর্ণায়ত হইবে, তাহা আমরা কল্পনাও করিতে পারি না । প্রকৃতি-গ্রন্থ এমনই অনন্ত যে, ইহা কখনও সমাপ্ত করা যাইতে পারে না ।

মনুষ্যের গঠন-বৈচিত্র্য, বর্ণ-বৈচিত্র্য, মানসিক বৈচিত্র্য, আবার সেই বৈষম্যেও এক অভাবনীয় সাদৃশ্য—এ সকল সামান্য অনুশীলনের বিষয় নহে । ক্ষুদ্র মানবজীবন অত্যাপি তাহার একটিরও অনুশীলন সুসম্পন্ন করিতে পারে নাই ।

প্রকৃতি-বিষয়ে অধ্যয়ন— ব্রজনাথ ।

প্রাণি-জগতে প্রাণী অসংখ্য । জলে তিমি, স্থলে হস্তী হইতে আরম্ভ করিয়া ক্ষুদ্রতম কীটানু পর্য্যন্ত কোটি কোটি প্রাণী বর্তমান আছে । ইহাদের সমস্তগুলির পর্য্যালোচনা ও পরীক্ষা এবং তাহাদের গুণ শিক্ষা করা বহুদবের কথা, এক জীবনে সহস্রাংশের একাংশও হয় না । যখন কত প্রকার প্রাণী আছে, আজ পর্য্যন্ত তাহাই নির্ণীত হইতে পারে নাই, তখন ঐ সকল প্রাণীর শারীর-ধর্ম কিরূপ, কাহার কি গুণ, তাহা অবধারণ করা কাহার সাধ্য ?

সমুদ্র জলরাশি । জলের সাধারণ গুণ পরীক্ষিত হইয়াছে, তাহার বাহিরে যে তরঙ্গ, ফেনা, বুদ্ধবুদ্ধ, স্রোত দেখিতে পাওয়া যায়, আপাত-দৃষ্টিতে আমাদের মনে হয়, কেবল তাহাই সমুদ্রের ধর্ম । সমুদ্রের জল লবণাক্ত, শত শত নদী অহোরাত্র স্রমিষ্টে বারিরাশি ঢালিতেছে, কিন্তু তাহাতেও সে লবণত্ব দূব হয় না, কমে না । পৃথিবীর তিনভাগ জল, একভাগ মাত্র স্থল । স্থলভাগ আমরা সহজে দেখিতে পারি । অথচ তাহাতে কতরূপ প্রাণী আছে, এ পর্য্যন্ত তাহাই নির্ণীত হইল না । অণু প্রাণী দূরে থাকুক, কত প্রকার মনুষ্য আছে, আমরা তাহাও ঠিক জানি না । সে দিন একজন ইউরোপীয় ভ্রমণকারী মধ্য আফ্রিকায় একজাতীয় মনুষ্য দেখিতে পাইয়াছেন, তাহাদের পূর্ণায়ত পুরুষের শরীর দৈর্ঘ্যে তিন ফুট অর্থাৎ এক গজের অধিক নহে ! আমাদের দৃষ্টিশক্তির সীমার মধ্যস্থ অধিষ্ঠান-ভূমিভাগেই যখন এত অজ্ঞতা, তখন সমুদ্র মধ্যে কোথায় কি আছে, তাহা কিরূপে নির্ণীত হইবে ? সহস্র সহস্র জীবন এই সমুদ্রের অনুশীলনার্থ অতিবাহিত হইয়াছে ; আরও সহস্র সহস্র জীবন এইরূপে অতিবাহিত হইবে । সেই অনুশীলনের ফলে জগতের কত উন্নতি সাধিত হয়, তাহার ইয়ত্তা নাই । যদি মনুষ্যগণ অন্তসন্ধান না করিত, তাহা হইলে, সমুদ্রগর্ভের বহুমূল্য মুক্তা, সুন্দর প্রস্তর, প্রবাল

প্রবন্ধ-চন্দ্রিকা ।

প্রভৃতি ব্যবহার্য্য বস্তু কখনও আমাদের জ্ঞানগোচর হইত না। কে জানে, সমুদ্রগর্ভে কোন্ অংশে কোন্ মহাবস্তু লুক্কায়িত আছে ! এখন সমুদ্রের অনেক স্থানের গভীরতা নির্ণীত হইয়াছে। কোন স্থলে জলের নীচে গুপ্ত পর্কিত, কোনস্থলে চুম্বকের আকর, কোন স্থলে প্রবাল বা স্পঞ্জের বৃক্ষাকার ও স্তূপাকার অবস্থান দেখা যায়। কোন কোন স্থলে জলের গভীরতা আজও নির্ণীত হয় নাই। সে সমস্ত স্থানে জাহাজ লইয়া গমনাগমন বিপজ্জনক ; সুতরাং বাণিজ্যব্যবসায়িগণ এবং নাবিকগণ জলপথেব চিহ্ন করিয়া লইয়াছে। এইরূপে ক্রমে অন্তসন্ধান ও অনুশীলনের বলে মানব অপরিজ্ঞাত সমুদ্র সম্বন্ধেও বিশ্বর অভিজ্ঞতা লাভ করিতেছে।

উদ্ভিজ্জ জগতের দিকে একবার দৃষ্টিপাত কর। সৃষ্টির এই অংশ প্রাণিজগৎ অপেক্ষাও বিস্তৃত। উদ্ভিজ্জ প্রাণিজগতের খাণ্ড, ঔষধ, ব্যবহার-সামগ্রী ও বিলাস-সামগ্রী। দীর্ঘকালের পরীক্ষা দ্বারা কতকগুলি উদ্ভিজ্জ সূখাণ্ড ও শরীর-পোষকরূপে ব্যবহৃত, অণ্ডগুলি অখাণ্ড ও শরীর-নাশকরূপে পরিত্যক্ত হইতেছে। কালে কালে নূতন নূতন শাকসব্জি, নূতন নূতন ফলমূলাদি নূতন নূতন প্রণালীতে খাণ্ড বস্তুর তালিকাভুক্ত হইতেছে ; --কোনটি উপকারী, কোনটি অপকারী, তাহাও নির্ণীত হইতেছে। সংসারে যত প্রকার রোগ আছে, তাহার ঔষধ উদ্ভিজ্জ-জগতেই বর্তমান রহিয়াছে। মনুষ্য পরীক্ষা করিয়া উঠিতে পারিলে, সে সমস্ত রোগের ভীষণত্ব আব থাকিবে না। পূর্বে বসন্ত-রোগে অতি অল্পসংখ্যক ব্যক্তি রক্ষা পাইত, এখন অতি অল্পসংখ্যক মরে ; চিকিৎসা-শাস্ত্র আরও উন্নত হইলে, ঐ সকল রোগের ভীষণত্ব আরও কমিবে। প্রকৃতির এমনই অব্যর্থ নিয়ম যে, যেখানে আপনা হইতে বিষবৃক্ষ জন্মিয়াছে, তাহার নিকটেই আবার বিষপ্ল বৃক্ষও রহিয়াছে। যে দেশে নূতন বোগ আছে, সেই দেশেই আবার তাহার নূতন ঔষধ আছে।

প্রকৃতি-বিষয়ে অধ্যয়ন—ব্রজনাথ ।

শলাউঠা, লাল-জ্বর, কাল-জ্বর, ডেঙ্গুজ্বর, ইন্ফ্লুয়েঞ্জা শতবর্ষ পূর্বে অপরিজ্ঞাত ছিল, অথচ এ সমস্ত এক্ষণে পৃথিবীতে লোমহর্ষণ আধিপত্য বিস্তার করিতেছে । আবার প্রকৃতিও এমনই সতর্ক যে, তাহার সঙ্গে সঙ্গেই উদ্ভিদের সৃষ্টি বিস্তার করিয়া, সেই সমস্ত নূতন রোগের নূতন ঔষধ বিধান করিতেছেন । স্নেহময়ী জননী যেমন সুপ্তিশিশুর শরীর মশকাদির দংশন হইতে রক্ষা-করণার্থ অনবরত অঞ্চল দ্বারা ব্যজন করেন, শিশু তাহা বুঝিতেও পারে না, স্নেহময়ী প্রকৃতিদেবী তেমনই ভাবে সৃষ্টিরাজ্যে নিরাশ্রয় প্রাণি-সমুদয়কে রক্ষা করিতেছেন, তাহারা তাহা জানিতেও পারিতেছে না ; সুতরাং আহাৰ্য্য-নির্গমে বা ঔষধ আবিষ্কারে, ব্যবহার্য্য বস্তুর নিষ্কাশনে বা বিলাস-সাধনে, যে কোন উদ্দেশ্যেই হউক, উদ্ভিজ্জ-জগৎ পর্য্যবেক্ষণ ও পরীক্ষা করা,—প্রকৃতি-গৃহের অতীব প্রয়োজনীয় এই অধ্যায়টি অধ্যয়ন ও অনুশীলন করা,—মানব-জীবনের একটি মুখ্য উদ্দেশ্য ।

আকাশের দিকে দৃষ্টিপাত কর । শূন্যমার্গেও প্রকৃতি তোমার শিক্ষাদাত্রী । উন্নত সূর্য্য, চন্দ্র, গ্রহ, নক্ষত্র তোমার মনকে উন্নত ও শিক্ষিত করিবার নিমিত্ত অনেক কথা বলিতে পারিবে । ঐ সমস্ত অভ্যন্তরীণ অধ্যাপকগণ তোমার শতপুরুষ পূর্বে শিক্ষাদান আরম্ভ করিয়াছেন, শতপুরুষ পবেও শিক্ষাদান করিবেন, তাঁহাদের জ্ঞান-ভাণ্ডার ফুরাইবে না । তাঁহাদের প্রকৃতি, গতিবিধি পর্য্যালোচনা করিতে স্কটিশ জ্যোতিষশাস্ত্র গভীর চিন্তায় মগ্ন,—সহস্র যুগ চলিয়া গেল, আজও জ্যোতিষ পূর্ণাঙ্গ হইল না । প্রকৃতির এই উন্নত অংশ সামান্য শিক্ষার বিষয় নহে । এখানেও গভীর গবেষণার প্রয়োজন ।

যত প্রকার কল-কৌশল মানবজ্ঞানের বিষয়ীভূত, সে সমস্তই প্রকৃতি ব পরিদর্শনের ফল । হয় তুমি নিজে করিয়াছ, না হয় তোমার পূর্ব-

প্রবন্ধ-চন্দ্রিকা ।

পুরুষেরা তাহা তোমার জন্য সম্পাদন করিয়া রাখিয়াছেন । শিক্ষা প্রকৃতি-লব্ধ । চক্রদণ্ডাদি যন্ত্র-বলগুলি প্রকৃতি হইতে সংগৃহীত । আজ মনুষ্য চেষ্টাতে শ্রম-লাঘবের অনেক কৌশল দেখিতেছি, অনেক সুখসেব্য বিলাসবস্তু লাভ করিতেছি, — প্রকৃতি কি সে সমস্তের মূলতত্ত্ব আমাদিগকে শিক্ষা দেন নাই ? যে ব্যক্তি প্রকৃতি-পরিদর্শনে অন্ধ, সে ঘোর মূর্খ ।

অতএব স্বাধীনভাবে ক্রমোন্নতি সাধন করিতে হইলে, কেবল পুস্তক লইয়া বসিয়া থাকিলে চলিবে না ; জীবনের প্রথম হইতে তত্ত্বজিজ্ঞাসু হইতে হইবে । প্রকৃতির কঠিন তত্ত্ব সমস্ত মীমাংসা করিতে হইবে ; তাহা হইলেই অন্বয়ী মুখে হটুক, ব্যতিবেক মুখে হটুক, স্থির উপপত্তিতে উপনীত হইতে পারিবে । পুস্তক কখনও বুদ্ধি দিতে পারে না, চিন্তাশক্তি দিতে পারে না, কিন্তু উভয়ের বিকাশক্ষে সাহায্য করে । প্রকৃতি উভয়ই প্রদান করে ।" গ্রন্থশিক্ষা প্রকৃতিশিক্ষার ধাত্রীস্বরূপ । তুমি প্রকৃতিশিক্ষা হইতে আপন মনের বস্তুলাভের সংগ্রহ করিলে ; গ্রন্থশিক্ষায় কেবল আপন মার্জিত রুচি, অভিজ্ঞতা ও সভ্যতার গুণে সে গুলিকে যথাস্থানে সন্নিবেশিত করিতে পার । অতএব যদি বড়লোক হইতে চাও, তবে শৈশব হইতে সাবধানে সংপথে থাকিয়া প্রকৃতিরূপ মহাগ্রন্থ অধ্যয়ন কর, তোমার আশা ও উদ্দেশ্য সফল হইবে, তুমি যশস্বী, স্মরণীয় এবং সত্যসত্যই একজন অতি প্রধান লোক হইতে পারিবে, তাহাতে অণুনাত্র সংশয় নাই ।

(৬ ব্রজনাথ বিদ্যাস)

মানব-সভ্যতার ক্রম-বিকাশ ।

‘সভ্য’ শব্দের অর্থ বুঝা কঠিন । তবে, বোধ হয়, যাহারা সামাজিক-
গুণে যত উন্নত, তাহাদিগকে তত সভ্য বলা যাইতে পারে । আদিম
অবস্থা হইতে এ পর্য্যন্ত মানুষ দেহে ও মনে যতই উন্নতি করিয়া থাকুক,
সমাজ-বন্ধ না হইলে, তাহার কিছুই হইত না । সমাজ-ধর্ম মানুষকে
উত্তরোত্তর সভ্য-পদবাচ্য করিয়া তুলিয়াছে এবং বিবিধ সদৃশ্যে মণ্ডিত
করিয়াছে । সমাজ ভাঙ্গিয়া গেলে মানুষ কেবল ব্যক্তির সমষ্টি হইয়া
পড়ে ; তখন তাহার সকল উন্নতিই ফুরাইয়া যায় । যাহা হউক, এই
শব্দের মোটামুটি অর্থ আমরা সকলেই বুঝি বলিয়াই বিশ্বাস করি ।
সেই অর্থে প্রয়োগ করিলে দেখা যায় যে, ইহা কয়েকটি আবিষ্কারের
উপর নির্ভর করিয়াছে এবং উহাদিগের সহিত ক্রমে বিবর্তিত হইয়াছে ।

প্রথম আবিষ্কার বোধ হয়, ভাষা । ভাষা ব্যবহার করিতে না পারিলে,
মানব কোন উন্নতিই করিতে পারিত না, ইহা সহজেই অনুমেয় । কিন্তু
প্রথম অবস্থায় উহা লিখিত হয় নাই, কথিত-ভাষা-রূপেই ব্যবহৃত হইত ।
মস্তিষ্ক পদার্থ মানবের বিশেষত্ব । এই উন্নত মস্তিষ্কের অধিকারী
হওয়াতেই মানব ভাষার আবিষ্কার ও উন্নতিসাধন করিতে সমর্থ হইয়াছে ।
মস্তিষ্কের উন্নতি ভাষার আবিষ্কারের ও ভাষার উন্নতির হেতু । আবার,
ভাষার উন্নতি ও আলোচনার ফলে মস্তিষ্কের উন্নতি হইয়া থাকে ।
উহারা পরস্পর পরস্পরের উন্নতিবিধান করিয়াছে । এতদ্বারা মানব-
সভ্যতা একপুরুষে যেক্রমে উন্নত হয়, পর পর বংশে সেই উন্নতি
উত্তরোত্তর বৃদ্ধি-প্রাপ্ত হইবার সেইরূপ সুযোগ হয় ।

প্রবন্ধ-চন্দ্রিকা ।

দ্বিতীয় আবিষ্কার অগ্নি । এই পদার্থের আবিষ্কারদ্বারা মানবীয় সভ্যতা কতদূর বর্দ্ধিত হইয়াছে, তাহার পরিমাণ করা দুঃসাধ্য । এতদ্বারা শীতনিবারণ করা যাইতে পারে, কিন্তু সে সামান্ত কথা । কিন্তু অগ্নি রন্ধনকার্যে ব্যবহৃত হইয়া ও বস্ত্রনির্মাণে সহায়তা করিয়াই প্রধানতঃ সভ্যতার উন্নতিসাধন করিয়াছে । ইহার বিস্তৃত উল্লেখ নিম্নয়োজন । তবে এইমাত্র বলা সঙ্গত বোধ করি যে, অগ্নি প্রথমতঃ রন্ধনকার্যেই ব্যবহৃত হইত ; তাহার বহু পরে বস্ত্রনির্মাণে প্রযুক্ত হইয়াছে ।

তৃতীয় আবিষ্কার, পাথরের অস্ত্র-নির্মাণ । বোধ হয়, অস্ত্র নির্মাণে পাথরই প্রথম ব্যবহৃত হইয়াছিল । প্রাচীন যুগের কোনও কোনও পর্বত-গুহামধ্যে পাথরের অস্ত্রাদি পাওয়া গিয়াছে । ছুরি, ভোজালি, বল্লম ইত্যাদি বহু অস্ত্র সে যুগে প্রস্তুত হইয়াছিল । পাথর দ্বারা এই সকল সুন্দর অস্ত্র প্রস্তুত করা সভ্য মানবের অসাধ্য, অথবা দুঃসাধ্য । অসভ্যগণের চক্ষু ও হস্ত সভ্য মানবের অপেক্ষা অনেক বলিষ্ঠ ও কশ্মঠ । অস্ত্র প্রস্তুত করিতে না পারিলে ক্ষীণ, দুর্বল ও ক্ষুদ্র মানব জীব-জগতে আপন প্রভুত্ব কখনও প্রতিষ্ঠিত করিতে সমর্থ হইত না । অস্ত্রের উদ্ভাবন, নির্মাণ ও ব্যবহারে পারদর্শী হইতে হইলে, ক্রমে বুদ্ধিবৃত্তির যে উৎকর্ষ হয়, ঐ সকল সংগ্রামে জয়ী হইবার জন্ত বীরদেব সহিত যেরূপ একতা, ধীরতা, ভবিষ্যৎদৃষ্টি ও কৌশল আবশ্যক হয়, তাহার নিকট মানবীয় সভ্যতা অনেক পরিমাণে ঋণী ।

চতুর্থ আবিষ্কার, লৌহ । ইহার প্রসাদে প্রথম হইতে এ পর্যন্ত নৌকা প্রস্তুত করিয়া মানব-পরিবার দেশদেশান্তরে বিস্তৃত হইয়াছে ; হলাদি প্রস্তুত করিয়া কৃষিকার্য করিতে সমর্থ হইয়াছে ; নানাবিধ কল-কারখানা গঠিত করিয়া সভ্যতা-বিস্তার করিবার সুযোগ পাইয়াছে,

মানব-সভ্যতার ক্রম-বিকাশ—শশধর ।

অস্ত্রশস্ত্রাদি নির্মাণ করিয়া আত্মরক্ষা ও শত্রুদিগকে আক্রমণ করিতেছে । ইহার বলে মানব আত্মপ্রতিষ্ঠায় সমর্থ হইয়াছে ও হইতেছে ।

পঞ্চম আবিষ্কার, কৃষি ও পরিচ্ছদ । যদিও চর্ম এবং লতা-পত্র এই অবস্থার অনেক পূর্ব হইতেই পরিচ্ছদ-স্বরূপে ব্যবহৃত হইয়াছে বলিয়া অনুমান করিবার কারণ আছে, কিন্তু তাহা অলঙ্কারের জ্ঞান, শোভার নিমিত্ত । লজ্জা-নিবারণের জ্ঞান পরিচ্ছদ প্রথমে ব্যবহৃত হয় নাই । কিন্তু কৃষির আবিষ্কার মানবীয় সভ্যতার একটি প্রধান হেতু । সম্ভবতঃ, ইহা হইতে আর্য্যগণ স্বীয় গৌরবান্বিত নামের অধিকারী হইয়াছিলেন । এই কৌশল জ্ঞাত হইবার সময় হইতেই মানব একস্থানে স্থিরভাবে বসবাস করিতে সমর্থ হইয়াছিল । বেদিয়াদিগের গায় ঘুরিয়া বেড়াইয়া শিকার দ্বারা জীবিকানির্ব্বাহ করিবার আর প্রয়োজন হয় নাই । কৃষির প্রয়োজনবশতঃই একস্থানে বাস করিতে হইয়াছে । ইহা হইতেই যথার্থ সমাজের উৎপত্তি । সমাজধর্ম্ম, যাহা মানবকে মানব-নামের প্রকৃত অধিকারী করিয়াছে, তাহাও ইহারই অন্ততম ফল । কৃষিজ্ঞাত শস্ত্র উদর পূর্ণ হওয়াতে মানবের বহু অবসর লাভ করিবার সুযোগ হইয়াছিল । নিয়ত ভ্রমণ ও শিকার করিতে হইলে তাহা সম্ভব হইত না । কৃষি হইতেই মানবের অবসর-কাল প্রাপ্তি ; সুতরাং জ্ঞানচর্চার সুবিধা-লাভ । এই সময় হইতেই মানব উত্তরোত্তর জ্ঞানোন্নত হইতে লাগিল । দেহের অভাব ছাড়িয়া মনের অভাব অনুভব করিল, বিশ্ব-ব্রহ্মাণ্ডের দিকে চক্ষু তুলিয়া চাহিবার সময় পাইল, এবং বিশ্বের সৌন্দর্য্যে ও শৃঙ্খলায় মুগ্ধ হইয়া বিশ্বরচয়িতার অন্বেষণ করিতে প্রবৃত্ত হইল । তাই মানবত্ব ছাড়িয়া এখন হইতে দেবত্বে উন্নীত হইবার পথ আবিষ্কার করিবার প্রয়াসী হইল । কৃষির আবিষ্কারকে সভ্যতার এক প্রধান কারণ বিবেচনা করা যায় ।

প্রবন্ধ-চন্দ্রিকা ।

ষষ্ঠ আবিষ্কার, লেখা । মানব লিখিতে শিক্ষা করিয়া সময়কে জয় করিয়াছে । এক সময়ে যে সকল উন্নতি হইতেছে, তাহা তৎকালেও দেশদেশান্তরে ব্যাপ্ত হইয়া জ্ঞানোন্নতি সাধিত হইতেছে ; এবং পরবর্তী কালে ও বহু সহস্র বৎসর অন্তেও মানব-সমাজের প্রভূত উপকার হইতেছে । লেখা প্রথমেই বর্তমান আকার প্রাপ্ত হয় নাই । নানা-বিধ দুর্কোষ চিত্র, বক্র, অতি বক্র রেখা ইত্যাদির মধ্য দিয়া অক্ষয় সকল বর্তমান রূপ ধারণ করিয়াছে । ইহাই যে শেষ আকৃতি তাহাও বলা যায় না । প্রথম হইতে প্রস্তর, বৃক্ষপত্র ও বৃক্ষত্বক, পশুচর্ম ইত্যাদি নানাবিধ পদার্থের উপর লেখা হইয়া আসিয়াছে ; এক্ষণে কাগজ ব্যবহৃত হইতেছে । কথিত ভাষার আবিষ্কারের পরে সভ্যতার উন্নতিসাধন করিবার এত বড় প্রবল সহায় আর কিছুই হয় নাই বলিলে, বোধ হয়, অত্যাুক্তি হইবে না ।

ইহাব পরের আবিষ্কার, বারুদ—সভ্যতার সহায়ক, এ কথা শুনিলে অনেকে কাণে হাত দিতে পারেন । কিন্তু প্রকৃতপক্ষে এই মারাত্মক যমদূতের অস্ত্রগুলিও সভ্যতার উন্নতিসাধন করিয়াছে । সাংঘাতিক অস্ত্রশস্ত্র যেমন একদিকে হত্যাকাৰ্য্য করিয়া পশুত্বের পরিচয় দেয়, তেমনই অন্যদিকে হতাবশিষ্টদিগের আহারসংগ্রহের ও বংশবৃদ্ধির সুবিধা করিয়া দিয়া, মানবের অশেষ উপকার করে । পালন ও সংহার, পৃথক পদার্থ নহে, একের নিমিত্তই অন্য আবশ্যিক ; সুতরাং সপ্তম আবিষ্কার বারুদকেও সভ্যতা-বিস্তারের সহায় স্বরূপে উল্লেখ করা যাইতে পারে । বারুদ আবিষ্কারের পর যুদ্ধবিগ্রহে হত্যাকাৰ্য্যের বাহুল্য হইয়াছে সত্য, কিন্তু যুদ্ধবিগ্রহ ঘোষণা করিবার পূর্বে লোকে পূর্বাপেক্ষা অধিক ইতস্ততঃ করিতেছে । যখন মৃত্যুর আশঙ্কা অল্প, তখনই যুদ্ধও সহজেই বাড়িয়া উঠে ; এই আশঙ্কা অধিক থাকিলে, যুদ্ধ কম বাধিত ;

মানব-সভ্যতার ক্রম-বিকাশ—শশধর ।

সুতরাং মারাত্মক অস্ত্রাদি মোর্টের উপর মানবসমাজকে উন্নতই
করিয়াছে । উহারা বিভিন্ন জাতীয় মানবকে পরস্পরের সহিত সংস্ফুট
করিয়াছে, ভাব-বিনিময়ের সুবিধা ও সভ্যতা-বিস্তারের সহায়তা
করিয়াছে ; এ বিষয়ে সন্দেহ নাই । তবে পূর্বকালে যুদ্ধবিগ্রহ
বর্তমান-কালের ন্যায় এত অধিক মারাত্মক ছিল না, এ কথা সত্য ।
কিন্তু এ স্থলে এ কথা বিস্মৃত হওয়া যায় না যে, যেরূপ সংশ্রবের,
ভাব-বিনিময়ের ও সভ্যতা-বিস্তারের কথা উল্লেখ করিলাম, তাহাতে
অনেক জাতি, বিশেষতঃ বিজিত জাতি, কখনও কখনও জগৎ
হইতে চিব-বিদায় গ্রহণ করিয়াছে । ইহাতে কোনও জাতি উচ্ছিন্ন
হইয়া গিয়াছে, অথবা এখনও যাইতেছে সত্য, কিন্তু মানব-জাতির
সভ্যতা যুগে যুগে ক্রমবিবর্তিত হইতেছে, সন্দেহ নাই । জাতি
মরে, কিন্তু তাহার সভ্যতা মরে না ; কোনও না কোনও ভাবে উহা
সজীব থাকিয়া মানব-জাতির কল্যাণ-সাধন করে । জগতে মোর্টের
উপর কল্যাণ ভিন্ন অকল্যাণ নাই । বারুদ আবিষ্কার এ নিয়মের
বহির্ভূত নহে ।

ইহার পরেই বিদ্যুৎ আবিষ্কারের কথা বলিতে হয় । অর্থাৎ উহা
প্রস্তুত করিবার প্রণালী-উদ্ভাবনের কথা এ স্থলে সহজেই মনে হইতে
পাবে । কিন্তু আমি ইহাকে মানবীয়-সভ্যতার বাহ্য-বিকাশের সহিত
গুরুতররূপে সংস্ফুট মনে করি না । এ নিমিত্ত আমি অষ্টম ও শেষ
আবিষ্কারের স্থলে ব্যোমযানের উল্লেখ করিব । এই আবিষ্কারের যুগ
চলিতেছে । কালে এই হেতু মানব-সভ্যতা কি আকার ধারণ করিবে,
তাহা নিশ্চয় বলা কঠিন । মানব বাষ্পীয়-শকট ও অর্ণবপোত নির্মাণ
করিয়া জলে স্থলে আত্ম-প্রতিষ্ঠা করিয়াছে । এখন সে আকাশ বিজয়
করিতে প্রয়াসী হইয়াছে । এই আবিষ্কারের ফল মানব-সভ্যতাকে

প্রবন্ধ-চন্দ্রিকা ।

গুরুতরভাবে পরিবর্তিত করিবে, সে বিষয়ে অনুমাত্রও সন্দেহ নাই ।

আমরা যে দিক্ হইতে সভ্যতার বিকাশের আলোচনা করিতেছি, দেখিলাম, উহা কতিপয় আবিষ্কারের উপর নির্ভর করিতেছে । উহাতে এক দিকে যেমন নির্দিষ্ট সমাজের বন্ধন দৃঢ় করিতেছে, অপর দিকে তেমনই বাহু-প্রকৃতির উপর মানবের আধিপত্য বিস্তার করিতেছে । কিন্তু সভ্যতার এই দিক্টা বাহু-বিষয়ক, ইহা পারমাণ্বিক নহে । মানব মানসিক উন্নতিতে অগ্রসর হইতে না পারিলে, তাহার সভ্যতা অতিশয় অক্ষিৎকর । মনের উন্নতিই প্রধান কথা । দেহ যে পরিমাণে মনের সহায়তা করে, বাহু-জগতের অনুশীলন করিতেও মন তেমনি বিশেষ ভাবে উন্নত হইতে পারে, সন্দেহ নাই । কিন্তু মানব-মন শ্রীভগবানের পদে আকৃষ্ট হওয়াই পরম পুরুষার্থ, উহাই জীবনের প্রধান লক্ষ্য । সমাজ ঐ দিকে অগ্রসর হইলেই প্রকৃত সভ্যতার অধিকারী হইল, নচেৎ সকলই সভ্যতার ভানমাত্র—ইহা মানব-সমাজ যত শীঘ্র হৃদয়ঙ্গম কবে, ততই মঙ্গল ।

(শ্রীশশধর রায়)

শারীরিক, মানসিক ও নৈতিক শিক্ষা ।

শরীর ভাল না থাকিলে মন ভাল থাকে না এবং লোক কোন কার্যই ভালরূপে করিতে পারে না । সত্যই “শরীরমাণ্ডঃ খলু ধর্ম-সাধনম্ ।” শরীরই ধর্মসাধনের আদি উপায় । অতএব শারীরিক শিক্ষা অতি প্রয়োজনীয় । এস্থলে শারীরিক শিক্ষা বলিলে কেবল

শারীরিক, মানসিক ও নৈতিক শিক্ষা—গুরুদাস।

ব্যায়াম বুঝাইবে না ; উপযুক্ত আহার গ্রহণ, উপযুক্ত পরিচ্ছদ পরিধান, যথাযোগ্য ব্যায়াম অভ্যাস, আবশ্যিকমত বিশ্রাম লওয়া, যথাসময়ে নিদ্রা যাওয়া প্রভৃতি যে সকল কার্য দ্বারা শরীরের স্বাস্থ্যরক্ষা ও পুষ্টি-বর্দ্ধন হয় এবং সঙ্গে সঙ্গে মনেরও উৎকর্ষ-লাভের বিঘ্ন না হইয়া বরং সহায়তা হয়, তৎসমুদায়েরই অনুষ্ঠান বুঝাইবে।

অনেকে মনে করিতে পারেন, জ্ঞানলাভের জন্য এত শারীরিক নিয়ম পালনের প্রয়োজন নাই। বুদ্ধি থাকিলেই যতক্ষণ শরীর নিতান্ত অস্থস্থ না হয়, ততক্ষণ জ্ঞানলাভের কোন বাধা হয় না। কিন্তু এরূপ মনে করা ভুল। অসাধারণ বুদ্ধিমান ও মেধাবীর পক্ষে শরীরের অবস্থা ভাল না থাকিলেও জ্ঞানার্জনের অধিক বিঘ্ন না হইতে পারে। কিন্তু সাধারণ ব্যক্তির পক্ষে তাহা ঘটে না ; এবং আহার ও ব্যায়াম, নিদ্রা ও বিশ্রাম যথানিয়মে চলিলেই শরীর ও মনের অবস্থা জ্ঞানার্জনের উপযোগী হয়। সংক্ষেপে বলিতে গেলে, ব্রহ্মচর্যা-পালন ও আহার নিদ্রার সংঘমই শিক্ষার্থীর পক্ষে প্রশস্ত নিয়ম।

সহজ অবস্থায় অনেক শারীরিক নিয়ম-লঙ্ঘন সহ হয় এবং অনেক সহজ কার্য বিনা শারীরিক শিক্ষায় এক প্রকার চলে, কিন্তু তাই বলিয়া শারীরিক নিয়ম-পালন ও শারীরিক শিক্ষা অনাবশ্যক বলা যায় না। নিয়মিত আহার, ব্যায়াম ও বিশ্রাম দ্বারা অনেক দুর্বল দেহ সবল হয়। হস্ত চক্ষুর সুশিক্ষা দ্বারা লোকে চিত্রকরণে আশ্চর্য্য নৈপুণ্য লাভ করে। পক্ষান্তরে শিক্ষা না করিলে চিত্র করা দূরে থাকুক, একটি দীর্ঘ সরল-রেখাও টানিতে পারা যায় না।

মন যেমন শরীর অপেক্ষা সূক্ষ্ম পদার্থ, মানসিক শিক্ষাও সেইরূপ শারীরিক শিক্ষা অপেক্ষা কঠিন বিষয়। এস্থলে মানসিক শিক্ষা, বিদ্যা-শিক্ষা বলিলে যাহা বুঝায়, সে অর্থে ব্যবহৃত হইতেছে না। ভিন্ন ভিন্ন

প্রবন্ধ-চন্দ্রিকা ।

বিদ্যাশিক্ষা জগতের ভিন্ন ভিন্ন বিষয়ে জ্ঞানলাভ বুঝায়, কিন্তু মানসিক-শিক্ষা তদতিরিক্ত আরও কিঞ্চিৎ বুঝায় ; অর্থাৎ জ্ঞানলাভ এবং জ্ঞান-লাভের শক্তিবর্দ্ধন এই দুইটিই বুঝায় । উপরি উক্ত বিশেষ বিশেষ বিদ্যা শিখিতে গেলে সঙ্গে সঙ্গে অবশ্যই মানসিক শিক্ষালাভ হয় । যথা, —দর্শন বা গণিত শিক্ষার সঙ্গে সঙ্গে বুদ্ধির বিকাশ হইতে থাকে, ইতিহাস শিখিতে গেলে, অভ্যাস দ্বারা স্মৃতিশক্তির বৃদ্ধি হয় । কিন্তু তাহা হইলেও ভিন্ন ভিন্ন বিদ্যাশিক্ষার সঙ্গে সঙ্গে মানসিক শিক্ষার প্রতি পৃথক দৃষ্টি রাখা আবশ্যিক, কেন না বিদ্যাশিক্ষা যদিও অনেক সময়েই মানসিক শক্তি বৃদ্ধি করে, কখন কখন আবার তাহা তদ্বিপৰীত ফলও উৎপন্ন করে । নিরবচ্ছিন্ন এক বিদ্যা আলোচনা দ্বারা যদিও সেই বিদ্যায় পারদর্শিতা লাভ হইতে পারে, কিন্তু মনের সাধারণ শক্তির তদ্বারা বৃদ্ধি না হইয়া বরং হ্রাস হইয়া যায় এবং এইরূপে পণ্ডিতমূৰ্খ বলিয়া যে এক শ্রেণীর বিচিত্র লোক আছে, তাহার সৃষ্টি হয় । বিদ্যা-শিক্ষা করিয়াও যদি মানসিক শিক্ষার অভাবে লোকে এইরূপ পরিহাস-ভাজন হইতে পারে, তবে সেই অত্যাবশ্যিক মানসিক শিক্ষা কি ? এবং কিরূপে তাহা লাভ করা যায় ? উৎসুক হইয়া সকলেই এই প্রশ্ন করিবেন । পূর্বেই বলা হইয়াছে, মানসিক-শিক্ষা কেবল বিষয়-বিশেষের জ্ঞানলাভ নহে, সকল বিষয়েই জ্ঞান-লাভের শক্তি-বর্দ্ধন ইহার মূল লক্ষণ । সেই শক্তি-বর্দ্ধনের উপায় নানা বিষয়ের যথাসম্ভব শিক্ষা এবং সকল বিষয়ই যথাসাধ্য আয়ত্ত করিবার অভ্যাস । সকল বিষয় সকলের সম্যক্রূপে আয়ত্ত হইতে পারে না, কিন্তু সকল বিষয়েরই সহজ কথা কিয়ৎপরিমাণে আয়ত্ত করার শক্তি সকল প্রকৃতিস্থ ব্যক্তিরই থাকা উচিত এবং একটু যত্ন করিলেই সে শক্তি লাভ করা যায় । বিদ্যা অপেক্ষা বুদ্ধি বড় । বিদ্যা কম থাকিলেও লোকের চলে, কিন্তু বুদ্ধি কম

শারীরিক, মানসিক ও নৈতিক শিক্ষা—গুরুনাম ।

থাকিলে চলা ভাব । প্রকৃত মানসিক শিক্ষা না হইলে, জ্ঞানলাভ সহজে হয় না ।

শারীরিক ও মানসিক শিক্ষা অপেক্ষা নৈতিক শিক্ষা অধিকতর প্রয়োজনীয় । শরীর সবল ও বুদ্ধি তীক্ষ্ণ হইলেও যাহার নীতি কলুষিত, সে নিজের এবং অপর সাধারণের অমঙ্গলের কারণ হয় । চাণক্য যথার্থই বলিয়াছেন—

“দুর্জ্জনঃ পরিহর্তব্যো বিদ্যালয়কৃতোহপি সন্ ।

মণিনা ভূষিতঃ সর্পঃ কিমসৌ ন ভয়ঙ্করঃ ॥”

“দুর্জ্জন বিদ্বান্ হইলেও পবিত্রাত্মা । সর্পের মস্তকে মণি থাকিলে কি সে ভয়ঙ্কর নহে ?” নৈতিক শিক্ষা যেমন অতি প্রয়োজনীয়, তেমনই অতি কঠিন । সুনীতি কাহাকে বলে এবং দুর্নীতি কাহাকে বলে, তাহা স্থির করা প্রায়ই সহজ । কিন্তু তাহা হইলেও যে নৈতিক শিক্ষা এত কঠিন, তাহার কারণ এই যে, নৈতিক শিক্ষালাভ, কি সুনীতি কি দুর্নীতি ইহা জানিলেই সম্পন্ন হয় না । কার্যতঃ যাহা সুনীতি তাহার আচরণ করা ও যাহা দুর্নীতি তাহার পরিহার করাই নৈতিক শিক্ষা-লাভের লক্ষণ এবং সেইরূপ কার্য্য করিতে পারা বহু যত্ন ও অভ্যাসের ফল । ফলতঃ নৈতিক শিক্ষা কেবল জ্ঞানবিষয়ক নহে, ইহা প্রধানতঃ কৰ্ম্মবিষয়ক । তবে নৈতিক শিক্ষা জ্ঞান-লাভের নিমিত্ত অতি প্রয়োজনীয় । যদিও দুর্জ্জন বিদ্যালয়কৃত হইতে পারে, কিন্তু দুর্জ্জনের প্রকৃত জ্ঞান-লাভ প্রায়ই ঘটে না । তাহার কারণ এই যে, জ্ঞান-লাভের নিমিত্ত যে সকল যত্ন ও অভ্যাস আবশ্যিক, তদুপযোগী মনের শাস্ত্যভাব দুর্নীত ব্যক্তিদিগের থাকে না । তাহারা তীক্ষ্ণবুদ্ধি হইতে পারে, কিন্তু ধীবুদ্ধি হয় না । তাহারা স্মৃষ্ণ কথা ধরিতে পারে, কিন্তু কোন বিষয়ে স্থূল ও প্রকৃত অর্থ বুঝিতে পারে না । তাহারা কৃতক্ করিয়া

প্রবন্ধ-চন্দ্রিকা ।

কুটিল পথে যাইতে পারে, কিন্তু স্মৃতি দ্বারা সরল সিদ্ধান্তে উপনীত হইতে পারে না । যেখানে কোন দোষ নাই, সেখানে তাহারা দোষ দেখে, যেখানে প্রকৃত দোষ আছে, তাহাদের বক্রদৃষ্টি তাহা দেখিতে পায় না । বোধ হয়, এই জন্মই আৰ্য্য ঋষিরা যাহাকে তাহাকে উপদেশ দিতেন না ! শান্ত, ঋজু এবং দন্ত-বজ্জিত না হইলে, কাহাকেও শিষ্য করিতেন না ; অর্থাৎ শিষ্য আগে নৈতিক-শিক্ষা প্রাপ্ত না হইলে, তাহাকে জ্ঞান-শিক্ষা দিতেন না । আর একটি কথা আছে । দুর্নীত ব্যক্তির জড়জগৎ সম্বন্ধীয় জ্ঞান বৃদ্ধি হইলেও তদ্বারা সংসারের অনেক অনিষ্ট খটিতে পারে ; সুতরাং নৈতিক-শিক্ষা সর্বাগ্রে আবশ্যিক ।

নৈতিক শিক্ষার অভাবে আমাদের অনেক কষ্ট বৃদ্ধি হয় এবং নীতি-শিক্ষা দ্বারা আমাদের অনেক কষ্টের লাঘব হইতে পারে । সত্য বাটে, নীতিশিক্ষাদ্বারা দারিদ্র্য, রোগ, অকালমৃত্যু নিবারিত হয় না, কারণ তদ্বারা গ্রাসাচ্ছাদনোপযোগী দ্রব্য বা রোগোপশমের ঔষধ প্রস্তুত করিবার ক্ষমতা জন্মে না । কিন্তু নীতিশিক্ষা যে আলস্য-অপব্যয়াদি সম্ভূত দারিদ্র্য এবং অতিভোজন ও ইন্দ্রিয়পরতা দ্বিজনিত রোগ-নিবারণের উপায়, তাহাতে সন্দেহ নাই । স্মৃতিসম্পন্ন ব্যক্তি যথা মাধ্য যত্ন করিয়া দারিদ্র্য ও রোগনিবারণে সতত তৎপর থাকেন । আবার দারিদ্র্য, রোগ, অকালমৃত্যু, দৈবদুর্ঘটনাদি যেখানে অনিবার্য্য, সেখানে তজ্জনিত দুঃখভার সহিষ্ণুতার সহিত বহন করিবার ক্ষমতা নীতিশিক্ষা বিনা কিছুতেই জন্মে না এবং সেই ক্ষমতা এই স্মৃতিসম্পন্ন সংসারে বড় অল্প মূল্যবান্ সম্পদ নহে ।

এতদ্ব্যতীত একটু ভাবিয়া দেখিলে বুঝিতে পারা যায় যে, দৈব-দুর্ভাগ্যাদি আমাদের যত দুঃখের মূল, আমাদের দুর্নীতি তদপেক্ষা অল্প দুঃখের মূল নহে । প্রথমতঃ, আমাদের নিজের দুর্নীতিতে নিজের

প্রাচীন ভারতের সভ্যতা—রামপ্রাণ ।

অশেষ দুঃখ ঘটে । অতিভোজনাदि 'অসংযত-ইন্দ্রিয়সেবার জন্ম আমা
দিগকে নানাবিধ রোগের যন্ত্রণা ভোগ করিতে ও অকালে কালগ্রাসে
পতিত হইতে হয় । দুৰাকাজ্জা, অতিলোভ, ঈর্ষ্যা, ঘেঘাদি দুস্প্রবৃত্তি
হইতে আমরা তীব্র মনোবেদনা সহ্য করি । দ্বিতীয়তঃ, পরের দুর্নীতির
জন্ম অপমান, বঞ্চনা, চৌর্যাদি দ্বারা অর্থনাশ, শত্রুহস্তে আঘাত ও অপ
মৃত্যু প্রভৃতি নানাপ্রকার গুরুতর ক্লেশ ভোগ করি । রাষ্ট্রবিপ্লব, যুদ্ধ ও
তাহার আনুযঙ্গিক সমস্ত অমঙ্গলও মনুষ্যের দুর্নীতির ফল । অতএব
ইন্দ্রিয়সংযম ও দুস্প্রবৃত্তি দমন শিক্ষা না করিলে, কেবল বিজ্ঞান শিক্ষার
দ্বারা ভোগের দ্রব্য ও রোগের ঔষধ প্রচুর পরিমাণে প্রস্তুত করিতে
পারিলেও মনুষ্য কখনই সুখী হইতে পারে না ।

(৩ গুরুদাস বন্দ্যোপাধ্যায়)

প্রাচীন ভারতের সভ্যতা ।

ইউরোপীয় সভ্যতা ।—একজন চিন্তাশীল লেখক নির্দেশ করিয়াছেন,
যাহার মূলে গ্রীক নাই, তাহা ইউরোপে অগ্রাহ্য । রোমক-সভ্যতা
গ্রীক-সভ্যতা হইতে উদ্ভূত, তারপর গ্রীক ও রোমক সভ্যতার
অনুকরণে সমগ্র ইউরোপের সভ্যতা গঠিত হইতে আরম্ভ হয় । এই
সভ্যতার গঠনকালে ইউরোপ ইহুদি-জাতির নিকটও ঋণ গ্রহণ
করিয়াছিলেন । ইউরোপ ইহুদি-জাতির নিকট হইতে ধর্ম, গ্রীক-জাতির
নিকট হইতে দর্শন প্রভৃতি বিদ্যা এবং রোমক-জাতির নিকট হইতে
রাজনৈতিক ব্যবস্থা গ্রহণ করিয়া আপন সভ্যতার ভিত্তি পত্তন করেন ।

প্রবন্ধ-চন্দ্রিকা ।

খৃষ্ট ধর্ম :—অধ্যাপক ম্যাক্সমুলার লিখিয়াছেন, বৌদ্ধধর্মের সহিত খৃষ্টীয় ধর্মের নানা সোসাদৃশ্য (*) বিস্ময়কর ; ইচ্ছাও স্বীকার্য যে, খৃষ্টীয় ধর্মের অভ্যুদয়ের অন্ততঃ চারি শত বৎসর পূর্বে বৌদ্ধধর্ম প্রতিষ্ঠিত হইয়াছিল। কিন্তু খৃষ্টীয় ধর্মে বৌদ্ধ-প্রভাব আবোপ করিবার পূর্বে ইহুদি-জাতির অধ্যুষিত দেশে বৌদ্ধধর্ম উপনীত হইয়া খৃষ্টীয় ধর্মের বিকাশ-সম্পর্কে আপন প্রভাব বিস্তার করিয়াছিল কি না, তাহার প্রমাণ দিতে হইবে। আমরা তাদৃশ প্রমাণ পাঠকগণের সমীপে উপস্থিত করিতেছি।

খৃষ্টীয় ধর্ম মিশর হইতে মূল রস আকর্ষণ করিয়াছিল। খৃষ্টীয় ধর্ম অভ্যুদিত হইবার বহুপূর্বে মিশরে বৌদ্ধধর্মের প্রভাব বিস্তারিত হইয়াছিল। খৃষ্টীয় ধর্মের জন্মস্থান প্যাালেষ্টাইন্ বা দিবিয়াতেও বৌদ্ধধর্মের কীর্তি স্থাপিত ছিল। তদ্ব্যতীত ইউরোপীয় সভ্যতার আদিভূমি গ্রীস-দেশেও বৌদ্ধপ্রচারকগণ স্বধর্মের প্রতিষ্ঠা করিয়াছিলেন। ইউরোপ ও আফ্রিকার সন্ধিস্থল আলেক্জেণ্ড্রিয়া-নগরীতে গ্রীক-দর্শন, বিজ্ঞান ও সাহিত্যের অনুশীলন হইত। তারপর বৌদ্ধধর্মের প্রভাবে মিশরে বৌদ্ধদর্শন ও বৌদ্ধনীতি প্রতিষ্ঠানাভ কবে। হিন্দু দর্শনশাস্ত্রও মিশর-দেশে প্রভাব বিস্তৃত করিয়াছিল। খৃষ্টের জন্মেও দুই শত বৎসর পূর্বে এমোনিয়াস্-নামক একজন প্রগাঢ় পণ্ডিত নিউপ্লাটানিক্ নামে এক নূতন দর্শনশাস্ত্রের প্রচার করেন। এমোনিয়াস্ মিশরদেশের রাজধানী আলেক্জেণ্ড্রিয়া নগরীর অধিবাসী ছিলেন। তিনি স্বীকার করিয়া গিয়াছেন যে, তাঁহার দর্শনশাস্ত্রের মূলতত্ত্ব ভারতবর্ষেই হিন্দু দর্শন হইতে গৃহীত হইয়াছিল। বস্তুতঃ প্রথম তিন শতাব্দীর খৃষ্টধর্মের অঙ্গে গ্রীক,

* এই সোসাদৃশ্যের বিস্তৃত বিবরণ রমেশচন্দ্র দত্ত প্রণীত Ancient India নামক পুস্তকে দ্রষ্টব্য।

প্রাচীন ভারতের সভ্যতা—রামপ্রাণ ।

বৌদ্ধ ও হিন্দুশাস্ত্রের অনেক চিহ্ন দেখিতে পাওয়া যায় । এই সকল কারণে নির্দেশ করা যাইতে পারে যে, খৃষ্টীয় ষষ্ঠ ভারতের বৌদ্ধ ও আৰ্য্যধর্মের নিকট ঋণী ।

গ্রীকদর্শন—অতি প্রাচীনকালে নানা দেশ হইতে পণ্ডিতগণ শিক্ষার্থী বশে ভারতবর্ষে উপনীত হইতেন এবং বিবিধ শাস্ত্র অধ্যয়ন করিয়া জ্ঞানার্জনপূর্বক স্বদেশে প্রতিগমন করিতেন । ডাঃ এন্‌ফিল্ড প্রদর্শন করিয়াছেন, পিথাগোরাস্, এনাক্সারকাস্, পিবো প্রভৃতি অনেক প্রসিদ্ধ দার্শনিক প্রথম অবস্থায় ভারতবর্ষে বিদ্যা অর্জন করিয়াছিলেন । এই সকল দর্শনশাস্ত্রকর্তা পরবর্তী কালে যে সকল তত্ত্ব প্রচার করিয়াছিলেন, তৎসমুদায়ের অনেকেই ভারতবর্ষে উদ্ঘাটিত হইয়াছিল । ভারতীয় দার্শনিকগণের চিন্তা-প্রসূত তত্ত্ব সকল সূর্য্য-কিরণের ন্যায় “দীপ্তিপূর্ণ জ্যোতীবেখা ।” স্নিগেল প্রভৃতি পাশ্চাত্য দার্শনিক স্বীকার করিয়াছেন যে, দার্শনিক প্রতিভার প্রতিপত্তিতে গ্রীক জ্যোতিষ্কগণ ভারতীয় দর্শনশাস্ত্রবিদগণের নিকট হীনপ্রভ ; সুতরাং ঐ সকল গ্রীক পণ্ডিতেব চিন্তা-প্রণালী তাঁহাদের পূর্বার্জিত বিদ্যার প্রভাব অতিক্রম করিতে পারে নাই । ফলতঃ হিন্দু ও গ্রীক দর্শনশাস্ত্রের মধ্যে যথেষ্ট সাদৃশ্য বিদ্যমান রহিয়াছে । খ্যাতনামা কোলক্রুক্ সাহেব লিখিয়াছেন যে, ‘দর্শনশাস্ত্র-সম্বন্ধে হিন্দুজাতি ঋণ দান করিয়াছেন, কিন্তু কাহারও নিকট হইতে ঋণ গ্রহণ করেন নাই ।’ একজন ফরাসী লেখক লিখিয়াছেন, ‘প্রখ্যাত গ্রীক লেখকগণেব উদ্ঘাটিত তত্ত্বাবলীর প্রত্যেক অনুক্রমে হিন্দুদর্শনের প্রভাব দেখিতে পাওয়া যায় ।’ এতদ্দ্বারা যথেষ্ট সপ্রমাণ হইতেছে যে, ঐ সকল লেখক প্রাচ্যশাস্ত্রেব নিকট ঋণ গ্রহণ করিয়াছেন ; তাঁহাদের অনেকে কোনপ্রকার মধ্যবর্তী শাস্ত্রেব সহায়তা গ্রহণ না করিয়া, একেবারে প্রাচ্যবিদ্যার উৎসস্থল ভারতবর্ষের শাস্ত্রদ্বারা

প্রবন্ধ-চন্দ্রিকা ।

আপনাদের অভিমুত সমূহ গঠন করিয়াছিলেন । চিরখ্যাত গ্রীক-পণ্ডিত পিথাগোরাস্ ভারতবর্ষে জ্ঞানান্বেষণের জন্য উপনীত হন এবং তদ্বৈতই আৰ্য্য ঋষিগণকর্তৃক উদ্ঘাটিত পুনর্জন্ম-তত্ত্ব সত্য বলিয়া গ্রহণ করেন ।

বিজ্ঞান—দর্শন বা মনোবিজ্ঞান পবেই বিজ্ঞানশাস্ত্রের নাম উল্লেখ-যোগ্য । বিজ্ঞান, সভ্যতার অগ্ৰতম প্রধান উপাদান । রসায়ন-বিজ্ঞা বিজ্ঞানের প্রধান অংশ এবং সভ্যতার শীর্ষকি-কল্পে উহার প্রয়োজন গুরুতর । “এই রসায়নের মূলও ভারতবর্ষ । জানা গিয়াছে যে, আরবদিগের নিকট হইতে ইউরোপবাসিগণ রসায়নের প্রথম শিক্ষা পাইয়াছিলেন । কিন্তু আরবেয়া এতদেশ হইতে এ বিষয়ে জ্ঞানলাভ করিয়াছিলেন, কিঞ্চিৎ অনুসন্ধান করিলেই বুঝিতে পারা যায় । চরক ও সুশ্রুত এ দেশের প্রধান চিকিৎসা-গ্রন্থ । আরবেয়া বিজ্ঞাশিক্ষার প্রতি মনোযোগ দিতে আরম্ভ করিয়া অল্পকাল মধ্যে চরক ও সুশ্রুত অনুবাদ করিয়া লন এবং প্রকাশ্যরূপে ভারতবাসীদিগের নিকট আপনাদিগের ঋণ স্বীকার করেন ।

“খৃষ্টীয় অষ্টম শতাব্দীতে বোগ্দাদের বিখ্যাত খলিফা হারুণ-অল-রসিদের সভায় দুই জন হিন্দু চিকিৎসক ছিলেন । হিন্দুরা যে কেবল ভাল চিকিৎসক ছিলেন, তাহা নহে ; তাঁহারা রাসায়নিক বিজ্ঞায়ও বিলক্ষণ পারদর্শী ছিলেন । এল্-ফিন্-ষ্টোন সাহেবের ভারতবর্ষের ইতিহাসে লিখিত আছে যে, তাঁহারা গান্ধকিক অম্ল, যাবক্ষারিক অম্ল ও লাবণিক অম্ল, তাম্র, লৌহ, সীসক, রাঙ এবং দস্তার অম্লজানক ইত্যাদি অনেক রাসায়নিক প্রক্রিয়া-জাত যৌগিক পদার্থ প্রস্তুত করিতে পারিতেন । এই পদার্থগুলির মধ্যে গান্ধকিক অম্লকে হিন্দুরা মহাদ্রাবক নাম দিয়াছেন এবং এ নামটি কেমন যুক্তি সঙ্গত, ডাক্তার ওশান্সী-লিখিত কয়েক পঙ্ক্তির নিম্নস্থ অনুবাদ দেখিলেই প্রতীয়মান হইবে,—

প্রাচীন ভারতের সভ্যতা—রামপ্রাণ ।

“এই দ্রাবকের সাহায্যে আমরা যাবক্ষারিক, লাবণিক প্রভৃতি কত অগ্ৰাণ্য দ্রাবক প্রস্তুত করিয়া থাকি । ইহা হইতেই আমরা অল্প মূল্যে সোডা, স্রিতালাদি উৎপাদন করিতে পারি । ইহা রঞ্জকের প্রক্রিয়ায় আবশ্যিক এবং ইহা হইতেই আমরা কালোনেল, কুইনাইন্ প্রভৃতি মহৌষধি পাইতেছি । বস্তুতঃ যে সময়ে ইউরোপে অল্পব্যয়ে গান্ধকিক অল্প প্রস্তুত হইতে আরম্ভ হইয়াছে, সেই সময় হইতে রাসায়নিক শিল্পজাত সম্বন্ধে ইউরোপের মহত্বের প্রারম্ভ হইয়াছে ।” (১)

জ্যামিতি—রসায়নের গ্ৰায় গণিতশাস্ত্রের উৎপত্তি ভারতবর্ষেই হইয়াছিল । বস্তুতঃ গণিত বিষয়েও ভারতবর্ষ পৃথিবীর শিক্ষা দান করিয়াছেন । আৰ্য্য ঋষিগণ ধর্ম্মগত-প্রাণ ছিলেন । তাঁহারা সর্বদা তদগত-চিত্তে ধর্ম্মকর্ম্মের অনুষ্ঠান করিতেন এবং তদুপলক্ষেই নানা বিদ্যা সৃষ্টি করিয়াছিলেন । যজ্ঞ-বেদী-নির্মাণ-প্রণালী হইতে জ্যামিতি বিদ্যার উদ্ভব হইয়াছিল । তৈত্তিরীয় সংহিতায় নানা প্রকার যজ্ঞ-বেদীর বিবরণ প্রদত্ত হইয়াছে ; জ্যামিতিক জ্ঞান-ব্যতীত এই সকল যজ্ঞ-বেদীর নির্মাণ সম্ভবপব নহে । ফলতঃ নানা আকার-বিশিষ্ট যজ্ঞ-বেদীর নির্মাণ-কৌশল জ্যামিতিবিদ্যার জন্ম প্রদান করে । ডাক্তার খিবয়ট লিখিয়াছেন, দুই বা ততোহধিক বর্গক্ষেত্র অঙ্কিত করিয়া তাহার পরে সেই সকল বর্গক্ষেত্রের পরিমাণফলের সমান আর একটি বর্গক্ষেত্র অঙ্কিত করিতে হইত । আবার কোন কোন স্থলে দুইটি বর্গক্ষেত্র অঙ্কিত করিয়া তাহার পরে তাহাদের পরিমাণফলেব পার্থক্যের সমান আর একটি বর্গক্ষেত্র অঙ্কিত করিতে হইত । কখন কখন বর্গক্ষেত্রকে আয়তক্ষেত্রে এবং আয়তক্ষেত্রকে বর্গক্ষেত্রে পরিণত করিতে হইত । তদ্ব্যতীত বর্গক্ষেত্র বা আয়তক্ষেত্রের পরিমাণফলেব সমান করিয়া ত্রিভুজক্ষেত্র

(১) লবাজবৃক্ষ মুখোপাধ্যায় ।

প্রবন্ধ-চন্দ্রিকা ।

অঙ্কিত করিতে হইত, ইত্যাদি । কখন কখন একরূপ বৃত্ত অঙ্কিত করিতে হইত, যাহার ক্ষেত্রফল বর্গক্ষেত্রের পরিমাণ ফলের সমান থাকিত । ঐদৃশ বর্গক্ষেত্র, আয়তক্ষেত্র এবং বৃত্ত অঙ্কনের ফলে কতকগুলি জ্যামিতিক নিয়ম বিধিবদ্ধ হয় । এই সকল নিয়ম কল্পসূত্রে লিখিত রহিয়াছে । এই কল্পসূত্র খৃষ্টাব্দে জন্মের আট শত বৎসর পূর্বে রচিত হইয়াছিল । গ্রীক পণ্ডিত পিথাগোরাস্ ভারতবর্ষ হইতে জ্যামিতি বিদ্যা শিক্ষা করিয়াছিলেন, তাহার প্রমাণ বিদ্যমান দেখা যায় ।

পাটীগণিত—জ্যামিতিশাস্ত্র ভারতবর্ষেই প্রথমে সৃষ্ট হইয়াছিল, ইহা আমবা সংক্ষেপে প্রদর্শন করিলাম । এক্ষণে অন্যান্য গণিতশাস্ত্রে ভারতবর্ষের স্থান কোথায়, তাহা আমবা দেখাইতেছি । এক্ষণে অধিকাংশ সভ্য জনপদে “যে সংখ্যা-লিখন-প্রণালী চলিতেছে, ভারতবর্ষেই তাহার উৎপত্তি ।” নয়টি অঙ্ক এবং শূন্যের সাহায্যে সমুদয় সংখ্যা লিখিবাব রীতি ভারতবাসীরাই প্রকাশ করেন । ইউরোপবাসিগণ আব-বাসীদিগের নিকট পাটীগণিত শিক্ষা করিয়াছিলেন । বাহাউলদিন (একজন আবব গ্রন্থকার) ভারতবাসীদিগকে দশগুণোত্তরা প্রণালীর অঙ্কগুলির সৃষ্টিকর্তা বলেন । ভারতবাসীরা যে এই সংখ্যা-লিখন-প্রণালীর উদ্ভাবন করিয়াছেন, ইহার প্রমাণ একখণ্ড আরবী কবিতার দ্বারা প্রস্তাবনা হইতে সচরাচর প্রদত্ত হইয়া থাকে ; এতদ্বারা বলা ভাল যে, সমুদয় আরবী ও পারসী পাটীগণিত পুস্তকেই ভারতবাসীদিগকে স্রষ্টা বলিয়া উল্লেখ আছে ।

বীজগণিত—কেবল পাটীগণিত নহে, বীজগণিতও ভারতবাসীদিগের সৃষ্টি । বর্তমান ইউরোপবাসীরা বীজগণিত মুসলমানদিগের নিকট পাইয়াছেন । সুবিখ্যাত কোলব্রুক্ সাহেব লিখিয়াছেন, ‘মোহম্মদ বেন মুনা আরবদিগের মধ্যে প্রথম বীজগণিত প্রকাশ করেন বলিয়া পরিচিত ।

প্রাচীন ভারতের সভ্যতা—রামপ্রাণ ।

তিনি আনুমান্যের রাজত্বকালে ভারতবর্ষীয় জ্যোতিষ গ্রন্থের সংক্ষিপ্তসার রচনা করেন।' (১) ৭৪৯ হইতে ৭৭৫ খৃষ্টাব্দ পর্যন্ত আনুমান্যের রাজত্বকাল বিস্তৃত ছিল। ৪৭৬ খৃষ্টাব্দে আর্ঘ্যভট্টের জন্ম ; ৫৮৭ খৃষ্টাব্দে বরাহমিহিরের মৃত্যু ; এবং ৫৯৮ খৃষ্টাব্দে ব্রহ্মগুপ্তের জন্ম। সুতরাং যে সময়ে আরবেরা প্রথম বীজগণিত প্রচার করিলেন, সেই সময়ে এদেশে বীজগণিতের বিলক্ষণ উন্নতি হইয়াছিল, এবং আরব-দেশের প্রথম বীজগণিত-প্রচারকর্তা ভারতবর্ষের সহিত সুপরিচিত ছিলেন।

জ্যোতিষ—গণিতশাস্ত্রের অন্ততম শাখা জ্যামিতির ন্যায় জ্যোতিষ-শাস্ত্রও আর্ঘ্য ঋষিগণের ধর্মচর্যা উপলক্ষে সৃষ্ট হইয়াছিল। ডাক্তার খিবয়ট্ নির্দেশ করিয়াছেন যে, যজ্ঞে বলিদানের জন্ত ঠিক সময় নির্ধারণ জন্ত নিয়ম উদ্ভাবন করিতে প্রবৃত্ত হইয়াই আর্ঘ্য ঋষিগণ জ্যোতিষ-বিষয়ক পর্যবেক্ষণের সূত্রপাত করিয়াছিলেন। ঐ নিয়ম উদ্ভাবন জন্ত সমস্ত রাত্রি জাগরণ করিয়া তাঁহারা নক্ষত্রমালার মধ্যদিয়া চন্দ্রের গতি অবলোকন করিতেন। তদ্ব্যতীত তাঁহারা সূর্যের পর্যায়গত-গতি পরিদর্শন জন্তও একাগ্রচিত্তে নিরত থাকিতেন।

ভারতীয় বর্ণমালা—“ভারতবর্ষ হইতে ভূমণ্ডলের আরও অনেক উপকার হইয়াছে। যে প্রথর প্রতিভা হইতে পাটীগণিত, বীজগণিত, রসায়ন প্রভৃতি সমুদ্ভূত, তাহারই গুণে একটি নূতন বর্ণমালারও সৃষ্টি হইয়াছে। পৃথিবীতে তিনটি বর্ণমালা আছে—চীনদেশীয়, ফিনিসীয় এবং ভারতবর্ষীয়। চীনদেশীয় বর্ণমালা চীন এবং জাপানে প্রচলিত। ফিনিসীয় বর্ণমালা ইহুদী, মুসলমান এবং ইউরোপীয় জাতিদিগের মধ্যে চলিতেছে। ভারতবর্ষীয় বর্ণমালা ভারতবর্ষ, পূর্ব-উপদ্বীপ, তিব্বত,

(১) ৮রাজকৃষ্ণ মুখোপাধ্যায়।

প্রবন্ধ-চন্দ্রিকা।

সিংহল ও বালিষীপে দৃষ্ট হয়। কণ্ঠ, তালু, মূর্দ্ধা, দন্ত, ওষ্ঠ, এইরূপ উচ্চারণ-স্থান-ভেদে বর্ণোৎপত্তি কল্পিত বলিয়া ভারতবর্ষীয় বর্ণমালাটি যেরূপ বৈজ্ঞানিক প্রণালীতে গঠিত, অণু দুইটি তদ্রূপ নহে।” (১)

ভারতবর্ষ হইতে সমগ্র পৃথিবী কতদূর উপকৃত হইয়াছে, তাহা আমরা যথাশক্তি প্রদর্শন করিলাম। স্বর্ণাভীত বাল হইতে বৈদেশিকগণ নানাসূত্রে ভারতবর্ষে উপনীত হইতেন। প্রাচীনকালে ভারতবর্ষীয়েরাও বিদেশে গমন করিতেন। ইহার ফলে ভারতীয় বিজ্ঞা দেশান্তরে নীত হইয়াছিল। যে সকল কারণে এইরূপ গমনাগমন হইত, তাহা আমরা প্রদর্শন করিতেছি।

প্রধানতঃ ভারতীয় রাজত্বগণের দিগ্বিজয়, বৈদেশিকগণের ভারত আক্রমণ, বাণিজ্য ও বৌদ্ধধর্মের প্রচার উপলক্ষেই ভারতবর্ষের সহিত বিদেশের সম্পর্ক স্থাপিত হইয়াছিল।

ভারতীয় রাজত্ববৃন্দের দিগ্বিজয়—রামায়ণ এবং মহাভারতাদি প্রাচীনগ্রন্থ পাঠ করিলে জানা যায় যে, পুরাকালে হিন্দু-নরপতিগণ পরাক্রমশালী হইয়া উঠিলে দিগ্বিজয়ে প্রবৃত্ত হইতেন এবং তাহাতে অনেক সময় তাঁহারা ভারতবর্ষের সীমা অতিক্রম করিয়া বহির্দেশেও গমন করিতেন। রামায়ণ ও মহাভারতের যুগ ছাড়িয়া দিলেও আমরা ভারতীয় রাজত্ববর্গকে বিদেশাক্রমণে নিরত দেখিতে পাই। আমরা একটি দৃষ্টান্ত দিতেছি। ২১০ খৃঃ পূঃ অব্দে সৌভাগ্যসেন-নামক একজন ভারতীয় অধিপতি সম্মিলিত সিরিয়ান ও বাবটিয়ান সৈন্য আক্রমণ করিয়াছিলেন। এই যুদ্ধে বাবটিয়ান-অধিপতি গ্রীকরাজ এন্টিওকাস্ নিহত হন। হিন্দুজাতির অধঃপতনের সূচনাকালেও তাঁহারা স্বদেশ অতিক্রম করিয়া রণক্ষেত্রে অবতীর্ণ হইতেন। ২৭৮

(১) ৩রাজকৃষ্ণ নৃগোপাধ্যায়।

প্রাচীন ভারতের সভ্যতা—রামপ্রাণ ।

খৃষ্টাব্দে পঞ্চদ-বিধৌত-প্রদেশের রাজা জয়পাল গজনী রাজ্য আক্রমণ করিয়াছিলেন । কিন্তু গজনী-রাজ্য সবলগীর্ন গোরক্ণদ্বারা হিন্দু-সৈন্তের পানীয় জল দূষিত করাতে এবং অকস্মাৎ প্রবলবেগে তুষার-পাত আরম্ভ হওয়াতে জয়পাল অকৌর্তিকর সন্ধি স্থাপন করিয়া পলায়ন করিতে বাধ্য হন ।

• পুরাকালে রাজ-গৌরব এবং বীরকৌর্তির প্রতিষ্ঠাই ভারতীয় রাজ-গণের দিগ্বিজয়ের উদ্দেশ্য ছিল । আক্রান্ত অধিপতিগণ মস্তক অবনত করিয়া কিঞ্চিৎ কর প্রদান করিলেই তাঁহারা আপনাদিগকে গৌরবান্বিত বিবেচনা করিয়া স্বদেশে প্রত্যাভর্তন করিতেন । কিন্তু কোন কোন স্থানে এই নিয়মের ব্যতিক্রম পরিদৃষ্ট হইত । ভারতীয় রাজগণ ভারত-সীমার বহির্ভাগে বিজয়পতাকা উড্ডীন করিয়া বিজিত দেশ সকল স্বশাসনাধীন করিয়াছেন, এরূপ অনেক দৃষ্টান্তও বিদ্যমান রহিয়াছে । আমরা এখানে কয়েকটি মাত্র সঙ্কলন করিয়া দিতেছি । খৃঃ পূঃ ষষ্ঠ শতাব্দীতে বিজয়সিংহ লঙ্কাদ্বীপে আধিপত্য স্থাপন করিয়া-ছিলেন, ইহা ঐতিহাসিক সত্য । এই ঘটনার ঐতিহাসিকতা-সম্বন্ধে কোন প্রকার মতবৈধ নাহি । হিন্দুজাতি পারস্যদেশে আধিপত্য স্থাপন করিয়াছিলেন, ইহারও প্রমাণ দেখিতে পাওয়া যায় । প্লিনির মতে জেতিওসিয়া, আরা-কোশিয়া, আরিয়া এবং পেরোপামিসাস-নামক পারস্যের বিভাগ-চতুষ্টয় হিন্দুজাতির শাসনাধীন ছিল । ষ্ট্রাবোর গ্রন্থ হইতেও এই মতের সমর্থন করা যাইতে পারে । তিনি লিখিয়া গিয়াছেন যে, গ্রীকগণ হিন্দুদের হস্তে পারস্যের বিপুল অংশ অর্পণ করেন । এতদপেক্ষা আধুনিক কালে হিন্দুগণ ভারতমহাসাগরস্থিত দ্বীপপুঞ্জ আধিপত্য স্থাপন করিয়াছিলেন, ইহা ঐতিহাসিক পণ্ডিত-গণের গবেষণা দ্বারা স্থিরীকৃত হইয়াছে । (শ্রী রামপ্রাণ গুপ্ত)

সাগরিকা ।

মালয় উপদ্বীপের সমুদ্রোপকূল হইতে অষ্ট্রেলিয়ার সমুদ্রোপকূল পর্য্যন্ত বহুবিস্তৃত মহাসাগর-বক্ষে যে অসংখ্য দ্বীপাবলী দেখিতে পাওয়া যায়, তাহা কোনও কোনও গ্রন্থে ও মানচিত্রে “ভারত-দ্বীপপুঞ্জ” নামে উল্লিখিত । দ্বীপগুলি পরস্পরের সহিত সংযুক্ত হইলে, একটি স্বতন্ত্র মহাদেশ বলিয়াই কথিত হইতে পারিত । পৃথিবীর অণু কোনও স্থানে একত্র একরূপ দ্বীপসমাবেশ দেখিতে পাওয়া যায় না । বিষুব-রেখার উপরে ও সম্মিহিত প্রদেশে অবস্থিতি হইলেও, এই সকল দ্বীপ প্রকৃতির লীলা-নিকেতন বলিয়া কথিত হইতে পারে । উত্তর-পশ্চিমের ও দক্ষিণ পূর্বের সাগর-সমীরণ গ্রীষ্মতাপ প্রশমিত করিয়া বৃষ্টিপাত নিয়মিত করিয়া রাখিয়াছে । তজ্জন্ম প্রকৃতি উগ্রমূর্তি ধারণ করিতে পারে না । বৃক্ষলতার প্রাকৃতিক প্রাচুর্য্যে বাহু দৃশ্য মনোহর হরিদ্বর্ণে স্তম্ভোভিত;— অল্লায়াস-লক্ষ ফলশস্ত্রে অধিবাসিগণ নিয়ত আত্মতৃপ্ত;—বাণিজ্য-বিপণির অগণ্য পণ্যসম্ভারে বেলাভূমি ক্রয়-বিক্রয়-কোলাহলে নিরন্তর মুখরিত ।

পাশ্চাত্য সভ্যসমাজে আমেরিকার অস্তিত্ব আবিষ্কৃত হইবার সমসময়ে এই প্রাচ্য পণ্য-বীথিকার অস্তিত্ব আবিষ্কৃত হইয়া পড়িয়াছিল । তৎকালে যে সকল পাশ্চাত্য নাবিক সমুদ্রপথে ভূ-প্রদক্ষিণে বহির্গত হইয়া, স্বদেশে প্রত্যা বর্তন করিতে সমর্থ হইয়াছিল, তাহাদিগের নিকট ইহার সন্ধানলাভ করিবামাত্র, বহু বণিক-সমিতি প্রাচ্য বাণিজ্য করতলগত করিবার প্রবল প্রলোভনে পূর্বাভিমুখে অগ্রসর হইয়াছিল । কালক্রমে সমগ্র প্রাচ্য সাগরবক্ষে তাহাদিগের অপ্রতিহত অধিকার সংস্থাপিত হইয়া গিয়াছে ।

তৎপূর্বে,— বহুকাল পর্য্যন্ত—প্রাচ্য সাগরবক্ষে ভারতবর্ষের প্রাধান্যই অক্ষুণ্ণ-প্রতাপে বর্তমান ছিল । দুর্ভাগ্যক্রমে ভারতবর্ষের লুপ্তাবশিষ্ট

পুরাতন গ্রন্থে তাহার সম্যক পরিচয় লাভের উপায় নাই । কিন্তু ভারতদ্বীপপুঞ্জের শিল্পে, সাহিত্যে, আচারে, ব্যবহারে, এখনও তাহার অনেক পরিচয় প্রাপ্ত হওয়া যায় । এক সময়ে ভারতবর্ষের শিক্ষাদীক্ষার প্রভাব, ভারতবাণিজ্যের অনুযাত্রী হইয়া মরুগিরি উল্লঙ্ঘন করিয়া, আপৎ-সঙ্কল স্থলপথে অনেকদূর পর্য্যন্ত বিস্তৃত হইয়া পড়িয়াছিল । সকল স্থলে তাহার স্মৃতিচিহ্ন বর্তমান নাই । কিন্তু তাহা উত্তাল তরঙ্গমালা অতিক্রম করিয়া, জলপথেও কতদূর ব্যাপ্ত হইয়া পড়িয়াছিল, ভারত-দ্বীপপুঞ্জে তাহার অনেক স্মৃতিচিহ্ন বর্তমান আছে । তাহাতেই বুঝিতে পারা যায়—ঐ দ্বীপপুঞ্জের সহিত ভারতবর্ষের যেরূপ সম্বন্ধ বর্তমান ছিল, তাহাকে নিরবচ্ছিন্ন বাণিজ্যসম্বন্ধ বলিয়া উপেক্ষা করা যায় না । তদুপলক্ষে ভারত-দ্বীপপুঞ্জের নানাস্থানে ভারতীয় উপনিবেশ সংস্থাপিত হইয়া, ভারতবর্ষের চতুঃসীমার বাহিরে একটি বৃহত্তর ভারতবর্ষ গঠিত হইয়াছিল । তাহার অনুকূল কারণপরম্পরার অভাব ছিল না । নৈসর্গিক শোভায় ও অপরিমাপ্ত শস্যসম্পদে এই নাতিশীতোষ্ণ দ্বীপপুঞ্জ ভারতবর্ষের অধিবাসিগণের পক্ষে উপনিবেশ-সংস্থাপনের উপযুক্ত ক্ষেত্র বলিয়াই প্রতিভাত হইয়াছিল । যে যুগে এই উপনিবেশ-সংস্থাপনের সূত্রপাত হইয়াছিল, তাহা মানব-সমাজের ইতিহাসের পৃষ্ঠতন যুগ ;—তৎকালে উপনিবেশ-সংস্থাপন-ব্যাপারেও ভারতবর্ষ সকলের অগ্রগণ্য প্রাধান্য লাভ করিয়াছিল ।

যাহারা স্বরণাতীত পুরাকাল হইতে দ্বীপপুঞ্জে বাস করিত, তাহারা “নিগ্রিটো”—জাতীয় খর্ষাকার কৃষ্ণকায় কুঞ্চিতকেশ অসভ্য মানব । তাহাদিগের পক্ষে ভারতীয়গণের উপনিবেশ-সংস্থাপন-চেষ্টার গতিরোধ করিবার সম্ভাবনা ছিল না । তাহারা বরং ভারতীয়গণের আশ্রয়লাভ করিয়া শিক্ষায় সমুন্নত হইবার সুযোগ প্রাপ্ত হইয়াছিল । তৎসূত্রে

প্রবন্ধ-চন্দ্রিকা ।

তাহাদিগের সঙ্গে সঙ্গে ক্রমে “মঙ্গোলীয়” ও “ককেশীয়” মানবের সংমিশ্রণ সাধিত হইয়া গিয়াছে । পরস্পরের সুদীর্ঘ সংসর্গ-প্রভাবে তাহাদিগের অবস্থা এইরূপে কিয়ৎপরিমাণে মিশ্রভাবাপন্ন হইলেও অনেক বিষয়ে জাতিগত স্বাতন্ত্র্য ও নৈসর্গিক পার্থক্য এখনও ঐ সকল স্থানে সত্যাসত্য দুইটি পৃথক্ মানব-সমাজের পরিচয় প্রদান করে ।

ভারতবর্ষের সহিত ভারত দ্বীপপুঞ্জের এই সুদীর্ঘ সংসর্গ মানব-সমাজের ইতিহাসে উল্লিখিত হইবার যোগ্য । ইহাকে উপেক্ষা করিলে, মানব-সভ্যতার পূর্ণাঙ্গ ইতিহাস সঙ্কলিত হইতে পারে না । দ্বীপপুঞ্জের সন্ধানলাভের পর, পাশ্চাত্য পণ্ডিতবর্গের চেষ্টায় ঐ সকল স্থানের ভূ-তত্ত্বের, জীবতত্ত্বের ও উদ্ভিজ্জতত্ত্বের আলোচনা অনেকদূর অগ্রসর হইয়াছে ;—প্রত্নতত্ত্বের আলোচনাও ধীরে ধীরে অগ্রসর হইতেছে । কিন্তু ভারত-সংসর্গ-জনিত পুরাতত্ত্বের আলোচনা এখনও অধিক দূর অগ্রসর হয় নাই ।

ভারতবর্ষের ইতিহাসের সঙ্গে ভারত-দ্বীপপুঞ্জের ইতিহাস একসূত্রে গ্রথিত হইয়া গিয়াছে । সুতরাং ভারতবর্ষের ঞ্চায় ভারত-দ্বীপপুঞ্জেরও লিখিত ইতিহাসের অভাবে, পুরাকাহিনী অন্ধকারে আচ্ছন্ন হইয়া পড়িয়াছে । কোনও কোনও পুরাতন খোদিত-লিপিতে পাওয়া যায়,— এক সময়ে ভারত-লিপি ভারত-দ্বীপপুঞ্জেও প্রচলিত হইয়াছিল । এখন তাহা বিলুপ্ত হইয়া গিয়াছে । কিন্তু এখনও অনেক সংস্কৃত গ্রন্থ সম্পূর্ণ-রূপে বিলুপ্ত হয় নাই । তাহা এখনও পুরাকালের ভারত-সংসর্গের অদ্রান্ত নিদর্শনরূপে বর্তমান আছে । একটি দ্বীপে ইহার পরিচয় সন্ধ্যাপেক্ষা অধিক । তাহার বিষয় নিয়ে লিখিত হইল ।

বঙ্গসাহিত্যের পূর্বাচাৰ্য্যগণ (ইংরাজী হইতে অক্ষরান্তরিত করিতে বাধ্য হইয়া) “বালি-দ্বীপ” বালিয়া এই দ্বীপটির নামকরণ করিয়াছিলেন

ইহার প্রকৃত নাম বলী দ্বীপ (বলবান্গণের বাসস্থান) । “উশনাবলী” ও “বলীসংগ্রহ” নামক তদ্দেশের দুইখানি হস্ত-লিখিত গ্রন্থ আবিষ্কৃত হইবার পর, এই নাম প্রকাশিত হইয়া পড়িয়াছে ।

এই দ্বীপের সমুদ্রোপকূল নিয়ত •তরঙ্গ-সঙ্কল বলিয়া তাহা সহসা শক্রসেনা-কর্তৃক আক্রান্ত হইতে পারিত না ;—অধিবাসিগণও শিক্ষায়, সভ্যতায় ও বাহুবলে পরাক্রান্ত বলিয়াই পরিচিত ছিল । তজ্জন্য এখান কাব হিন্দুরাজ্যের গৌরব-দীপ অনেক দিন প্রজ্জ্বলিত থাকিবার পর, সম্প্রতি নিৰ্বাপিত হইয়াছে । এখন রাজশক্তি ওলন্দাজগণের করতল-গত । কিন্তু হিন্দু-সমাজ এখনও পূৰ্ব প্রতাপেই বর্তমান আছে । এখানে কিরূপে হিন্দু-রাজ্য সংস্থাপিত হইয়াছিল, তাহার লিখিত ইতিহাস এখনও বিলুপ্ত হয় নাই ।

খৃষ্টীয় পঞ্চদশ শতাব্দীর শেষ ভাগে, ভারত-দ্বীপপুঞ্জে মুসলমান-ধর্ম প্রতিষ্ঠিত হইবার সূত্রপাত হয় । তাহার প্রথম উপক্রমে, যাহারা যব-দ্বীপে বাস করিতেন, তাহাদিগের মধ্যে অনেকে মুসলমান-ধর্ম গ্রহণ করিতে অসম্মত হইয়া বলী দ্বীপে আসিয়া, তথায় হিন্দু-রাজ্য স্থাপিত করিয়াছিলেন । তজ্জন্য এই দ্বীপে এখনও হিন্দু-সভাতার প্রধান নিদর্শন—সংস্কৃত-গ্রন্থের সাহায্যে ভারতীয় উপনিবেশ-নিচয়ের পুরা-কাহিনীর সন্ধান-লাভ করিতে হইলে, বলী দ্বীপ হইতেই তথ্যানুসন্ধানের সূত্রপাত করিতে হইবে । আয়তনে নিতান্ত ক্ষুদ্র হইলেও, এই কারণে, বলীদ্বীপের কথা সর্বাগ্রে উল্লেখ করিতে হয় ।

যাহারা বলী দ্বীপের আশ্রয় গ্রহণ করিয়া, হিন্দু-ধর্ম সংরক্ষণের জন্ত বন্ধ-পরিকর হইয়াছিলেন, তাহারা যে স্বধর্ম-রক্ষক সংস্কৃত-গ্রন্থাবলী রক্ষা করিবার জন্ত সর্বপ্রযত্নে আয়োজন করিবেন, তাহা স্বাভাবিক । মাতৃ-ভূমির সহিত স্নান বিচ্ছিন্ন হইবার পর, বলী দ্বীপের হিন্দু-সমাজের

প্রবন্ধ-চন্দ্রিকা ।

পক্ষে গ্রন্থরক্ষার চেষ্টা একটি অবশ্য-প্রতিপালনীয় পবিত্র ক্রমে পর্যাবসিত হইয়াছিল । তজ্জন্ম এখনও সংস্কৃত-গ্রন্থ বংশানুক্রমে রক্ষিত হইয়া আসিতেছে । পূর্বাপেক্ষা তথ্যানুসন্ধানের অধিকতর সুযোগ লাভ করিয়া, পাশ্চাত্য পণ্ডিতবর্গ এই সকল গ্রন্থের সাহায্য-গ্রহণে ব্যাপৃত হইয়াছেন । তাঁহাদিগের যত্নে অনেক গ্রন্থের পাঠ ও প্রতিকৃতি মুদ্রিত হইয়াছে ; তাহাতে অনেক ঐতিহাসিক তথ্য প্রকাশিত হইয়া পড়িয়াছে ।

কোন সময় হইতে কিরূপ ঘটনাচক্রে ভারত-দ্বীপপুঞ্জের সহিত ভারতবর্ষের প্রথম পরিচয়ের সূত্রপাত হয়, তাহার ইতিহাস সঙ্কলিত হইবার আশা নাই । তাহা স্ববর্ণাভীত পুরাকালের কথা । রামায়ণের দ্বারা অতি পুরাতন গ্রন্থে যব-দ্বীপের উল্লেখ দেখিয়া মনে হয়, রামায়ণের রচনাকালে তাহার জনশ্রুতি কিয়ৎপরিমাণে প্রচলিত ছিল । তখন হয় ত কেবল বাণিজ্য-সম্বন্ধই বর্তমান ছিল । উত্তরকালে উপনিবেশ-সংস্থাপন সেই সুদীর্ঘ বাণিজ্য-সম্পর্কের পরিণামমাত্র । তাহাকে এক দিনের বা এক যুগের ঘটনা বলিবার উপায় নাই । 'তজ্জন্মই ভারত-দ্বীপপুঞ্জের ভারতীয় উপনিবেশসমূহে বিভিন্ন যুগের বিভিন্ন স্তর-বিশ্বাসের পরিচয় প্রাপ্ত হওয়া যায় । বর্তমান ঐতিহাসিক স্তরে প্রবল-পরাক্রান্ত পাশ্চাত্য-প্রভাব পূর্বকালবর্তী সকল প্রভাবকেই ধীরে ধীরে আচ্ছন্ন করিয়া ফেলিতেছে । তৎপূর্বে আরবগণের প্রভাব বর্তমান ছিল । তাহাতেও তৎপূর্বকালবর্তী ভারতীয় প্রভাব কিয়ৎপরিমাণে আচ্ছন্ন হইয়া পড়িয়াছিল । কিন্তু যে যুগে ভারতীয় প্রভাব অক্ষুণ্ণ প্রতাপে বর্তমান ছিল, ভাষা ও সাহিত্য হইতে তাহার পরিচয় সম্পূর্ণরূপে বিলুপ্ত হয় নাই । আচার-ব্যবহারে, স্থাপত্যে, ভাস্কর্যে, জনসমাজের পরম্পরাগত বিবিধ মতে ও বিশ্বাসে, এখনও তাহার সন্ধানলাভের সম্ভাবনা

ঈশ্বরের সর্বব্যাপিত্ব—অশ্বিনীকুমার ।

আছে । তাহার সাহায্যে ভারত-দ্বীপপুঞ্জের ভারত-সংসর্গের বিবরণ-সঙ্কলনের জন্ত নানা চেষ্টা প্রবর্তিত হইতে পারে ।

ভারত-দ্বীপপুঞ্জের সহিত ভারতবর্ষের বাণিজ্য-সম্পর্ক বর্তমান ছিল, এবং তৎসূত্রে নানা স্থানে ভারতীয় উপনিবেশও সংস্থাপিত হইয়াছিল,—এ সকল কথা সর্ববাদিসম্মত পুরাতন কথা । কিন্তু ভারতবর্ষের কোন্ প্রদেশের লোক ভারত-দ্বীপপুঞ্জে উপনিবেশ সংস্থাপিত করিয়াছিল, তাহা এখনও নিঃসংশয়ে নির্ণীত হয় নাই ।

(অক্ষয় কুমার মৈত্রেয়)

ঈশ্বরের সর্বব্যাপিত্ব ।

ভগবান্ বিধ্বতচক্ষু,—এমন স্থান নাই, যেখানে তাঁহার চক্ষু নাই । কি বাহ্য জগতে, কি অন্তর্জগতে কোথাও এমন স্থান নাই, যে স্থলে তিনি নাই । অতি দূরে যাহা ঘটিতেছে, তাহাও তিনি যেমন দেখিতেছেন, অতি নিকটে যাহা ঘটিতেছে, তাহাও তিনি তেমনই দেখিতেছেন । মনুষ্যের চক্ষু হইতে লুকাইতে পারি, কিন্তু তাঁহার চক্ষু হইতে কিছুতেই লুকাইবার সাধ্য নাই । বাহিরের কাব্য ত দেখিতেছেনই, অন্তরে—হৃদয়ের গভীরতম প্রদেশে কখন কোন্ চিন্তাটি উদয় হইল, মানুষ তাহা জানিল না বটে, কিন্তু তিনি তন্ন তন্ন করিয়া তাহার প্রত্যেকটি দেখিলেন । পাপের শাস্তিদাতা তিনি, তাঁহার নিকট অস্ত্র সাক্ষের প্রয়োজন নাই । অন্তর্দর্শী তিনি সমস্ত দেখিতেছেন, প্রত্যেক পাপচিন্তা, পাপবাক্য, পাপকাব্য, তিনি পুঙ্খানুপুঙ্খরূপে

প্রবন্ধ-চন্দ্রিকা ।

জানিতেছেন । ধর্মরাজ, বিচারপতি, পাপগুদলন তিনি, পাপ কবিলে নিস্তার নাই, তাহার দণ্ডবিধান তিনি করিবেনই করিবেন, পলায়ন করিয়া কোথায় দাইব ? যেখানেই যাই, ওই বিশ্বতশক্ষ । কোথায় পলাইব ? কোথায় লুকাইব ? কোথায় মস্তক রাখিব ? বাহিরে বিশ্বতশক্ষ—ভিতরে বিশ্বতশক্ষ—কাহার সাধ্য ঐ চক্ষুর দৃষ্টির বাহিরে যায় ? পাপি ! ঐ যে নিজ্জন প্রকোষ্ঠে দ্বার রুদ্ধ করিয়া পাপের আয়োজন করিতেছ—একবার উদ্ধদিকে দেখ—ঐ সমস্ত গৃহের ছাদময় ও কি ? ও কাহার দৃষ্টিবাণ তোমার অন্তস্থল ভেদ করিতেছে ? ঐ দেখ, প্রাচীরের প্রত্যেক পরমাণুর ভিতর হইতেও কাহার দৃষ্টি অগ্নিস্কুলিজের ন্যায় তোমার দিকে ধাবমান ? আবার কক্ষতল ঐ কাহার দৃষ্টিতে ছাইয়া গেল ? তুমি যে ঐ দৃষ্টির কাণাগারে বন্দী হইয়া পড়িয়াছ, কোথায় সে দৃষ্টি নাই ? উর্দ্ধে ঐ দেখ—বিশ্বতশক্ষ, নীচে দেখ বিশ্বতশক্ষ, দক্ষিণে বিশ্বতশক্ষ, বামে বিশ্বতশক্ষ, কেবল চারিদিকে কেন—ঐ দেখ—তোমার দেহময় ও কি ? প্রত্যেক লোমকূপে ও কাহার দৃষ্টি ?—সমস্ত অস্থিমজ্জা-মাংসময় ও কি দেখিতেছ ?

তুমি যদি মনে কর, তুমি একাকী আছ, তাহা হইলে, সেই যে হৃদয়াভ্যন্তরস্থিত পাপপুণ্যদশী পুরাণ-পুরুষ, তাঁহাকে তুমি জান না । তিনি একটি একটি করিয়া তোমার সমস্ত পাপকর্ম দেখিয়া লইতেছেন, জানিতেছেন, তুমি তাঁহার সম্মুখে পাপ করিতেছ !

(অশ্বিনীকুমার দত্ত)

ক্রোধ ।

ক্রোধ মনুষ্যের পরম শত্রু । ক্রোধ মনুষ্যের মনুষ্যত্ব নাশ করে । যে লোমহংগ কাণ্ডগুলি পৃথিবীকে নরকে পরিণত করিয়াছে, তাহার মূলে ত ক্রোধই । ক্রোধ যে মনুষ্যকে পশুভাবাপন্ন করে, তাহা একবার ক্রোধের সময় ক্রুদ্ধ ব্যক্তির মুখের প্রতি দৃষ্টি করিলেই স্পষ্ট প্রতীয়মান হয় । যে ব্যক্তির মুখখানি তোমার নিকট বড়ই মধুর বলিয়া বোধ হয়, যাহার মুখখানি সর্বদা হাসিমাখা, তুমি দেবভাবে পরিপূর্ণ মনে কর, দেখিলেই তোমার প্রাণে আনন্দ ধরে না, একবার ক্রোধের সময় সেই মুখখানির দিকে তাকাইও—দেখিবে, সে স্বর্গের সুষমা আর নাই ; নরকাগ্নিতে বিকটরূপ ধারণ করিয়াছে, চক্ষু আরক্ত, অধর কম্পিত, নাসিকা বিস্ফারিত, ঘন ঘন ত্রস্ত শ্বাস বহিতেছে, সমস্ত মুখ কি এক কালিমার ছায়ায় ঢাকিয়া গিয়াছে, কি এক আশ্চর্যকভাবে পূর্ণ হইয়াছে ! তখন তাহাকে আলিঙ্গন করা দূরে থাকুক, তাহার নিকটেও যাইতে ইচ্ছা হয় না । স্তন্যরকে মুহূর্ত্তমধ্যে কুৎসিত করিতে ক্রোধের শ্রায় অণু কোন রিপুই কৃতকার্য হয় না ।

ইহলোকে ক্রোধ জীবনের বিনাশেব মূল , ক্রুদ্ধ মনুষ্য পাপ কার্য করে । ক্রুদ্ধ ব্যক্তি গুরুকেও বধ করিয়া থাকে ; ক্রুদ্ধ বর্কশ বাক্য দ্বারা যাহা শ্রেয়ঃ, তাহার অবমাননা করে ; ক্রোধেব বশবর্তী হইলে, লোকের আর বাচ্যাবাচ্য জ্ঞান থাকে না ; ক্রুদ্ধ ব্যক্তি না করিতে পারে এমন কৰ্ম নাই, না বলিতে পারে এমন বাক্য নাই , লোকে ক্রোধের উত্তেজনায় যাহারা অবধ্য তাহাদিগকেও বধ করে ; ক্রুদ্ধ ব্যক্তি আপনাকেও ধমালয়ে প্রেরণ করে , ক্রোধাক্ত হইলে বোন্ কাযের

প্রবন্ধ-চন্দ্রিকা ।

কি ফল, তাহা মনে উপস্থিত হয় না, উচিত কার্য কি, মর্যাদা কিরূপে রক্ষা করিতে হয়, তাহা ক্রুদ্ধ ব্যক্তি দেখিতে পায় না ।

(৩ অশ্বিনীকুমার দত্ত)

মহাত্মা রাজা রামমোহন রায় ।

একটি তুঙ্গশৃঙ্গ গিরি যে বৃষ্টি বাটিকা সহিয়া যুগ যুগ দণ্ডায়মান থাকে, তাহা কি শূন্যকে আশ্রয় করিয়া ? কখনই নহে । তাহা সুদৃঢ় ভিত্তির উপরে প্রতিষ্ঠিত, এবং যে সকল আভ্যন্তরীণ ধাতুপুঞ্জের সংঘাত দ্বারা তাহার দেহ গঠিত, সে ধাতুপুঞ্জ ও ঘন-নিবিষ্ট—এই জগৎ ; তদ্বিমল গিরি কখনই দণ্ডায়মান থাকিতে পারিত না ; গিরি যে দাঁড়াইয়া আছে, তাহা নিরন্তর সংগ্রাম করিয়া ; নিরন্তর বর্ষার জলধারা তাহার 'অঙ্গ-সন্ধিকে শিথিল করিতেছে ; তাহার দৈহিক ধাতু সকলকে ধৌত করিয়া লইয়া যাইতেছে ; বহুল শিলাখণ্ড অশনি-নির্নাদে শৃঙ্গ হইতে পাদদেশে পাতিত করিতেছে ; চক্ষের নিমিষে তরুলতা শ্রীমৌন্দব্য সকলই হরণ করিয়া লইতেছে ; আবার কখনও বা ভীষণ ভূকম্পে ঐ গিরিদেহ বিদারিত হইয়া জ্বালামুখী প্রকাশ পাইতেছে ; শত শত বনপ্রদেশ ভগ্ন ও বিশ্লিষ্ট হইয়া নেত্রের অগোচর হইয়া যাইতেছে ; কোথাও বা প্রচণ্ড গ্রীষ্মের সময় দাবানল প্রজ্বলিত হইয়া দিনের পর দিন, সপ্তাহের পর সপ্তাহ, অবিশ্রান্ত জলিয়া সুদূর্বপ্রসারী অরণ্য সকলকে ভস্মীভূত করিতেছে । গিরির জীবন কি সংগ্রামের জীবন ! কিন্তু এই সংগ্রামের মধ্যেও গিরি দণ্ডায়মান আছে, শীতাতপ সহিয়া বিধাতার কাজ করিতেছে, গিরির ভিত্তি দৃঢ়, গিরির দেহের বন্ধন দৃঢ় বলিয়া । এ জগতে-একজন মহামনা ব্যক্তিকে আমার এই গিরির সহিত তুলনা করিতে

মহাত্মা রাজা রামমোহন রায় — শিবনাথ ।

ইচ্ছা হয়। কোন্ গিরি এমন আছে, যাহার শীতাতপের সহিত সংগ্রাম নাই? তেমনই, কোন্ মহৎ চরিত্র এমন আছে, বিবিধ প্রতিকূল অবস্থার সহিত যাহার সংঘর্ষণ নাই? আবার কোন্ গিরি এমন আছে, যে নিজের আভ্যন্তরীণ দৃঢ়তার গুণে দণ্ডায়মান নয়? তেমনই কোন্ মহৎ চরিত্রই বা এমন আছে, যাহা আভ্যন্তরীণ উপাদান সকলের গুণেই মহৎ নয়?

এ জগতে যিনি উঠেন, তিনি সাধারণের মধ্যে জন্মিয়া সাধারণের মধ্যেই বাড়িয়া সাধারণের উপর মস্তক তুলিয়া দাঁড়ান; তিনি আভ্যন্তরীণ মালমশালার সাহায্যেই বড় হইয়া থাকেন। কুস্মাণ্ড যেমন যষ্টির সাহায্যে মাটির উপরে উঠে, তেমনই কোন্ কাপুরুষ, কোন্ অলস শ্রমকাতর মানুষ, কেবলমাত্র অপরের সাহায্যে এ জগতে প্রকৃত মহত্ত্ব লাভ করিয়াছে? এ জগতে উঠিয়া, পড়িয়া, বহিয়া, সহিয়া, ভাঙ্গিয়া, গড়িয়া, কাঁদিয়া, কাটিয়া মানুষ হইতে হয়, “নাশ্ৰুঃ পশ্বা বিঘতে অয়নায়;” মনুষ্যত্ব বা মহত্ত্ব লাভের অন্য রাস্তা নাই। ঈশ্বর মানুষের সহিত চুক্তি করিয়া অল্প আয়াসে মহত্ত্ব প্রদান করেন না।

আমি ঐরূপ একটি মহৎ চরিত্রের আলোচনা করিতে যাইতেছি। তিনি রামমোহন রায়। নচিকেতা তাঁহার পিতাকে বলিয়াছিলেন, “শতানামেমি প্রথমঃ,” আমি শতজনের মধ্যে প্রথম হইতে চাই। রামমোহন রায় যে কালে জন্মিয়াছিলেন, সে সময়ে এ দেশবাসীদিগের ভিতরে লক্ষের মধ্যে — লক্ষের কেন কোটির মধ্যে — তিনি প্রথম হইয়াছিলেন বলিলে কি অত্যাক্তি হয়? সে কালের লোকের কথাই বা বলি কেন? তাঁহার জন্মের পর এই ত শত বৎসর অতীত হইয়াছে, কে তাঁহার স্থান অধিকার করিতে পারিয়াছে? কে প্রকৃত মহত্ত্ব গুণে তাঁহার ত্রিসীমামধ্যে আসিতে পারিয়াছে?

প্রবন্ধ-চন্দ্রিকা ।

বলিতে কি, শঙ্করের পর একরূপ মনস্বী ও তেজস্বী পুরুষ আর এ দেশে জন্মগ্রহণ করেন নাই। তাঁহার প্রদীপ্ত দিবালোকের নিকটে আমরা কি খণ্ডোত নহি? আমরা কি সেই প্রদীপ্ত ধূমকেতুর পুচ্ছলগ্ন জ্যোতিঃ-কণিকা-মাত্র নহি?

কিন্তু রামমোহন রায় যে লক্ষের মধ্যে এক হইয়া দাঁড়াইলেন, তাহা কিরূপে? বেরূপ ক্ষুদ্র গিরিরাজির মধ্যে অত্যন্ত গিরিশৃঙ্গ দণ্ডায়মান থাকে, তেমনই যে তিনি সাধারণ প্রজাপুঞ্জের মধ্যে উন্নত-শিরা হইয়া উঠিয়াছিলেন, তাহা কোন্ গুণে? তাহাও পূর্বোল্লিখিত গিরিদেহের জায় আভ্যন্তরীণ উপাদান সকলের সাহায্যে।

প্রথম উপাদান, তাঁহার অন্তর্নিহিত অসাধারণ মানব-আত্মার মহত্ত্ব-জ্ঞান। মানবের আত্মাকে তিনি অতি পবিত্র চক্ষে দেখিতেন। মনে করিতেন, এই মানব-আত্মা সেই বিশ্বাঙ্গারই অঙ্গীভূত; তাঁহা হইতেই উৎপন্ন; তাঁহা দ্বারা বিঘ্নিত এবং তাঁহাকে প্রাপ্ত হওয়াই ইহার নিয়তি; ইহার আশা ও শক্তি অসীম। সকল প্রকার সামাজিক দাসত্ব ও রাজনৈতিক অত্যাচার এবং দাসত্বকে তিনি এই জগৎ অন্তরের সহিত ঘৃণা করিতেন; যেহেতু তদ্বারা মানবাত্মাকে শৃঙ্খলিত, শক্তিহীন ও আত্ম-মহত্ত্ব-জ্ঞানে বঞ্চিত করে।

এই মানবাত্মার মহত্ত্ব-জ্ঞান, আর এক দিকে অসাধারণ আত্মমর্যাদা-জ্ঞানের আকার ধারণ করিয়াছিল। তাঁহার চরিত্রের এমনই একটা প্রভাব ছিল, এমনই একটা মহাপুরুষোচিত গাঙ্গুরীর্ঘ্য ছিল যে, তাঁহাকে কোনও ছোট কাজের জগৎ অনুরোধ করিতে সাহসী হওয়া দূরে থাকুক, তাঁহার বন্ধুবান্ধব তাঁহার সমীপে ছোট কথার অবতারণা করিতেও সাহসী হইতেন না।

কেবল ইহাও নহে, মানবাত্মার মহত্ত্ব-জ্ঞান হৃদয়ে অন্তর্নিহিত ছিল

মহাত্মা রাজা রামমোহন রায়—শিবনাথ ।

বলিয়া, তাঁহার স্বাবলম্বন-শক্তি অপরিসীম ছিল। নিজের গৃঢ় আত্ম-শক্তিতে এতদূর বিশ্বাস ছিল যে, কিছুতেই তাঁহাকে কেহ দমাইতে পারিত না ; কোনও বিঘ্ন বা বাধা তাঁহাকে স্বকার্য্য-সাধনে বিমথ বা নিরুৎসাহ করিতে পারিত না। যাহা একবার করণীয় বলিয়া অনুভব করিতেন, বজ্রমুষ্টিতে তাহাকে ধরিতেন ; এবং পূর্ণমাত্রায় তাহা না করিয়া নিরস্ত হইতেন না। ইংরাজী বুল্ডগ্-নামক কুকুরের এইরূপ খ্যাতি আছে যে, সে একবার যে প্রাণীকে কামড়াইয়া ধরে, নিজের দেহকে মস্তক হইতে বিচ্ছিন্ন করিলেও সে কামড় ছাড়ে না। রামমোহন রায়ের বজ্রমুষ্টি বুল্ডগের কামড়ের গায় ছিল ; তাঁহার অভীষ্ট কার্য্য হইতে কিছুতেই তাঁহাকে বিচলিত করিতে পারিত না। বরং সে পথে যতই বিঘ্ন উপস্থিত হইত, ততই তাঁহার বীর-হৃদয় আনন্দিত হইত। ঘোড়দৌড়ের ঘোড়া যেমন সম্মুখে বেড়া দেখিলে আনন্দিত হয়, সে ভাবে যে, উল্লম্বন ও উল্লঙ্ঘনের উপযুক্ত কিছু পাওয়া গিয়াছে, তেমনই তাঁহাঃ নির্ভীক হৃদয় বিঘ্ন-বাধা দেখিয়া আনন্দিত হইত, ভাবিতেন যে—উল্লম্বন ও উল্লঙ্ঘনের উপযুক্ত কিছু আছে। বিঘ্ন দেখিয়া হটিয়া যাওয়া, ভয় দেখিয়া ভীত হওয়া, প্রাণভয়ে কাতর হওয়া, লোকের প্রতিকূলতাবশতঃ সঙ্কল্পিত অনুষ্ঠান পরিত্যাগ করা, তিনি কাপুরুষতা ও নিজের শক্তির অবমাননা বলিয়া মনে করিতেন।

মানবাত্মার মহত্ব যে জানে না, স্বাবলম্বন-শক্তি তাহার আসে না। এ জগতে মানুষ আপনার ঘর আপনি রচনা করে। তুমি বড় হইয়া দাঁড়াইবে, কি ছোট হইয়া থাকিবে, তাহা তোমারই হাতে। বিঘ্নবাধা, পাপপ্রলোভন, জীবনের সমস্যা, সকলেরই পথে উপস্থিত হয় ; তাহার উপরে উঠা বা নীচে পড়িয়া যাওয়া, ইহার উপর বড় বা ছোট হওয়া নির্ভর করে। রামমোহন রায় উপরে উঠিয়াছিলেন, এই জন্য—তিনি

প্রবন্ধ-চন্দ্রিকা ।

বড় ; আর তুমি আমি নীচে পাড়ঘা ঘাই, এই জগৎ—আমরা ছোট ।
তিনি যে উপরে উঠিয়াছিলেন, তাহারও ভিতরকার কথা, নিজের
শক্তি-সামর্থ্য ও মানবাত্মার মহত্বে অপরাঞ্জিত বিশ্বাস ।

দ্বিতীয় উপাদান, সকল মহাজনের কার্যের মূলে যাহা দেখিতে
পাওয়া যায়, তাহাও তাঁহার কার্যের মূলে ছিল । তাহা এই, “যতো
ধর্মস্ততো জয়ঃ” এই বিশ্বাস । অর্থাৎ ইহা অনুভব করা যে, এই
ভৌতিক জগৎ যেমন দুভেদে কার্য-কারণ-শৃঙ্খলে আবদ্ধ, তেমনই
মানবের জীবন ও মানবসমাজ দুর্লভ্য ধর্ম-নিয়মের দ্বারা শাসিত । এক
মহাশক্তি বা মহতী ইচ্ছা হইতে মানবজীবন ও মানবসমাজ উদ্ভূত
হইয়াছে, সেই মহতী ইচ্ছা দ্বারা বিধৃত হইতেছে, সেই ইচ্ছা ও সেই
শক্তির দ্বারা মঙ্গলের পথে নীত হইতেছে । “স সেতুর্বিধৃতিরেষাং
লোকানাং অসন্তোদায়” তিনি সেতুস্বরূপ হইয়া সকলকে ধারণ
করিতেছেন । মানবজীবন তাঁহারই দ্বারা বিধৃত এবং তাঁহারই
শাসনাধীন ; সূতরাং এখানে ধর্মের জয় অনিবার্য । যাহা সত্য বলিয়া
বুঝি, ধর্ম বলিয়া যাহা অনুভব করি, তাহার অনুসরণ করা আমাদের
একমাত্র কর্তব্য ; ফলাফল সেই ধর্মান্বিত পরমপুরুষের হস্তে । এই
সুদৃঢ় বিশ্বাস, এই মহৎ ভাব হইতেই সকল ধর্ম-বীরের বীরত্ব উৎপন্ন
হইয়াছে । রামমোহন রায়ের বীরত্বও ইহা হইতে উঠিয়াছিল ; সে
বীরত্বের কথা যখন স্মরণ করি, তখন হৃদয় স্তুভিত হয় ।

ইহা হইতেই তাঁহার চরিত্রের আর একটি উপাদান উৎপন্ন
হইয়াছিল । তাহা আপনার জীবনকে ও শক্তি-সকলকে ঈশ্বরের গুণ
সম্পত্তি বলিয়া অনুভব করা । আমার মানসিক বৃত্তি, দেহের বল,
লৌকিক ও সামাজিক সুবিধা, সমুদয়ই সেই মঙ্গল-পুরুষের গচ্ছিত ধন,
তাঁহার ইচ্ছা অনুসারে ব্যয় হইবার জগৎ, তাঁহারই প্রিয়কার্য সাধনের

মহাত্মা রাজা রামমোহন রায়—শিবনাথ ।

জগৎ,—এই ভাব । ইহা ব্যতীত কোনও মহাজনের জীবন মহৎ হয় নাই ; কোনও মানুষ এ জগতে মহৎ কার্য্য করিতে সমর্থ হয় নাই । সকল মহামনা মানুষের জীবনে এক অপূৰ্ণ বাধ্যতার ভাব দেখা গিয়াছে । কে যেন তাঁহাদিগকে বলপূৰ্ণক ধরিয়া কাজ করাইয়া লইয়াছে, বাধ্য করিয়া খাটাইয়াছে ; তাঁহারা অনুভব করিয়াছেন যে, তাঁহারা যাহা করিতেছেন, তাহা না করিয়া পার নাই । সেন্টপল একস্থলে বলিয়াছেন, “The love of Christ constraineth me.” অর্থাৎ যীশুর প্রেম আমাকে বাধ্য করিতেছে । কেবল পলই যে এই প্রকার বাধ্যতা অনুভব করিয়াছেন, তাহা নহে । প্রত্যেক মহামনা মানুষ এইরূপ বাধ্যতা অনুভব করিয়াছিলেন । এই যে জীবনের ভিতরে দায়িত্ব-জ্ঞান, এই যে অস্ফুট কিন্তু নিরন্তরোদ্বেলিত বাধ্যতাজ্ঞান, ইহা ভিন্ন কে কবে বড় হইয়াছে ? কে কবে বজ্রমুষ্টিতে কার্য্য করিয়াছে ? কে কবে বীরের গায় সংগ্রাম-ক্ষেত্রে দাঁড়াইয়াছে ? রামমোহন রায় ভাবিয়াছিলেন, যে যা বলে বলুক, যে যা করে করুক, লোকে দেখুক আর না দেখুক, আমার জীবনের পূর্ণতা আমি লাভ করি ; আমার প্রতি যে কার্য্যভার পড়িয়াছে, তাহা আমি সাধন করিয়া যাই ।’ তুমি আমি যদি বিশ্বাসে বা প্রেমে এতটা ধরিতে পারিতাম, তাহা হইলে, তুমি আমিও বীরের গায় কাজ করিয়া যাইতে পারিতাম । এই দায়িত্ব-জ্ঞান হইতেই তাঁহার চরিত্রেব আর একটি গুণ ফুটিয়াছিল । তিনি যে কাজে হাত দিতেন, তাহা পূর্ণাঙ্গ না করিয়া ছাড়িতেন না ; যাহা করিবেন বলিয়া ধরিতেন, তাহা সুসম্পন্ন করিতেন । বালকের গায় লঘুভাবে কাজে হাত দেওয়া তাঁহার প্রকৃতিবিরুদ্ধ ছিল ।

তৎপরে যেমন তাঁহার ঈশ্বরে অবিচলিত বিশ্বাস ছিল, তেমনই মানবের প্রতি উদার প্রেম ছিল । বরং ইহা বলা যাইতে পারে যে,

প্রবন্ধ-চন্দ্রিকা ।

ঈশ্বর-প্রীতি অপেক্ষা মানব-প্রীতিই অধিক পরিমাণে তাঁহার কার্যের চালক ও পোষক ছিল ।

এই উদার সার্বভৌমিক ভাব হইতেই, তাঁহার উদার সার্বজনীন প্রেম উৎপন্ন হইয়াছিল । তিনি স্বজাতি, স্বদেশ ও সমগ্র জগতের দুঃখ সহিতে পারেন নাই, সেই জন্য দুষ্কর নরসেবা-ব্রতে আপনাকে নিয়োগ করিয়াছিলেন । ইহা হইতেই তাঁহার জীবনের একটি মূলমন্ত্র উঠিয়াছিল, সেটি 'The service of man is the service of God' অর্থাৎ মানবের সেবাই ঈশ্বরের সেবা । এইটি সর্বদা তাঁহার মুখে শুনা যাইত । তবে তাঁহার বিশেষত্ব এই ছিল যে, তাঁহার মানব-প্রীতি অপরাপর অনেক মহাজনের মানব-প্রীতির গায় সঙ্কীর্ণ আকার ধারণ করে নাই । তিনি যে সর্বদেশের ও সকল জাতির নরনারীর দুঃখে দুঃখী হইতেন, সকল দেশের রাজনীতির প্রতি এত দৃষ্টি রাখিতেন, যে কোন জাতির কোনও উন্নতির দ্বার উন্মুক্ত হইলে যে এত আনন্দিত হইতেন, তাহার ভিতরকার কথা এই ছিল যে, তাঁহার প্রেম সমগ্র জগৎকে আলিঙ্গন করিয়াছিল ।

(৩ শিবনাথ শাস্ত্রী)

নবীন সন্ন্যাসী ।

রাজকুমার সিদ্ধার্থের হৃদয়-মধ্যে যে তুমুল ঝটিকা বহিতেছিল, কিছুতেই তাহার নিবৃত্তি হইল না । সংসারে থাকিয়া প্রাণের আকাঙ্ক্ষা মিটিবে না ; কিন্তু পিতার স্নেহময় প্রাণে কি প্রকারে আঘাত করিবেন, মাতৃসমা গৌতমীর স্নেহবন্ধন কিরূপে ছিন্ন করিবেন, পতিপ্রাণা গোপাকে কি বলিয়া জন্মের মত ছাড়িয়া যাইবেন, এই চিন্তা তাঁহাকে

নবীন সন্ন্যাসী—কৃষ্ণকুমার ।

নিদারুণ ক্লেশ দিতেছিল। এক একবার মন দৃঢ় হইয়া উঠে, আর পিতার অপার স্নেহ—তাঁহার করুণ বদন—মনে উঠিয়া, সকল দৃঢ়তা বিলীন করিয়া ফেলে। কতবার সংসার পরিত্যাগের জন্ত তাঁহার মন দৃঢ়সঙ্কল্প হইয়া উঠিল, কিন্তু গোপার কথা যখন মনে উঠিত—যে গোপা স্বামী ভিন্ন আর কাহাকে জানে না, যে গোপা স্বামীকেই একমাত্র জীবনের আশ্রয় করিয়াছে, যে গোপা একদিনের জন্তও কখন কোন কঠোর বাক্য প্রয়োগ করে নাই, যে গোপা ভালবাসায় গঠিত, সেই গোপার কথা যখন মনে উঠিত, তখন সকল সঙ্কল্প আকাশে মিশিয়া যাইত। কিন্তু অপর দিকে এ জীবনধারণ দুর্ভেদ্য ভারবোধ হইয়া পড়িল। এ পাপপ্রবণ প্রাণ লইয়া বাস করা দুর্ভেদ্য হইয়া উঠিল। দেশের মধ্যে ধর্মের নামে অধর্মের রাজত্ব দেখিয়া, নরনারীর প্রাণ দিবানিশি জরা, ব্যাধি ও মৃত্যু-যন্ত্রণায় দগ্ধ হইতে দেখিয়া, অসার বস্তু লইয়া কোটি কোটি মানব দিন-যামিনী ঘাপন করিতেছে দেখিয়া, কুমারের প্রাণ দারুণ দুঃখে পরিতপ্ত হইত এবং মুক্তির উপায় চিন্তনে এবং নরনারীর দুঃখ বিমোচনে সর্বস্ব সমর্পণ করিবার জন্য প্রস্তুত হইত, সকল সুখ বিসর্জন করিয়া আপনার ও পরের প্রকৃত হিতের জন্য পৃথিবীর সকল দুঃখ নিজেই মস্তকে বহন করিতে কৃতসঙ্কল্প হইত।

জীবের দুঃখ নিবারণের জন্য সিদ্ধার্থের হৃদয়-মধ্যে এইরূপ ঘোরতর সংগ্রাম হইতেছে, এমন সময়ে সংবাদ আসিল, গোপা এক পুত্র প্রসব করিয়াছেন। সিদ্ধার্থ এ সংবাদ শ্রবণমাত্র বলিয়া উঠিলেন, “আর একটি বন্ধন উপস্থিত হইল।” পুত্রমুখ-নিঃসৃত এই কথা লোকমুখে শ্রবণ করিয়া রাজা বলিলেন, “আমার পৌত্রের নাম রাখল হউক।” সিদ্ধার্থ দেখিলেন, যে সংসার-বন্ধন ছিন্ন করিবার জন্ত তাঁহার প্রাণ দিবানিশি আকুল, সেই

শ্রবন্ধ-চন্দ্রিকা ।

সংসারের আর একটি নূতন বন্ধন উপস্থিত হইল ; আর কিছুদিন সংসারে বাস করিলে, আরও কত বন্ধন উপস্থিত হইবে—এই ভাবিয়া শীঘ্র সংসার-ত্যাগের জ্ঞান দৃঢ়প্রতিজ্ঞ হইলেন । পুত্রের জন্ম সংবাদে কুমার বিষণ্ণ ও চিন্তিত হইয়া রাজভবনে গমন করিলেন । পথিমধ্যে দেখিলেন, নগরী শুভসংবাদে উৎসব-মূর্ত্তি ধারণ করিয়াছে । শাক্যগণ জয়োল্লাসে চতুর্দিক্ কম্পান্বিত করিতেছে ।

রাজকুমার আমোদ-তরঙ্গ ভেদ করিয়া একেবারে রাজভবনে উপস্থিত হইলেন । কলকণ্ঠা রমণীগণের গীত-ধ্বনি, বীণার মধুর বাতধ্বনি, বিহঙ্গের কলধ্বনি তাঁহার উদ্ভ্রান্ত মনকে প্রশান্ত করিতে কত প্রয়াস পাইল ; কিন্তু কিছুতেই কিছু হইল না । কুমারের মন কিছুতেই আত্মসঙ্কল্প বিষ্মৃত হইল না । তিনি জীবনের মহাব্রত নিরীক্ষণ করিয়াছেন, কে তাঁহার ব্রত ভঙ্গ করে ? স্বর্গীয় বলে তিনি আকৃষ্ট হইয়াছেন, কে তাঁহাকে আবদ্ধ করিতে পারে ? তিনি সংসারত্যাগে দৃঢ়প্রতিজ্ঞ হইয়াছেন ; কিন্তু পিতার অজ্ঞাতসারে গৃহত্যাগ করিলে পিতাব করুণ প্রাণে দারুণ শেল বিদ্ধ হইবে, এই ভাবিয়া অশ্রুজলে মুখমণ্ডল অভিষিক্ত করিয়া পিতার নিকট মনোগত অভিপ্রায় ব্যক্ত করিলেন ।

পুত্রবৎসল শুদ্ধোদন পুত্রের নিদারুণ কথা শ্রবণ করিয়া হতচেতন হইলেন । বলক্ষণ পরে চেতনা পাইয়া অশ্রুপূর্ণ-নয়নে অর্ধক্ষুণ্ণভাষে বলিলেন, “প্রিয়বৎস ! সংসার-ত্যাগে তোমার কি প্রয়োজন, তোমার কিসের দুঃখ, সংসারে তোমার কিসের অভাব ? এ বয়সে কি যোগীর বেশ শোভা পায় ? পুষ্পাঘাতে যে শরীর মলিন হইয়া যায়, সে শরীরে কি ভিখারীর পরিধেয় সহ হয় ? প্রাণাধিক ! তোমাকে পাইয়া আমি হাতে স্বর্গ লাভ করিয়াছি, তোমাকে পাইয়া আমি প্রাণসমা প্রেয়সীর

নবীন সন্ন্যাসী—কৃষ্ণকুমার ।

মৃত্যু যন্ত্রণা বিস্মৃত হইয়াছি, তুমি আমার দুঃখের ধন—অমূল্য রত্ন ।
জীবন-সর্বস্ব ধন ! আমাকে পরিত্যাগ করিও না ।” এই বলিতে বলিতে
রাজার বাক্যরোধ হইল । অজস্রপারে অশ্রুজল গওদেশ ভাসাইয়া
মেদিনী সিক্ত করিতে লাগিল । সিদ্ধার্থও পিতার দুঃখে উচ্চৈঃস্বরে ক্রন্দন
করিয়া উঠিলেন । শোকের প্রথম উচ্ছ্বাস কথঞ্চিৎ প্রশান্ত হইলে, উভয়ে
বহুক্ষণ নীরবে বসিয়া রহিলেন । অবশেষে রাজা বলিলেন, “কেন তুমি
সংসারত্যাগী হইবে, বল ? তুমি যাহা চাও, তাহাই দিব । আমাকে, এই
রাজাকে, এই রাজকুলকে অনুগ্রহ কর, আমাদিগকে পরিত্যাগ করিও
না ।” কুমার বলিলেন, “আমায় চারিটি বরদান করুন । যদি আমার
ভিক্ষা পূর্ণ করিতে পারেন, আমি গৃহে থাকিব, নতুবা আমার সংসারে
থাকিবার আর উপায় নাই । আমার ভিক্ষা এই, ‘জরা যেন আমাকে
আক্রমণ না করে, ব্যাধি যেন কখনও স্পর্শ করিতে না পারে, মৃত্যু যেন
নিকটে না আসে এবং আমার আয়ু যেন অমিত্ত হয় ।’ জরা, ব্যাধি ও
মৃত্যু-ভয়ে আমি শঙ্কিত হইয়াছি । কি করিলে, ইহাদিগের হস্ত হইতে
পরিত্রাণ পাই বলুন ; আমি গৃহত্যাগী হইব না ।” রাজা পুত্রের কথা
শ্রবণ করিয়া শোকাক্ত হৃদয়ে বলিলেন “জরা, ব্যাধি ও মৃত্যু-ভয় হইতে
রক্ষা করি, আমার এমন শক্তি কি আছে ? কল্পান্ত তপস্শ্রাকারী ঋষিগণও
ইহার হস্ত হইতে মুক্ত হইতে পারেন না ।” তখন কুমার বলিলেন “যদি
আমার এই প্রার্থনা পূর্ণ করিতে না পারেন, তবে আমায় আর একটি
বর দিন । ভৃগুসম্বৃত পুত্র-স্নেহ ছিন্ন করুন, জগতের দুঃখ-মোচনে এ
জীবন উৎসর্গ করিতে আমাকে অনুমতি দিন ।” পুত্রের প্রার্থনা শ্রবণ
করিয়া শুদ্ধোদন আর্তস্বরে চতুর্দিক্ শোকাক্ত করিয়া বিলাপ করিতে
লাগিলেন । পুত্রের গলদেশ ধরিয়া তাঁহাকে প্রতিনিবৃত্ত করিবার জ্ঞ
কত ক্রন্দন করিলেন । কিন্তু সকলই বিফল হইল । রাজার সেই রোদনে

প্রবন্ধ-চন্দ্রিকা ।

পাষণ্ড বিগলিত হয়, কিন্তু সিদ্ধার্থের মন টলিল না । রাজার বিলাপ-বচনে সিদ্ধার্থের আয়তলোচন জলধারা বিসর্জন করিল, কিন্তু তাঁহার মন ফিরিল না । যখন সকল চেষ্টা ব্যর্থ হইল, তখন নরপতি শোকবিদগ্ধ-হৃদয়ে সাশ্রনয়নে পুলকে উদাসীন হইতে অনুমতি দিলেন । ধর্ম্মলাভের জন্ম পুত্রের অদম্য আকাজক্ষা দেখিয়া ধার্ম্মিক পিতা একমাত্র পুত্রকে বনবাসী হইতে অনুমতি দিলেন । সিদ্ধার্থ ভক্তির সহিত পিতৃ-চরণে প্রণাম করিয়া বিদায় গ্রহণ করিলেন এবং অস্ত্রপুরে গমন করিয়া গৃহাভ্যন্তরে শয়ান হইলেন ।

এদিকে শুদ্ধোদন পুত্রকে সম্মাসী হইতে অনুমতি দিয়া বিলাপ করিতে লাগিলেন । এক একবার মূর্চ্ছিত হইয়া পড়েন, আবার চেতনা পাইয়া বিলাপধ্বনিতে চতুর্দিক্ পরিপূর্ণ করেন । মূর্ত্ত-মধ্যে আমোদ কোলাহল খামিয়া গেল, নগরী বিষাদ-মূর্ত্তি ধারণ করিল । শাক্যগণ সকল কথা শ্রবণ করিয়া বলিল, “মহারাজ ! নিশ্চিত হউন, কুমারকে আমরা রক্ষা করিব । তিনি একাকী, আমরা শতসহস্র । তাঁহার কি শক্তি, গৃহ হইতে পলায়ন করেন ?” পঞ্চশত শাক্যবীর সশস্ত্র হইয়া কুমারের রক্ষার জন্ম দস্তনাদ করিল । সে আশ্ফালন শ্রবণ করিয়া, শুদ্ধোদনের উদ্বেলিত প্রাণ কথঞ্চিৎ সুস্থ হইল । শাক্যবীরগণ কেহ গজে কেহ অশ্বে আরোহণ করিয়া নগরের চতুর্দার রক্ষা করিতে নিযুক্ত হইল । কুমার গৃহত্যাগী হইবেন, এ সংবাদ অস্ত্রপুরে প্রবেশ করিল । মহাপ্রজাবতী গৌতমী চেটীদিগকে আহ্বান করিলেন । শত প্রদীপ প্রজ্বালিত হইল, অন্ধকার স্থান দিবালোকের গ্ৰায় দীপ্তি পাইতে লাগিল । দাস দাসী সকলেই প্রতিজ্ঞা করিল, সমস্ত রাত্রি জাগরিত থাকিয়া কুমারকে রক্ষা করিবে । গৃহ ঈষৎ অন্ধকারাচ্ছন্ন করিয়া উজ্জ্বল দীপমালা ক্রমে হীনপ্রভ হইয়া গেল । রজনী যখন দ্বিপ্রহরা, যখন জীবজন্তু নিদ্রার সুকোমল অঙ্কে

নবীন সন্ন্যাসী—কৃষ্ণকুমার ।

বিশ্রান করিতেছিল, রজনীর বিশাল নিস্তরতা ভেদ করিয়া কেবল নিশাচর প্রাণীদিগের বিকট গজ্জন শুনা যাইতেছিল, তখন সিদ্ধার্থ ধীরে শয্যা হইতে উঠিয়া ধীরে উপবেশন করিলেন । তিনি জীবনের লক্ষ্য স্মরণে নিযুক্ত হইলেন । তিনি সঙ্কল্প করিলেন, প্রাণিবন্দকে তুষার দুশ্ছেদ্য নিগড়-বন্ধন হইতে মুক্ত করিবেন, অজ্ঞান-তিমিরাবৃত সংসারী লোকের অবিদ্যাকার বিদূরিত করিয়া ধর্মালোকে তাহাদিগের জ্ঞান-চক্ষুর বিকাশ করিবেন, গর্ভক্ষীত জনগণের অহঙ্কার বিনাশ করিবেন, এবং সংসার-বাসনা তিরোহিতকারী নতন ধর্ম প্রকাশ করিবেন ! জীবনের উচ্চ লক্ষ্য ভাবিতে ভাবিতে তাঁহার ধর্মভাব উদ্দীপ্ত হইয়া উঠিল ; আত্মবিসর্জনের দুর্জয় বাসনা, পাপের প্রতি অপরিসীম ঘৃণা, ধর্মের জন্ম অজেয় তৃষ্ণা, জীবের প্রতি অপার করুণা উদ্দীপ্ত হইয়া, তাঁহাকে অভিভূত করিল । জীবনের পরিণাম কি ভয়ঙ্কর ! কে জীবের দুর্দশা মোচন করিবে ? কি উপায়ে জীবের দুর্দশা ঘূচিবে ? এই জীব-শরীর কি অসার ! শরীরের অভ্যন্তর অশ্রু-স্বেদ-মূত্র-পুরীষ-পরিপূর্ণ । এই অসার শরীরের জন্ম মানুষ কি পাপেই না মগ্ন হয় ! ইহা ভাবিতে ভাবিতে জীবের দুঃখে শ্রিয়মাণ সিদ্ধার্থের গণ্ডদেশ বহিয়া জলধারা পড়িতে লাগিল । পূর্ব পূর্ব মহাত্মগণ জীবের পাপবিনাশের জন্ম আত্ম-বলিদান করিয়াছেন, তাহাদিগের স্মরণে জীবনের উজ্জল দৃষ্টান্ত স্মরণ করিয়া এখন সংসারত্যাগে রুতসঙ্কল্প হইলেন । গৃহদ্বারে উপস্থিত হইয়া দেখিলেন, রজনী চন্দ্রালোকে ভাসিতেছে । জনপ্রাণীর সাড়া-শব্দ নাই, সকলেই নিদ্রিত ; কেবল স্বদূরে অনন্ত আকাশে চন্দ্রমা ও নক্ষত্রগুলির নিদ্রা নাই, তাহার চক্ষু মেলিয়া চাহিয়া রহিয়াছে । সিদ্ধার্থ অনিমেষ-লোচনে অসীম আকাশে দৃষ্টি করিয়া অনন্তে বিলীন হইয়া গেলেন ; পৃথিবীর জন্ম তাঁহার জীবন—এই সত্য উপলব্ধি করিলেন ।

প্রবন্ধ-চন্দ্রিকা ।

তিনি বাহিরে আসিয়া দেখিলেন, দ্বারসন্নিকটে সতর্ক হইয়া কে দণ্ডায়মান রহিয়াছে । আহ্বান করাতে সারথী ছন্দক উপস্থিত হইল । তাহাকে বলিলেন, “এই রজনীতেই আমি গৃহত্যাগ করিব । তুমি অশ্ব প্রস্তুত কর । বাল্যকাল হইতে যে জন্তু আমার প্রাণ ক্রন্দন করে, অতু তাহা লাভ করিব । ছন্দক ! বিলম্ব করিও না, অশ্ব প্রস্তুত করিয়া আন ।”

রাজকুমারের নিদারুণ কথা শ্রবণ করিয়া, ছন্দকের মস্তকে বজ্রাঘাত হইল—তাহার আর বাক্য মরিল না । বহুকষ্টে শোকাবেগ সংবরণ করিয়া বলিল, “রাজকুমার ! এমন নিদারুণ কথা বলিবেন না, এ মৃগাল-কোমল দেহ, এ শশাঙ্ক-বদন, এ কমল-দল-শোভন লোচন, এ কি তপস্রার যোগ্য ? আপনি এ ছুরাকাজক্ষা পরিত্যাগ করুন, আমাদিগের জীবন রক্ষা করুন ।”

সিদ্ধার্থ বলিলেন, “ছন্দক ! কে সাধ করিয়া এমন প্রাণপ্রিয়া স্ত্রী, প্রাণসম পুত্র, স্নেহময় পিতাকে পরিত্যাগ করিতে পারে ? সংসারের আমার মতি নাই, নানা ভোগবিলাসে পরিবেষ্টিত থাকিয়া আমি তাহাতে নির্লিপ্ত ছিলাম, নানা ঐশ্বর্যের মধ্যে বাস করিয়াও আমার মন তৃপ্ত হইত না । যাহাতে মন তৃপ্ত নয়, তাহা লইয়া কেন এ জীবন যাপন করিব ? আমি প্রতিজ্ঞা করিয়াছি, এ জীবন তপস্রায় নিযুক্ত করিব ; এ চেষ্টায় যদি শরীর ধ্বংস হয়, তাহাও শ্লাঘ্য মনে করি । জীবের দুঃখ আর সহিতে পারি না । ছন্দক ! গৃহত্যাগে তুমি আমার সহায় হও, তপস্রার বিঘ্ন করিও না ।”

ছন্দক বলিল, “দেবেন্দ্র বা মনুষ্যেন্দ্র হইবার জন্তই লোকে দুষ্কর তপস্চর্য্যায় নিযুক্ত হয় । আর্ধ্যপুত্রের তাহার কিছুই অভাব নাই । বহুজনসমাকীর্ণ, বহু ঐশ্বর্য্যে পরিপূর্ণ এই রমণীয় নগর, নানাবিধ পুষ্প-

নবীন সন্ন্যাসী—কৃষ্ণকুমার ।

ফল-মণ্ডিত ও বিহগ-কুজিত প্রমোদ উদ্যান, কুমুদ-কল্লার পরিশোভিত সরোবর, কৈলাসপর্বত-সদৃশ মহাপ্রাসাদ, রত্নকিঙ্কণী-জাল-সমীরিত অস্ত্রপুৰ, বিবিধ বাদিত্র-সংযোগে হাশ্বলাশ্র-ক্রীড়িত অমিত সুখের উপচার, এ সকল থাকিতে আপনার তপস্রার প্রয়োজন কি ? দেবপুত্রের এমন তরুণ যৌবন, কোমল শরীর, কৃষ্ণকেশ । এখন ক্ষান্ত হউন, বৃদ্ধবয়সে তপস্রা করিবেন ।”

কুমার বলিলেন, “বাসনা-সন্তোষ অনিত্য, ধর্মনাশকর । ইহা চপলার গায় চঞ্চল, জলবৃদ্ধদের গায় ক্ষণস্থায়ী, পরিণামে বেদনাত্মক, ইহা মায়ামরীচি সদৃশ ; যে ইহা দ্বারা প্রলুদ্ধ, দুঃখ ভোগে তাহার জীবন পর্য্যবসিত হয় । জ্ঞানিগণ সভয়ে ইহা পরিত্যাগ করেন, নির্ঝোঁধেরাই ইহার পরিচর্যা করে । আর আমি ইহাতে জড়িত হইব না । এই ভবসমুদ্র নিজে উত্তীর্ণ হইয়া, জগৎকে উত্তীর্ণ হইবার পথ প্রদর্শন করিব । নিজে মুক্ত হইয়া চরাচর বিশ্বের মুক্তির পথ অনর্গল করিব ।”

সিদ্ধার্থের কথা শ্রবণ করিয়া ছন্দক শোকদগ্ধহৃদয়ে জিজ্ঞাসা করিল, “দেব ! তবে কি সংসারত্যাগে আপনি কৃতনিশ্চয় হইয়াছেন ?”

সিদ্ধার্থ বলিলেন, “অটল অচলের গায় আমার প্রতিজ্ঞা সূদৃঢ় ! মোক্ষ-পথ নির্দ্ধারণে জীবন যৌবন সকলই উৎসর্গ করিয়াছি । দিগ্‌মণ্ডল সন্ন্যস্ত করিয়া অশনি যদি আমার মস্তকে পতিত হয়, হিমালয়শৃঙ্গ স্থলিত হইয়া যদি আমার গলুব্য পথ অবরুদ্ধ করে, জলরাশি সংক্ষোভিত হইয়া যদি মহাপ্লাবন উপস্থিত করে, তথাপি আমার সঙ্কল্প বিচলিত হইবে না । অতএব আমাকে আর প্রতিনিবৃত্ত করিতে প্রয়াস পাইও না । ছন্দক, তোমাকে অনুনয় করি, এ স্মহৎ কার্য্যে তুমি আমার সহায় হও ।”

ছন্দকের সম্মুখে মানব-জীবনের নূতন দ্বার উদঘাটিত হইল, সে দ্বার দিয়া

প্রবন্ধ-চন্দ্রিকা ।

একটি নূতন রাজ্য তাহার নয়নপথে প্রকাশিত হইল । সে রাজ্যের অসীমতা, সে রাজ্যের প্রভাব ও শোভা দেখিয়া, সে স্তম্ভিত, বিস্মিত ও নীরব হইল । সে অপূর্ব অদৃষ্ট রাজ্যের নূতন বার্তা জগতে আনয়ন করিবার জন্ত সিদ্ধার্থ এ অনিত্য ক্ষণভঙ্গুর সংসারস্থ পরিবর্জন করিতেছেন, ইহা অপেক্ষা জীবনের সন্ধ্যায় আর কি হইতে পারে, এই চিন্তা করিয়া ছন্দক বলিল, “প্রভুর আজ্ঞাপালনে যদি এ জীবন সমর্পণ করিতে হয়, দাস তাহাতেও কুণ্ঠিত নহে ।” দ্রুতগামী অশ্ব প্রস্তুত করিবার জন্ত ছন্দক অশ্বালয়ে গমন করিল । ছন্দক বিদায় হইলে, সিদ্ধার্থ ভাবিলেন, জন্মের মত ত সংসার ত্যাগ করিয়া চলিলাম, গমন-কালে একবার নবসঞ্জাত পুত্র ও প্রাণাধিকা গোপার মুখ দর্শন করিয়া যাই ; মনে মনে এই চিন্তা করিয়া ধীর পদসঞ্চারে তিনি স্মৃতিকাগারের সম্মুখে উপস্থিত হইলেন । আসিয়া দেখেন, প্রদীপ মিট মিট করিয়া জ্বলিতেছে, সপ্তদিনের শিশু গৃহ উজ্জ্বল করিয়া রহিয়াছে, গোপা আলুলায়িত কেশে একহস্ত সন্তানের মস্তকতলে রাখিয়া অপর হস্তে তাহাকে বক্ষঃস্থলে জড়াইয়া পুষ্পশয্যায় বিঘোর নিদ্রায় অচেতন হইয়া আছেন ! সন্তানটি জন্মের মত একবার বক্ষঃস্থলে ধারণ করিবেন— এই শেষ বাসনা, কিন্তু তাহা পূর্ণ হইল না । পাছে গোপার নিদ্রা ভঙ্গ হয়, পাছে গৃহত্যাগের এত চেষ্টা ব্যর্থ হয়, এই ভয়ে শেষ আশা চরিতার্থ হইল না ।

সিদ্ধার্থ স্থাগুবৎ দণ্ডায়মান রহিলেন, মুহূর্ত্তমধ্যে কত বিসংবাদী ভাব তাহার মনের উপর দিয়া চলিয়া গেল । পর মুহূর্ত্তে দুর্জয় বলপ্রয়োগে হৃদয় হইতে স্নেহের মূল পর্য্যন্ত উৎপাটন করিলেন, উন্মাদের ঞ্চায় দ্রুত পদবিক্ষেপে নিমেষমধ্যে অন্তঃপুর-সীমা অতিক্রম করিয়া উন্মনস্কভাবে ছন্দকের আগমন প্রতীক্ষা করিতে লাগিলেন । এদিকে ছন্দক অমিত-

নবীন সন্ন্যাসী—কৃষ্ণকুমার ।

তেজ তড়িৎগামী কণ্ঠক-নামক স্ৰব্হৎ স্ৰশুভ্র অশ্ব সজ্জিত করিয়া উপস্থিত হইল । সিদ্ধার্থ শশব্যস্তে এক লক্ষ্যে অশ্বোপরি উপবিষ্ট হইলেন । নগর-দ্বারে শত প্রহরী জাগরিত আছে—এই ভয়ে তিনি নীরবে নগর-প্রাচীরামুখে অশ্ব চালিত করিলেন,—ছন্দকও নিঃশব্দে তাঁহার অনুসরণ করিল । মহাবল অশ্ব একলক্ষ্যে সমুন্নত প্রাচীর পার হইয়া নগরের বাহির হইল । যে নগরে স্নেহময় পিতা, পতিপ্রাণা ভার্যা, নবজাতপুত্র, স্নেহময়ী মাতৃসমা গৌতমী, জীবনের লীলাস্থান পড়িয়া রহিল, সে নগরের প্রতি শেষদৃষ্টি নিক্ষেপ করিলেন । সিদ্ধার্থ অশ্ববেগ সংবরণ করিয়া একবার থামিলেন, তাঁহার হৃদয়ের এই দুর্বলতা আশ্রয় করিয়া প্রলোভন তাঁহাকে অভীষিত ব্রত হইতে প্রতিনিবৃত্ত করিতে প্রয়াস পাইল । রাজ্য-সুখের প্রলোভন তাঁহার হৃদয়মধ্যে উদিত হইল । সিদ্ধার্থ ভীমবলে সে প্রলোভন পরাজয় করিলেন । তিনি ধর্মের জগ্নু ভূমিত, নরনারীর দুঃখে বিদগ্ধ, তাই এ প্রলোভন সহজে অতিক্রম করিলেন ।

সিদ্ধার্থ ইঙ্গিত করিলেন : অশ্ব নক্ষত্রবেগে দক্ষিণ-পূর্বাভিমুখে ছুটিয়া চলিল । পথে শতবাধা অবলীলাক্রমে অতিক্রম করিয়া অশ্ব প্রধাবিত হইল—শাক্যরাজ্য পার হইয়া বৈশালী, বৈশালী রাজ্য পার হইয়া মল্ল রাজ্যে প্রবেশ করিল । কত দেশ, কত জনপদ পার হইয়া অবশেষে রজনী-প্রভাতকালে অশ্ব কপিলবস্ত্র হইতে পঞ্চচত্বারিংশ ক্রোশ দূরবর্তী অনোমা-নদীতীরে উপস্থিত হইল । নদী উত্তীর্ণ হইয়া সিদ্ধার্থ অশ্ব হইতে অবতরণ করিলেন । নদীর রজতবর্ণ সিকতাময় বেলাভূমির উপর দণ্ডায়মান হইয়া তিনি বলিলেন “ছন্দক ! আমার গাত্রাভরণ ও অশ্ব লইয়া তুমি গৃহে ফিরিয়া যাও । আমি সন্ন্যাসীর বেশ ধারণ করিয়া যথোচ্চ স্থানে চলিয়া যাই ।” ছন্দক বলিল, “প্রভু, আমিও সন্ন্যাসী হইয়া

প্রবন্ধ-চন্দ্রিকা ।

আপনার অনুবর্তন করিব ।” ছন্দক কত অনুনয় করিল, কিন্তু সিদ্ধার্থ তাহার প্রার্থনা গ্রাহ্য করিলেন না । তিনি একে একে গাত্রাভরণ উন্মোচন করিয়া ছন্দকের হস্তে দিলেন । ছন্দক নীরবে সজলনয়নে এ হৃদয়বিদারকদৃশ্য দেখিতে লাগিল । ‘সুচিকণ ভ্রমরকৃষ্ণ দীর্ঘ কেশ-জাল সন্ন্যাসীর শোভা পায় না ।’ এই চিন্তা করিয়া হস্তস্থিত খড়্গ দ্বারা তাহা ছেদন করিলেন । নিজপরিহিত রত্নজড়িত বারাগসীবস্ত্রের প্রতি দৃষ্টি করিয়া ভাবিলেন, ‘এ মহামূল্য বস্ত্র ভিক্ষুকের উপযুক্ত নয়, অতএব ইহা পরিত্যাগ করিতে হইবে ।’ চতুর্দিকে অবলোকন করিয়া দেখিলেন, এক ব্যাধ শতচ্ছিন্ন জীর্ণ কাষায়বস্ত্র পরিধান করিয়া নদীতীরে শিকার অবেষণে ভ্রমণ করিতেছে । তাহাকে নিকটে আহ্বান করিয়া তাহার বস্ত্রের সহিত নিজবস্ত্রের পরিবর্তন করিলেন । ব্যাধ আনন্দে উৎফুল্ল হইয়া বস্ত্র বিক্রয় করিবার জন্ত নগরাভিমুখে চলিয়া গেল । যাহার শরীর সর্বদা মণিমুক্তায় জড়িত হইয়া থাকিত, যাহার কেশের পারিপাট্য-সাধনে কত বিলাস-সামগ্রী, কত পরিচারক সর্বদা প্রস্তুত থাকিত, যিনি দিবসের বিভিন্ন সময়ে বিভিন্ন বেশ পরিধান করিতেন, যিনি যানারোহণ ব্যতীত কখনও একপদ অগ্রসর হন নাই, অনবত্ত-বপুঃ দিব্যকান্তি স্বকোমলশরীর, এমন রাজপুত্র অলঙ্কার উন্মোচন করিলেন, কেশপাশ ছেদন করিলেন, স্বকোমল পদ উলঙ্গ করিলেন, কাষায়বস্ত্র তিন খণ্ডে ছিন্ন করিয়া পরিধান করিলেন ! হস্তে ভিক্ষাপাত্র, কটিদেশে রজ্জুর কটিবন্ধ গ্রহণ করিয়া, নবীন রাজপুত্র সন্ন্যাসী হইলেন ! হা পরমেশ্বর ! এ সংসারে কাহাকে কি বেশে সাজাও, কে বলিতে পারে ? পরমেশ্বর ! তোমার ইচ্ছার গভীর মর্ম্ম কে উদ্ঘাটন করিবে ?

রাজকুমারের সন্ন্যাসবেশ দর্শন করিয়া ছন্দক বস্ত্রে বদনাবৃত করিয়া রোদন করিতে লাগিল । কণ্ঠক রাজকুমারের স্মৃদীন বেশ দর্শন করিয়া

চক্ষের জল ফেলিতে লাগিল ! পিতার অতুল বিভব ও রমণীয় প্রাসাদ, অল্পম স্মৃতি, রূপবতী গুণবতী ভার্যা, সপ্তদিনের পুত্র পশ্চাতে রাখিয়া সমুদয় বন্ধন ছিন্ন করিয়া উনত্রিশ বর্ষ বয়সে সিদ্ধার্থ সন্ন্যাসী হইলেন । সেই নির্জন নদী-সৈকতে সন্ন্যাসিবেশে সজ্জিত হইয়া সিদ্ধার্থ বলিলেন, “ছন্দক ! এই আভরণ লইয়া পিতাকে দিও । সকলকে বলিও, আমার জন্ম যেন কেহ দুঃখ না করে । পিতাকে বলিও—আমি অকৃতজ্ঞ নহি, কোন সাংসারিক দুঃখে বিরক্ত হইয়া আমি সন্ন্যাসী হই নাই । দুঃখ শান্তির উপায় নির্ধারণ এবং জীবের দুর্গতি বিনাশ করিতে আমি সন্ন্যাসী হইলাম । যখন আমার আশা সফল হইবে, তখন পিতার নিকট ফিরিয়া যাইব, এবং সকলের নবনাশ্র বিমোচন করিব । অতএব তুমি শীঘ্র ফিরিয়া গিয়া আমার উৎকণ্ঠিত পিতাকে এই সংবাদ দিয়া সাহুনা কর । অধিক বিলম্ব হইলে, মহাদুঃখে তাঁহাদের হৃদয় ভাঙ্গিয়া যাইবে । ছন্দক ! আর বিলম্ব করিও না, আমার জন্ম খেদ করিও না, তুমি শীঘ্র ফিরিয়া যাও ।”

ছন্দক অশ্ব লইয়া বিষণ্ণ-মনে গৃহে ফিরিল । যতদূর দৃষ্টি যায়, পশ্চাতে ফিরিয়া দেখিতে লাগিল ; যখন আর দেখা গেল না, তখন উচ্চৈঃস্বরে কাঁদিতে কাঁদিতে চতুর্দিক শোকসাগরে ভাসাইয়া কপিলবস্ত্র অভিমুখে ফিরিয়া চলিল । শ্মশানে মৃতপুত্র দাহ করিয়া পিতা যেমন কাঁদিতে কাঁদিতে গৃহে ফিরিয়া আসেন, ছন্দকও আজ সেইরূপে রোদন করিতে করিতে চলিল । বর্ণিত আছে, বনের পশু কণ্ঠক প্রভুর শোকে ভগ্ন হৃদয় হইয়া পথিমধ্যে প্রাণত্যাগ করিয়াছিল ।

কুমার গৃহ হইতে চলিয়া গেলে অন্তঃপুরিকাগণ কুমারকে দেখিতে না পাইয়া, গৃহে গৃহে, প্রাঙ্গণে প্রাঙ্গণে তাঁহার অনুসন্ধানার্থ বহির্গত হইল । অন্তঃপুরের সকল স্থান খুঁজিল, কিন্তু কুমারকে পাইল না ।

প্রবন্ধ-চন্দ্রিকা ।

তাহারা নিরাশ হইয়া উচ্চৈঃস্বরে বিলাপ করিতে লাগিল, গভীর নিশীথে তাহাদিগের বিলাপধ্বনি নিদ্রিত প্রাণিবৃন্দকে চমকিত করিয়া জাগরিত করিল । তাহা শ্রবণ করিয়া, শুদ্ধোদন শঙ্কাকুল হৃদয়ে শয্যা হইতে উঠিয়া বসিলেন এবং অন্তঃপুরে কিসের শব্দ, জানিবার জন্ত শাক্যদিগকে প্রেরণ করিলেন । শাক্যগণ দ্রুতপদে ফিরিয়া গিয়া বলিল “কুমার অন্তঃপুর হইতে কোথায় গিয়াছেন, কেহ তাঁহাকে অনুসন্ধান করিয়া পাইতেছে না ।” ইহা শুনিয়া শুদ্ধোদনের প্রাণ উড়িয়া গেল । ব্যস্ত-সমস্ত হইয়া কাহাকেও নগরদ্বার রক্ষা করিতে, কাহাকেও নগরমধ্যে কুমারের অন্বেষণ করিতে প্রেরণ করিলেন । তাহারা ফিরিয়া আসিল না দেখিয়া, অনুসন্ধানার্থ নূতন লোক পাঠাইলেন । নগরের কোনও স্থান খুঁজিতে অবশিষ্ট রহিল না ; কিন্তু কোন স্থানেই কুমারকে পাওয়া গেল না । তখন রাজা চতুর্দিকে অশ্বারোহী দূত প্রেরণ করিলেন এবং তাহাদিগকে আদেশ করিলেন, “কুমারকে না পাইলে গৃহে ফিরিও না ।” অশ্বারোহিগণ চতুর্দিকে বিদ্যুৎ-বেগে ছুটিল । পৰ্ব্বতকাননে প্রবেশ করিয়া কুমারের অনুসন্ধান করিল ; কিন্তু কুমারকে প্রাপ্ত হইল না । তাহারা দেশবিদেশে প্রবিষ্ট হইয়া রাজপুরের অন্বেষণ করিল, কোথাও তাঁহাকে পাইল না । বহু অনুসন্ধানের পর একদল অশ্বারোহী দূর হইতে দেখিল, এক ব্যক্তি কুমারের বস্ত্রাদি মস্তকে করিয়া আসিতেছে । এ ব্যক্তি বঙ্গলোভে কুমারের প্রাণবধ করিয়াছে, এই মনে করিয়া তাহারা ঐ ব্যক্তিকে বন্দী করিল । তাহারা ক্ষণকাল পরে দেখিল, ছন্দক কুমারের আভরণ লইয়া ক্রন্দন করিতে করিতে আসিতেছে । তাহার নিকটে সকল বৃত্তান্ত অবগত হইয়া বন্দীকে ছাড়িয়া দিল । যখন অশ্বারোহিগণ শুনিল, কুমার সম্যাসী হইয়াছেন, তিনি আর কখনও গৃহে ফিরিবেন না, তখন ছন্দকের সহিত বিষন্ন মনে ফিরিয়া চলিল ।

নবীন সন্ন্যাসী—কৃষ্ণকুমার ।

চন্দক আভরণ লইয়া, অন্তঃপুরে' য়েখানে রাজা উন্নতপ্রায় হইয়া বসিয়াছিলেন, সেই স্থানে উপস্থিত হইল । আভরণ দর্শন করিয়া শুদ্ধোদন ও গৌতমী উচ্চঃস্বরে ক্রন্দন করিয়া উঠিলেন । সে ক্রন্দন-ধ্বনি শ্রবণ করিয়া চাৰিদিক্ হইতে রমণীগণ দৌড়িয়া আসিল এবং ভূমিতলে পতিত হইয়া আৰ্ত্তনাদ করিতে লাগিল । গৌতমীর হৃদয়-বিদারক বিলাপ শ্রবণ করিয়া, শুদ্ধোদন মূচ্ছিত হইয়া পড়িলেন । বহুযত্নে তাঁহার চেতনা সঞ্চাব হইল । চেতনা পাইয়া অর্দ্ধক্ষুট-ভাষে বিলাপ করিতে লাগিলেন । “হা অন্ধেব যষ্টি ! হা বৃদ্ধের সম্বল ! আমাকে ছাড়িয়া কোথায় গেলে ? হা পুত্র ! আমার আর কেহ নাই, আর যে ক্লেশ সহ্য হইবে না । হৃদয় বে ভাঙ্গিয়া যায় !” এই বলিতে বলিতে পুনরায় মূচ্ছিত হইয়া পড়িলেন । এইরূপে রাজা মুহুমূহু চেতনা-হীন হইতে লাগিলেন । এদিকে গৌতমীর বিলাপ-বাক্য শ্রবণ করিয়া সকলে আকুল হইয়া উঠিল, রমণীগণেব কোমল প্রাণে দুঃখাভিঘাত অসহ্য হইয়া পড়িল, শাক্যগণ অবিরলধারে অশ্রুজল মোচন করিতে লাগিল । প্রজাগণ হাহাকার ধ্বনিতে চাৰিদিক্ পরিপূর্ণ করিল ! রাজপুরী বিষাদমূর্ত্তি ধারণ করিল । অবশেষে শুদ্ধোদন ধৈর্য্যাবলম্বন করিয়া বলিলেন, “মহর্ষি কালদেবল বলিয়াছেন, পুত্র বৃদ্ধ হইবেন, বৃদ্ধ হইয়া জগতের দুঃখ-শান্তির উপায় করিয়া দিবেন । পুত্র জগতের দুঃখমোচনে আত্মজীবন উৎসর্গ করিয়াছেন, ইহা অপেক্ষা সংকাষ্য আর কি হইতে পারে ? অতএব ‘আব কেহ তাঁহার জন্ত খেদ করিও না ; তাঁহার জীবনব্রত উদ্দাপিত হউক, সকলে এই আশীর্বাদ কর :” গৌতমী শোকাবেগ সংবরণ করিয়া গাভোস্থান করিলেন, নীরবে সর্বোববর্তীয়ে গমন করিয়া কুমারের আভরণ তাহারে নিক্ষেপ করিলেন । স্মৃতিচিহ্ন অতল জলে মুহু হুমধ্যে ডুবিয়া গেল ! বিন্দু স্মৃতি অগম্যায়িত হইল না ! সে হৃদয়-

প্রবন্ধ-চন্দ্রিকা ।

কন্দরে আবদ্ধ থাকিয়া হতাশনের'ন্ডায় দিবানিশি জলিতে লাগিল । গোপার কথা আর কি বলিব ? কুমার চলিয়া গিয়াছেন, এই সংবাদ শ্রবণমাত্র বজ্রাহতের ঞ্চায় তাঁহার স্মৃতি বুদ্ধি বিলুপ্ত হইল, তাঁহার চক্ষু হইতে জলধারা পতিত হইতে লাগিল । কিন্তু মুখ হইতে বিলাপ বা ক্য স্ফুরিত হইল না, জড়ের ঞ্চায় পড়িয়া রহিলেন । যে শোক এতক্ষণ স্তম্ভিত হইয়াছিল, ছন্দকের আগমনবার্ত্তা শ্রবণে তাহা উথলিয়া উঠিল । বহুক্ষণ বিলাপ করিয়া গোপা স্তদীর্ঘ কেশদাম ছিন্ন করিলেন, একে একে গাত্রাভরণ খুলিয়া ফেলিলেন, রাজবস্ত্র দূরে ফেলিয়া একখানি সামান্য বস্ত্র পরিধান করিলেন । এই দিন হইতে গোপা ভূমিশয়্যা .সার করিলেন, উপাদেয় দ্রব্য ভোজন পরিত্যাগ করিয়া, কখনও একাহার, কখনও অনশনে দিন অতিবাহিত করিতে লাগিলেন । এই দিন হইতে গোপা অঙ্গরাগ পরিত্যাগ করিয়া, আপনার লাবণ্য ভংস্ব আচ্ছাদিত করিয়া রাখিলেন । গোপা স্বামী থাকিতে বিধবা হইলেন, ব্রহ্মচর্য্যানুষ্ঠানে দিন কাটাইতে লাগিলেন । স্বামী সকল ছাড়িয়া সন্ন্যাসী হইয়াছেন, পতিব্রতা কামিনী আর কি করিবেন ? তিনিও যৌবনে সন্ন্যাসিনী হইলেন । গোপার সন্ন্যাসিনী বেশ দর্শন করিয়া, আত্মীয় স্বজনের প্রাণ দুঃখে বিদীর্ণ হইল—নীরব প্রকৃতিও যেন মুখ ফুটিয়া কাঁদিতে লাগিল । অঙ্গনবাজ আসিয়া গোপাকে কত সাহুনা করিলেন ; কত অনুরোধ করিলেন ! কিন্তু গোপা সন্ন্যাসিনী-বেশ পরিত্যাগ করিলেন না ; অঙ্গনরাজ তাঁহার শোকদগ্ধ হৃদয়কে শান্ত করিবার জন্য দেবদেহে লইয়া যাউতে কত প্রয়াস পাইলেন । কিন্তু গোপা কিছুতেই স্বামীর গৃহ পরিত্যাগ করিলেন না । সুকুমার দেহে ব্রহ্মচর্য্যের বিষম ক্লেণ সহিল না । গোপার সকল সুখ জন্মের মত ফুরাইল !

(শ্রীকৃষ্ণকুমার মিত্র)

মন্সুরের তত্ত্বজ্ঞান-লাভ ।

সাধকপ্রবর মন্সুর নির্জনে যোগ-সাধনে উপবেশন করিলেন ;
আহাব, বিহার, বিশ্রাম, নিদ্রা প্রভৃতি মানব-স্বভাব-স্বলভ যাবতীয়
ইন্দ্রিয় সম্পর্কীয় কায্য হইতে একেবারে বিচ্ছিন্ন রহিলেন । কেবল সেই
একই ভাব, সেই ফল্গু নদীর অন্তঃপ্রবাহ, সেই বাহুজ্ঞানশূণ্যতা, সেই
ধ্যানস্থিমিতনেত্র !—নীরব ও নিষ্পন্দ ! মশক-মক্ষিকাদিগের উপবেশনে
দূরে থাক, দংশনেও গাত্র স্পন্দিত নহে । এই অবস্থায় দীর্ঘকাল
অতিবাহিত হইয়া গেল । এক দিন দুই দিন করিয়া ক্রমে সপ্তাহ,
সপ্তাহের পর পক্ষ, পক্ষের পর মাস, মাসের পর বৎসর ; এইরূপে কত
দিন, কত সপ্তাহ, কত মাস, কত বৎসর চলিয়া গিয়া অনন্তকালের
গভীর গর্ভে বিলয়প্রাপ্ত হইল, জগতের কত স্থানে কত পরিবর্তন
সংঘটিত হইল, কত মানবের ভাগ্য-চক্রের ঘূর্ণনে অবস্থার বিপর্যয় ঘটিল,
কিন্তু মন্সুরের এই ভাবের পরিবর্তন ঘটিল না, স্বভাবের অণুমাত্র
ব্যতিক্রম হইল না ॥ তিনি পূর্ববৎ নিরন্তর নিখিলনাথের ধ্যান-ধারণায়
নিবিষ্ট ;—সাধন-সমুদ্রের অন্তঃস্থলে নিমজ্জিত হইয়া নিজীব জড়পিণ্ডের
আর নিশ্চল রহিলেন । তাঁহার চতুর্দিকে শত সহস্র আনন্দোৎসব,
সুমধুর বাণভাণ্ড বা কোনরূপ ভীষণ অনিষ্টপাত হইলেও তদীয় চিরায়ত্ত
চক্ষু-কর্ণ ভ্রমেও তদন্তরনে ধাবিত হইত না । কলতঃ তিনি সংসারের
আবিল্য-জাল হইতে সম্পূর্ণ বিমুক্ত হইয়া, মায়া-মোহ-বন্ধন ছিন্ন করিয়া,
অনন্ত-চিত্তে খোদার প্রেমে উন্নত থাকিতেন । সে প্রেমের মম্ব
কাহারও নিকট প্রকাশ করিতেন না । কিন্তু আগেষ্যগিরির

প্রবন্ধ-চন্দ্রিকা ।

গহ্বরভ্যন্তরে অনলরাশি পরিপূর্ণ হইলে, গিরি সে অগ্নি উদগীরণ না করিয়া কি আর স্থির থাকিতে পারে ? পাত্ত পূর্ণ হইলে বারি স্বভঃই উচ্ছসিত হইয়া উঠে । আহা ! এক দিবস অকৃত্রিম ধার্মিক, প্রেমোন্মত্ত মন্থর প্রেমের পূর্ণ আবেগে অস্থির হইয়া উচ্চঃস্বরে উচ্চারণ করিয়া ফেলিলেন—“অনাল্ হক্” (অহং ব্রহ্ম বা আমিই ঈশ্বর) ! উঃ কি ভীষণ অধর্মের কথা ! কি পাপের কথা ! নকি স্পর্ধাজনক অন্ত্যায় উক্তি !!! রক্তমাংসময় নশ্বর মানবে—ইন্দ্রিয়ের অঙ্গুলিসঙ্কেতে চালিত দুর্কল মানবে—জলবিম্ববৎ ক্ষণস্থায়ী ক্ষুদ্র মানবে—ঈশ্বরদেব অধিকার ! গোপ্পদে বিশাল বারিনিধির আরোপ ! ইহা কি উন্মত্তের প্রলাপ নহে ? ভক্তের কি এই উক্তি ? কখনই নহে । সকলে ইহা শুনিয়া বিস্মিত ও চমকিত হইয়া হতবুদ্ধির ন্যায় নীরবে চাহিয়া রহিল । এদিকে মুহূর্ত্তমধ্যে এই সংবাদ নগরময় প্রচারিত হইতে আব বাকি রহিল না । যে শুনে সেই স্থম্বিত, সেই হতচৈতন্য । নানা জনে নানা কথা বলিতে লাগিল । বোগ্দাদের আবালবৃদ্ধবনিতা সর্বসমাজে এই একই কথা—একই বিষয়ের আন্দোলন । কেহ কেহ, “হায ! ধর্মপ্রাণ মন্থর পাগল হইয়াছেন” বলিয়া, শোক প্রকাশ করিতে লাগিল । বন্ধুবান্ধব ও আত্মীয়গণ মন্থরের সকাশে উপস্থিত হইয়া কহিলেন, “ভাই ! তোমার মনে এই বিকৃতি জন্মিল কেন ? তুমি কি উন্মত্ত হইয়াছ ? তুমি এক জন পরম জ্ঞানী, তোমাকে উপদেশ দিতে যাওয়া আমাদের অনধিকার-চর্চা ও দৃষ্টতামাত্র ! তথাপি কর্তব্যের অনুরোধে বলিতেছি, সাবধান ! জান ত, এ ধর্ম-বিগহিত নিদারুণ পাপকথা । এ কথা পুনর্বার উচ্চারিত হইলে, তোমার বিপদ উপস্থিত হইবে । এমন কি, ইহাতে তোমার জীবনের আশা পথ্যন্ত বিলুপ্ত হইবার সম্ভাবনা । অতএব

মন্সুরের তত্ত্বজ্ঞান-লাভ—মোজাম্মেল ।

স্থির হও, যাহাতে এই কুচিন্তা অন্তর হইতে বিদূরিত হয় এবং চিত্ত প্রকৃতিস্থ ও সুস্থ হয়, তদ্বিষয়ে সতর্ক ও সচেষ্ট হও । একরূপ উক্তি তোমার পক্ষে,—তোমার পক্ষে কেন, জগতের কোন লোকের পক্ষেই মঙ্গল-জনক নহে । তাই পুনর্বার বলিতেছি, তুমি আপনাকে জগতের শত্রু করিও না, চিত্তের শৈশ্র্যসম্পাদন কর ।” ইত্যাকার কতই প্রবোধ-ব্যবস্থা প্রয়োগ করা হইল, কিন্তু তাহাতে কোন ফল হইল না । সকলই ব্যর্থ হইল । প্রেমমুগ্ধ মন্সুর এ সাহুনা-বাক্যে ভুলিলেন না ।

প্রবহমাণা শ্রোতস্বতীর দিগন্তগ্রামী প্রবল প্রবাহ রোধ করে, কাহার সাধ্য ? তিনি নরলোক-দুর্লভ শান্তি সুখাপ্রদ প্রেমপারাবারের গভীর গর্ভে নিমজ্জিত হইয়া আছেন, লোকের নিষেধ-বাক্যে সেই চিরসুখের স্থান কি পরিত্যাগ করিতে পারেন ? সুখময় সরলপথ ছাড়িয়া কোন্ ব্যক্তি কটকাকর্ণ পথে পদার্পণ করে ? শত্রু যত্নেও মন্সুরের মানসিক গতি আর ফিরিল না ; সুহৃদ্বর্গের উপদেশ উপেক্ষিত হইল । তিনি উপহাসব্যঞ্জক উচ্চ হাস্য করিয়া উঠিলেন এবং গম্ভীর ভাবে বলিলেন—

“আনামান আহোয়া ওয়ামান্ আহোয়া আমা,

নাহ্নো রুহানে হাললনা বদানা ।

ফা এজা আব্‌সারতানী আব্‌সার তাহ্,

ওয় এজ আব্‌সার তাহ্ আব্‌সার তানা ।”

অর্থাৎ আমিই তিনি,—যাঁহাকে আমি চাহি—ভালবাসি ; এবং যাহাকে আমি চাহি—ভালবাসি, তিনিই আমি । আমরা দুইটি আত্মা এক দেহে আছি । এই হেতু তুমি যখন আমাকে দেখ, তখন তাঁহাকে দেখিবে, এবং তাঁহাকে দেখ, তখন আমাকে দেখিবে ।

ফলতঃ আমাকে দেখিলেই, তোমাদের তাঁহাকে দেখা হইবে ।

প্রবন্ধ-চলিতিকা ।

তোমরা আমাকে জীবনের ভয় দেখাইতেছ কি জন্ম ? আমার আবার জীবনের আশা কিসের ?

আমার কি জীবন আছে ? আমি ত ইতিপূর্বেই জীবন বিসর্জন দিয়াছি । আমি যে মৃত ! মৃতের কি পার্থিব ভয় বা জ্বালাঘন্ত্রণা আছে, না, কখনও হইতে পারে ? অথবা যদি আমার জীবন থাকে, তাহা ত অতি তুচ্ছ পদার্থ ! যাহা এই আছে, পর মুহূর্তে নাই, সে ক্ষণস্থায়ী পার্থিব জীবনের মূল্যই বা কত ? সেই অকিঞ্চিৎকর পদার্থের জন্ম আবার ভয় কি ? তাহার মমতা—যত্নই বা কি জন্ম ? ইহা বলিয়া ধর্ম-মদমত্ত মন্থর উর্দ্ধমুখে চাহিয়া পুনঃপুনঃ “হৃক্ হৃক্ অনাল হৃক্” শব্দে চীৎকার করিয়া উঠিলেন ।

(শ্রীমোজাম্মেল হৃক্)

সিংহল ।

আমাদের আদিকবি মহর্ষি বাল্মীকির প্রসাদে ভারতনাগরীয় সিংহল দ্বীপটি ভুবন-বিখ্যাত হইয়াছে । তিনি রামচরিত বর্ণন-প্রসঙ্গে সুসুলিত ভাষায় ধন-রত্ন-শোভিতা লঙ্কার যে মহতী সমৃদ্ধির বর্ণনা করিয়া গিয়াছেন, তাহা পাঠ করিয়া, উহাকে অমরাবতীর অপেক্ষাও প্রশংসালিনী বলিয়া বোধ হয় ; এই নিমিত্ত এখনও কেহ কেহ উহাকে স্বর্ণপুরী বলিয়া মনে করেন । এতদেশীয় আবাল-বৃদ্ধ-বনিতা রামায়ণেব প্রতি এতটী অনুরক্ত যে, অনেকে আত্মীয় বন্ধুর অপেক্ষা রাম, রাবণ ও লঙ্কার বিষয় সবিশেষ অবগত আছেন ! প্রবল-প্রতাপ দশাননের অমরাবতী-নির্দিত অধিকার-পদ, রমণী-কুলের রত্নভূতা জনকনন্দিনীর

কারাবাস-স্থান, রঘুকুল-তিলক শ্রীরামচন্দ্রের অসাধারণ বিক্রমের লীলা-ক্ষেত্র প্রভৃতি যে কোন বিশেষণের সহিত সিংহলের উল্লেখ করা যাউক না কেন, তাহাতেই লঙ্কাপুরীর পূর্ব কথা আমাদের স্মৃতিপথে উদ্ভিত হয়,—রাম-চরিত্রের সুপবিত্র-ভাব মনোমধ্যে জাগরুক হইয়া উঠে । ফলতঃ রামায়ণের আখ্যায়িকা-সমূহ হিন্দুসন্তানের চরিত্রগঠনের প্রধান উপাদান, ইহা বলিলে অত্যাুক্তি হয় না । এই জন্ম অনেকে নিজ নিজ পুত্রগণকে বিচারস্ত্রের পূর্ব হইতে রামায়ণের সুমধুর শ্লোকগুলি আবৃত্তি করিতে শিক্ষাদান করেন ।

কিন্তু সিংহলের আধুনিক অবস্থা সম্বন্ধে অনেকেই তাদৃশ অভিজ্ঞ নহেন । এই জন্ম এখনও আমাদের দেশের কোন কোন অশিক্ষিত ব্যক্তির বিশ্বাস, সিংহলের অধিবাসীরা লঙ্কাস । কবির কল্পনা প্রসূত কৌতুককর উক্তি সকল কেহ কেহ বাস্তবিক বলিয়া মনে করেন । লঙ্কা ও কিষ্কিন্দ্যাদি প্রদেশের প্রাচীন অধিবাসীদিগের প্রকৃতি ও ব্যবহার সম্বন্ধে আমাদের কবি-গুরু রত্নাকর কল্পনার প্রতিভায় যে সুন্দর চিত্র অঙ্কিত করিয়াছেন, তাহাই এতদেশীয় সাধারণ ব্যক্তিদিগের হৃদয়ফলকে অবিকৃতভাবে প্রতিফলিত হইয়া রহিয়াছে । লঙ্কার পরিমাণ ও দূরত্ব সম্বন্ধেও অনেকের ঐরূপ ভ্রম হইতে পারে । লঙ্কার চতুষ্পার্শ্বে লঙ্ক-যোজন বিস্তৃত সমুদ্র,—কবির ঐরূপ উক্তি, মহোদধির বিশালতা-মাত্রের পরিচায়ক, তাহার সন্দেহ নাই । যেহেতু সমগ্র ভূমণ্ডলের পরিধি-পরিমাণ, কিঞ্চিদূন পঞ্চবিংশতি সহস্র মাইল । এই দ্বীপেব দৈর্ঘ্য দুই শত সপ্ততি মাইল মাত্র, বিস্তার দুই শত চারি মাইলেব অনধিক এবং পরিমাণফল চতুর্বিংশতি সহস্র ছয় শত বর্গ মাইল ।

এখানে হিন্দু, মুসলমান ও বৌদ্ধ এই তিন সম্প্রদায় ভুক্ত লোকই বাস কবে । তন্মধ্যে বৌদ্ধমতাবলম্বী ব্যক্তিদিগের সংখ্যাই অধিক ।

প্রবন্ধ-চন্দ্রিকা ।

প্রসিদ্ধ রাজচক্রবর্তী অশোকের সময়ে বহুসংখ্যক পুণ্যব্রত বৌদ্ধ ভিক্ষু তিব্বত, তাতার, চীন, জাপান, সিংহল প্রভৃতি নানাদেশে অহিংসা-ধর্মের প্রচারার্থ প্রেরিত হন। কপিলবস্তুর রাজকুমার ভোগস্বখেব অসারতা এবং পৃথিবীর দুঃখময় ভাবের সম্যক উপলক্ষি করিয়া, সময়ে 'ও সন্তুর্পণে ভারতীয় সরস উর্ধ্বর ক্ষেত্রে যে অহিংসা-পাদপের প্রতিষ্ঠা করিয়া যান, মহাপ্রভাবশালী ধর্মবীর অশোক নরপতি স্বকীয় মহিমায তাহাকে সংবদ্ধিত ফলপুষ্পে সুশোভিত ও সমৃদ্ধিসম্পন্ন করিয়া ভ্রমণে অবিদ্বন্দ্ব কীর্ত্তি স্থাপন করিয়া গিয়াছেন। ব্যাধি, জরা ও মৃত্যু দ্বাব্য বিপন্ন এই নরলোকে সাম্য ও মৈত্রীভাবে উদ্দীপক উদার উপদেশের মহিমা অশোকের সময়েই এই আর্ষাভূমি হইতে উচ্ছলিত হইয়া দিগ্দিগন্তে পরিব্যাপ্ত হইয়াছে। তাঁহারই অসামান্য ধর্মাত্মরাগ ও অধ্যবসায়ের প্রভাবে বৌদ্ধমত এমিয়া মহাদেশের অধিক অংশে আধিপত্য লাভ করিয়াছিল। দুই সহস্র বর্ষাবধি কালের পরিবর্তনেও উহার বিশেষ কোন হানি করিতে পারে নাই। মহারাজ অশোকেব একমাত্র কণ্ঠা সজ্জামিত্রাও ধর্মোন্মাদে সংসারের অসার স্বখে জলাঞ্জলি দিয়া ভিক্ষুব্রত অবলম্বন করিয়াছিলেন। তিনি রাজোচিত ভোগ-বিলাস বিসর্জন করিয়া যাবজ্জীবন ধর্ম-প্রচারে অতিবাহিত করিয়া গিয়াছেন এবং তদুদ্দেশ্যেই স্বয়ং সিংহলে গমন করিয়া সুদীর্ঘকাল তথায় অবস্থিতি করেন।

ভারতবর্ষের দক্ষিণপ্রান্ত ক্রম-সুক্ষ্ম হইয়া সাগরগর্ভে বিলীন হইয়াছে। ঐ অপ্রশস্ত ভূভাগকে কুমারিকা অন্তরীপ বলে। এই কুমারিকা অন্তরীপটি ভারত-ভূমির নাসিকা-স্বরূপ। সিংহল দ্বীপ আমাদের ভারতমাতার নাসাভরণস্থিত মনোহর মুক্তাফলের গায় শোভা পাইতেছে! কোন কোন চিন্তাশীল ব্যক্তি ইহাকে ভারত-ভূমির মুকুট-

ভ্রষ্ট মুক্তাসার বলিয়া বর্ণনা করিয়াছেন । ফলতঃ সিংহলের আকৃতি অনেকাংশে মুক্তাকলেরই অনুরূপ বটে । আবার এই দ্বীপের সন্নিকটবর্তী সাগরভাগে মণিমুক্তাদি যে সকল মহামূল্য উপাদেয় রত্নরাজি নিহিত রহিয়াছে, তাহাতে ইহাকে ঐশ্বর্যা-নিকেতন বত্বাকরের রত্ন-ভাণ্ডাব বলিলেও অত্যুক্তি হয় না । ইহার উত্তরাংশে প্রসিদ্ধ সেতুবন্ধ-রামেশ্বরের ভগ্নাংশে অद्याপি সূর্য্যবংশের পূৰ্ব্বগৌরব প্রকাশ করিতেছে । সিংহলের দৃশ্যও অতি মনোরম ।

প্রাচীন সংস্কৃত গ্রন্থের বর্ণানুসারে যেখানে তাম্রপর্ণী নদী মাগ্নার উপসাগরের সহিত সঙ্গত হইতেছে, সেই স্থান হইতে অতি উৎকৃষ্ট মুক্তাব উৎপত্তি হয় । ঐ নদী প্রাচীন পাণ্ড্য রাজ্যের উপর দিয়া প্রবাহিত । বর্তমান ত্রিবাঙ্কুর প্রদেশ করমণ্ডল-উপকূলের যেখানে অবস্থিত, প্রাচীন পাণ্ড্য জনপদ সেইখানেই ছিল । ফলতঃ ত্রিবাঙ্কুরের নিকট হইতে সিংহলের উত্তর প্রান্ত পর্য্যন্ত প্রসারিত সমগ্র সাগরভাগ হইতেই মুক্তা-শুক্তি সকল উত্তোলিত হইয়া থাকে । শুক্তি-গর্ভে মুক্তাব উৎপত্তি অতি বিস্ময়কর ব্যাপার । ঐ সকল শুক্তির মদ্যো কতকগুলির গাত্রে এক প্রকার ছিদ্র হয় । কি কারণে যে শুক্তি-গাত্রে ঐরূপ ছিদ্রের উৎপত্তি হয়, তাহা নিঃসংশয়ে বলিতে পাৰা যায় না । কেহ কেহ বলেন, পূৰ্ব্বোক্ত শুক্তি সকলের এক প্রকার রোগ হইতে ঐরূপ ছিদ্রের উৎপত্তি হইয়া থাকে । তৎকালে উল্লিখিত ছিদ্রগুলির পূরণার্থ শুক্তি সকলের গাত্র হইতে স্বভাবতঃ এক প্রকার রস বহির্গত হয় । ঐ রসই কঠিন ভাব ধারণ করিয়া মুক্তাকারে পরিণত হইয়া থাকে । ভারতবর্ষের দক্ষিণাংশ ও সিংহল এই উভয়ের অন্তর্ভুক্ত সাগর-ভাগে অতি উৎকৃষ্ট মুক্তা-গর্ভ শুক্তি সকল প্রাপ্ত হওয়া যায় । প্রাচীন কবিগণ মুক্তাকলাপের সৌন্দর্য্যে মুগ্ধ হইয়া, উহার অশেষ প্রশংসা করিয়া গিয়াছেন ।

শ্রবন্ধ-চন্দ্রিকা ।

মুক্তা-খচিত ভূষণ মনোজ্ঞ শোভা-ও মহতী সমৃদ্ধির লক্ষণ । এতদেশীয় ধনশালী ব্যক্তিগণ যেরূপ অত্যধিক মূল্যে মুক্তা-কলাপের সংগ্রহ করিয়াছেন, তাহা শুনিলে, আশ্চর্য্যান্বিত হইতে হয় । উৎকৃষ্ট-জাতীয় স্তূলতর মুক্তার এক একটি সহস্রাধিক মুদ্রায় বিক্রীত হইয়া থাকে ।

সিংহল-বাসীদিগের সহিত এদেশের বণিক-সম্প্রদায়ের বাণিজ্য-সংস্রবের কথা বহুকাল হইতে শুনিতে পাওয়া যায় । বোধ- হয়, বঙ্গদেশীয় বণিকেরা এ দেশের ক্রয়িজাত ও কারু-রচিত দ্রব্য সকলের বিনিময়ে ঐ সকল মহা হই রত্নের সংগ্রহ করিতেন । ঐশ্বর্যশালী ব্যক্তিগণ আগ্রহের সহিত তাঁহাদের নিকট হইতে ঐ মুক্তা অত্যধিক মূল্যে ক্রয় করিয়া লইতেন । যদিও তৎকালে সমুদ্র-পথে গমনের তাদৃশী সুবিধা ছিল না, তথাচ যথেষ্ট লাভের আশায় এদেশের বাণিজ্য-জীবগণ ঐ দুর্গম সাগর-পথে গমনাগমন করিতেন ।

বঙ্গীয় কবি-কুল-ভূষণ কবিকঙ্কণ মুকুন্দরাম চক্রবর্তী সিংহলপত্নী ধনপতি ও শ্রীমন্ত সওদাগরের বাণিজ্য-যাত্রার বিষয় বিশদরূপে বর্ণনা করিয়া গিয়াছেন । এই উপলক্ষে তিনি অপূর্ব কবিত্বের পরিচয় প্রদান করিয়াছেন । এই পথেই কালীদহে ‘কমলেকামিনী’ বর্ণন-প্রসঙ্গে কবিরের অদ্ভুত কল্পনা-নৈপুণ্যের বিকাশ হইয়াছে । তরঙ্গাকুল সমুদ্রমধ্যে কমলোপরি আসীনা গণেশ-জননী মূর্তি দর্শনে যোড়শী রমণী-কল্পিত মাতঙ্গের গ্রাস ও উদগীরণ কবিকঙ্কণের অপূর্ব কল্পনা ! পিতৃহীন বালক শ্রীমন্তের স্মীলতা, সংসাহস, ধীরতা ও ভগবদ্-ভক্তির বিনয় পাঠ করিলে, সকলেরই অন্তঃকরণ শান্ত-করণরূপে বিগলিত হইয়া যায় ।

এই দ্বীপের সাগর-সন্নিহিত অধিকাংশ প্রদেশ নিম্ন । কিন্তু মধ্যভাগ উন্নত ও পর্বত-মালায় পরিব্যাপ্ত । ঐ সকল পর্বতের মধ্যে কোন কোনটি উচ্চায় সাগর-পৃষ্ঠ হইতে প্রায় তিন মাইল । ঐ সকল পর্বত

হইতে যে কয়েকটি নদী প্রবাহিত হইয়াছে, তাহাদের মধ্যে মহাবলি-
গঙ্গা, বালু-গঙ্গা, বেলবে ও গোয়িদোরা এই কয়টি প্রধান । ঐগুলি দ্বারা
অধিবাসিগণের কৃষি-বাণিজ্যের বিলক্ষণ সুবিধা হইয়াছে । বর্ষাকালে
ঐ সকল স্রোতস্বতীর জল বদ্ধিত হইয়া, উভয় কূলের বহুদূর পর্য্যন্ত
প্রাবিত করিয়া থাকে ; তাহা দ্বারা সেই সকল ভূভাগের শস্যোৎ-
পাদিকা শক্তি পরিবদ্ধিত হয় । ঐ প্রাবনময়ী ভূমিতে দারুচিনি,
মরিচ, শুগী, গুবাক, ইক্ষু, আবলুসকাষ্ঠ প্রভৃতি বিবিধ পণ্যদ্রব্য পূর্ণাঙ্গ
পরিমাণে উৎপন্ন হয় । উপকূল-ভাগে যথেষ্ট নারিকেল বৃক্ষ তীরভূমির
শোভা সম্পাদন করিতেছে ।

সিংহল দ্বীপে যে সকল পর্বত আছে, সেইগুলির মধ্যে সমুদ্র-তট-
স্থিত 'আদম শিখর'-নামক এক গিরিশৃঙ্গ সমধিক প্রসিদ্ধ । ইহার
উপরিভাগে একটি পদচিহ্ন দৃষ্ট হয় । উহা পাদোদন চতুর্ভুজ বিস্তৃত ।
সিংহলের অধিবাসীরা সকলেই এই পদাঙ্কটির প্রতি গৌরব প্রকাশ
করিয়া থাকেন । তত্রত্য মুসলমান অধিবাসীরা বলেন, তাহাদিগের
ধর্মশাস্ত্রোক্ত আদিপুরুষ আদম এই স্থানে এক পদে দণ্ডায়মান হইয়া,
বহুকাল তপস্যা করিয়াছিলেন । এই নিমিত্ত ঐ সময়ে প্রস্তরোপরি
তাঁহার পদচিহ্ন অঙ্কিত হইয়াছে । বৌদ্ধমতাবলম্বীরা বলেন, বুদ্ধদেব
সিংহলে আগমন সময়ে প্রথমে ঐ স্থানে উপনীত হন এবং পদচিহ্ন দ্বারা
ঐ স্থানকে পবিত্র করিয়া গিয়াছেন । আবার এখানকার হিন্দু অধি-
বাসী ও মলয়বর-প্রদেশীয়েরা মনে করেন, উহা ত্রিলোকীনাথ মহেশ্বরের
পদাঙ্ক । যাহা হউক, গিরি-শৃঙ্গে অঙ্কিত এই চিহ্ন, উল্লিখিত হিন্দু,
বৌদ্ধ ও মুসলমান সকলেরই শ্রদ্ধেয় হওয়াতে আদম-শিখরে বহু-সংখ্যক
যাত্রীর সমাগম হইয়া থাকে এবং এই উপলক্ষে এখানে নানাবিধ দ্রব্যের
ক্রয়-বিক্রয় হয় ।

প্রবন্ধ-চন্দ্রিকা ।

সিংহলের পশ্চিমভাগে প্রসিদ্ধ কলম্বো বন্দর ; ইহা এই দ্বীপের রাজধানী। এখানে কাফি, নারিকেল তৈল ও দারুচিনির বাণিজ্য হইয়া থাকে। দক্ষিণাংশে গল-নামক প্রসিদ্ধ পোতাশ্রয়। কলিকাতা, মান্দ্রাজ, চীন, জাপান, অস্ট্রেলিয়া প্রভৃতি স্থানহইতে যে সকল সামুদ্রিক পোত ভারতমহাসাগরের উপর দিয়া আফ্রিকা, ইউরোপ ও আমেরিকার অভিমুখে গমন করে, তাহারা এখান হইতে আবশ্যিক দ্রব্যাদি গ্রহণ করে। পূর্বাংশে ত্রিনকমলী (ত্রিকুলামলী) নগর ; এই নগরের সাগর-তটবর্তী অংশ অতি সুদৃশ্য। মধ্যভাগে অনুরাধা নগরীতে সিংহলের প্রাচীন কীর্তি-গৌরবের অনেক ভগ্নাবশেষ অद्याপি দৃষ্ট হয়। কান্দী পূর্বতন নরপতিগণের শেষ রাজধানী ছিল।

কুমারিকা অন্তরীপ হইতে সিংহলের উত্তরদিগ্বর্তী সাগরভাগ অগভীর ও তরঙ্গাকুল। এই নিমিত্ত ঐ সাগরাংশের উপর দিয়া সামুদ্রিক পোত সকলের গমনাগমনের সুবিধা হয় না।

সিংহলদ্বীপ ভারতবর্ষের যেরূপ নিকটবর্তী, তাহাতে ভারতবর্ষীয়-দিগের ভাষার সহিত এখানকার অধিবাসিগণের ভাষার সাদৃশ্য সহজেই প্রতীত হইয়া থাকে। সিংহলবাসীদিগের প্রাচীন ভাষার নাম পালি। পালিভাষা সংস্কৃতেরই রূপান্তর মাত্র। এক্ষণে সিংহলের অধিবাসীরা যে ভাষায় কথাবার্তা করে, তাহা পালির অপভ্রংশ-জাত এবং তৈলঙ্গ ও পাদসিক ভাষার সহিত মিশ্রিত।

এই দ্বীপের অধিবাসীরা বহুকাল হইতে স্বদেশীয় পুরাতত্ত্বের অধ্যয়নে বহুশীল। মহাবংশ, রাজাবলী, রাজরত্নাবলী প্রভৃতি অনেকগুলি গ্রন্থে প্রাচীন রাজবংশের বৃত্তান্ত সুস্পষ্টভাবে লিপিত আছে। ঐ সকল গ্রন্থে সূর্য্য-বংশাবতঃন্য রামচন্দ্রের লক্ষ্য-বিজয়ের কথাও বর্ণিত আছে। তাহাতে অবগত হওয়া যায়, প্রসিদ্ধ

শকাদিত্যের জন্মগ্রহণের দুই হাজার চাৰিশত চুয়াল্লিশ বৎসর পূর্বে
 রাঘবেন্দ্র রাম কিক্কিয়া-বাসী সৈন্তগণের সহিত লঙ্কায় আগমন করিয়া,
 লঙ্কাধিপতি দশাননকে পরাজিত ও নিহত করেন। কিন্তু ঐ কাল-
 পরিমাণ প্রকৃত কি না, তাহা নিঃসংশয়ে নিরূপণ করা দুষ্কর।
 প্রাচীনকালে বর্ষ-নিরূপণের সহিত ইতিবৃত্ত সংগ্রহের প্রথা এদেশে
 প্রচলিত ছিল না। অনেকে বলেন, শকাদিত্যের জন্মের অন্ততঃ তিন
 হাজার ছয় শত বৎসর পূর্বে রামচন্দ্র প্রাদুর্ভূত হইয়াছিলেন। যাহা
 হউক, পৌৰাণিক যুগের কাল-নিরূপণ যে আনুমানিক প্রমাণের
 উপর নিভর করে, তাহা বলা বাহুল্যমাত্র। ঐ সকল গ্রন্থে লিখিত
 আছে যে, শাক্য-সিংহ বুদ্ধদেব শকাকারন্তের ছয় শত দুই বৎসর
 পূর্বে স্বয়ং সিংহলে গমন করিয়া স্বীয় মত প্রচারিত করেন। ইহার
 তিন বৎসর পরে তিনি পুনর্বার সিংহলে গমন করিয়াছিলেন।
 পূর্বেকৃত ইতিবৃত্ত পাঠে আমরা বঙ্গদেশের সহিত সিংহলের রাজবংশের
 সংস্রবের পরিচয়ও পাইয়া থাকি।

মহাত্মা বুদ্ধদেবের দেহত্যাগ সময়ে বঙ্গদেশে সিংহবাহু নামে এক
 পরাক্রান্ত নরপতি ছিলেন। তাঁহার দুই পুত্র; জ্যেষ্ঠের নাম বিজয়,
 কনিষ্ঠের নাম সুমিত্র। বিজয় অতিশয় উদ্ধত ও প্রজা-পীড়ক ছিলেন;
 দুদ্দান্ত সমবয়স্কগণের সহিত মিলিত হইয়া, প্রজাদিগের উপর সর্বদা
 বিষম অত্যাচার করিতেন। প্রজাগণ ঐ দুর্বাচার রাজপুত্রের দৌৰাত্ম্য
 নিতান্ত বিব্রত হইয়া উঠে। ইহাতে নরপতি সিংহবাহু অগত্যা
 প্রজাপীড়ক পুত্রকে দেশ হইতে নির্বাসিত করিয়া প্রজাগণের সান্ত্বনা
 করেন। দুৰাত্ম্য বিজয় আত্ম-সদৃশ দুর্দম সাত শত সমবয়স্কের সহিত
 পোতাভোগে সাগরপথে গমন করিয়া, অবশেষে সিংহলে উপস্থিত
 হইলেন। বাঙ্গালা দেশের অধিবাসিগণ প্রাচীনকালে যে সমুদ্রপথে

প্রবন্ধ-চন্দ্রিকা

গমনাগমন করিতেন, ইহা দ্বারা জাহা ও স্পষ্টরূপে বুঝিতে পারা যায় :
কবিকুল-ভূষণ কালিদাসও রঘুরাজের দিগ্বিজয়-বর্ণন-প্রসঙ্গে বঙ্গবাসি-
গণকে নৌ-সাধন-সম্পন্ন বলিয়া বর্ণন করিয়াছেন ।

যাহা হউক, বিজয়সিংহ সিংহলে গমন করিয়া, কুবানী-নামিকা এক
রাজকুমারীর পাণিগ্রহণ করেন এবং কিয়ৎকাল শান্তশিষ্টের গায় তথায়
কালযাপন করেন । কিন্তু যাহার প্রকৃতি দূষিত, সে কত কাল শিষ্টভাবে
থাকিতে পারে ? কিছুকাল পরে বিজয়সিংহ রাজকুমারী কুবানীর
নিকট রাজ্যালাভের অভিপ্রায় প্রকাশ করিলেন । সহধর্মিণীও তাঁহার
সহকারিণী হইলেন । এমন সময়ে রাজপরিবারের মধ্যে এক বিবাহ-
সমারোহ উপস্থিত হইল । এই উপলক্ষে সিংহলের সমস্ত প্রধান ব্যক্তি
সমবেত হইয়াছিলেন । বিজয়সিংহও সহচরগণের সহিত সেই স্থানে
উপস্থিত হইলেন এবং ইহাই আপনার অভীষ্টসাধনের উত্তম সুযোগ
বুঝিয়া, ঐ রাত্রিতে দুর্কৃত্ত সহচরগণের সাহায্যে নরপতি ও মুখ্য
ব্যক্তিদিগের প্রাণসংহার-পূর্বক রাজপদ গ্রহণ করিলেন !

দুর্কৃত্ত বিজয়সিংহ এইরূপ গর্হিত উপায়ে সিংহলের আধিপত্য
লাভ করিয়া, ৩৮ বৎসর অপ্রতিহত-প্রভাবে রাজ্যস্থ ভোগ করেন ।
ইহার পর তিনি অপুলক দশায় পঞ্চ প্রাপ্ত হন । মৃত্যুর বয়েকমাস
পূর্বে পিতার নিকটে এই বলিয়া দত্ত প্রেরণ করেন যে, ‘আপনার
কনিষ্ঠ পুত্রকে ঐশ্বর্যপূর্ণ এই সিংহলের রাজ্যপদ-গ্রহণার্থ প্রেরণ
করিবেন ।’ কিন্তু যে সময়ে বঙ্গদেশে এই সংবাদ প্রেবিত হয়,
তখন বঙ্গাধিপতি সিংহবাহু দেহত্যাগ করিয়াছিলেন । স্তমিত্র
শস্য-শ্যামলা বঙ্গভূমির আধিপত্য পরিত্যাগ করিয়া, সাগর-বেষ্টিতা
লঙ্কায় গমন করিতে সম্মত হইলেন না । তিনি আপনার কনিষ্ঠ
পুত্র পাণ্ডুবাসকে সিংহলে প্রেরণ করিলেন । পাণ্ডুবাস সিংহলে

উপনীত হইবার এক বৎসর পূর্বে .বিজয়ের মৃত্যু হইয়াছিল । ঐ সময়ে উপতিশ্র-নামা সুবিজ্ঞ মন্ত্রী স্বহস্তে রাজ্যভার গ্রহণ করিয়া, রাজ্যকার্য্য নির্বাহ করিতেছিলেন । পাণ্ডুবাসের আগমনে তিনি রাজ্যপদ পরিত্যাগ করিয়া পুনরায় সচিবপদে প্রতিষ্ঠিত হইলেন । পাণ্ডুবাস রাজ্যসিংহাসনে আরোহণ করিলে, প্রজাগণ সৌরাজ্য সুখে কালাতিপাত কবে । এই সময় হইতে দুই হাজার তিন শত চব্বিশ বৎসর পাণ্ডুবাস এবং তাঁহার ছয় জন শ্যালকের উত্তরাধিকারিগণ লঙ্কায় রাজত্ব করেন । মধ্যে মধ্যে কয়েকবার মলয়বর-প্রদেশীয় পরাক্রান্ত নরপতিগণ এই দ্বীপ আক্রমণ ও অধিকার করিয়াছিলেন । কিন্তু তাঁহাদের অধিকার কখন অধিক দিন স্থায়ী হয় নাই । তাহার পর এই দ্বীপ ইংরাজ-জাতির অধিকারভুক্ত হইয়া, বর্তমানে সুখ-শান্তি-সম্পন্ন হইয়াছে ।

(শ্রীরামদয়াল চট্টোপাধ্যায়)

धम्मपदम् * ।

जगते ये कयेकटि श्रेष्ठ ग्रह आछे, “धम्मपद” तन्मध्ये एकटि ।
बौद्धदेर मते एहि धम्मपदग्रन्थेर समस्त कथा स्वयं बुद्धदेवेर उक्ति एवं
ए गुलि ताहार मृत्युअर अनतिकाल पवेहि ग्रन्थाकावे आवद्ध हईयाछिन ।

एहि ग्रन्थे ये सकल उपदेश आछे, तंसमस्तुहि बुद्धेर निजेर
रचना कि ना, ताहा निःसंशये बला कठिन ; अस्तुतः ए कथा स्वीकार
करिंते हईवे, एहि सकल नीतिवाक्य भारतवर्षे बुद्धेर समये एवं
ताहार पूर्वकाल हईते प्रचलित हईया आसितेछे । इहार मध्ये
अनेकगुलि श्लोकेर अनुरूप श्लोक महाभारत, पञ्चतन्त्र, मनुसंहिता
प्रभृति ग्रन्थे देखिते पाओया याय, ताहा पण्डित सतीशचन्द्र विद्याभूषण
महाशय एहि बाङ्गाला अनुवादग्रन्थेर भूमिकाय देखाईयाछेन । एहि
सकल भावेर धारा भारतवर्षे अनेकदिन हईते प्रवाहित हईया
आसितेछे । आमादेर देश एमनि करियाई चिन्ता करिया आसिराछे ।
बुद्ध एहिगुलिके चतुर्दिक् हईते सहजे आकर्षण करिया, आपनार करिया,
सुसम्बद्ध करिया इहादिगके चिरस्तनरूपे स्थायिद्व दिया गियाछेन,- याहा
बिम्बिषु छिन, ताहाके एकामूत्रे गांथिया मानवेव व्याहारयोग्य करिया
गियाछेन । अतएव भगवद्गीताय भारतवर्ष येमन आपनाके प्रकाश
करियाछे, गीतार उपदेष्टा भारतेव चिन्ताके येमन एकस्थाने एकटि
संहतमूर्ति दान करियाछेन, धम्मपदेओ भारतवर्षेर चित्तेर एकटि परिचय
तेमनि ब्यक्त हईयाछे । एहिजन्तुहि कि धम्मपदे, कि गीताय, एमन अनेक

* धम्मपदम्—अर्थात् धम्मपदम्-नामक पालिगच्छेव मूल. अग्रय, संस्कृत बाख्या ओ
अनुवाद । श्रीचाकचन्द्र वसू कर्तृक सम्पादित. प्रणीत ओ प्रकाशित ।

কথাই আছে, ভারতের অন্যান্য নানাগ্রন্থে বাহার প্রতিক্রম দেখিতে পাওয়া যায় ।

ধর্মগ্রন্থকে বাহার বা ধর্মগ্রন্থরূপে ব্যবহার করেন, তাঁহারা যে ফললাভ করিবেন, এখানে তাহার আলোচনা করিতেছি না । এখানে আমরা ইতিহাসের দিক হইতে বিষয়টাকে দেখিতেছি—সেইজন্য ধর্মপদ গ্রন্থটিকে বিশ্বজনীনভাবে না লইয়া, আমরা তাহার সহিত ভারতবর্ষের সংস্রবের কথাটাই বিশেষ করিয়া বলিতেছি ।

সকল মানুষের জীবনচরিত যেমন, তেমনি সকল দেশের ইতিহাস একভাবের হইতেই পারে না, একথা আমরা পূর্বে *বলিয়াছি । এইজন্য, যখন আমরা বলি যে, ভারতবর্ষে ইতিহাসের উপকরণ মিলে না, তখন এই কথা বুঝিতে হইবে যে, ভারতবর্ষে ইউরোপীয় ছাঁদের ইতিহাসের উপকরণ পাওয়া যায় না অর্থাৎ ভারতবর্ষের ইতিহাস রাষ্ট্রীয় ইতিহাস নহে । ভারতবর্ষে এক বা একাধিক জাতি কোনও দিন সকলে মিলিয়া বাহ্যের চাক বাধিয়া তুলিতে পারে নাই । সুতরাং এদেশে কে কবে রাজা হইল, কতদিন রাজত্ব করিল, তাহা লিপিবদ্ধভাবে রক্ষা করিতে দেশের মনে কোন আগ্রহ জন্মে নাই ।

ভারতবর্ষের মন যদি রাষ্ট্রগঠনে লিপ্ত থাকিত, তাহা হইলে, ইতিহাসের বেশ মোটা-মোটা উপকরণ পাওয়া যাইত এবং ইতিহাসিকের কাজ অনেকটা সহজ হইত । কিন্তু তাই বলিয়া ভারতবর্ষের মন যে নিছক অতীত ও ভবিষ্যৎকে কোন ঐক্যসূত্রে গ্রথিত করে নাই, তাহা স্বীকার করিতে পারি না । সে সূত্র সূক্ষ্ম, কিন্তু তাহার প্রভাব সামান্য নহে ;—তাহা স্থূলভাবে গোচর নহে, কিন্তু তাহা আজ পর্যন্ত আমাদের বিচ্ছিন্ন বিক্ষিপ্ত হইতে দেয় নাই । সর্বত্র যে বৈচিত্র্যহীন

* বাসায়গেল আলোচনায় ।

প্রবন্ধ-চন্দ্রিকা ।

সাম্য স্থাপন করিয়াছে, তাহা নহে; কিন্তু সমস্ত বৈচিত্র্য ও বৈষম্যের ভিতরে ভিতরে একটি মূলগত অপ্রত্যক্ষ যোগসূত্র রাখিয়া দিয়াছে । সেইজন্য মহাভারতে বর্ণিত ভারত এবং বর্তমান শতাব্দীর ভারত নানা বড় বড় বিষয়ে বিভিন্ন হইলেও উভয়ের মধ্যে নাড়ীর যোগ বিচ্ছিন্ন হয় নাই ।

সেই যোগই ভারতবর্ষের পক্ষে সর্বাপেক্ষা সত্য এবং সেই যোগের ইতিহাসই ভারতবর্ষের যথার্থ ইতিহাস । সেই যোগটি কি লইয়া ? পূর্বেই বলিয়াছি, রাষ্ট্রীয় স্বার্থ লইয়া নহে । এক কথায় বলিতে গেলে বলিতে হইবে, ধর্ম লইয়া ।

কিন্তু ধর্ম কি, তাহা লইয়া তর্কের সীমা নাই—এবং ভারতবর্ষে ধর্মের বাহ্য রূপ যে নানা পরিবর্তনের মধ্য দিয়া আসিয়াছে, তাহাতেও সন্দেহ নাই ।

তাহা হইলেও এটা বোঝা উচিত, পরিবর্তন বলিতে বিচ্ছেদ বুঝায় না । শৈশব হইতে যৌবনের পরিবর্তন বিচ্ছিন্নতার ভিতর দিয়া ঘটে না । ইউরোপীয় ইতিহাসেও রাষ্ট্রীয় প্রকৃতির বহুতর পরিবর্তন ঘটিয়াছে । সেই পরিবর্তনের ভিতর দিয়া পরিণতির ভাব দেখাইয়া দেওয়াই ইতিহাসবিদের কাজ ।

ইউরোপীয়গণ নানা চেষ্টা ও নানা পরিবর্তনের ভিতর দিয়া মুখ্যতঃ রাষ্ট্র গড়িতে চেষ্টা করিয়াছে । ভারতবর্ষের লোক নানা চেষ্টা ও পরিবর্তনের মধ্য দিয়া ধর্মকে সমাজের মধ্যে আকার দিতে চেষ্টা করিয়াছে । এই একমাত্র চেষ্টাতেই প্রাচীন ভারতের সহিত আধুনিক ভারতের ঐক্য ।

ইউরোপে ধর্মের চেষ্টা আংশিকভাবে কাজ করিয়াছে, রাষ্ট্রচেষ্টা সর্বোচ্চ ভাবে করিয়াছে । ধর্ম সেখানে স্বতন্ত্রভাবে উদ্ভূত হইলেও

রাষ্ট্রের অঙ্গ হইয়া পড়িয়াছে, যেখানে দৈবক্রমে তাহা হয় নাই, সেখানে রাষ্ট্রের সঙ্গে ধর্মের চিরস্থায়ী বিরোধ রহিয়া গিয়াছে ।

আমাদের দেশে মোগলশাসনকালে শিবজীকে আশ্রয় করিয়া যখন রাষ্ট্রচেষ্টা মাথা তুলিয়াছিল, তখন সে চেষ্টা ধর্মকে লক্ষ্য করিতে ভুলে নাই । শিবজীর ধর্মগুরু রামদাস এই চেষ্টার প্রধান অবলম্বন ছিলেন । অতএব দেখা যাইতেছে, রাষ্ট্রচেষ্টা ভারতবর্ষে আপনাকে ধর্মের অঙ্গীভূত করিয়াছিল ।

মানুষ মুখ্যভাবে কোন ফলের প্রতি লক্ষ্য করিয়া কর্ম করে, তাহাই তাহার প্রকৃতির পরিচয় দেয় । লাভ করিব, এ লক্ষ্য করিয়াও টাকা করা যায়,—কল্যাণ করিব, এ লক্ষ্য করিয়াও টাকা করা যায় । যে ব্যক্তি কল্যাণকে মানে, টাকা করিবার পথে তাহার অনেক অপ্রাসঙ্গিক বাধা আসে, সেগুলিকে সাবধানে কাটাওয়া তবে তাহাকে অগ্রসর হইতে হয়—যে ব্যক্তি লোভকেই মানে, তাহার পক্ষে ঐ সকল বাধার অস্তিত্ব নাই ।

এখন কথা এই, কল্যাণকে কেন মানিব ? অন্ততঃ ভারতবর্ষ লাভের চেয়ে কল্যাণকে, প্রেয়ের চেয়ে শ্রেয়কে কি বুঝিয়া মানিয়াছে, তাহা ভাবিয়া দেখিতে হইবে ।

ভারতবর্ষে আশ্চর্যের বিষয় এই দেখা যায় যে, এখানে ভিন্ন ভিন্ন সম্প্রদায় এই সম্বন্ধকে ভিন্ন ভিন্নরূপে নির্ণয় করিয়াছে, কিন্তু ব্যবহারে এক জায়গায় আসিয়া গিলিয়াছে । ভিন্ন ভিন্ন স্বতন্ত্র দিক হইতে ভারতবর্ষ একই কথা বলিয়াছে ।

এক সম্প্রদায় বলিয়াছেন, আত্ম-অনাওয়ার মধ্যে কোন সত্য প্রভেদ নাই । যে প্রভেদ প্রতীয়মান হইতেছে, তাহার মূলে অবিজ্ঞা ।

কিন্তু এক ছাড়া যদি দুই না থাকে, তবে ত ভালমন্দের কোনও

প্রবন্ধ-চন্দ্রিকা ।

স্থান থাকে না । কিন্তু এত সহজে নিষ্কৃতি নাই । যে অজ্ঞানে এককে দুই করিয়া তুলিয়াছে, তাহাকে বিনাশ করিতে হইবে, নতুবা মায়ার চক্রে পড়িয়া দুঃখের অন্ত থাকিবে না । এই লক্ষ্যেব প্রতি দৃষ্টি রাখিয়া কৰ্মের ভালমন্দ স্থির করিতে হইবে ।

আর এক সম্প্রদায় বলেন, এই যে সংসার আবর্তিত হইতেছে, আমরা বাসনার দ্বারা ইহার সহিত আবদ্ধ হইয়া ঘুরিতেছি ও 'দুঃখ পাইতেছি—এক কৰ্মের দ্বারা আর এক বর্ষ এবং এইরূপে অনন্তহীন কৰ্মশৃঙ্খল রচনা করিয়া চলিতেছি—এই কৰ্মপাশ ছেদন করিয়া মুক্ত হওয়াই মানুষের একমাত্র শ্রেয়ঃ ।

কিন্তু তবে ত সকল কৰ্ম বন্ধ করিতে হয় । তাহা নহে, এত সহজে নিষ্কৃতি নাই । কৰ্মকে এমন করিয়া নিয়মিত করিতে হয়, যাহাতে কৰ্মের দুঃশ্চয় বন্ধন ক্রমশঃ শিথিল হইয়া আসে । এই দিকে লক্ষ্য রাখিয়া কোন্ কৰ্ম শুভ, কোন্ কৰ্ম অশুভ, তাহা স্থির কবিত্তে হইবে ।

অন্য সম্প্রদায় বলেন, জগৎসংসার ভগবানের লীলা । এই লীলার মূলে তাঁহার প্রেম—তাঁহার আনন্দ অনুভব করিতে পারিলেই আমাদের সার্থকতা ।

এই সার্থকতার উপায়ও পূর্কোক্ত দুই সম্প্রদায়ের উপায় হইতে বস্তুতঃ ভিন্ন নহে । নিজের বাসনাকে খর্ব করিতে না পারিলে, ভগবানের ইচ্ছাকে অনুভব করিতে পারা যায় না । ভগবানের ইচ্ছার মধ্যে নিজের ইচ্ছাকে মুক্তিদানই মুক্তি । সেই মুক্তির প্রতি লক্ষ্য করিয়াই কৰ্মের শুভাশুভ স্থির করিতে হইবে ।

যাঁহারা অদ্বৈতানন্দকে লক্ষ্য করিয়াছেন, তাঁহারাও বাসনা-মোহকে ছেদন করিতে উত্তম ; যাঁহারা কৰ্মের অনন্তশৃঙ্খল হইতে মুক্তিপ্রার্থী,

ঠাহারাও বাসনাকে উৎপাটিত করিতে চান , ভগবানের প্রেমে ঠাহারা নিজেকে সম্মিলিত করাই শ্রেয়ঃ জ্ঞান করেন, ঠাহারাও বিষয়বাসনাকে তুচ্ছ করিবার কথা বলিয়াছেন ।

যদি এই সকল ভিন্ন ভিন্ন সম্প্রদায়ের উপদেশগুলি কেবল আমাদের জ্ঞানের বিষয় হইত, তাহা হইলে, আমাদের পরম্পরের মধ্যে পার্থক্যের সীমা থাকিত না । কিন্তু এই ভিন্ন সম্প্রদায়গণ ঠাহাদের ভিন্ন ভিন্ন তত্ত্বকে কাজে লাগাইবার চেষ্টা করিয়াছেন । সে তত্ত্ব যতই সূক্ষ্ম বা যতই সূত্র হউক, সে তত্ত্বকে কাজের মধ্যে অনুসরণ করিতে হইলে যতদূর পর্য্যন্তই যাওয়া যাক, আমাদের গুরুগণ নির্ভীকচিত্তে সমস্ত স্বীকার করিয়া, সেই তত্ত্বকে কর্মের দ্বারা সফল করিতে চেষ্টা করিয়াছেন । ভারতবর্ষ কোন বড় কথাকে অসাধ্য বা সংসারযাত্রার সহিত অসঙ্গত বোধে কোন দিন ভীকৃতাবশতঃ কথার কথা করিয়া রাখেন নাই । এইজন্য এক সময়ে যে ভারতবর্ষ মাংসাশী ছিল, সেই ভারতবর্ষ আজ প্রায় সর্বত্রই নিরামিষাশী হইয়া উঠিয়াছে । জগতে একরূপ দৃষ্টান্ত অন্য কোথাও পাওয়া যায় না । যে ইউরোপ জাতিগত সমুদয় পরিবর্তনের মূলে স্ত্রবিধাকেই লক্ষ্য করেন, ঠাহারা বলিতে পারেন যে, কৃষির ব্যাপ্তি-সহকারে ভারতবর্ষে আর্থিক কারণে গোমাংস রহিত হইয়াছে । কিন্তু মনু প্রভৃতি শাস্ত্রের বিধানসত্ত্বেও অন্য সকল মাংসাহারও—এমন কি, মৎস্যভোজনও ভারতবর্ষের অনেক স্থান হইতেই লোপ পাইয়াছে । কোন প্রাণীকে হিংসা করিবে না, এই উপদেশ জৈনদের মধ্যে এমন করিয়া পালিত হইতেছে যে, তাহা নিতান্ত বাড়াবাড়ি না মনে করিয়া থাকিবার উপায় নাই ।

যাহাই হউক, তত্ত্বজ্ঞান যতদূর পৌঁছিয়াছে, ভারতবর্ষ কর্মকেও ততদূর পর্য্যন্ত টানিয়া লইয়া গিয়াছে । ভারতবর্ষ তত্ত্বের সহিত কর্মের

প্রবন্ধ-চন্দ্রিকা ।

ভেদ সাধন করে নাই । এজন্য আমাদের দেশে কর্মই ধর্ম । আমরা বলি, মানুষের কর্মমাজেরই চরম লক্ষ্য কর্ম হইতে মুক্তি—এবং মুক্তির উদ্দেশ্যে কর্ম করাই ধর্ম ।

পূর্বেই বলিয়াছি, তত্ত্বের মধ্যে আমাদের যতই পার্থক্য থাক, কক্ষে আমাদের ঐক্য আছে । অদ্বৈতানুভূতির মধ্যেই মুক্তি বল, আর বিগত-সংসার নির্কারণের মধ্যেই মুক্তি বল, আর ভগবানের অপরিমেয় প্রেমানন্দের মধ্যেই মুক্তি বল—প্রকৃতি-ভেদে যে মুক্তির আদর্শ, উহা যাহাকেই আকর্ষণ করুক না কেন, সেই মুক্তিপথে যাইবার উপায়গুলির মধ্যে একটি ঐক্য আছে । সে ঐক্য আর কিছু নয়, সমস্ত কর্মকেই নিবৃত্তির অভিমুখ করা । সোপান যেমন সোপানকে অতিক্রম করিবার উপায়, ভারতবর্ষে কর্ম তেমনি কর্মকে অতিক্রম করিবার উপায় । আমাদের সমস্ত শাস্ত্রে—পুরাণে এই উপদেশই দিয়াছে এবং আমাদের সমাজ এই ভাবের উপরেই প্রতিষ্ঠিত ।

ইউরোপ কর্মকে কর্ম হইতে মুক্তির সোপান করে নাই—কর্মকে লক্ষ্য করিয়াছে । এই জন্য ইউরোপে কর্মসংগ্রামের অন্ত নাই—সেখানে কর্ম ক্রমশঃই বিচিত্র ও বিপুল হইয়া উঠিতেছে, কৃতকার্য হওয়া সেখানে সকলেরই উদ্দেশ্য । ইউরোপের ইতিহাস কর্মেরই ইতিহাস ।

ইউরোপ কর্মকে বড় করিয়া দেখিয়াছে বলিয়া কর্মকরা সপক্ষে স্বাধীনতা চাহিয়াছে । আমরা যাহা ইচ্ছা তাহা করিব—সেই স্বাধীন ইচ্ছা, যেখানে অন্যের কর্ম করিবার স্বাধীনতাকে হ্রাস করে, কেবল সেইখানেই আইনের প্রয়োজন । এই আইনের শাসনব্যতিরেকে সমাজের প্রত্যেকের যথাসম্ভব স্বাধীনতা থাকিতেই পারে না । এইজন্য ইউরোপীয় সমাজে সমস্ত শাসন ও শাসনের অভাব প্রত্যেক মানুষের ইচ্ছাকে স্বাধীন করিবার জন্যই কল্পিত ।

ভারতবর্ষও স্বাধীনতা চাহিয়াছে, কিন্তু সে স্বাধীনতা একেবারে কক্ষ হইতে স্বাধীনতা । আমরা জানি, আমরা যাহাকে সংসার বলি, সেখানে কক্ষই বস্তুব কর্তা, মানুষ তাহার বাহন-মাত্র । জন্ম হইতে মৃত্যু পর্যন্ত আমরা এক বাসনার পরে আর এক বাসনাকে, এক কক্ষ হইতে আর এক কক্ষকে বহন করিয়া গলি—তাহার পরে সেই কক্ষের ভার অস্ত্রের উপর চাপাইয়া দিয়া হঠাৎ মৃত্যুর মধো সরিয়া পড়ি । এই যে বাসনার তাড়নায় চিরজীবন অন্তবিহীন কক্ষ করিয়া যাওয়া, ইহারই অবিরাম দাসত্ব ভারতবর্ষ উচ্ছেদ করিতে চাহিয়াছে ।

এই লক্ষ্যের পার্থক্য থাকাতাই ইউরোপ বাসনাকে যথাসম্ভব স্বাধীনতা দিয়াছে এবং আমরা বাসনাকে যথাসম্ভব খর্ব করিয়াছি । বাসনা যে কোনও দিনই শান্তিতে লইয়া যায় না,—পরিণামহীন কক্ষচেষ্টাকে জাগরিত করিয়া রাখে, ইহাকেই আমরা বাসনার দৌরাভ্যা বলিয়া অসহিষ্ণু হইয়া উঠি । ইউরোপ বলে, বাসনা যে কোনও পরিণামে লইয়া নাউক না, তাহা নিয়তই যে আমাদের প্রয়াসকে উদ্ভিক্ত করিয়া রাখে, ইহাই তাহার গৌরব ।

আমাদের গৃহধর্ম, আমাদের সন্ন্যাসধর্ম, আমাদের আহাৰবিহারের সমস্ত নিয়ম-সংঘম, আমাদের বৈরাগী ভিক্ষকের গান হইতে তত্ত্ব-জ্ঞানীদের শাস্ত্রব্যাখ্যা পর্যন্ত সর্বত্রই এই ভাবের আধিপত্য । চাষা হইতে পণ্ডিত পর্যন্ত সকলেই বলিতেছে—আমরা বুদ্ধিপূর্বক নৃত্তির পথ গ্রহণ করিবার জন্ত,—সংসারের অন্তহীন আবর্তের আকর্ষণ হইতে বহির্গত হইয়া পড়িবার জন্ত দুর্লভ মানবজন্ম লাভ করিয়াছি ।

(শ্রীরবীন্দ্রনাথ ঠাকুর)

ଶବ୍ଦ-ଚନ୍ଦ୍ରିକା ।

ପଞ୍ଚାଂଶ

ଦ୍ଵିତୀୟ ।

ଜଗଦୀଶ ।

ଏ ଭବ-ଭବନ ନାମେ

ଯେ ଦିକେ ଯଥନ ଚାହିଁ,

ତୋମାର କରୁଣାରାଶି

କେବଳି ଦେଖିତେ ପାଠି । ୧

ତୋମାର ଆଦେଶେ ରବି

ଉଜ୍ଜ୍ଵଳ କିରଣମୟ,

ତୋମାର ଆଦେଶେ ବାସୁ

ଭୁବନ ଭରିଯା ବସ । ୨

ତାଦେବ ନନ୍ଦର ଆଲୋ

ଯଥନ ଜଗତେ ଭାସେ,

ତୋମାର କରୁଣା ହାସ

ଉଛନ୍ତି ଉଛନ୍ତି ହାସେ । ୩

ଆମାର ଗଗନେ ଯବେ

କୋଟି ତାରା ଦେଖ ଦେଖା,

ତୋମାର ମହିମା ଯେନ

ଜ୍ଞାନର ଅକ୍ଷରେ ଲେଖା । ୪

প্রবন্ধ-চন্দ্রিকা

বিহগে ললিত গীত

শিখায়েছ ভালবাসি,

ঢেলেছ ফলেন দলে

স্বরগের শোভা রাশি । ৫

ভূধর, সাগর, মেঘ,

বসন্ত, বরিসা-পার।

বিচিত্র কৌশল তব

মরণে জাগায় তাবা । ৬

নগরের কোলাহল

বিজনের নীরবতা,

না স্মৃতিতে বলে সদা

তোমারি স্নেহেব কথা । ৭

কত যে বাসিছ ভাল

কিছু না জানিতে পাঠি,

যখন যা প্রয়োজন

তখনি দিতেছ তাই । ৮

প্রাঙ্গণে ভবেন খেলা

কোল পেতে দিবে স্থানি,

দেখে ও দেখিনে, তব

নাহি ভাব কুমলান । ৯

নাহি চাপ্ত প্রতিদান

নাহি রাখ কোন আশা,

নাহনে বাসিছ ভাল

এত বটে ভালবাসা । ১০

কি আর চাহিব নাথ,

তোমার চরণ তলে,

তুমি যাব সে আবার

কি চাহিবে ভূমণ্ডলে ? ১১

এইমাত্র মাগি ভিক্ষা

যে ভাবে যখন থাকি,

তুমিই আমার, তাই

সদা যেন মনে রাখি । ১২

যতটুকু, যত বিন্দু,

যা হয় এ ক্ষমতায়,

সাদিয়া তোমারি কাছ

যেন এ জীবন দাস । ১৩

বরম, করম-ফল

সকলি তোমারি হবি* ।

ভক্তি প্রণতি নাথ !

ধব, এ মিনতি করি । ১৪

(ঈশ্বরচন্দ্র গুপ্ত)

* আমি যে যে কল্প করি, ঐগুলি তোমারই কল্প অর্থাৎ তোমার আদেশ পালনের জন্যই ঐ সকল কল্প কবিতা থাকি । ঐ সকল কল্পের যে শুভাশুভ ফল, উহা ভক্তি ও পরিত্যগ সহিত তোমারই অর্পণ করিতেছি । তুমি উহা গ্রহণ কর শঙ্কনামের সহিত এই প্রার্থনা করি ।

দামোদর-তীরে স্বপ্নদৃষ্ট কানন ।

কিনয় মাখিয়া . পবনে উড়িয়া
দিগন্তে বেড়ায় ছুটে ।
‘ দামোদর-জলে
আলো কবি ছই কুল,
‘ ভূগলতা-দলে
বজ্রিয়া প্রভাতী ফল ।
‘ ভ্রমি দীরে তাঁবে
পরশি যত পবন,
সংসার-মাতনে অদয় পৌড়িত,
‘ চিন্তায় আকুল মন ,
ভ্রমি কত দাব কত ভাবি মনে,
‘ শেষে শান্তি-অভিভূত,
‘ কোন্ বৃক্ষতলে
ক্রমে তদ্ভা আবিভূত ।
ক্রমে নিদ্রাঘোরে অবসন্ন তনু,
‘ পরাণী আচ্ছন্ন হয়,
স্বপ্ন-প্রমাদে সংসার ভাবন।
‘ পাশরিহু সমুদয় ।
ভাবি যেন কোন নবীন প্রদেশে
‘ ক্রমশঃ কতই দাই ;
আসি কত দব ছাড়ি কত দেশ
‘ কানন দেখিতে পাই ;
‘ কানন রুচিল
‘ যেন সে গগন কোলে,

উড়িয়া উড়িয়া • স্নেহে মধুকর
 বেড়ায় কমল-দলে ,
 শ্যামা দেয় শীস, • বন হৃষ্ট করি
 ভ্রমে সে ললিত তান ;
 প্রতিধ্বনি তাব পূবি চারি দিক্
 আনন্দে ছড়ায় গান ;
 ঝরে স্নমধুর কোকিল-ঝঙ্কার •
 সকল কাননময়,
 মধুরষ্টি যেন ঘন কুহুরবে
 শ্রুতি বিমোহিত হয় ।

(৩ হেমচন্দ্র বন্দ্যোপাধ্যায়)

সায়ং-চিত্তা ।

*
 স্নশীতল সন্ধ্যানিলে জুড়াতে জীবন,
 ডুবাতে দিবস-শ্রমে বিশ্বতি-সলিলে,
 ভ্রমিতে ভ্রমিতে ধীরে উঠিলাম গিরিশিরে,
 বাসনা, জুড়াতে শ্রোতঃ-সম্মত অনিলে
 কাষ্য-ক্লান্ত কলেবর, সন্তাপিত মন ।

২

রজনীর প্রতীক্ষায় প্রকৃতি সুন্দরী
 ললাটে সিন্দূর-বিন্দু পরিল তখন,
 রবি অস্তমিত-প্রায়, স্বর্গে মণ্ডিত কায়,

প্রবন্ধ-চন্দ্রিকা ।

উজলিয়া গগনের সুনীল প্রাঙ্গণ,
ভাসিতেছে স্থানে স্থানে রক্ত কাদম্বিনী * ।

৩

রঞ্জিত আকাশতলে, নীল-তরঙ্গিনী
দেখাইছে প্রতিবিম্ব বিমল দর্পণে,
ভাসে তাহে মেঘগণ, কাপে তরু অগণন,
নাচিছে হিল্লোল-মালা মন্দ সমীরণে,
বহিতেছে গিরিমূল চুম্বিয়া তটিনী ।

৪

মনের আনন্দে গায় বিহঙ্গ-নিচয়,
সুন্দর শ্যামল মাঠে চরে গাভীগণ ;
নিরুদ্ধেগে তরুতলে, তটিনীব কলকলে,
গাইছে রাখাল-শিশু মধুর গায়ন,—
নাহি কোন চিন্তা, নাহি ভবিষ্যৎ-ভয় ।

৫

ওই দেখ তরুতলে প্রফুল্ল-হৃদয়
গাইতেছে উচ্চৈঃস্বরে, না জানে কি গায়—
লতা-পাতা জড় করি, কভু ভাঙ্গি পুনঃ গাড়ি,
হাসিতে হাসিতে দেখ পাড়িছে ধরায়,
হায় রে, শৈশবকাল সুখের সময় ।

৬

। চিন্তা-কালভুজঙ্গিনী করে না দংশন,
নিরাশ প্রণয়-দুঃখে দহে না জীবন ;

* কাদম্বিনী—মেঘশ্রেণী ।

তুবাকাজ্জা-পারাবাব বিশাল লহরী তার,
থেলে না হৃদয়ে , আহা ! জানে না এখন,
মানব জনম তার, দাসত্ব-জীবন ।

৭

হাস হাস হাস শিশু ! নহে দিন দূর,
সংসার-সাগর-পারে বসিয়ে যখন,
বিমাদ-তরঙ্গ-মালা, গণিতে গণিতে কালা
হঠবে প্রফুল্ল মুখ, জানিবে তখন,
নির্মল শৈশব-ক্রীড়া স্মৃতির স্বপন ।

৮

আমিও ইহার মত ছিলাম নির্মল,
সতত ছিলাম স্মৃতি স্মরণ মনে,
আমার জীবন-কলি, (দিতে স্মৃতি জলাঞ্জলি),
কে ফুটা'ল, পোড়াতিতে ভীম ছতাসনে ?
কে স্মৃতি-সাগরে মম মিশা'ল গরল ?

৯

কেন বা ফুটিল মম জ্ঞানের নয়ন,
কেনই বিবেক-শক্তি হ'ল বিকসিত,
উথলিতে অভাগার, শোকসিন্ধু অনিবার.
নিজ হীন অবস্থায় করিতে দুঃখিত,
কেনই ভাঙ্গিল মম শৈশব-স্বপন ।

(জনবীনচন্দ্র সেন)

নদী ও কালের সমতা ।

ইংরাজি হঠতে অনুবাদিত ।)

নদী আর কাল-গতি একই প্রমাণ .
অস্থির প্রবাহে করে উভয়ে প্রমাণ ।
ধীরে ধীরে নীরব-গমনে গত হয়,
কিনা ধনে কি স্তবনে ক্ষণেক না বয় :
উভয়েই গত হ'লে আর নাহি ফেরে,
দুস্তর সাগর শেষে গ্রাসে উভয়েবে ।

সর্ব অংশে একরূপ যদিও উভয়,
চিন্তা-রত চিত্তে এক ভেদ জ্ঞান হয়—
বিফলে না বহে নদী ; যথা নদী ভরা,
নানা শস্য-শিরোরত্নে হাস্যময়ী ধরা ।

কিন্তু কাল, সদা স্ন-ক্ষেত্রের* শোভাকর,
উপেক্ষায় রেখে যায় মরু ঘোরতর । ;

(৩ যদুগোপাল চট্টোপাধ্যায়)

* সাধু-জীবন রূপ ক্ষেত্রের । যাহারা সময়েব সদবাবহার করে, কষ্ট-
তাহাদের সাধুজীবন রূপ ভূমির উৎকর্ষাধায়ক (উন্নতি-কানক) হয় ।
কিন্তু উদাস্ত কালক্ষেপণ করিলে, ঐ কাল জীবনকে মরুভূমির নাম
অতি ভীষণ অবস্থায় পবিণত করে ।

সূর্য ।

- * দেব দিবাকর, অক্ষকার-হর,
সৌন্দর্যের উৎস, তেজের আকর,
কেন না তোমাতে নানাদেশে নর
সেবিবে অচল ভক্তি ভাবে ? ৪
- তুমি দেখা দিলে উদয়-অচলে,
রূপের ছটায় ভুবন উজলে,
সঙ্গীত-তরঙ্গ চৌদিকে উথলে,
ধরাতল সাজে মোহন ভাবে । ৮
- তোমার প্রসাদে* দেব স্তপাকর
আনন্দে বরষি স্তম্ভায় কন,
সাজান যতনে অবনী অম্বর,
যেন সন্তাপিত মানব মন, ১২
- বজ্রীর শান্ত রসেতে রমিয়া,
হৃদয়ের জ্বালা বাইবে তুলিয়া,
ভক্তির ভরে পড়িবে তুলিয়া,
হইবে প্রেমের রসে মগন । ১৬
- তোমার আদেশে জলধর-দল,
বিজলীর মালা গলে বালমল,
ছাওয়া নিমেষে গগনমণ্ডল,
বরষে হবয়ে সলিলবাণি, ২০

* চন্দ্র নিকে জ্যোতির্ময় নহে । সূর্যের কিরণে পতিবিশেষ্ট চন্দ্রক
সিদ্ধ-মূর্তি দেখা যায় ।

প্রবন্ধ-চন্দ্রিকা ।

বিষম নিদাঘ-তাপ নিবারিতে,
কাতর ক্রমকে প্রাণদান দিতে,
শুষ্ক বসুমতী সফলা করিতে,
পুলকে পূরিতে ধরণীবাসী । ২১

তোমার প্রভাবে হিমালী-ভবনে
জনমে তটিনী । তোমার পালনে
লভি পীন তনু যবে শুভক্ষণে
নামি ধরাতলে প্রকাশ পায়, ২৮

স্বখে বসুন্ধরা হয় ফলবতী,
প্রফুল্ল দুকূলে তরু কি ব্রততী,
জীবন পাঠিয়া সব হৃষ্টমতি,
ভোগের ভাণ্ডার উখলি যায় । ৩২

তোমারি আলোক-মালায় ভূষিত,
তোমারি শোভায় সুন্দর সজ্জিত,
তোমারি বলেতে* গগনে ধাবিত,
গ্রহ ধমকেতু শশাঙ্কচয় , ৩৬

যে রূপে ভ্রমিতে বলিয়াছ যারে,
ভ্রমিছে নিয়ত সেই সে প্রকাবে,
নিরূপিত পথ ত্যজিতে না পাবে,
শৃঙ্খলে গ্রথিত যেন রে রয় । ৪০

তোমার প্রসূত অবনীমণ্ডল,
গ্রহ উপগ্রহ ধমকেতুদল ,

* মহাকর্ষণ প্রভাবে ।

আদিকালে তুমি আছিলে কেবল, হৃদয়ে করিয়া এই জগৎ ,	৪৪
একে একে তুমি সৃজিলে সকল, প্রকাশিয়া ক্রমে স্বীয় তেজ* বল, করি দশদিকে কত কীর্তিস্তল, মানব কি ছার বুঝিতে তাবৎ ।	৪৮
এই ধরাধামে তেজরূপ ধরি, ওহে বিশ্ববীজ ! গগনে বিচরি করিতেছ কাজ দিবস শরীরী, প্রকাশি বিবিধ প্রকার বল ;	৫২
জীব কি উদ্ভিদ তব অবতার, যন্ত্রের শক্তি তোমার বিকার, তব ক্রিয়াস্তল সকল আধার, তুমি অবনীৰ এক সম্মল ।	৫৬
তুমি মেঘরূপে বরষিছ জল, তুমি কৃষিরূপে ধরিতেছ হল, গোমূর্তিতে তুমি টানিছ লাঙ্গল, তুমি শশুরূপে পুনঃ উদিত !	৬০
তুমি নর হ'য়ে গড়িতেছ কল, তাহে চালাইতে লাগে যে যে বল, বিজ্ঞানেতে বলে তুমি সে সকল তোমার মহিমা অপরিমিত ।	৬৪

* যাবতীয় তেজ ও ক্রিয়া সৌরতেজ হইতেই উদ্ভূত ।

প্রবন্ধ-চন্দ্রিকা ।

প্রথমে যেমন করিগে সৃজন,
কালে কালে সবে করি আকর্ষণ,
পুনরায় নাকি করিবে গ্রহণ,

জগৎ হইবে তোমাতে লয় * !

৬৮

আদিকালে তুমি আছিলে যেমন,
পরিশেষে তুমি রহিবে তেমন,
এক, অদ্বিতীয়, অগ্নিল কারণ,

পুনঃ নব-সৃষ্টি-শকতিময় ।

৭২

(৩/রাজকৃষ্ণ মুখোপাধ্যায়)

নিদ্রা ।

রজনীর সহচরী নিদ্রে মায়াবিনি !
চেতনে মূর্ত্তে তুমি কর অচেতন !
জীব-সজ্জ-শব্দময়ী এই যে মেদিনী,
তোমার প্রভাবে মৌনী হয়েছে কেমন !

স্পন্দহীন শিশুগণ সহজ-অস্থির,
খেলা ভুলে নীরবেতে করেছে শয়ন ।
প্রসূতি চেতনাশূন্য নিস্পন্দ-শরীর,
শিশুপ্রতি নাহি আব সতর্ক নয়ন ।

∴ সৌর জগতের বাবতীয় গ্রহাদি সূর্যমণ্ডল হইতেই প্রসূত এবং প্রলয়কালে
সূর্যমণ্ডলেই লীন হইবে ।

বিষয়ী বিভব যার সদাঁ অন্তর্ধান,
 ধন-লোভে অতিশ্রমে কাতর না হয় :
 এখন সে শ্রমশীল, অলসপ্রধান,
 দেখে না বিফলে তার যেতেছে সময় ।

পশু নিদ্রে, তোমার কুহক বিমোহন !
 শোক হুঃখ দূরীভূত তোমার পরশে !
 স্থস্থিরহৃদয়ে নিশা করিছে যাপন
 অশ্রু জল-অভিষিক্ত যে জন দিবসে ।

নয়ন-নন্দন-প্রিয়-পুত্র-শোকাতুরা
 অভাগিনী জননী ভুলেছে শোক-জ্বালা !
 • জীবন-সর্কস্ব-পতি-বিয়োগ-বিধুরা
 মনম-বেদনা তার ভুলিয়াছে বালা !

• আশ্চর্য্য সে ইন্দ্রজাল ! হে নিদ্রে ! তোমাব,
 স্বপন সন্তুত যাহে, অদ্ভুতের শেষ

এ হেন যোগ্যতা আর নাহি দেখি কার',
 নিখারের সাজাতে দিয়া সত্যের সুরেশ ।

দরিদ্র কুটীরে শুয়ে ভুঞ্জে রাজসুখ,
 স্তন্য-পবলিত-গৃহে ভিখারী ভূপতি,
 অপুলক আনন্দেতে দেখে পুত্রসুখ,
 গৃহ বাসী করে দূর প্রবাসে বসতি ।

• পশু ইন্দ্রজাল ! যাহে যোগীন্দ্র-বাসনা
 স্বর্গপামে যায় নব বিনা তপস্রায় !

শ্রবন্ধ-চন্দ্রিকা ।

প্রসন্ন-সলিলা মন্দাকিনী কলস্বনা,
ললিত-লহরীভঙ্গে বাহিত যথায় !

কল্পতরু, নিয়তই পুষ্পিত, ফলিত,
ফলদানে রাখে যথা 'যাচকের মান ,
তুষার-ধবলা, সুবলা-নিষেবিত,
কামতুষা, তুঙ্গপারা করে যথা দান !

বুন্দারক*-বুন্দ-মাবো দেবেন্দ্র বাসব,
বামে শচী তন্তুরুচি মাধুরী-সস্তাব,
বৈজয়ন্তধামে শোভা সমুদ্রি যে সব,
নয়নে বিশদ আশা বিভাসিত তাব !

লক্ষ্মণান আপিঙ্গল জটা পৃষ্ঠ'পরি,
মধ্যাক্ষ-তর্পন, মহাযশাঃ তপোধন,
দেবসি নারদ, করে বীণা-যন্ত্র ধরি,
হরিগুণ-গানে তার তোষেন শ্রবণ !

কম্বুগ্রীবা-প্রলম্বিত মন্দারের মালা,
তাল-মান-সুসঙ্গত-ভূষণ-শিঞ্জন,
নৃত্যপরা বিম্বাধরা বিছাপরী-বালা,
উল্লাসে উৎফুল্ল-আগি নিরখে সে জন !

বীতরাগ বিহঙ্গম সঙ্গীত-আলাপে,
মোহাবেশে পশিয়াছে কুলায়-মাবারে ।

* বুন্দারক—দেব

অবহেলি নব ফুল্ল মল্লিকা-গোলাপে,
মন্ত্রমুগ্ধ শিলীমুখ বিমুখ ঝঙ্কারে ।

নবতৃণবিমণ্ডিত ভূমিখণ্ডে গাভী
চরে না, সন্নিংহারা,* নাই হান্সারব :

উন্নত কক্কুদ, মেঘ-গস্তীর-আরাবী
শিথিল শরীর-গ্রস্থি বৃষভ নীরব ।

রাখাল মুরলি করে না বাদন,
কবতালী-তালে গীত না গায় কুমক,
পল্লীবাল ভুলিয়াছে ধাবন-কুর্দীন,
উচ্চহাস হাসে নাকো বাচাল যুবক ।

অশ্বরথ রাজপথে করে না প্রয়াণ,
মানুষের খাতায়াত নাহিক তথায়,
নিরাতঙ্কে সারমেয় সেখানে শয়ান,
কিংবা বায়ুভুক্ সর্প তথা লস্ককায় ।

নানা নর-কণ্ঠ-স্বরে কোলাহলময় —
জনাকীর্ণ পণ্যশালা হ'য়েছে বিজন,
বিক্রেতা গ্রাহক নাই, নাই বিনিময়,
নাই প্রয়োজন বুঝে মূলা-নিরূপণ ।

বিথাবিয়ান্ মায়া, সন্তঃ-সংজ্ঞা-বিঘাতিনো
মুখর জঙ্গমে নিদ্রা মুক জড় করি,

* চৈতন্য-গুন্য ।

† বিস্তার কবিতা ।*

প্রবন্ধ-চন্দ্রিকা ।

এই যে প্রকৃতি, স্পষ্ট চৈতন্যরূপিণী,
প্রত্যক্ষ প্রমাণ তার লইতেছে হরি* ।

হর্ষ-খেদ-ক্রোধ-ভয়-বিস্ময়-উদ্রেক
সমর্থ কবির কাব্য-রস-আস্বাদনে,
বিমূর্খী হইলে বাণী, বঞ্চিত অনেকে,
স্বপ্ন কিন্তু কুতূহলী করে সর্বজনে ।

অয়ি নিদ্রে ! অসামান্য কুহক তোমার ,
কিন্তু তোমা চেয়ে শ্রেষ্ঠ আছে একজন—
অলক্ষণ তুমি দেহ কর অপিকার,
তার স্পর্শে জীব চিরনিদ্রায় মগন !

সে নিদ্রায় শয়নের নাহি প্রয়োজন ;
দিবা নিশা ভেদ নাহি সেই কুহকীর ,
তুমি ত বিলম্ব সত্ত্ব ; তিলেক কারণ
বিলম্ব না সহে সেই বিনয়-বধির ।

মিথ্যা ঘটনায় সৃষ্ট স্বপন তোমার,
সে নিদ্রায় অভিভূত জীবাত্মা যখন,

* বিশ্বপ্রকৃতির ক্রিয়া (চেষ্টা) গুলি পেরুপ যথানিয়মে ও অচিন্তনীয় ভাবে চলিতেছে, তাহা ভাবিয়া দেখিলে, স্পষ্টই বুঝা যায়, ঐ প্রকৃতির সহিত চৈতন্যময় অপিষ্ঠাতা বিরাজমান রহিয়াছেন। কিন্তু নিশীথ সময়ে জীবগণের নির্দ্রিত অবস্থার কথা ভাবিয়া দেখিলেই মনে হয়, ঐ প্রকৃতিতে চৈতন্যভাব নাহি— অর্থাৎ উহা চিৎশক্তি-বিহীন।

এই যে অবনী-মাঝে জনম তাহার,
প্রকৃত ঘটনা যত ভাবে সে স্বপ্নন * ।

(৩ যদুগোপাল চট্টোপাধ্যায়)

যমুনা-তটে ।

আহা কি সুন্দর নিশি, চন্দ্রমা উদয়,
কৌমুদী-রাশিতে যেন দৌত ধরাতল !
সর্গীরণ মৃদু মৃদু ফুলমধু বয়,
কল কল করে ধীরে তরঙ্গিণী-জল ।
কুসুম, পল্লব, লতা নিশার তুষারে,
শীতল করিয়া প্রাণ শরীর জুড়ায়,
জোনাকের পাতি শোভে তরু-শাখা'পরে,
নিরিবিলি ঝাঁঝিঁ ডাকে জগৎ ঘুমায় ;—
হেন নিশি একা আসি, যমুনার তটে বসি,
হেরি শশী ছলে ছলে জলে ভেসে যায় ।

ভাসিয়ে অকূল নীরে ভবের সাগরে
জীবনের ধ্রুবতারা† ডবেছে যাহার,

: জীবের দেহ ও সংসার নশ্বর । কিন্তু আমরা ঐ সকলকে নিত্যবৎ মনে করি ।
আবার জীব যখন লোকান্তরে গমন করে, তখন এই পার্থিব ব্যাপার সকলকে
স্বপ্নবৎ অলীক ও ক্ষণস্থায়ী বলিয়া বুদ্ধিতে পারে ।

† ধ্রুবতারা — ধ্রুবনক্ষত্র অর্থাৎ লক্ষ্য বিষয় ।

প্রবন্ধ-চন্দ্রিকা

নিবেছে স্নেহের দীপ ঘোর অন্ধকারে
ভ্রু করি দিবানিশি প্রাণ কাঁদে যার,
সেই জানে প্রকৃতির প্রাঞ্জল মূর্তি,
হেরিলে বিরলে বসি গভীর নিশিতে,—
শুনিলে গভীর ধ্বনি, পবনের গতি,—
কি সান্ত্বনা হয় মনে মধুর ভাবেতে ।
না জানি মানব-মন, হয় হেন কি কাবণ,
অনন্ত চিন্তায় মগ্ন বিজন ভূমিতে ।

হায় রে, প্রকৃতি-মনে মানবের মন,
বাধা আছে কি বন্ধনে বুঝিতে না পারি ।
নতুবা যামিনী দিবা প্রভেদে এমন,
কেন হেন উঠে মনে চিন্তার লহরী ?
কেন দিবনেতে ভুলি থাকি সে সকলে,
প্রাণের দোসর ভাই প্রিয়র বাথায় ?
কেন বা উৎসবে মাতি, থাকি কভু দিবা রাত্তি,
আবার নির্জনে কেন কাঁদি পুনরায় ?

বসিয়া মনুনা তটে হেরিয়া গগন,
ক্ষণে ক্ষণে হ'লো মনে কত যে ভাবনা,
দাসত্ব, বাজত্ব, ধর্ম, আত্মবন্ধুজন,
জবা, মৃত্যু, পরকাল, মমের তাড়না !
কত আশা, কত ভয়, কতই আহ্লাদ,
কতই বিনাদ আসি হৃদয় পূরিল,

কত ভাঙি, কত গড়ি, কত করি মাদ,

কত হাসি, কত কাঁদি, প্রাণ জুড়াইল !

বজনীতে কি আহ্লাদ, কি মধুর রসাস্বাদ,

বৃন্দভাঙ্গা* মন যার সেই সে বুঝিল ।

(৩'হেমচন্দ্র বন্দ্যোপাধ্যায়

মাতা ।

১

সুকোমল অঙ্গে নিয়া,

অঙ্গে কর বুলাইয়া,

পিমাঠিয়া পুনঃ জদি-পীযুষ-দারায,

মমতায় বিমোহিয়া,

স্নেহ বাক্যে ভুলাইয়া,

হে জননি, কর পুনঃ বালক আমায় !

তব অঙ্ক পরিহরি,

সংসারে প্রবেশ করি,

সদা মত্ত থেকে মা গো বিষয়েব বণে !—

তুমি গড়েছিলে যাহা,

আর আমি নাই তাহা,

তব প্রেম-স্বর্গ-কথা কিছু নাই মনে !—

করমানে বণিব তায় স্মৃতিব নিধনে ।

প্রবন্ধ চন্দ্রিকা

২

নিজ অঙ্গ-অংশ দিয়া,
এই তত্ত্ব নিরমিয়া,
চিত হ'তে দিয়া চিত দীপে দীপপ্রায়,
আমায় সৃজন যিনি,
ধাতার স্বরূপ তিনি ;—
জীব-দেহ, ব্রহ্মাণ্ড সমান তুলনায় ।—
পরদেশ এ ধরায়,
অসম্মল অসহায়,
আসি আত্মা, পেয়ে যার আতিথ্য কৃপাব,
পথ-ক্লান্তি পাসরিয়া,
নব সঙ্গি-সঙ্গ নিয়া,
রঙ্গরসে পাসরে আলয় আপনার ;
মহন্তী মহিমা, বাক্যে কে বণিবে তাঁর ।

৩

মিলাইয়া হৃদি যুক্তি,
ভাবিলে বুঝিবে উক্তি,
জননীৰ ভাব-সিন্ধু অগাধ অপার !
বিগ্ধচয় দীপপ্রায়,
বলয়িত আছে যায়,
নর-বুদ্ধি-ভেলায়, কি পার পায় তার !
হের গিয়া সৃতিকায়,
মৃচ্ছিতা মাতার কায়,
কে বুঝে, কে বুঝাইবে প্রসব-বেদন !

স্মৃত কান্দে,—কাণে যার,
নয়ন মেলিয়া চায়,
করুণায় করে সব দুঃখ আবরণ !—
নব তনু লভি মৃতপাসরে মরণ !

৪

যে যত্নে, যে যাতনায়,
সন্তানে বাঁচায় যায়,
সুবিস্তারে বর্ণিতে না শক্তি সারদার !
সদা ব্যগ্র, সদা ভ্রাস,
শূন্য অন্ত অভিলাষ,—
এক ধ্যান, এক চিন্তা, নিয়ত মাতার ;—
অনশন, জাগরণ,
নানা দেবে নিবেদন,
হৃদি-সিন্ধু দোলে, অল্প-হেতু-মৃদু-বায়ু !
যদি দিলে নিজ প্রাণ,
পায় স্মৃত পীড়া-ত্রাণ,
মমতা-নিকেত মাতা, কাতর না তার !
বিগলিত হৃদি, চির-অবিত* ধারায় !

৫

ক্ষুদ্রকায়, চেষ্টা-হীন,
শিশু স্মৃত নিদ্রা-লীন.
নিকটে বসিয়া মাতা, অনিগেষে চায় !

* চিরবাহিত অর্থাৎ হৃদয় স্নেহরসে গলিত ও ঐ স্নেহরূপ অবিরত ধারায়
প্রবাহিত হইতে থাকে ।

শ্রবন্ধ-চন্দ্রিকা

তমোগয় নিশাযোগে,
বিশ্ব মুগ্ধ নিদ্রা-ভোগে,
সজাগর প্রহরী. বিধাতা যেন তায় !
চাঞ্চিয়া মায়ের মুখে,
শিশু স্তত হাসে স্মখে,—
হাসে মাতা, কে বৃক্সে আনন্দ পরিমাণ !
কবি ভাবগ্রাহী যেন,
দৃজনে মিলন ছেন—

প্রেম-কাব্য-চর্চায় উভয়ে ফুল্ল-প্রাণ !
প্রসূতি-সম্বতি, সিন্ধু-স্বধাংশু সমান !

৬

সম্বতি স্মখেতে রবে,
অরোগী দীর্ঘায়ু হবে,
সমাজে গণিত হবে নীতি-পুরায়ণ ; —
শুভ কাজে অন্তবক্ত,
হবে মাতা-পিতা-ভক্ত,
প্রিয়কাষ্য করিবে, না লজ্জিবে বচন ;—
বিবিধ বিপদ-ভরা,
এলে স্মখহরা জরা,
সম্বতনে স্মতে সেবা করিবে তখন ;—
হেরে' পুত্র-আচরণ,
পুণ্য গা'বে দশ জন ;—
জননী'র মনে সদা বাসনা এমন ;—
মাতৃ-অঙ্ক শঙ্কা-শূণ্য ভুবন-পাবন ।

৬

বালকের উপদ্রব,
 নিত্য নব কত কব,
 মাতা বিনা, সহিতে কি পারে অশ্রু জন
 যা দেখিবে তা চাহিবে,
 সাধ্যাসাধ্য না বঝিবে,
 গগনের টাঁদ চায়, না পেলে রোদিন .—
 মাতার হৃদয়োপরে,
 প্রহ্লাবে যগল কবে,
 সবলে কুল্লল ধবি করে আকর্ষণ .—
 জননী বেদনা পায়,
 সরোষ-নয়নে চায়,
 চোখে চোখে মিলে পুনঃ হাসে দুই জন-
 আছে কি প্রেমের ছবি কোথায় এমন ।

৮

স্মৃতির অশুভ খায়,
 যদি শত স্মৃতি তায়,
 জননীর চিত্ত কভু সে দিকে না চায় ।
 সদা পুণ্য-পথে গতি,
 কোমল করুণ গতি,
 মাটিতে চলিতে কীট দলিতে ডবায় ।
 যদি কভু ক্রোধভরে,
 কারে কটু-উক্তি করে,
 অভিশাপ উঁর পুনঃ ধরে তার পায় ।

প্রবন্ধ-চন্দ্রিকা

স্বপ্নের প্রশংসাভরে,
হৃদয়ে না হর্ষ ধরে,
উছলে নয়ন, স্তন অবিভ ধারায় !—
পুণ্যপ্রম-আপ্লাবন ধরে না ধরায় !

৯

স্বরভি-পরশভরে
যথা শূন্য তরু'পরে
প্রাকটে কলিকাকুল বিবিধ বিধান .—
জননী'র শিক্ষাদানে,
সেরূপ শিশুর প্রাণে,
বিকসিত নিত্য নব ভাব, নব জ্ঞান ,
মালী যথা কীটকুলে,
বদে তরু হ'তে তুলে,
ধর্মসে মাতা, সহজাত কুমতি তেমন,—
দেব গুরু প্রণমিতে,
প্রিয় বাক্যে সন্তুষ্টিতে,
ছাড়িতে অশুভাচার, অসত্য ভাষণ ;—
কে হরা শিখাতে পারে জননী যেমন !

১০

প্রভাতের অধ্যয়নে
হরা পাঠ বসে মনে,
শৈশব সমান কাল নাহি শিখিবার ,—

অঙ্কুরে নমিত হয়,
 তরু চির-বাঁকা রয়,
 এ জনমে নাহি ঘুচে বাল্যের সংসার,
 মাতার মুখের বাণী,
 শৈশবে নিশ্চিত মানি,
 মুষ্টিমদ্যে বারণ, বিশ্বাস তায় করে ;—
 এক বর্ষে শ্রমভরে,
 যে কিছু শিগাবে পরে,
 এক মাসে মাতৃ-বাক্যে হৃদয় তা ধরে ;—
 ভূমিয়া শিগাবে মাতা, প্রহারিয়া পরে !

১১

স্মরিয়া মায়ের মায়া,
 পুনকে না পূরে কায়া,
 আঁখি না রসাক্ত হয়,—হেন যেই জন !
 তার কাছে না থাকিব,
 তারে নাহি বিশ্বাসিব,
 করে মম কণ্ঠনালী করিবে ছেদন !
 মুখে মাতৃ-নিন্দা ফুটে,
 ঈশং ক্র কুঞ্চি(য়া) উঠে,
 বিষ-ভরা মুখে করে অনল বমন .
 জননীরে কটু ভাসে,
 উল্লাসি নরক হাসে ;—
 কট-কট-রবে করে কপাট-পাটন,—
 শাণ দেয় শস্যচয় যমচরণ ।

ধিকার-বিমাদ-হীন,
কোথা সে সুখের দিন ।—
তা শৈশব-বসন্ত—সংস্রাম-ফলমথ ।
সে পরা কি আছে আর,
অথবা এ ছায়া তার !
আছে সব শব হেন, সে সজীব নয় !—
ফলে সে মিষ্টতা নাই,
সে বাস না ফলে পাই,
শীতল সে সরঃস্থানে তেমন না হয় ।—
নাই সে শরীর মন,
তবু আমি সেই জন,
ফুটিতেছে ক্রমে হৃদে স্মৃতি সমুদয় !—
ফল-ফল নাই—বন আছে কাটাগয় !

আর কি সে তবু আছে,
ছিল যা মায়ের কাছে !—
কোথা ফুল সে কপোল, সে ফল নয়ন !—
কোথা নৃত্য হর্ষভরে,
কোথা কবতালি করে,
কোথা সে চপল কায়, সপালক মন—
কোথা খল-খল হাস,
কোথা কল কল ভাষ,

সে স্মৃতি স্মৃতি নাহি পাঠি আর ।

ভাবি-ভয় বিবজ্জিত,

কোথা সে অর্দান চিত,

নিকুঞ্জে না দেখি আর-ঘর দেবতার !

দেখিতে না পাঠি হাসি মুখে প্রতিমার !

(৩ সুরেন্দ্রনাথ মজুমদার)

প্রহরী ।

চারিদিকে গ্রন্থরাশি পাঠের আগাধ মাঝে

বসিয়া নাসিরউদ্দিন জ্ঞানের সাধক সাজে ।

কি আনন্দে মগ্ন যোগী ! কঠোর ম্বে সাধনায়,

স্বরূপের স্মৃতি-দাবা হৃদিমাঝে ব'য়ে যায় ।

আনন্দে উঠিছে ফুটি, পবিত্র উজল হাসি,—

কোরণ নকলে রত : চারিদিকে গ্রন্থরাশি ।

সহসা চাহিয়া মুখ কঙ্কণের বাগংকারে

দেখেন পাঠান রাজ বেগম দাড়ায়ে দূবে ।

ফুল পারিজাত সম হাসি হাসি মুখখানি,—

কে যেন দিয়েছে ভায় বিমাদ কালিমা টানি' ।

পাডিতেছে গণ্ডবহি' দর বিগলিত দারা,

নত মুখে, মহারাণী কাঁদিছেন আত্মহারা ।

অতি সন্তর্পণে রাগি ক্রোড় হ'তে বহিখানি

চলিল। সম্রাট হুঁবা, যথা ছিল মহারাণী ।

প্রবন্ধ-চন্দ্রিকা

আদরে মুছায় অশ্রু অতীব কোমল স্ববে
বলিলেন “প্রিয়তমে, কি হয়েছে বল মোরে ।”
স্বামীর আদরে অশ্রু আরো দ্রুত ধারে বয়,
ভাবাবেগে মহারাণী-নিশ্চল নির্ঝাক্ রয় ।
বহুক্ষণ পরে শেষে বলিতে লাগিল ধীরে,
“জাঁহাপনা ! শেষ বাদী ছিল যে আমার তরে,
তোমার আদেশে আজি বিদায় দিয়াছি তায়,
সেকিতে ছিলাম রুটি দেখ হাত জলে যায় ।
নষ্ট হ’য়ে গেছে রুটি, কাঁদিতেছিলাম তাই ;
তোমার আহার তরে আর কিছু ঘরে নাই ।
বিশাল এ ভারতের সম্রাট আমার স্বামী,
একটি বাদীও কিগো পেতে নাহি পারি আমি ?
পুড়েছে আমার হাত, তুমি রবে অনাহারে,
অগণিত ধনরত্ন রাজ-কোষে কার তরে ?”

থামিলেন মহারাণী, সম্রাট বলিল ধীরে,
“মহারাণি ! কাঁদিতেছ শুধু তুমি এরি তরে ?
হাত পুড়িয়াছে তব, মোর হাত আছে ঠিক,
এর জন্ম এত কাদা ! ছিছি মহারাণি ! বিক্ !
তুমি যদি নাহি পার করিবারে গৃহ-কাজ,
নিজ হস্তে লব তাহা, আমিই করিব আজ ।
আমি ভেবেছিলাম নৃষি অঙ্গ, বঙ্গ, উড়িয়ায়,
দারুণ দুর্ভিক্ষ ক্রেশে বহু লোক মারা যায় ;
তারি জন্ম নৃষি তুমি কাঁদিতেছ গৃহ-কোণে,
প্রজাদের শোক নৃষি বিষম বেজেছে প্রাণে ।

প্রিয়তমে ! এই দুঃখে এ ভাবে কাঁদিতে আছে ?
 ভাব দেখি, তোমা চেয়ে কত দুঃখী দেশ মাঝে—
 সদা নিদারুণ দুঃখে করিতেছে হাহাকার !
 তুমি কাঁদিতেছ ভাবি' এক বেলা অনাহার ?
 অগণিত ধনরত্ন রাজার ভাঙারে আছে ,
 আমার ভাঙার নয়, তার পানে চাওয়া মিছে ।
 আমি ত প্রহরী মাত্র, নাহি মোর অধিকার,
 সে ধনের কণামাত্র করিবারে ব্যবহার ।
 প্রত্যহ কোরাণ লিখি করি যাহা উপার্জন,
 তাহাতেই দু'জনার চলে গ্রাম-গাছাদন ।
 পরধনে লোভ করা সে কি ভাল মহারাণি ?
 'তোমার সে ভাব নয়, আমি তাহা ভাল জানি ।
 নিরুৎসাহ না হইও, মনে রেখো দিনমান
 মাথার উপরে থাকি দেখিছেন ভগবান ।”

(অজ্ঞাত কবি

বঙ্গবাণী ।

ছালোক ভুলোক পুলকি' আলোকে জননী আমার রাজে,
 অমৃত ভক্ত অমল রক্ত মরম কমল-মাঝে ।
 মুঞ্জরে ফুল চরণে ভৃঙ্গ গুঞ্জরে মধুবাণী,
 আমার বঙ্গবাণী সে যে গো অখিল জ্ঞানের রাণী । (১)

প্রবন্ধ-চন্দ্রিকা ।

‘চণ্ডীদাস’ যে মণ্ডিগ শির হীরক-কিরীট-ভাবে,
‘জ্ঞান’ ‘গোবিন্দ’* বৃন্দাবনের সুন্দর ফলভাবে,
‘লোচন’† ঢালিল পাণ্ড, গোরার লোচন-সলিল আনি,
আমার বঙ্গবাণী, সে যে গো অখিল জ্ঞানের রাণী । (২)
দ্বৈপায়নের ভৃঙ্গার জলে অভিযেক কবে ‘কাশী’ ,
‘কবিরাজ’‡ আনে ভক্ত হিয়াতে ধূপ ধূনা ধমরাশি,
‘কৃতি’ জ্বালিল বড়ি তমসাতীর্থের হবি আনি,
আমার বঙ্গবাণী সে যে গো অখিল জ্ঞানের রাণী । (৩)
‘কবিকঙ্কণ’§, দিল কঙ্কণ ক’বে চণ্ডীর গানে,
‘কবিরঞ্জন’¶, রঞ্জিল পদ হৃদয় রক্ত দানে,
‘বায় গুণাকর’|| আরতি আনোকে উজলে অঙ্গখানি,
আমার বঙ্গবাণী, সে যে গো অখিল জ্ঞানের রাণী । (৩)
‘প্রভাকর’** প্রভাকরে’ দিল টিপ, ভাল উজলিয়া জাগে,
‘রঙ্গ’‡‡ ভূমিল ক্ষত্র তেজের অরুণ অঙ্গরাগে,
‘দাশরথি’‡‡‡ দিল নবনী আনিয়া পল্লী-পরাণ-ছানি .
আমার বঙ্গবাণী, সে যে গো অখিল জ্ঞানের রাণী । (৫)

* বৈষ্ণবকবি জ্ঞানদাস ও গোবিন্দদাস ।

+ সুপ্রসিদ্ধ কবি লোচনদাস ‘চৈতন্যমঞ্জল’ নামক গণেশ্বর প্রণেতা ।

‡ কৃষ্ণদাস কবিরাজ চৈতন্য-চরিতামৃত প্রণেতা ।

§ কবিকঙ্কণ মুকুন্দরাম চকবর্তী চণ্ডী কাব্যের প্রণেতা ।

¶ পরম ভক্ত ও বিদ্বান কবি রামপ্রসাদ রায় কবিরঞ্জন ।

| রায় গুণাকর ভারতচন্দ্র অন্নদা-মঞ্জলাদি কাব্যগ্রন্থের প্রণেতা ।

** কবির ঈশ্বরচন্দ্র গুপ্ত প্রভাকর-নামক সংবাদপত্রের প্রণেতা ।

‡‡ রঞ্জলাল বন্দ্যোপাধ্যায় পদ্মিনী উপাখ্যান প্রভৃতি কাব্যের প্রণেতা ।

‡‡‡ দাশরথি বায়ের পাঁচালি উৎকৃষ্ট গ্রন্থ ।

বহু 'অক্ষয়' 'বিজ্ঞানসাগর' নৈবেদ্যের খালা,

'দীনবন্ধু' দে গৃহপ্রাঙ্গণে ধরিল গন্ধ-ডাল। ।

পুরোহিত শুচি দার পূত-রুচি 'ভৈরব' বিগত-ধানি,

আমার বঙ্গবাণী, সে যে গো অখিল জ্ঞানের বাণী । (৬)

'বঙ্কিম' তার অক্ষিল চাকু কাজল উজল আঁখে,

• 'নবীন' ঘোড়িল জয় বাণী যার পাকজন্তু শাখে,

'ভৈরব' ভৈরব অদয়-বাঁধাটি শোভিল শুভ্র পাণি,

আমার বঙ্গবাণী, সে যে গো অখিল জ্ঞানের বাণী । (৭)

মরালের মত "মধু" গান-রত চরণ বেড়িয়া ভাসে,

"গিরিশ" শব্দে শরীচন্দন বরষে নৃপুত্র পাশে ।

নিখিলের শির কবি "রবি" যার চরণে আনিল টানি,

আমার বঙ্গবাণী সে যে গো অখিল জ্ঞানের বাণী । (৮)

হাসি-কান্নার হীবা-পান্নার তুল দিল "দ্বিজরাজ"*

"বঙ্গনী" করেছে বঙ্গনীতে খেলা, প্রভাতে "প্রভাত"† আজ,

দেব নর ঋষি মিলিয়াছে আসি' পুষ্পাঞ্জলি-পাণি,

আমার বঙ্গবাণী, সে যে গো অখিল জ্ঞানের বাণী । (৯)

(শ্রীকালিদাস রায়)

(*) কবিবর দ্বিজেন্দ্রলাল রায় । ইনি যেমন হাশ্রবসের তেমনি ককণবসের
কবিতায় সিদ্ধহস্ত ।

(†) উপন্যাস-লেখক প্রসিদ্ধ প্রভাতকুমার মুখোপাধ্যায় ।

হাসি ও অশ্রু ।

হাস্য শুধু আমার সখা ? অশ্রু আমার কেহই নয় ?
হাস্য করে' অন্ধ জীবন করেছিতো অপচয় !
চলে' যারে সুখের রাজা, 'দুঃখের রাজা নেমে আয় !
গলা ধ'রে কাঁদতে শিখি গভীর সহবেদনায় ;
সুখের সঙ্গ ছেড়ে করি দুঃখের সঙ্গে বসবাস—
ইহাই আমার ব্রত হোক, ইহাই আমার অভিনায় ।
নিয়ে আয় সেই সীতার ভাগা, দময়ন্তীর অশ্রুধার,
শকুন্তলার পরিত্যাগ, আর দ্রৌপদীর সেই হাহাকার,
যদিষ্ঠিরের রাজ্যাচ্যুতি, ধৃতরাষ্ট্রের পুল্লশোক,
হরিশ্চন্দ্রের সর্বস্বান্ত—নিয়ে আয় সেই অশ্রু-লোক ।
সীজার হানিবলের * পতন, সেকেন্দরের রাজ্যলোপ,
নেপোলিয়ন-বিপক্ষেতে সারিবদ্ধ ইয়োরোপ ,
দারার মাথার উপর খড়্গ, গুরঞ্জীবের মৃত্যুভয়,
পাণিপথে বিশ্বজয়ী মহারাষ্ট্রের পরাজয় ,
সে সব দৃশ্য নিয়ে আয় রে—সুখের দৃশ্য সুখে থাক—
আজি আমার চক্ষু দিয়ে অশ্রুধারা বহে' বাক ।
মেথায় ক্লান্টি, মেথায় ব্যান্দি, যন্ত্রণা ও অশ্রুজল—
গুরে তোরা হাত ধরে' আমার সেথায় নিয়ে চল ।

* সীজার রোমের সর্বশ্রেষ্ঠ বীর ও নানা বিষয়ে অতুলনীয় শক্তিসম্পন্ন ।
সেনেট সভার সভ্যেরা চক্রান্ত করিয়া ইঁহাকে ঐ সভাগৃহ মধ্যেই নিহত করেন ।
হানিবল—বীরদে পৃথিবীর মধ্যে সর্বশ্রেষ্ঠ । কার্থেজের সহিত রোমের যে
যোবতর যুদ্ধ হয়, তাহাতে ইঁনি রোমের মধ্যে প্রবেশ করিয়া, অসাধারণ বীরত্ব
প্রকাশ করেন । শেষে সৈন্যভাবে যুদ্ধে প্রাণত্যাগ করেন ।

পরের দুঃখে কাঁদতে শেখা—তাহাট্ট শুধু চরম নয় ।
 মহৎ দোখে কাঁদতে জানা—তবেই কাঁদা বন্ধ হয় ।
 কাম্বের জন্য দেহপাত ও পাম্বের জন্য জীবনদান !
 সন্তান জন্ম দৃঢ়ব্রত, পরের জন্য নিজের প্রাণ,
 বভৃক্ষকে ভিক্ষা দেওয়া, ব্যাধির পার্শ্বে জাগরণ,
 নিরাশ্রমকে গৃহ দেওয়া, আহ্বরক্ষা দৃঢ়পণ ;
 পিতার জন্য পুরুষ * কুষ্ঠ, পরের জন্য ভীষ্মের † প্রাণ,
 ভগ্নরথের তপস্যা ও দপীচির সেই অস্থি দান,
 দাক্ষায়ণী সেই স্নেহের উপর স্বকীয় কর্তব্য-জ্ঞান,
 সীতার সেই স্বর্গীয় ক্ষমার আলোকিত উপাখ্যান,
 বৃন্দদেবের গৃহতাগ ও শ্রীচৈতন্যের প্রেমোচ্ছ্বাস,
 প্রতাপসিংহের দারিদ্র্য ও দুর্গাদাসের ইতিহাস,—
 সেই বাজ্য নিয়ে যা'রে কাঁদার মত কাঁদিয়ে দে,
 শেষে প্রাণের উজানটানে মায়ের পায়ে গড়িয়ে দে ।

(৩ দ্বিজেন্দ্রলাল রায়)

* শুক্রাচার্যের শাপে যযাতি জরাগ্রস্ত হইলে পুরু আপনাব যৌবন পিতাকে
 দিয়া, শয়ঃ পিতার জরা গ্রহণ করেন । [মহাভারত দ্রষ্টব্য]

+ ভীষ্মদেবের সমগ্র জীবনই পরার্থে নিয়োজিত হইয়াছে । কুরুক্ষেত্র যুদ্ধের
 সময় ধর্মরাজ যুধিষ্ঠিরকে জয়ী করিবার জন্য নপুংসক শিখণ্ডীকে সম্মুখে রাখিয়া
 অর্জুনকে শরক্ষেপণের উপদেশ দেন ও তাহাতেই প্রাণত্যাগ করেন । [মহাভারত
 দ্রষ্টব্য]

বন্দী ।

ভেবেছিলাম আমার প্রতাপ করিবে জগৎ গ্রাস,
আমি রব একলা স্বাধীন সবাই হবে দাস ।
তাই গড়েছি রজনী দিন লোহার শিকল খানা,
কত আশ্রন, কত আশ্রিত, নাইক তার ঠিকানা ।
গড়া যখন শেষ হ'লেছে কঠিন সুকসোর,
দেখি আশায় বন্দী করে আমারি এই ডোর ।

(শ্রীযুক্ত রবীন্দ্রনাথ ঠাকুর)

দুই বিঘা জমি ।

স্বপ্ন বিধে দুই, ছিল মোর ভূই, আর সবি গেছে ঋণে,
বান্ বলিলেন,—“বন্ধোত উপেন, এ জমি লইব কিনে ।”
কহিলাম আমি—“ভূমি ভূস্বামী, ভূমির অঙ্ক নাই,
চেয়ে দেখ মোর আছে বড় জোর মরিবার মত ঠাই ।
শুনি রাজা কহে :—“বাপু ! জানত হে, করেছি বাগান খানা,
পেলে দুই বিঘে প্রান্তে ও দীর্ঘে সমান হইবে টানা,—
ওটা দিতে হবে ।” কহিলাম তবে বক্ষে জুড়িয়া পাণি,
সজল চক্ষে,—“বন্ধন রক্ষে কাঙ্গালের ভিটাখানি ।
সপ্ত পুরুষ যেথায় নিবাস, সে মাটি মোথার বাড়া,
দৈত্যের দায়ে বেচিব সে মায়ে এমনি লক্ষীছাড়া ?”
আগি করি লাল, বাজা গুণকাল রহিল মৌন ভাবে,
কহিলেন শেষে, ক্রব হাসি হেসে, “আচ্ছা, সে দেখা যাবে ।”
পরে মাস দেড়ে ভিটে মাটি ছেড়ে কাছির হইলু পথে—

তুই বিঘা জমি।

কবিল ভিক্রি সকলি বিক্রি মিথ্যা। দেনার খতে !
এ জগতে হায়, সেই বেশী চায়, আছে যার ভরি ভরি ।
বাজাব হস্ত করে সমস্ত কাঙ্গালের ধন চুরি ।
মনে ভাবিলাম, মোষে ভগবান্ রাখিবে না মোহ-গর্ভে,
তাই লিখি' দিল বিশ্ব-নিখিল তু'বিঘার পরিবর্তে !
সন্ন্যাসীর বেশে ফিরি দেশে দেশে, হইয়া সাধুব শিষ্য ,
কত হেরিলাম মনোহর পাম, কত মনোহর দৃশ্য ।
ভদরে সাগরে বিজনে নগরে যখন যেখানে ভ্রমি,
তব নিশি দিনে ভুলিতে পারিনে সেই বিঘা তুই জমি !
হাতে মাঠে বাটে এই মত কাটে বছর পনের মোলো,
একদিন শেষে ফিরিবারে দেশে বড়ই বাসনা হোলো ।
নমো নমো নমঃ, সুন্দরী মম জননী বঙ্গভূমি !
গঙ্গাব তাঁর, স্নিগ্ধ-সমীর, জীবন জুড়ালে তুমি !
অবারিত মাঠ, গগন ললাট চুমে তব পদধূলি,
ছায়া স্নানবিড় শান্তির নীড় ছোট ছোট গৃহগুলি ।
পল্লব ঘন আশ্র কানন, রাখালের খেলা গেহ,
স্বক অতল দীঘী-কালোজল নিশীথ-শীতল স্নেহ !
বৃক ভরা মধু বঙ্গের বধু জল লয়ে যায় ঘরে,
মা বলিতে প্রাণ করে আন্ চান্, চোখে আসে জল ভরে' ।
তুই দিন পরে দ্বিতীয় প্রহবে প্রবেশিলু নিজগ্রামে ।
কুমোরের বাড়ী দক্ষিণে ছাড়ি, রথ তলা করি বামে ।
বাখি হাটখোলা, নন্দীর গোলা, মন্দির করি পাছে,
ভ্রমাতুর শেষে পহুছিলু এসে আমার বাড়ীর কাছে ।
বিদীর্ণ থিয়া, ফিরিয়া ফিরিয়া চারিদিকে চেয়ে দেখি ,

প্রবন্ধ-চন্দ্রিকা ।

প্রাচীরের কাছে এগনো যে আছে, সেই আম গাছ, একি !
বসি তার তলে নয়নের জলে শান্ত হইল ব্যথা,
একে একে মনে উদিল স্মরণে বালক কালের কথা ।
সেই মনে পড়ে জৈষ্ঠের ঝড়ে রাত্রে নাহিক ঘুম,
অতি ভোরে উঠি তাড়াতাড়ি ছুটি আম কুড়াবার ধুম !
সেই সুমধুর স্বরু ছপুর, পাঠশালা-পলায়ন,—
ভাবিলাম হায় আর কি কোথায ফিরে পাব সে জীবন ?
মহসা বাতাস ফেলি গেল শ্বাস শাখা ঢলাইয়া গাছে,
ছুটি পাকা ফল লভিল ভূতল আমার কোলের কাছে ।
ভাবিলাম মনে, নৃষি এতক্ষণে আমারে চিনিল মাতা,
স্নেহের সে দানে বহু সম্মানে বারেক ঠেকানু মাথা ।
হেন কালে হায় যমদূত-প্রায় কোথা হতে এল মালী :
ঝুটী-বাঁধা উড়ে সপ্তম সুরে পাড়িতে লাগিল গালি ।
কহিলাম তারে, “আমি ত নীরবে দিয়েছি আমার সব,
ছুটি ফল তার করি অধিকার, এত তা’রি বলরব ?”
চিনিল না মোরে নিয়ে গেল ধরে’, কাঁধে তুলি লাঠি গাছ,
বানু ছিপ হাতে পারিষদ-সাথে ধরিতে ছিলেন মাছ ।
শুনি বিবরণ ক্রোধে তিনি কন, “মারিয়া করিব খুন ।”
বানু যত বলে, পারিষদ দলে বলে তার শত গুণ ।
আমি কহিলাম, “শুধু দুটা আম ভিখ মাগি মহাশয় ।”
বানু কহে হেসে, “বেটা সাধু বেশে পাকা চোর অতিশয় ।”
আমি শুনে হাসি, আঁখিজলে ভাসি, এই ছিল মোর ঘটে,
তুমি মহারাজ সাধু হ’লে আজ, আমি আজ চোর বটে ।

(শ্রীসকল রবীন্দ্রনাথ ঠাকুর)

পুণ্ডরীকের প্রতি শ্বেতকেতু ।

সমাপ্ত করিহু যবে বিদ্যা চতুর্দশ
কহিলেন প্রিয় ভাষে পিতা স্নেহময়,
“সযতনে সর্ব বিদ্যা শিখাইহু তোরে,
অতুল প্রতিভা-বলে অতি অল্পকালে
সকলি শিখিলি ; শ্রম সার্থক আমার ।
কিন্তু বৎস, চিরদিন জানিস্ হৃদয়ে,
অধ্যাপন, অধ্যয়ন, নহেরে দুষ্কর ;
দুষ্কর চরিত্রে শাস্ত্র করা প্রতিভাত ।
নীতি ধর্ম অধ্যয়ন করিলে যেমন,
প্রতি কর্মে, প্রতি বাক্যে, প্রতি পাদক্ষেপে
তোমাতে সে সব যেন করে অধ্যয়ন
সর্বলোকে । অছাবধি বিস্তীর্ণ সংসারে—
ধরি কর্তব্যের পথ চলিবে আপনি ।”

(শ্রীমতী কামিনী রায়)

নিশাকালে বিহঙ্গম-রব ।

(১)

যথা চাই, শান্তি মূর্তিমতী ;
না নড়ে পল্লব-বল্লী, নীরব নগর-পল্লী,
রজত-পালঙ্কে নিদ্রা যায় বসুমতী ;

প্রবন্ধ-চন্দ্রিকা

নীরবতা বসিয়া আকাশে,
আপনার মহিমা প্রকাশে,
উথলে ভাবুক-চিত্তে ভাব-স্রোতস্বতী ।

(২)

শুনিলাম কি মধুর স্বর ;
লীলারঙ্গে তালে তালে পবন তরঙ্গজালে,
করিল অমিয়ময় শ্রবণ-কুহর !
যথা কুসুমের কাণে কাণে,
উষানিল মনোহর তানে,
পবিত্র-প্রণয়-গীত গায় নিরন্তর ।

(৩)

মরি, এ কি মধুর সঙ্গীত !
দেবর্ষি নারদ নাকি, নীলাম্বর-পথে থাকি,
হরিগুণ-গানে মগ্ন বিমোহিত-চিত্ত,
বীণাপাণি-বীণায় জিনিয়া,
সুধাময় সুস্বর বসিয়া,
জগতের যোগানন্দ করেন বঙ্কিত ।

(৪)

কিংবা বুঝি রাগিণী সুন্দরী,
বিমল তরল-রূপে, মোহিয়া আকাশ-ভূপে,
আরোহি জগৎ-প্রাণ শবন-লহরী,
করিছেন প্রাণবক্ষা ভবে,
শ্রান্তিহীন নিদ্রা হারি যবে,
হরিয়া লইয়া গেছে চৈতন্য-প্রহরী ।

নিশাকালে বিহঙ্গম-রব:

(৫)

অথবা কি হৈল দিব্য জ্ঞান ! •
স্বর্গে বিদ্যাধরী গায়, তাই বুঝি শুনা যায় ?
মর্ত্ত্যে কি সম্ভবে হেন অধু-মাথা গান ?
অঙ্গুরী কিন্নরী দলে দলে,
নৃত্য করি দেব-সভাতলে,
ধরেছে আনন্দে মজি সুধাময় তান ।

(৬)

লোকে বলে গগনমণ্ডলে ;
কালচক্র অনুক্ষণ, ঘুরিতেছে গ্রহগণ,
তালে তালে বিভূষণ গাইয়া সকলে ;
বুঝি সেই গীত মনোহর,
শুনিলাম এত দিনান্তর,
জনম সফল আজি হ'ল ভাগ্যবলে ।

(৭)

অথবা কি বিবিধ কৌশলে,
করি মহা অনুরাগ, সুখে সাধিতেছে রাগ,
প্রফুল্ল কবির আত্মা নীল নভস্তলে,
দুঃখপাম পরণী ছাড়িয়া
পঞ্চভূতে পঞ্চ সমর্পিয়া
যাইতেছে ধ্রুবলোকে যবে পুণ্যফলে ।

(৮)

কিংবা তুমি অজ্ঞাত বিহঙ্গ ;
প্রসন্নতা-পূর্ণ চিত্তে, চাণিত্যেছ চারিভিত্তে,
হৃদয়-ভাণ্ডার হ'তে আনন্দ-তরঙ্গ ;

প্রবন্ধ-চন্দ্রিকা ।

কোথা বাস কি নাম তোমার ?
শ্বরগর্ভ আছে কোকিলার ;
তব সহ তুলনায় তার স্বর ভঙ্গ ।

(৯)

দুঃখ তুমি জান না কখন ,
যন্ত্রণা-জড়িত চিত্ত, নাহি পারে কদাচিত্ত,
করিতে এমন ভাবে মধু বরিষণ ;
যদি তুমি অবনী-নিবাসী,
কোথায় পাইলে সুখরাশি ?
কি উপায়ে ছিঁড়িয়াছ দুঃখের বন্ধন ?

(১০)

চন্দ্রকরে যেমন কাননে ;
যেখানে আলোক হাসে, অন্ধকার তার পাশে,
সেইরূপ সুখ দুঃখ মানব-জীবনে ।
আমাদের সুখের সহিত,
চিরকাল যন্ত্রণা মিশ্রিত ;
মধুর সঙ্গীতালাপ বিষের জ্বলনে ।

(১১)

এ সংসার-সরসীর জলে,
এক বৃত্তে পুষ্পদ্বয়, ফুটে সুখ দুঃখময়-
কেহ না তুলিতে পারে একটি কমলে,

একের আশয়ে নীরে গিয়া,
উঠে হাতে দুটি জড়াইয়া,
ভ্রমে উভয়ের হার পরে লোকে গলে ।

(৩ রাজকৃষ্ণ মুখোপাধ্যায়)

ইন্দ্র ও রঘু ।

আরম্ভিল। অশ্বমেধ কোশল-ঈশ্বর,
ক্রমে উনশত যজ্ঞ করিল। সাধন ;
রক্ষিলা যজ্ঞের অশ্ব রঘু বীরবর,
সঙ্গে ল'য়ে শত শত রাজার নন্দন ।
অতঃপর শততম যজ্ঞের কারণ
ছাড়িল। হোমের ঘোড়া অনিবার-গতি,
পাছে পাছে রক্ষিগণ ; ত্রিদশের পতি
অদৃশ্যে আসিয়া অশ্ব করিল। হরণ ।
দেখিল। সহসা রঘু, দেব পুরন্দর
ধাইছে পূর্ব পানে ল'য়ে অশ্ববর,
রথের রশ্মিতে বাঁধি সারথি তাঁহার
দমিছে অশ্বের তেজ, চাপল্য অপার ।
ইন্দ্রের নিমেষ-হীন সহস্র নয়ন,
হরিত রথের অশ্ব, করি বিলোকন,
চিনিলা বাসবে রঘু ; স্তম্ভীর স্বরে
বিদারি গগনতল নিবারিল তাঁরে ।

প্রবন্ধ-চন্দ্রিকা ।

“যজ্ঞের প্রথমে পূজা, ত্রিদিব ঈশ্বর,
পাও তুমি, এই কথা বলে ত্রিসংসার .
অজস্র যাগেতে রত জনক আমার,
কেন তাঁর যজ্ঞমাশে তুমি হে তৎপর ?

“ত্রিলোক-পালক তুমি, দলহ আপনি
দিবাচক্ষে হেরি যজ্ঞ-বিদেষী দুর্জন,
তুমি যদি নাশ যজ্ঞ, সুরকুল-মণি,
কোথা রবে যাগ-যজ্ঞ ভজন পূজন ?

“যজ্ঞের প্রধান অঙ্গ এই তুরঙ্গম
দেহ ছাড়ি, দেবরাজ, নিবেদন মম :
দেখায় বেদের পথ সেই মহাজন
পাপের পঙ্কিল পথে চলে কি কখন ?”

রঘুর স্নতেজ বাক্য করিয়া শ্রবণ,
বিস্ময় মানিল মনে ত্রিদিব-ঈশ্বর,
নিবারিলা নিজ রথ : বাসব তখন
বারিদ-গম্ভীর-সরে করিল। উত্তর ।

“যা বলিল। সত্য বটে ক্ষত্রিয়-কমার,
নিজ যশ রক্ষিবারে সবার প্রমাদ,
যে যশে যশস্বী আমি জগতে প্রকাশ,
সে যশ খণ্ডিতে চাহে জনক তোমার ।

বেদের বচনে হরি ‘পুরুষ-উত্তম’,

‘মহেশ্বর’ নাম একা ধরেন শঙ্কর,

‘শতক্রতু’ নাম আমি ধরি অন্তপদ,

বল এই নামত্রয় পায় কি অপর ?

“এই হেতু হরিয়াছি আমি অশ্ববরে ;
 বিফল প্রয়াস তব, যাও ফিরে ঘুরে ;
 কেন হে আমার হাতে হারাইবে প্রাণ,
 কপিলের কোপে যথা সগর-সন্তান ?”
 হাসি উত্তরিল রঘু নির্ভয় অন্তর—
 “এ প্রতিজ্ঞা যদি তব, দেব পুরন্দর,
 পর অস্ত্র, দেহ রণ, না জিনি রঘুরে,
 নারিবে রাখিতে ঘোড়া কহিনু তোমারে ।”
 এত বলি রঘুবীর চাতি ইন্দ্র-পানে
 কোদণ্ডে ষুড়িলা শর, আলীঢ়ে* সত্বরে
 দাড়াইলা বীরদর্পে, দীর্ঘ কলেবরে
 জিনিয়া পিনাক-পাণি স্বয়ম্ভু ঈশানে ।
 কুপিলা মঘবা শূর রঘুর বচনে
 স্তূর্ণ-বাণের ঘার বাথিত অন্তরে
 বরষিলা শরজাল ভীম শরাসনে,
 ইন্দ্রধনু-চ্ছটা পড়ে নবঘনোপরে ,
 রঘুর ময়ূরপুঙ্খ বাণ পরশাণ
 ঈন্দ্রের অশনি-ধ্বজা করিল ছেদন,
 সুরশ্রীর কেশ যেন হইল কর্তন,
 অপমানে ক্রোধে ইন্দ্র অনল সমান ।

* আলীঢ়—শরক্ষেপণের সময়ে এক প্রকার উপবেশন—ইহাতে দক্ষিণপদ
 অগ্রে রাখা হয় :

+ মঘবন্—ইন্দ্র :

প্রবন্ধ-চন্দ্রিকা ।

বাধিল তুমুল রণ রঘু-পুরন্দরে,
অখে উর্দ্ধে শরজাল ছুটিছে সঘন !
সপক্ষ ভূজঙ্গ যেন ছাইল গগন,
দেবসেনা রঘুর্ধেনা স্তম্ভিত অদূরে ।
হরিচন্দনেতে লিপ্ত দেবরাজ-করে
স্বনিছে ধনুর গুণ গভীর গর্জনে,
গরজে ভীষণ সিন্ধু যেমতি মগ্ধনে :
কাটিল সে গুণ রঘু অর্দ্ধচন্দ্র-শরে ।
তাজি ধনু দেবরাজ মহা ক্রোধভরে
তুলিলা নাশিতে রিপু অশনি ভীষণ,
স্বরস্ত জ্যোতির রাশি সান্ধাৎ শমন
চূর্ণ গিরিকুল-পক্ষ যাহার প্রহারে !
বক্ষেতে বাজিল বজ্র, পড়িলা কুমার ;
হাহাকার করে সেনা, পড়ে অশ্রুণীর,
ক্ষণ পরে সংবরি উঠিলা রঘুবীর,
হরষে কুমার-সেনা গর্জিল আবার ।
পুনঃ আরম্ভিলা রঘু কঠোর সমর,
খরতর শরজালে ছাইয়ে অশ্বর ;
রঘুর বীরত্বে ইন্দ্র পাইলেন প্রীতি,
শত্রুও গুণের বশ, বীরের এ রীতি ।
প্রীত হ'য়ে রঘুরে কহিলা বজ্রপাণি,
“যে বজ্র-আঘাতে মম টলে হে ভূধর,
কার সাধ্য তোমা বিদ্যা সহে সে অশনি ?
ছাড়ি হোম-অশ্ব, মাগি ঈহ অন্ত বর ।”

সীতা ও সরমার কথোপকথন

ইন্দ্রের বচন শুনি দিলীপ-সন্ততি,
স্বর্ণ-পুঙ্খ বাণ-তেজে উজ্জলিত করে
রাখিলা সে বাণ পুনঃ তুণের ভিতরে ;
উত্তরিলা যুবরাজ, দেশরাজ প্রতি—
“যদি না ছাড়িবে অশ্ব, দেব আখণ্ডল,
বিধিমতে শত যজ্ঞ হ’লে সমাপন
জনমে যে ফলরাশি, দেহ সেই ফল
জনকে, অজস্র ব্রতে ব্রতী অনুক্ষণ ।
রুদ্রতেজে তেজী পিতা যজ্ঞের সভায়,
অপরে সমীপে তাঁর যাইতে না পারে,
দেহ আঞ্জা, দেবদূত যাউক তথায়
বিবরিয়া এ বারতা কহিবে তাঁহারে ।”
‘তথাস্তু’ বলিয়া ইন্দ্র করিলা গুম্বন,
চালাইল দেবরথ মাতলি সারথি ;
সেনা সহ ফিরে রঘু আপন ভবন,
হারায় যজ্ঞের অশ্ব নিরানন্দ-মতি ।

(জনবীনচন্দ্র দাস)

সীতা ও সরমার কথোপকথন ।

একাকিনী শোকাকুলা অশোক-কাননে
কাদেন রাঘব-বাঞ্ছা, আধার কুটীরে
নীরব ! ছরস্ত চেড়ী, সীতারে ছাড়িয়া,
ফেরে দূরে মত্ত সবে উৎসবকৌতুকে—

প্রবন্ধ-চন্দ্রিকা

শীনপ্রাণা হরিণীয়ে রাখিয়া বাঘিনী
নির্ভয়-হৃদয়ে যথা ফেরে দূর বনে ।
মলিন-বদনা দেবী, হায় রে, যেমতি
খনির তিমিরগর্ভে (না পারে পশিতে
সৌরকররাশি যথা) সূর্য্যকান্ত মণি ,
কিংবা বিশ্বাধরা রমা অম্বরশি তলে ।
স্বনিছে পবন, দূরে রহিয়া রহিয়া,
উচ্ছ্বাসে বিলাপী যথা ! নড়িছে বিষাদে
মর্ম্মরিয়া পাতাকুল । বসিছে অরবে
শাখে পাখী ! রাশি রাশি কুসুম পড়িছে
তরুমূলে , যেন তরু, তাপি মনস্তাপে,
ফেলিয়াছে খুলি সাজ ! দূরে প্রবাহিণী,
উচ্চ বীচিরবে কাঁদি, চলিছে সাগরে,
কহিতে বারীশে যেন এ দুঃখ-বারতা !
না পশে সুধাংশু-অংশু সে ঘোর বিপিনে ।
ফোটে কি কমল কভু সমল সলিলে ?
তবুও উজ্জ্বল বন ও অপূর্ব রূপে !

একাকিনী বসি দেবী, প্রভা আভাগয়ী
তমোময় ধামে যেন ! হেন কালে তথা
সরমা সুন্দরী আসি বসিল। কাঁদিয়া
সতীর চরণ-তলে ; সরমা সুন্দরী,—
রক্ষঃকুল-রাজলক্ষ্মী রক্ষোবধবেশে ।

কতক্ষণে চক্ষুজল মুছি সুলোচনা
কহিল। মধুরস্বরে, “দূরন্ত চেড়ীরা

সীতা ও সরমার কথোপকথন ।

তোমাতে ছাড়িয়া, দেবি, ফিরিছে নগরে,
মহোৎসবে রত সবে আজি নিশাকালে,
এই কথা শুনি আমি আইলু পূজিতে
পা ছুখানি ! আনিয়াছি ক্ষৌটায় ভরিয়া
সিন্দূর, সধবা তুমি, তোমাতে কি সাজে
এ বেশ ? নিষ্ঠুর হায়, ছুষ্ট লক্ষ্যপতি ।
কে ছেঁড়ে পদের পর্ণ ? কেমনে হরিল
শু বরাক্ষ-অলক্ষ্য, বৃষ্টিতে না পারি ।”

কৌটা খুলি রক্ষাবধ যত্নে দিল ফোটা
সীমন্তে, সিন্দূর-বিন্দু শোভিল ললাটে,
গোধূলি-ললাটে, আহা ! তারারত্ন যথা ।
দিয়া ফোটা, পদধূলি লইলা সরমা !
“ক্ষম, লক্ষ্মি, ছুইলু ও দেব আকাঙ্ক্ষিত
তনু, কিন্তু চিরদাসী দাসী ও চরণে ।”

এতক কহিয়া পুনঃ বসিলা যুবতী
পদতলে . আহা গরি, স্তবর্ণ দেউটি
তুলসীর মূলে যেন জ্বলিল উজলি
দশদিশ ! মৃদুস্বরে কহিলা মৈথিলী—

“বথা গঞ্জ দশাননে তুমি, বিধুমুখি !
আপনি খুলিয়া আমি ফেলাইলু দূরে
আভরণ, যবে পাপী আমায়ে ধরিল
বনাশ্রমে । ছড়াইলু পথে সে সকল,
চিহ্নহেতু । সেই সেতু আনিয়াছে হেথা—
এ কনক লক্ষ্যপুরে—ধীর রঘুনাথে !

প্রবন্ধ-চন্দ্রিকা

মণি, মুক্তা, রতন কি আছে লো জগতে,
যাহে নাহি অবহেলি লভিতে সে ধনে ?”

কহিলা সরমা, “দেবি, শুনিয়াছে দাসী
তব স্বয়ংবর-কথা তব স্খামুখে ;
কেন বা আইলা বনে রঘুকুলমণি !
কহ এবে দয়া করি, কেমনে হরিল
তোমা রক্ষোরাজ, সতি ? এই ভিক্ষা করি,
দাসীর এ তৃষা তোষ স্খাবরিষণে !
দূরে ছুঁই চেড়ীদল, এই অবসরে
কহ মোরে বিবরিয়া, শুনি সে কাহিনী ।
কি ছলে ছলিলা রামে, ঠাকুর লক্ষ্মণে,
এ চোর ? কি মায়াবলে রাঘবের ঘরে
প্রবেশি, করিল চুরি এ হেন রতনে !”

যথা গোমুখীর মুখ হইতে স্খস্বনে
ঝরে পুত বারিধারা, কহিলা জানকী
সরমারে,—“হিতৈষিণী সীতার পরমা
তুমি, সখি ! পূর্বকথা শুনিবারে যদি
ইচ্ছা তব, কহি আমি, শুন মন দিয়া ।—

“ছিহু মোরা স্নলোচনে, গোদাবরী-তীরে,
কপোত-কপোতী যথা উচ্চবৃক্ষচূড়ে—
বাঁধি নীড় থাকে স্খখে, ছিহু ঘোর বনে
নাম পঞ্চবটী, মর্ত্যে সুরবন সম ।
সদা করিতেন সেবা লক্ষ্মণ স্মৃতি,
দণ্ডক ভাণ্ডার যার, দেখ ভাবি মনে,

সীতা ও সরমার কথোপকথন

কিসের অভাব তার ? যোগাতেন আনি
নিত্য ফলমূল বীর সৌমিত্রি, মৃগয়া •
করিতেন কভু প্রভু, কিন্তু জীবনাশে
সতত বিরত, সখি, রাঘবেন্দ্র বলী,—
দয়ার সাগর নাথ, বিদিত জগতে ।

“ভুলিছ পূর্বের স্মৃতি । রাজার নন্দিনী,
রঘুকুলবধু আমি ! কিন্তু এ কাননে
পাইছ, সরমা সই, পরম পীরিতি ।
কুটীরের চারিদিকে কত যে ফুটিত
ফুলকুল নিত্য নিত্য, কহিব কেমনে ?
পঞ্চবটীবনচর মধু* নিরবধি !

জাগাত প্রভাতে মোরে কুহরি স্মৃশ্বরে
পিকরাজ ! কোন্ রাণী, কহ শশিমুখি,
হেন চিত্তবিনোদন বৈতালিক-† গীতে
খোলে আখি ? শিখিসহ, শিখিনী স্মৃখিনী
• নাচিত ছুয়ারে মোর ! নর্তক নর্তকী
এ দৌহার সম, রামা, আছে কি জগতে ?
অতিথি আসিত নিত্য করভ করভী,
মৃগশিশু, বিহঙ্গ,—স্বর্ণ-অঙ্গ কেহ,
কেহ শুভ্র, কেহ কাল, কেহ বা চিত্রিত,
যথা বাসবের ধনুঃ ঘনবর-শিরে,
অহিংসক জীব যত । সেবিতাম সবে

* বসন্তকাল ।

† চৈতন্য-কারক, নিজাভঙ্গসময়ে স্ততি-পাঠক ।

প্রবন্ধ-চন্দ্রিকা

মহাদরে, পালিতাম পরম যতনে,
মরুভূমে শ্রোতস্বতী তৃষাতুরে যথা
আপনি স্নজ্জলবতী, বারিদ-প্রসাদে ।—
সরসী আরসী মোর ! তুলি কুবলয়ে,
(অতুল রতন সম) পরিতাম কেশে ;
সাজিতাম ফুল-সাজে, হাসিতেন প্রভু,
বনদেবী বলি মোরে সম্ভাষি কৌতুকে !
হায়, সখি, আর কি লো পাব প্রাণনাথে ?
আর কি এ পোড়া আঁখি এ ছার জনমে
দেখিবে সে পা দুখানি—আশার সরসে
রাজীব নয়নমণি ? হে দাক্ষণ বিধি,
কি পাপে পাপী এ দাসী তোমার সমীপে ?”

এতক কহিয়া দেবী কাঁদিল নীরবে !
কাঁদিল সরমা সতী তিত্তি অশ্রনীরে !
কতক্ষণে চক্ষুজল মুছি রক্ষোবধু
সরমা কহিল। সতী সীতার চরণে ।

“স্মরিলে পূর্বের কথা ব্যথা মনে যদি
পাও, দেবি, থাক তবে, কি কাজ স্মরিয়া ?
হেরি তব অশ্রবারি ইচ্ছি মরিবারে !”

উত্তরিল। প্রিয়ংবদা ; (কাঁদিয়া * যেমতি
মধুস্বরা)—“এ অভাগী, হায় লো স্নভগে,
যদি না কাঁদিবে, তবে কে আর কাঁদিবে

* শ্যামপক্ষী, কলহংসী

সীতা ও সরমার কথোপকথন ।

এ জগতে ? কহি, শুন পূর্বের কাহিনী ।—

“বরিষার কালে, সখি, প্লাবন-পীড়নে
কাতর প্রবাহ ঢালে, তীর অতিক্রমি
বারিরাশি দুই পাশে, তেমতি যে মনঃ
দুঃখিত, দুঃখের কথা কহে সে অপরে ।
তেঁই আমি কহি, তুমি শুন লো সরমে !
কে আছে সীতার আর এ অরূপরে * ?
পুঞ্চবটী বনে মোরা, গোদাবরী-তটে
ছিন্ন স্মখে । হায়, সখি, কেমনে বর্ণিব
সে কান্তার-কান্তি † আমি ? সতত স্বপনে
শুনিতাম বনবীণা বনদেবী-করে !
সরসীর তীরে বসি দেখিতাম কভু
সৌরকররাশি-বেশে সুরবালাকেন্নি
পদুবনে ‡ কভু স্মধরী ঋষিবংশবধু
সুহাসিনী, আসিতেন দাসীর কুটীরে,
সুধাংশুর অংশু যেন অঙ্ককার ধামে !
অজিন, রঞ্জিত আহা কত শত রঙে ;
পাতি বসিতাম কভু দীর্ঘ তরুমূলে,
সখীভাবে সস্তাষিয়া ছায়ায় ; কভু বা
কুরঙ্গিনী সঙ্গে সঙ্গে নাচিতাম বনে,

* রাক্ষস-পুরীতে ।

† মহারণা-শোভা ।

‡ প্রস্তুত পদ্য সকলের উপর সূর্যের কিরণ পড়িয়া, যে অপূর্ণ শোভা হয়, উহাই যেন দেবকন্যাগণের ক্রীড়া ।

প্রবন্ধ-চন্দ্রিকা

গাইতাম গীত, শুনি কোকিলের ধ্বনি ;
কভুবা প্রভুর সহ ভ্রমিতাম স্মখে
নদী-তটে দেখিতাম তরল সলিলে
নূতন গগনে যেন নব তারাবলী,
নব নিশাকান্ত-কান্তি ! কভু বা উঠিয়া
পৰ্বত-উপরে, সখি, বসিতাম আমি
নাথের চরণতলে, ব্রততী যেমতি
বিশাল-রসাল-মূলে ! কত যে আদরে
তুষিতেন প্রভু মোরে, বরষি বচন-
সুধা, হায়, কব কারে ! কব বা কেমনে ?
শুনেছি কৈলাসপুরে কৈলাস-নিবাসী
ব্যোমকেশ, স্বর্গাসনে বসি গৌরীসনে,
আগম, পুরাণ, বেদ, পঞ্চতন্ত্র কথা
পঞ্চ মুখে পঞ্চমুখ কহেন উমারে ;
শুনিতাম সেইরূপে আমিও, রূপসি,
নানা কথা ! এখনও এ বিজন বনে,
ভাবি আমি শুনি যেন সে মধুর বাণী ।
সাক্ষ কি দাসীর পক্ষে, হে নিষ্ঠুর বিধি,
সে সঙ্গীত ?” নীরবিলা আয়তলোচনা
বিষাদে ! কহিলা তবে সরমা সুন্দরী,—
“শুনিলে তোমার কথা, রাঘব-রমণি,
ঘৃণা জন্মে রাজভোগে ! ইচ্ছা করে, ত্যজি
রাজ্যসুখ, যাই চলি হেন বনবাসে !
! কিন্তু ভেবে দেখি যদি, ভয় হয় মনে !

শক্তিশেল-বিদ্ধ লক্ষ্মণের মুমূষু অবস্থায় রামচন্দ্রের বিলাপ

- রবিকর যবে, দেবি, পশে বনস্থলে
তমোময়, নিজগুণে আলো করে রুনে
সে কিরণ, নিশি যবে যায় কোন দেশে,
মলিন-বদন সবে তারু সমাগমে !
যথা পদার্পণ তুমি কর, মধুমতি,
কেন না হইবে স্ত্রী সর্কজন তথা ?
জগৎ-আনন্দ তুমি, ভুবনমোহিনি !
কহ দেখি, কি কৌশলে হরিল তোমারে
রক্ষঃপতি ? শুনিয়াছে বীণাধ্বনি, দাসী,
পিকবর-রব নব পল্লবমাঝারে
সরস মধুর মাসে, কিন্তু নাহি শুনি
• হেন মধুমাথা কথা কহু এ জগতে !”
(৩ মাইকেল মধুসূদন দত্ত) .

শক্তিশেল-বিদ্ধ লক্ষ্মণের মুমূষু অবস্থায় রামচন্দ্রের বিলাপ ।

চেতন পাইয়া নাথ কহিলা কাতরে,
“রাজ্য ত্যজি বনবাসে নিবাসিহু যবে
লক্ষ্মণ, কুটীরদ্বারে নিত্য নিশাকালে,
ধনু করে, হে স্ত্রী ! জাগতে সতত
তুমি ! আজি রক্ষঃপুরে অরি-মাবো আমি
বিপদ-সলিলে মগ্ন ; তবুও ভুলিয়া
আমায়, হে মহাবাহু, লভিছ ভূতলে

প্রবন্ধ-চন্দ্রিকা ।

বিরাম ! রাখিবে আজি কে, কহ আমারে ?
উঠ বলি ! কবে তুমি বিরত পালিতে
ভ্রাতৃ-আজ্ঞা ? তবে যদি মম ভাগ্যদোষে—
চিরভাগ্যহীন আমি—তাজিলা আমারে
প্রাণাধিক, কহ শুনি, কোন্ অপরাধে
অপরাধী তব কাছে অভাগী জানকী ?
দেবর লক্ষ্মণে স্মরি রক্ষঃ-কারাগারে
কঁাদিছে সে দিবানিশি ! কেমনে ভুলিলে—
হে ভাই, কেমনে তুমি ভুলিলে হে আজি
মাতৃসম নিত্য যারে সেবিতে আদরে !
হে রাঘবকুলচূড়া, তব কুলবধ
রাখে বাঁধি পৌলস্তেয় ! না শাস্তি সংগ্রামে
হেন ছুষ্টমতি চোরে, উচিত কি তব
এ শয়ন—বীরবীর্ঘ্যে সর্কভূক-সম
ছুর্কার সংগ্রামে তুমি ? উঠ, ভীমবাহু,
রঘুকুল-জয়কেতু ! অসহায় আমি
তোমা বিনা, যথা রথী শূন্যচক্র রথে ।
তোমার শয়নে হনু বলহীন বলী,
গুণহীন ধনুঃ যথা ; বিলাপে বিষাদে
অধীর কর্করোত্তম বিভীষণ রথী,
ব্যাকুল এ বলিদল ! উঠ ত্বর করি,
জুড়াও নয়ন, ভাই, নয়ন উন্মীলি ।
কিন্তু ক্লাস্ত যদি তুমি এ ছুরস্ত রণে,
ধনুর্ধর, চল ফিরি যাই বনবাসে ।

শক্তিশেল-বিদ্ধ লক্ষ্মণের মুমূর্ষু অবস্থায় রামচন্দ্রের বিলাপ

নাহি কাজ, প্রিয়তম, সীতার উদ্ধারি
অভাগিনী ! নাহি কাজ বিনাশি রাক্ষসে ।
তনয়-বৎসলা যথা স্মিত্রা জননী
কাঁদেন সরযুতীরে, কেমনে দেখাব
এ মুখ, লক্ষ্মণ, আমি, তুমি না ফিরিলে
সঙ্গে মোর ? কি করিব, সুধাবেন যবে
মাতা, 'কোথা রামভদ্র, নয়নেব মণি
আমার, অনুজ তোর ?' কি ব'লে বুঝাব
উর্শ্বলা বধুরে আমি, পুরবাসী জনে ?
উঠ বৎস ! আজি কেন বিমুখ হে তুমি
সে ভ্রাতার অনুরোধে, যার প্রেমবশে
রাজ্যভোগ ত্যজি তুমি পশিলা কাননে ?
সমদুঃখে সদা তুমি কাঁদিতে, হেরিলে
অশ্রময় এ নয়ন, মুছিতে যতনে
অশ্রধারা , তিত্তি এবে নয়নের জলে
আমি, তবু নাহি চাহ তুমি মোর পানে
প্রাণাধিক ? হে লক্ষ্মণ, এ আচার ক'হু
(সূভ্রাতৃবৎসল তুমি বিদিত জগতে !)
সাজে কি তোমারে, ভাই, চিরানন্দ তুমি
আমার ? আজন্ম আমি ধর্ম্মে লক্ষ্য করি,
পূজিষু দেবতাকুলে—দিল। কি দেবতা
এই ফল ? হে রজনী ! দয়াময়ী তুমি,
শিশির-আসারে নিত্য সরস* কুসুম

* রসযুক্ত (সিক্ত) কর ।

নিদাঘার্ভ, প্রাণদানি দেহ এ প্রসূনে !
সুধানিধি তুমি, দেব সুধাংশু ! বিতর
জীবনদায়িনী সুধা, বাঁচাও লক্ষ্মণে,
বাঁচাও করুণাময়, 'ভিখারী' রাখবে ।

(৩মার্চকৈল মধুসূদন ৮৩)

স্বভাবের শোভা ।

একদা নিদাঘকালে নিশীথ সময়,
তাপিত করিল তনু গ্রীষ্ম নিরদয় ।
হইল বিষম দায় শয়নে শয়নে,
চলিলাম বাহিরেতে সমীর-সেবনে ।
প্রকৃতির বিচিত্রতা করি দরশন,
ডুবিল বিমল-সুখ-সিন্ধু-জলে মন ।
উত্তালতরঙ্গময় সাগর সমান,
কোলাহল-পূর্ণ ছিল যেই জনস্থান,
নির্ঝাত-তড়াগসম হ'য়েছে এখন,
সুস্বপ্নিত সুগভীর শান্ত-দরশন ।
তরু'পরে ঝিল্লী শুধু ঝিঁ ঝিঁ রব করে,
সুধার সুধারা ঢালে শ্রবণ-বিবরে ।
ভুবনব্যাপিনী চাকু চন্দ্রিকার ভাস,
বোধ হয় প্রকৃতি-বদন ভরা হাস ।
মন্দ মন্দ সুশীতল সমীর সঞ্চারে,
যেন নড়ে তালবৃন্ত প্রকৃতির করে ।

টুপ টুপ পড়িছে শিশিরবিন্দুচয়,
 প্রকৃতির আনন্দাশ্রু অক্লুভূত হয় ।
 চেয়ে দেখি নিরমল স্নানীল আকাশে,
 সমুজ্জ্বল অগণন তারকা প্রকাশে ;
 যেন নীল চন্দ্রাতপ ঝক্ ঝক্ জলে,
 হীরকের কাজ তায় করা স্নকৌশলে !
 অনন্তর প্রমোদ-অন্তরে ধীরে ধীরে,
 উপনীত হইলাম তটিনীর তীরে ।
 বিকসিত কাগিনী-কুসুম-তরুতলে
 বসিলাম চিন্তা-সর্গী সহ কুতূহলে ।
 মনোরমা সে তটিনী নয়ন-রঞ্জিনী,
 নিরমল নীরময়ী মৃদুলগাগিনী ।
 মন্দ মন্দ বায়ুভরে মন্দ মন্দ হেলে,
 বিধুর উজ্জ্বল আভা তার হৃদে খেলে ।
 কল্লোলিনী কলস্বরে করে কুলকুল,
 কি ছার বংশীর ধ্বনি, নহে তার তুল :
 আম জাম নারিকেল গুবাক তেঁতুল,
 নানাজাতি তরুদলে শোভে দুই কুল ।
 শশিকরে তাহাদের স্নেহময় কায়,
 মরি, কি আশ্চর্য্য শোভা পরিয়াছে হায় !
 কোথায় মাদবীসহ জড়িত হইয়া,
 সহকার নদী'পরে পড়েছে ঝাকিয়া ;
 যেন নিরমল স্বচ্ছ সলিল-দর্পণে
 মুখ দেখিতেছে তারা পুলকিত মনে ।

প্রবন্ধ-চন্দ্রিকা

কোথাও বাঁশের ঝাড় বাঁকিয়া পড়েছে,
কোথাও তেঁতুলডাল হেলিয়া র'য়েছে ;
শোভিছে তাদের ছায়া সলিল ভিতরে,
ক্ষণে স্থির, ক্ষণে দোলে, সমীরণভরে ।
সারি সারি তরণী ছ'ধারে শোভা পায়,
দাড়ী মাঝি আরোহীরা স্থখে নিদ্রা যায় ;
কেহ বা জাগিয়া আছে তঙ্গরের ডরে,
কেহ বা গাহিছে গীত গুন্ গুন্ স্বরে ।

এইরূপ প্রকৃতির রূপ দর্শনে
আহা ! কি বিমল স্থখ উপজিল মনে !
শিহরিল কলেবর পুলকে পূরিল ;
আনন্দাশ্রু অপাঙ্গেতে উদিত হইল ;
মনে মনে কহিলাম, “অয়ি স্বপ্রকৃতে !
শোভনে, বিচিত্র-চাক-ভ্রমণে ভূষিতে !
মরি মরি, কিবা তব মোহিনী মুরতি !
নিরাগি নয়নে হ'ল জড়প্রায় মতি ।
অপরূপ তব রূপ, এক রূপ নয়,
নব নব রূপ ধর সময় সময় ।

যখন প্রার্বট্‌কালে জলদের দল,
নিয়ত ঢাকিয়া থাকে গগনমণ্ডল,
ঝাম্ ঝাম্ রবে হর্ষে বর্ষে নব নীর,
মাঝে মাঝে ভীম রবে গরজে গভীর,
থেকে থেকে জ্যোতির্ময়ী চপলা চমকে,
ভুবন উজ্জ্বল করে রূপের ঠমকে,

কদম্ব কেতকী আদি কুসুমনিকরে,
ফুটিয়া কানন-কায় অলঙ্কৃত করে,
তখন তোমার চারু রূপ দরশনে,
বল বল নাহি হয় মুগ্ধ কোন্ জনে ?
সুখময় ঋতুনাথ বসন্তে যখন
নব পরিচ্ছদে কর তনু আচ্ছাদন,
ফুল ফুল দুর্বাদল চারু আভরণে
সাজাও আপন অঙ্গ সহস্রাবদনে ;
বিহঙ্গ-মিনাদচ্ছলে গাও সুললিত ;
তখন না হয় কার মানস মোহিত ?
এইরূপ বে সময়ে যেই রূপ ধর,
তা'তেই তখন ভব-জন-মন হর ।
সাধে কি গো কত মহা মহা কুব্যকর,
উপেক্ষিয়া নগরের শোভা মনোহর,
গভীর অরণ্যে, ঘন শ্যামল প্রান্তরে,
ভীষণ বিজন গিরি-গহ্বরে গহ্বরে,
হেরিবারে তোমার এ রূপ বিমোহন
অনুক্ষণ স্তম্ভভাবে করেন ভ্রমণ ?
সাধে কি গো ! কবিদের সফল নয়ন,
তুচ্ছ ভাবে অট্টালিকা-সুস্ত সুশোভন ?
সামান্য তরুর পাতা করি দরশন
চারু কারু-কার্যে তাঁরা বিমোহিত হন ।
ধিক্ সে মনুগুণে ধিক্ ধিক্ ধিক্ !
তোমা চেয়ে শিল্পে যারা বাথানে অধিক !

প্রবন্ধ-চন্দ্রিকা

হেরিতে কৃত্রিম শোভা ব্যগ্র-চিত্তে ধায়,
তোমার সৌন্দর্য্যপানে ফিরিয়া না চায় !
কৃত্রিম কুসুম দেখে প্রসক্ত-হৃদয়,
স্বভাবজ ফুল ফুলে অনুরক্ত নয় ;
মনুষ্য-নির্মিত রম্য হস্যের ভিতরে,
বদ্ধ থাকে চিরকাল প্রফুল্ল অন্তরে :
উদ্যান, বিপিন, গিরি করিয়া ভ্রমণ,
তোমার বিচিত্র-রূপ হেরে না কখন ;
বনবাসী বিহঙ্গের মধুময় গান
শ্রবণ করিয়া, কভু না জুড়ায় প্রাণ ।
বিফল তাদের জন্ম, বিফল জীবন,
বিমল আনন্দ তারা না জানে কেমন ।

ধন্য ধন্য সেই সূচতুর শিল্পকর !
যে রচিল তোমার এ তনু মনোহর !
বিচিত্র কৌশল তাঁর অনন্ত শক্তি,
বারেক ভাবিলে হয় অবসন্ন মতি ।
বল গো শোভনে অয়ি প্রকৃতি সুন্দরি !
কে রচিল তোমার এ কান্তি সুখকরী ?
কোথা সেই রচয়িতা সর্বগুণাধার ?
কোথা গেলে পাব আমি দরশন তাঁর !

(কৃষ্ণচন্দ্র মজুমদার)

সীতাহরণে রাঁমের খেদ ।

বিলাপ করেন রাম লক্ষ্মণের আগে ।
ভুলিতে না পারি সীতা সদা মনে জাগে
কি করিব কোথা যাব ভাইরে লক্ষ্মণ ।
কোথা গেলে পাব সীতা বল এইক্ষণ ॥
বুঝি কোন মুনিপত্নী সহিত কোথায় ।
গেলেন জানকী নাহি জানায়ে আশায় ॥
গোদাবরী-তীরে আছে কমল-কানন ।
তথা কি কমলমুখী করেন ভ্রমণ ॥
পদ্মালয়া পদ্মমুখী সীতারে পাইয়া ।
রাখিলেন বুঝি পদ্মবনে লুকাইয়া ॥
চিরদিন পিপাসিত করিয়া প্রয়াস ।
চন্দ্রকলা-ভ্রমে রাহু করিলা কি গ্রাস ॥
রাজ্যচ্যুত আমারে দেখিয়া চিন্তান্বিতা ।
হরিলেন পৃথিবী কি আপন দুহিতা ॥
রাজ্যহীন যদি আমি হইয়াছি বটে ।
রাজলক্ষ্মী তথাপি ছিলেন সন্নিকটে ॥
আমার সে রাজলক্ষ্মী হারালাম বনে ।
কৈকেয়ীর মনোহভীষ্ট পূর্ণ এতদিনে ॥
সৌদামিনী যেমন লুকায় জলধরে ।
লুকাইল তেমনি জানকী বনান্তরে ॥
কনক-লতার প্রায় জনক-দুহিতা ।
বনে ছিল কে করিল তারে উৎপাটিতা ॥

প্রবন্ধ-চন্দ্রিকা ।

দিবাকর, নিশাকর, গ্রহ তারাগণ ।
দিবানিশি করিতেছে তমো-নিবারণ ॥
তারা না হরিতে পারে তিমির আমার ।
এক সীতা বিহনে সকল অন্ধকার ॥
দশদিক্ শূন্য দেখি সীতার অভাবে ।
সীতা বিনা অন্য কিছু হৃদয় না ভাবে ॥
আমি জানি পঞ্চবটি তুমি পুণ্যস্থান ।
তাই সে এখানে করিলাম বাসস্থান ॥
তাহার উচিত ফল দিলা যে আমারে ।
গুণময়ী সীতা মম দিলা তুমি কা'রে ॥
শুন পশু পক্ষী মৃগ শুন বৃক্ষ লতা ।
বল কে হরিল মম চন্দ্রমুখী সীতা ॥
হে অরণ্য ওহে গিরি বন্য বৃক্ষগণ ।
কহিয়া সীতার কথা রাখহ জীবন ॥

(৩কৃত্তিবাস পণ্ডিত)

দ্রৌপদীর স্বয়ংবর ।

দ্বিজসভা-মধ্যেতে বসিয়া যুধিষ্ঠির ।
চতুর্দিকে বেষ্টি বসিয়াছে চারি বীর ॥
আর যত বসিয়াছে ব্রাহ্মণমণ্ডল ।
দেবগণ-মধ্যে যেন শোভে আথগুণ ॥
নিকটেতে ধৃষ্টদ্যায় পুনঃ পুনঃ ডাকে ।
লক্ষ্য আসি বিক্রম যাহার শক্তি থাকে ॥

দ্রৌপদীর স্বয়ংবর

যে লক্ষ্য বিক্রিবে, কণ্ঠা পাবে সেই বীর ।
শুনি ধনঞ্জয়, চিত্তে হইলা অস্থির ॥
বিক্রিব বলিয়া লক্ষ্য করি হেন মনে ।
যুপিষ্ঠির পানেতে চাহেন অন্তক্ষণে ॥
অর্জুনের চিত্ত বুঝি, চাহেন ইঙ্গিতে ।
আজ্ঞা পেয়ে ধনঞ্জয় উঠেন হরিতে ॥
অর্জুন চলিয়া যান ধনুকের ভিতে ।
দেখিয়া সে দ্বিজগণ লাগে জিজ্ঞাসিতে ॥
“কোথাকারে যাহ দ্বিজ, কিসের কারণ !
সভা হ’তে উঠি যাহ, কোন্ প্রয়োজন ॥”
অর্জুন বলেন, “যাই লক্ষ্য বিক্রিবারে ।
প্রসন্ন হইয়া সবে আজ্ঞা দেহ মোরে ।”
শুনিয়া হাসিল যত ব্রাহ্মণমণ্ডল ।
কণ্ঠারে দেখিয়া দ্বিজ হইল পাগল ॥
যে ধনুকে পরাজয় পায় রাজগণ ।
জরামক, শল্য, শাল্ল, কর্ণ, দুর্ষোধান ॥
সে লক্ষ্য বিক্রিতে দ্বিজ চাহে কোন্ লাজে ?
ব্রাহ্মণেতে হাসাইল ক্ষত্রিয়-সমাজে ॥
বলিবেক ক্ষত্র সবে, লোভী দ্বিজগণ ।
হেন বিপরীত আশা করে সে কারণ ॥
বহু দূর হৈতে আসিয়াছে দ্বিজগণ ।
বহু আশা করিয়াছে পাবে বহু ধন ॥
সে সব হইবে নুষ্ঠ তোমার কৰ্ম্মেতে ।
অসম্ভব আশা কেন কর দ্বিজ ইথে ?

প্রবন্ধ-চন্দ্রিকা ।

এত বলি ধরাধরি করি বসাইল ।
দেখি ধর্মপুত্র, দ্বিজগণেরে कहিল ॥
“কি কারণে দ্বিজগণ, কর নিবারণ ?
যার যত পরাক্রম সে জানে আপন ॥
যে লক্ষ্য বিন্ধিতে ভঙ্গ দিল রাজগণ ।
শক্তি না থাকিলে তথা যাবে কোন্ জন ?
বিন্ধিতে না পারিলে আপনি পাবে লাজ ।
তবে নিবারণে আমা সবার কি কাজ ?”
যুধিষ্ঠির-বাক্য শুনি ছাড়ি দিল সবে ।
ধনুর নিকটে যান ধনঞ্জয় তবে ॥
হাসিয়া ক্ষত্রিয় যত করে উপহাস ।
অসম্ভব কার্যে দেখি দ্বিজের প্রয়াস ॥
সভামধ্যে ব্রাহ্মণের মুখে নাহি লাজ !
যাহে পরাজয় হৈল রাজার সমাজ ॥
স্বরাস্বরজয়ী যেই বিপুল ধনুক ।
তাহে লক্ষ্য বিন্ধিবারে চলিল ভিক্ষুক !
কন্যা দেখি দ্বিজ কিবা হইল অজ্ঞান !
বাতুল হইল কিংবা করি অন্তমান ॥
কিংবা মনে করিয়াছে দেখি একবার ।
পারিলে পারিব, নহে কি যা'বে আবার ॥
নির্লজ্জ ব্রাহ্মণে নাহি অমনি ছাড়িব ।
উচিত যে শাস্তি হয় অবশ্য তা দিব ॥
কেহ বলে ব্রাহ্মণেরে না कह এমন ।
সামান্য মনুষ্য বৃষি না হবে এ জন ॥

দ্রৌপদীর স্বয়ংবর

দেখ দ্বিজ মনসিজ জিনিয়া মুরতি ।
পদ্মপত্র যুগ্মনেত্র পরশয়ে শ্রুতি ॥
অনুপম তনু শ্যাম-নীলোৎপল-আভা ।
মুখরুচি কত শুচি করিয়াছে শোভা ॥
সিংহগ্রীব, বন্ধুজীব অধরের তুল ।
খগরাজ পায় লাজ নাসিকা অতুল ॥
দেখ চারু যুগ্ম ভুরু, ললাট প্রসর ।
কি সানন্দ গতি মন্দ মত্ত করিবর ॥
ভুজযুগে নিন্দে নাগে আ-জানুলম্বিত ।
করিকর-যুগবর জানু সুবলিত ॥
মহাবীর্য, যেন সূর্য জলদে আবৃত ।
অগ্নি-অংশু যেন পাংশু-জালে আচ্ছাদিত
এই ক্ষণে লয় মনে বিক্ৰিবেক লক্ষ্য ।
কাশী ভণে হেন জনে কি কৰ্ম অশক্য ॥
তবে পাথ প্রণময়ে ধর্মের চরণে ।
যুধিষ্ঠির বলিলেন, চাহি দ্বিজগণে ॥
“লক্ষ্যবেদ্বা ব্রাহ্মণ প্রণমে কৃতাজলি ।
কল্যাণ করহ তারে ব্রাহ্মণমণ্ডলী ॥”
শুনি দ্বিজগণ বলে স্বস্তি স্বস্তি বাণী ।
“লক্ষ্য বিক্ৰি প্রাপ্ত হোক দ্রুপদনন্দিনী ॥
ধনু ল'য়ে পাঞ্চালে বলেন ধনঞ্জয় ।
কি বিক্ৰিব, কোথা লক্ষ্য, বলহ নিশ্চয় ॥
ধৃষ্টদ্যুম্ন বলে এই দেখহ জলেতে ।
চক্রচ্ছদ্রপথে মৎস্য পাইবে দেখিতে ॥

প্রবন্ধ-চন্দ্রিকা ।

কনকের মংস্র, তার মাণিক নয়ন ।
সেই মংস্র-চক্র বিক্ৰিবেক যেই জন ॥
সে হইবে বল্লভ আমার ভগিনীর ।
এত শুনি জলে দেখে পার্থ মহাবীর ॥
উর্দ্ধবাহু করিয়া আকর্ণ টানি গুণ ।
অধোমুখ করি বাণ ছাড়িল অর্জুন ॥
মহাশব্দে মংস্র যদি হইলেক পার ।
অর্জুনের সম্মুখে আইল পুনর্বার ॥
বিক্রিল বিক্রিল বলি হৈল মহাপ্রনি ।
শুনিয়া বিস্ময়াপন্ন যত নৃপমণি ॥

হাতেতে দধির পাত্র ল'য়ে পুষ্পমালা ।
দ্বিজেরে বরিতে যায় দ্রুপদের বাল্য ॥
দেখিয়া বিস্মিত হইল যত নৃপমণি ।
ডাকিয়া বলিল, “রহ রহ, যাজ্ঞসেনি ।
ভিক্ষুক দরিদ্র এ সহজে হীনজাতি ।
লক্ষ্য বিক্রিবারে কোথা ইহার শক্তি ?
মিথ্যা গোল কি কারণে কর দ্বিজগণ ।
গোল করি কণ্ঠা কোথা পাইবে ব্রাহ্মণ ?
ব্রাহ্মণ বলিয়া চিত্তে উপরোধ করি ।
ইহার উচিত এই ক্ষণে দিতে পারি ॥
পঞ্চ ক্রোশ উর্দ্ধে লক্ষ্য শূন্যেতে আছয় ।
বিক্রিল কি না বিক্রিল, কে জানে নিশ্চয় ?
বিক্রিল বিক্রিল বলি লোকে জানাইল ।
কহ দেখি কোথা মীন কেমনে বিক্রিল ?”

দ্রৌপদীর স্বয়ংবর

তবে ধৃষ্টদ্যুম্ন সহ বহু দ্বিজগণ ।
নির্গয় করিতে করে জল নিরীক্ষণ ॥
কেহ বলে বিক্রিয়াছে, কেহ বলে নয় ।
“ছায়া দেখি কি প্রকারে হইবে নিশ্চয় ?
শূন্য হ’তে মীন যদি কাটিয়া পাড়িবে ।
সাক্ষাতে দেখিলে তবে প্রত্যয় জন্মিবে ॥
“কাটি পাড়ি মৎস্য যদি আছয়ে শক্তি ।”
এইরূপে কহিল যতেক দৃষ্টমতি ॥

শুনিয়া বিস্মিত হৈল পাঞ্চাল-নন্দন ।
হাসিয়া অর্জুন বীর বলেন বচন ॥
“অকারণে মিথ্যা হৃদয় কর কেন সবে ।
মিথ্যা কথা কহিলে সে কতক্ষণ রবে ॥
কতক্ষণ জলের তিলক থাকে ভালে ।
কতক্ষণ রহে শিলা শূন্যেতে গারিলে ?
সর্বকাল দিবস রজনী নাহি রয় ।
মিথ্যা মিথ্যা, সত্য সত্য, লোকে খ্যাত হয় ॥
অকারণে মিথ্যা বলি করিলে ভণ্ডন ।
লক্ষ্য কাটি ফেলিব দেখুক সর্বজন ॥
একবার নয়, বলি সম্মুখে সবার ।
যতবার বলিবে, বিক্রিব ততবার ॥”

ত বলি অর্জুন নিলেন ধনুঃশর ।
আকর্ণ পূরিয়া বিক্রিলেন দূতর ॥
সভাজন স্থিরনেত্রে দেখয়ে কোতুকে ।
কাটিয়া পাড়িল লক্ষ্য সবার সম্মুখে ॥

দেখিয়া বিস্ময় ভাবে সব রাজগণ ।

জয় জয় শব্দ করে যতেক ব্রাহ্মণ ॥

(৩ কাশীরাম দাস)

অন্নদার ভবানন্দ-ভবনে যাত্রা ।

অন্নপূর্ণা উত্তরিল গাঙ্গিনীর তীরে,
পার কর বলিয়া ডাকিলা পাটনীরে ।
সেই ঘাটে থেয়া দেয় ঈশ্বরী পাটনী,
দ্বরায় আনিল নৌকা বামা-স্বর শুনি ;
ঈশ্বরীরে জিজ্ঞাসিল ঈশ্বরী পাটনী ;—
একা দেখি কুলবধু কে বট আপনি ?
পরিচয় না দিলে করিতে নারি পার,
ভয় করি, কি জানি কে দিবে ফেরফার ।
ঈশ্বরীরে পরিচয় কহেন ঈশ্বরী,
বুঝহ ঈশ্বরী, আমি পরিচয় করি ।
বিশেষণে সবিশেষ কহিবারে পারি ;
জানহ স্বামীর নাম নাহি ধরে নারী ।
গোত্রের প্রধান পিতা মুখ-বংশজাত,
পরমকুলীন স্বামী বন্দ্যবংশখ্যাত ;
পিতামহ দিলা মোরে অন্নপূর্ণা নাম,
অনেকের পতি তেঁই পতি মোর বাম ;
অতি বড় বৃদ্ধ পতি সিদ্ধিতে নিপুণ,
কোন গুণ নাহি তাঁর কপালে আগুন !

অন্নদার ভবানন্দ-ভবনে যাত্রা

কু-কথায় পঞ্চমুখ, কণ্ঠ-ভরা বিষ,
কেবল আমার সঙ্গে স্বন্দ্র অহনিশ ।
গঙ্গা নামে সত্য তার তরঙ্গ এমনি,
জীবন-স্বরূপা সে স্বামীর শিরোমণি ।
ভূত নাচাইয়া পতি ফিরে ঘরে ঘরে ;
না মরে পাষণ বাপ দিল হেন বরে ।
অভিমাণে সমুদ্রেতে ঝাঁপ দিলা ভাই,
যে মোরে আপন ভাবে তারি ঘরে যাই ।
পাটনী বলিছে, আমি বুঝি স্কল ;
যেখানে কুলীন জাতি সেখানে কোন্দল ।
শীঘ্র আসি নায়ে চড়, দিবে কিবা বল ?
দেবী ক'ন, দিব, আগে পারে লয়ে চল ।
বার নামে পার করে ভব-পারাবার,
ভাল ভাগ্য পাটনী ঠাহারে করে পার !
বলিলা নায়ের বাড়ে, নামাইয়া পদ,
কিবা শোভা, নদীতে ফুটিল কোকনদ !
পাটনী বলিছে, মা গো, বৈস ভাল হ'য়ে,
পায়ে ধরি কি জানি কুমীরে যাবে ল'য়ে !
ভবানী কহেন, তোর নায়ে ভরা জল,
আলতা ধুইবে, পদ কোথা খুব বল ?
পাটনী বলিছে, মা গো, শুন নিবেদন,
সেঁউতী উপরে রাখ ও রাঙা চরণ ।
পাটনীর বাক্যে মাতা হাসিয়া অস্তরে,
রাখিলা দুখানি পদ সেঁউতী উপরে ।

প্রবন্ধ-চন্দ্রিকা

বিধি বিষ্ণু ইন্দ্র চন্দ্র, যে পদ ধোয়ায়,
হৃদে ধরি ভূতনাথ ভূতলে লুটায়,
সে পদ রাখিলা দেবী সঁউতী উপরে,
তাঁর ইচ্ছা বিনা ইথে কি তপ সঞ্চরে ?
সঁউতীতে পদ দেবী রাখিতে রাখিতে,
সঁউতী হইল সোণা দেখিতে দেখিতে ।
সোণার সঁউতী দেখি পার্টনীর ভয় ;
এ ত মেয়ে মেয়ে নয়, দেবতা নিশ্চয় !
তীরে উত্তরিল তরী তারা উত্তরিলা,
পূর্বমুখে স্মুখে গজ-গমনে চলিলা ।
সঁউতী লইয়া কক্ষে চলিল পার্টনী ;
পিছে দেখি তারে দেবী ফিরিলা আপনি ।
সভয়ে পার্টনী কহে, চক্ষে বহে জল,
দিয়াছ যে পরিচয়, সে বুঝিলু ছল ।
হের দেখ সঁউতীতে খুয়েছিলে পদ,
কাঠের সঁউতী মোর হৈল অষ্টাপদ ।
ইহাতে বুঝিলু তুমি দেবতা নিশ্চয় ;
দয়ায় দিয়াছ দেখা, দেহ পরিচয় ।
তপ জপ জানি নাহি, ধ্যান জ্ঞান আর ;
তবে যে দিয়াছ দেখা, দয়া সে তোমার ।
যে দয়া করিল মোর এ ভাগ্য-উদয়,
সেই দয়া হ'তে মোরে দেহ পরিচয় ।
ছাড়াইতে নারি, দেবী কহিলা হাসিয়া,
কহিয়াছি সত্য কথা বুঝি ভাবিয়া ।

অন্নদার ভবানন্দ-ভবনে যাত্রা ।

আমি দেবী অন্নপূর্ণা প্রকাশ কাশীতে,
চৈত্রমাসে মোর পূজা শুরু অষ্টমীতে ।
ভবানন্দ মজুন্দার নিবাসে রহিব,
বর মাগ মনোমত, যাহা চাহ দিব ।
প্রণমিয়া পাটনী কহিছে যোড় হাতে,
আমার সন্তান যেন থাকে দুধেভাতে ।
তথাস্তু বলিয়া দেবী দিলা বর দান,
দুধেভাতে থাকিবেক তোমার সন্তান ।
বর পেয়ে পাটনী ফিরিয়া ঘরে যায় ;
পুনর্বার ফিরে চাহে দেখিতে না পায় ।
সাত পাঁচ মন করি, প্রেমেতে পুরিল,
ভবানন্দ মজুন্দারে আসিয়া কহিল ।
তার বাক্যে মজুন্দারে' প্রত্যয় না হয়,
সোণার সঁউতী দেখি করিলা প্রত্যয় ।
আপন মন্দিরে গেলা প্রেমে ভয়ে কাঁপি ;
দেখেন মেঝায় এক মনোহর কাঁপি ;
গন্ধে আমোদিত ঘর, নৃত্য বাজ গান ;
কে বাজায়, নাচে গায়, দেখিতে না পান ।
পুলকে পুরিল অঙ্গ, ভাবিতে লাগিলা ;
হইল আকাশবাণী, অন্নদা আইলা ।
এই কাঁপি যত্নে রাখ, কভু না খুলিবে ;
তোর বংশে মোর দয়া প্রধানে থাকিবে ।
আকাশবাণীতে দয়া জানি অন্নদার,
দগুবৎ হৈল ভবানন্দ মজুন্দার ।

(৩ভারতচন্দ্র রায় গুণাকর)

কৈলাস ।

কৈলাস ভূধর, অতি মনোহর, কোটি শশী পরকাশ ।
গন্ধর্ভ, কিন্নর, যক্ষ, বিজ্ঞানর, অঙ্গরোগণের বাস ॥
তরু নানাজাতি, লতা নানাভাতি, ফলে ফুলে বিকসিত
বিবিধ বিহঙ্গ, বিবিধ ভূজঙ্গ, নানা পশু সুশোভিত ॥
অতি উচ্চতরে, শিখরে শিখরে, সিংহ সিংহনাদ করে ।
কোকিল হুকারে, ভ্রমর বাকারে, মুনির মানস হরে ॥
মৃগ পালে পাল, শাদ্দূল রাখাল, কেশরী হস্তি-রাখাল ।
ময়ূর ভূজঙ্গে, ক্রীড়া করে রঙ্গে, ইন্দুরে পোষে বিড়াল ॥
সব পিয়ে সুধা, নাহি তৃষণ ক্ষুধা, কেহ না হিংসয়ে কা'রে
যে'যা'র ভক্ষক, সে তার রক্ষক, কেহ কা'রে নাহি মা'রে
নাহি ভেদাভেদ, নাহিক বিচ্ছেদ, শত্রু মিত্র সমতুল ।
জরা মৃত্যু নাই, অপরূপ ঠাই, কেবল সুখের মূল ॥
চৌদিকে দুস্তর সুধার সাগর, কল্পতরু সারি সারি ।
মণিবেদী 'পরে চিন্তামণি ঘরে বসি' গৌরী ত্রিপুরারি ॥
নন্দী ষ্টারপাল, ভৈরব বেতাল, কার্তিকেয় গণপতি ।
ভূত প্রেত যক্ষ, ব্রহ্মদৈত্য রক্ষ, গণিতে কার শক্তি ॥

(৩ভারতচন্দ্র রায় গুণাকর ।

উমার আব্দার ।

গিরিবর ! আর আমি পারি না হে, প্রবোধ দিতে উমারে !

• উমী, কৈদে করে অভিমান, নাহি করে স্তনপান, নাহি খায়
ক্ষীর ননী সরে ॥

অতি অবশেষ নিশি, গগনে উদয় শশী, বলে উমা ধরে দে উহারে !

• আমি পারি না হে প্রবোধ দিতে উমারে ॥

কাদিয়া ফুলায় আঁখি, মলিন ও মুখ দোখ, মায়ে ইহা সহিতে
কি পারে ?

“আয় আয় মা মা” বলি, ধরিয়া কর অঙ্গুলি, যেতে চায় না জানি
কোথারে !

• আমি কাহ্নাম তায়, “চাঁদ কিরে ধরা যায় ?” ভূষণ ফেলিয়া
মোরে মারে !

উঠে বসি গিরিবর, বহু করি সমাদর, গৌরীয়ে লইয়া কোলে ক’রে,
গানন্দে কহিছে হাসি, ধর মা, এই লও শশী, মুকুর লইয়া দিল করে ;
মুকুরে হেরিয়া মুখ, উপজিল মহাসুখ, বিনিন্দিত কোটি শশধরে !!

(৩রামপ্রসাদ সেন)

শ্রবণ-চন্দ্রিকা ।

নিরবধি ফিরি, ঝোপ দরী গিরি,
সাপে বাঘে নাহি খায় ।

বঞ্চিল গোসাঞি, হেন জন নাই,
কোথা ছাগ, তা বুঝায় ॥

লহনার ভয়, প্রাণ স্থির নয়,
কেমন করি উপায় ।

দিয়া পরিচয়, করিলা অভয়
দেবী মহামায়া তায় ॥

(৩মুকুন্দরাম চক্রবর্তী

মগরায় দুর্জয় ঝড় ।

ঈশানে উড়িল মেঘ সঘনে চিকুর ।

উত্তর-পবনে মেঘ করে দূর দূর ॥

নিমিষেকে ঝোড়ে মেঘ গগনমণ্ডল ।

চারি মেঘে বরিষে মুষলধারে জল ॥

নদীজলে বৃষ্টিজলে উথলে মগরা ।

কুল যুড়ে বহে জল একাকার ধরা ।

করি-কর সমান বরিষে জলধারা ।

জলে মহী একাকার নদী কৈল হারা ॥

দিবানিশি সম চারি মেঘের গর্জন ।

কা'রো কথা শুনিতে না পায় কোন জন ॥

মগরায় দুর্জয় ঝড় ।

পরিচ্ছেদ নাহি সন্ধ্যা দিবস রজনী ।
স্মরণে সকল লোক জৈমিনি জৈমিনি ॥
ছৈ'-ঘরে পড়ে শিলা বিদারিয়া চাল ।
ভাদ্রপদ নামে যেন পড়ে পাকা তাল ॥
চণ্ডীর আদেশে বীর ধায় হনুমান্ ।
ডিঙ্গার ছাউনি ভাঙ্গে করে খান খান ॥
ডিঙ্গায় ডিঙ্গায় বীর করে ঢুশাঢুশি ।
ক্রৌতুকে হাসেন জয়া সিংহরথে বসি ॥
সাধু ধনপতি বলে শুন কর্ণধার ।
বিঘ্নম সঙ্কটে পাব কিরূপে নিস্তার ॥

(৩ মুকুন্দরাম চক্রবর্তী)

প্রবন্ধ-চন্দ্রিকার বিয়তি ও জীবন।

ঈশ্বরচন্দ্র বিদ্যাসাগর।

মহাত্মা ঈশ্বরচন্দ্র বিদ্যাসাগর বঙ্গীয় ১২২৭ সালে মেদিনীপুর জেলায় বীরসিংহ গ্রামে জন্মগ্রহণ করেন। এই ঋণজন্মা পুরুষ দরিদ্রের গৃহে জন্মিয়া, নানাশ্রমে চিরস্মরণীয় হইয়া গিয়াছেন। ইহার বয়স যখন ৮ বৎসর, তখন গ্রাম্যপাঠশালার শিক্ষা সমাপ্ত করিয়া পিতার সহিত কলিকাতায় আসেন। ইহার পিতা বিদ্যাশিক্ষার জন্য ঈশ্বরকে সংস্কৃত কলেজে ভর্তি করিয়া দেন। ঈশ্বর অসাধারণ প্রতিভা ও যত্নে অল্পকালের মধ্যেই ঐ কলেজের একটি বৃত্তি প্রাপ্ত হন। বিদ্যাশিক্ষায় তাঁহার যোগ্যতা দেখিয়া, প্রত্যেক শ্রেণীর অধ্যাপক মহাশয়ই ঈশ্বরকে পুত্রবৎ স্নেহ করিতেন। এইরূপ প্রশংসা ও দক্ষতার সহিত ১৪ বৎসর অধ্যয়ন করিয়া, তিনি নানা শাস্ত্রে পারদর্শী হইয়া উঠেন এবং 'বিদ্যাসাগর' এই মহনীয় উপাধি লাভ করিয়া কৰ্মক্ষেত্রে প্রবেশ করিলেন।

বিদ্যাসাগর মহাশয়ের কৰ্মজীবন অতি প্রশংসনীয়। উহাতে তাঁহার দান, দয়া, ধর্ম প্রভৃতির পরিচয় যেমন পাওয়া যায়, কার্যদক্ষতা, আত্মমর্যাদা-বোধ ও তেজস্বিতার পরিচয় ততোহধিক পাওয়া যায়। সংস্কৃত কলেজের পাঠ সমাপন করিয়া, ইনি প্রথমে ফোর্ট উইলিয়ম্ কলেজের অধ্যাপকের পদ গ্রহণ করেন। এই সময়েই তিনি বেতাল-পঞ্চ-বিংশতি-নামক সংস্কৃত গ্রন্থের অনুবাদ প্রকাশ করেন। উহার ভাষা যেমন প্রাজ্ঞল, তেমনি ওজস্বিতাপূর্ণ। ইহার অল্পকাল পরেই তিনি সংস্কৃত কলেজের অধ্যাপকের পদ প্রাপ্ত হন। রাজপুরুষেরা তাঁহার অসাধারণ পাণ্ডিত্য ও কৰ্ম-দক্ষতার পরিচয় পাইয়া, অল্পকাল মধ্যেই তাঁহাকে সংস্কৃত কলেজের অধ্যাপকের পদ প্রদান করেন। এই সময়ে তাঁহার বেতন মাসিক ৫০০ টাকা হয়। তিনি বিশেষ দক্ষতা ও প্রশংসার সহিত দীর্ঘকাল এই কার্য করিয়াছিলেন। তাঁহারই যত্নে এই সময়ে সংস্কৃত কলেজের নানা বিষয়ে অসাধারণ উন্নতি হইয়াছিল; প্রধান প্রধান বিদ্যানুরাগী পণ্ডিতেরা সংস্কৃত কলেজের অধ্যাপক-পদে প্রতিষ্ঠিত হইয়া ঐ কলেজকে উজ্জ্বল করিয়াছিলেন। আবার কিছুকাল পরে যখন উচ্চপদস্থ ব্যক্তির সহিত বিদ্যাসাগর মহাশয়ের মত-ভেদ হয়, তখন তিনি স্বচ্ছন্দে ঐ সম্মান ও অর্থলাভের পদ পরিত্যাগ করেন।

বাঙ্গালাভাষা বিদ্যাসাগর মহাশয়ের নিকট মহোপকৃত। তিনি যে কয়েকখানি পুস্তক প্রণয়ন করেন, ঐগুলির ভাষা প্রাজ্ঞল ও আদর্শ সাধুভাষা বলিয়া প্রসিদ্ধ। তাঁহার লেখার এই একটি বিশেষ গুণ যে, তিনি যেখানে যে শব্দের প্রয়োগ করিয়াছেন, উহার পরিবর্তে অন্য কোন শব্দ বসাইলে, ভাষা সেরূপ সুগঠিত বোধ হয় না। ঐ সময়ে বাঙ্গালা ভাষার অবস্থা ভাল ছিল না। ভাষার ঐ অবস্থায় তিনি এমন সুন্দরভাবে পদ-

প্রবন্ধ-চন্দ্রিকার বিবৃতি ।

যোজনা করিয়া গিয়াছেন যে, এখনও ঐরূপ লেখাই বাঙ্গালা সাহিত্যের আদর্শরূপে পরিগণিত হইতেছে। ফলতঃ, সাহিত্যক্ষেত্রে তাঁহার নাম চিরস্মরণীয়। তাঁহার শ্রীমত সীতার বনবাস, শকুন্তলা, জীবনচরিত, বোধোদয়, আখ্যানমঞ্জরী, চরিতাবলী, বাঙ্গালার ইতিহাস প্রভৃতি গ্রন্থ আদরের সহিত প্রচলিত আছে।

বিদ্যাসাগর দয়ার সাগর ছিলেন। দরিদ্রের মলিন মুখ দেখিলেই তাঁহার মন গলিয়া যাইত। তিনি আত্মীয় বন্ধু ও পরিচিত অনেককে মাসিক নিয়মিত সাহায্য করিতেন। ইহা ভিন্ন ঋণদায়, কন্যাদায়, মাতাপিতৃদায়-গ্রন্থ কত ব্যক্তি যে তাঁহার সাহায্যে উদ্ধার লাভ করিয়াছেন, তাহার সংখ্যা নাই। কবির মাইকেল মধুসূদন দত্তের ফ্রান্সদেশে অবস্থিতির সময়ে ঋণদায়ে কারাবদ্ধ হইবার সম্ভাবনা ঘটিলে বিদ্যাসাগর মহাশয়ের সাহায্যেই তিনি রক্ষা পান। বিদ্যাসাগর মহাশয় স্বয়ং ঋণ করিয়াও লোকের দায় উদ্ধার করিতেন।

ইনি দেশ-হিতকর নানাবিধ কাৰ্য্য করিয়া গিয়াছেন। মধ্যবিত্ত লোকের পুত্রেরা অধিক বেতন দিয়া রাজকীয় কলেজে অধ্যয়ন করিতে পারিত না। এই জন্ত বিদ্যাসাগর মহাশয় মেট্রোপলিটেন কলেজ স্থাপন করেন। তাঁহার এই কার্য্যের অনুকরণে এদেশীয়-দিগের দ্বারা পরিচালিত আরও কয়েকটি কলেজ হইয়াছে। পূর্বে কুলীন ব্রাহ্মণেরা বহু বিবাহ করিতেন। ইহারই একান্ত যত্নে ঐ প্রথা রহিত হইয়াছে। ইহা ভিন্ন তিনি বাল-বিধবাদিগের পুনরায় বিবাহ দিবার জন্তও বখেটে চেষ্টা করিয়াছিলেন।

মহাত্মা বিদ্যাসাগর অতি সাধারণ ভাবেই চলিতেন। আহাৰ বা পরিচ্ছদ বিষয়ে তাঁহার কিছুমাত্র আড়ম্বর ছিল না। তাঁহার পরিচ্ছদ দেখিলে, তাঁহাকে বড়লোক বলিয়া বুঝা যাইত না। অথচ রাশি রাশি অর্থ, খাদ্য, বস্ত্র ও তৈজসপত্র অকাতরে দীন দরিদ্রদিগকে মুক্তহস্তে দান করিয়া গিয়াছেন। পুস্তকাদি হইতে তাঁহার যে প্রচুর আয় ছিল, উহা আপনার বা পুত্র কন্যাদিগের জন্ত রাখিয়া যান নাই। এমন কি, বহুকাল কলিকাতায় একটি বাসবাটীও প্রস্তুত করেন নাই। শেষদশায় বন্ধু বান্ধবগণের বিশেষ অনুরোধে একটি বাসবাটী প্রস্তুত হইয়াছে। এই মহাত্মা ১২৯৭ সালের শ্রাবণ মাসে দেশবাসিগণকে কাঁদাইয়া ইহলোক পরিত্যাগ করিয়াছেন।

কুশ ও লবের পরিচয় ।

সীতাদেবী যে সতীসাক্ষী এবং রমণীকুলের আদর্শভূতা, তাহা সকলেই জানিতেন ; তথাচ লক্ষ্মী-সময়ের পরে কঠোর অগ্নিপরীক্ষাদ্বারা তাহা নিঃসংশয়ে সপ্রমাণ হইলে, রামচন্দ্র তাঁহাকে গ্রহণ করেন এবং তাঁহাকে লইয়া সূত্রীদিগের সহিত অযোধ্যায় আগমন ও পৈতৃক সিংহাসনে আরোহণ করেন। প্রজাগণ যাহাতে পরম সুখে কালযাপন করিতে পারে, এই বিষয়ে তাঁহার বিশেষ দৃষ্টি ছিল। প্রজাগণের মনের ভাব গোপনে জানিবার জন্ত তিনি দুশ্মুখ-নামক এক ব্যক্তিকে গুপ্তচর রাখিয়াছিলেন। ঐ ব্যক্তি রাজ্যের ভিন্ন ভিন্ন অংশে ভ্রমণ করিয়া, গুপ্তভাবে প্রজাগণের মনের ভাব জানিয়া আসিত ও রামচন্দ্রকে তাহা

প্রবন্ধ-চন্দ্রিকার বিবৃতি ।

জানাইত । এক দিন দুস্মুখ কোন কোন ব্যক্তির মুখে এইরূপ শুনিয়াছিল, “রাজমহিষী সীতা কিছুকাল রাবণগৃহে ছিলেন । আমাদের রাজা রামচন্দ্র তাঁহাকে লইয়া গৃহে রাখিয়াছেন । এখন আমাদের স্বীলোকেরা পরগৃহে গমন করিলে, আমরা তাহাদিগকে আব নিবারণ করিতে পারিব না ।” দুস্মুখ আসিয়া, ঐ কথা রামচন্দ্রকে বলিলে, তিনি নিবেচনা করিলেন, সীতাদেবী যে পরম সাক্ষী, তাহাতে কোন সন্দেহ নাই । কিন্তু আমি গগন রাজপদ গ্রহণ করিয়াছি এবং সর্বপ্রকারে প্রজাদের মনস্তৃষ্টি করিব বলিয়া প্রতিজ্ঞা করিয়াছি—অতঃপর ঋষিশিষ্যের নিকটে ঐরূপ কথা বলিয়াছি, তখন ঐ বাক্যের অন্তর্থাৎ কার্য কবা আমার উচিত কি না? এইরূপ চিন্তায় অভিভূত হইয়া, রাম সমস্ত রাত্রি অতি কষ্টে অতিবাহন করিলেন । ঐ সময়ে সীতাদেবী পূর্ণগর্ভা ছিলেন এবং স্বামী নিকটে এই প্রার্থনা করেন, ‘আমি মহর্ষি বাল্মীকির আশ্রমে গিয়া মূনিপর্ভাগণের সহিত সাক্ষাৎ করিব, আমার একান্ত ইচ্ছা হইয়াছে ।’ তাহাতে রামচন্দ্র তপোবন-দশনচ্ছলে লক্ষ্মণের সহিত সীতাদেবীকে বাল্মীকির তপোবনে পাঠাইয়া দিলেন । ত্রিকালজ্ঞ মহর্ষি বাল্মীকি যোগবলেই উহা জানিতে পারিয়াছিলেন । তিনি সীতাদেবীকে বিশেষ যত্নের সহিত আশ্রমে লইয়া গিয়া, নানাবিধ প্রবোধ-বাক্যে তাঁহার শোকশান্তির চেষ্টা করেন । অল্পকাল মধ্যেই সেখানে জানকীর দুইটা বমজপুত্র ভূমিষ্ঠ হয় । মহর্ষি বিশেষ যত্নের সহিত বালক-দুইটির লালনপালন করেন ও তাহাদের একের নাম কুশ ও অন্যের নাম লব রাখেন ।

মহর্ষি রামচন্দ্রিত অবলম্বন করিয়া যে মহাকাব্য রচনা করেন, উহার নাম রামায়ণ । ইনি আমাদের দেশের আদিকবি । রামচন্দ্রিত যেমন অতুলনীয়, রামায়ণও তেমনি সর্বোৎকৃষ্ট মহাকাব্য । মহর্ষি বাল্মীকি বিশেষ যত্নের সহিত কুশ ও লবকে ঐ সমগ্র মহাকাব্য অধ্যয়ন করাইয়া ছিলেন ।

কিছুকাল পরে রামচন্দ্র নৈমিষ ক্ষেত্রে অশ্বমেধ যজ্ঞের অনুষ্ঠান করেন । তাহাতে নানা দেশের রাজা, মূনি ঋষি ও সুপণ্ডিত ব্রাহ্মণেরা নিমন্ত্রিত ও সমাগত হইয়াছিলেন । বাল্মীকি শিষ্যগণকে সঙ্গে লইয়া, ঐ যজ্ঞক্ষেত্রে আগমন করেন এবং কুশ ও লবকে রামায়ণ গান করিতে উপদেশ দেন । এই প্রবন্ধে ঐ বিষয় বর্ণিত হইয়াছে ।

পূজ্যপাদ বিদ্যাসাগর মহোদয়ের ‘সীতার বনবাস’ গ্রন্থ হইতে এই প্রবন্ধটি উদ্ধৃত হইয়াছে ।

মহর্ষি—(মহান্ ঋষি, কর্ণধা), পরম ঋষি, ঋষিশ্রেষ্ঠ ।

ঋষি—দৃশ্+কি (কর্তৃবাচ্য) শাস্ত্র-দর্শী ।

বাল্মীকি—বল্মীক+কি, বল্মীক হইতে উদ্ভূত (নির্গত), আদিকবি, রামায়ণ-প্রণেতা ।

এরূপ প্রসিদ্ধি আছে, প্রথমে ইহার রত্নাকার নাম ছিল । ঐ সময়ে ইনি দম্ভাবৃত্তি দ্বারা জীবিকা নির্বাহ করিতেন । দেবর্ষি নারদ কৃপা-পরতন্ত্র হইয়া, ইহাকে রাম মন্ত্রে দীক্ষিত করেন । ঐ সময় হইতে রত্নাকর দীর্ঘকাল ‘রাম’ নাম জপ করিতে থাকেন । পরে বহু বৎসর যোগাসনে বসিয়া তপস্বী দ্বারা সিদ্ধিলাভ করেন । তাহাতে ইহার দেহ বল্মীক স্তূপে (উইটিপিতে) আচ্ছন্ন হয় । তাহাতেই বাল্মীকি নামে প্রসিদ্ধ হইয়াছেন । ইহার প্রণীত রামায়ণ গ্রন্থ সর্বোৎকৃষ্ট মহাকাব্য ।

প্রবন্ধ-চন্দ্রিকার বিবৃতি ।

কোকিল-কণ্ঠ—কোকিলের কণ্ঠ-স্বরের স্থায় কণ্ঠস্বর যাহার (উত্তরপদলোপী বহুব্রীহি),
স্বমধুর স্বরে গানকারী, মধুর গায়ক ।

নৈমিষ—(নিমিষ + ষ) -পুণ্যক্ষেত্রবিশেষ, এখানে ভগবান্ নিমিষ ঋণের (চক্ষুর পলকের
অর্থাৎ অতি অল্প কালের) মধ্যে অশ্বরগণকে নিহত করায় নৈমিষ নাম হইয়াছে ।

অরুক্ষতী—নঞ-রুধ + তন্ কর্তৃবাচ্যে + ঙ্গপ্ স্ত্রীলিঙ্গে ; বশিষ্ঠ-পত্নী, যিনি পতির ধন্য-
কর্মের রোধ (প্রতিবন্ধ) না করেন ।

প্রতিকৃতি—প্রতিমূর্তি, প্রতিকপ ।

যদৃচ্ছা-লক্ষ—(কর্মধা ও ৩তৎ) অনায়াস-লক্ষ, স্ফচ্ছন্দে (অনায়াসে) যাহা পাওয়া
যায় । যদৃ-ঋচ্ছ + অ ভাবে + আমণ্ স্ত্রীং ।

প্রতি(তী) হার—দ্বাররক্ষক । প্রতিহারী (প্রতি-হৃ + ণিন্ কর্তৃবাচ্য) দ্বাররক্ষক ।

রূপ-লাবণ্য—বর্ণ ও আকৃতির সৌন্দর্য্য ; রূপ-মাধুরী ।

চরিতার্থ—সফল-মনোরথ ।

সংশয়ানোদন (৩তৎ) সন্দেহনিবারণ ।

অনির্বাচনীয়—নঞ-নির্-বচ্ + অনীয় কর্মবাচ্যে, যাহা বাক্যদ্বারা নিশ্চিতরূপে বলা
যায় না, বাক্যাতীত ।

নাষ্টাঙ্গ—যাহা অষ্টাঙ্গের সহিত বর্তমান, ভূমিলগ্ন প্রণামবিশেষ । অষ্টাঙ্গ—জানু,
পদ, হস্ত, বক্ষঃ, বৃদ্ধি, মস্তক, বাক্য, দৃষ্টি এই আট অঙ্গ 'জানুভ্যাক্ তথা পদভ্যাং
পাণিভ্যামূরমা ধিয়া । শিরসা বচসা দৃষ্ট্যা প্রণামোহষ্টাঙ্গ ঙ্গরিতঃ ।'

কশ্যপের আশ্রমে ।

এই প্রবন্ধ বিদ্যাসাগর মহাশয়ের 'শকুন্তলা' হইতে উদ্ধৃত । মহাকবি কালিদাসেব
সংস্কৃত 'অভিজ্ঞান শকুন্তলম্' নামক গ্রন্থের অনুবাদে ঐ 'শকুন্তলা' প্রণীত হইয়াছে ।

শকুন্তলার জন্ম, শকুন্ত (পক্ষী)-কর্তৃক লালন, মহর্ষি কণ্ণের আশ্রমে পালন, মহারাজ
দুহ্মন্তের সহিত গান্ধর্ব্ব বিধানে পরিণয়, দুর্কাসার শাপ, অভিজ্ঞান-প্রদর্শনে শাপ-
বিমোচন, অভিজ্ঞান দেখাইতে না পারায় দুহ্মন্তের বিস্মৃতি ও অধর্ম্ম-ভয়ে পরিত্যাগ
প্রভৃতি বিষয়গুলি মূল প্রবন্ধেই সংক্ষেপে বর্ণিত হইয়াছে ।

কশ্যপ—মরীচির পুত্র । ইনি দেব ও দৈত্যগণের আদিপুরুষ ।

দুহ্মন্ত—চন্দ্রবংশীয় ঋষিক নরপতি । দুহ্মন্তের পুত্র ভারত । ভারত শকুন্তলার গর্ভে
জন্মগ্রহণ করেন । ইহার নামানুসারেই ভারতবর্ষ (ভারতের রাজ্য) এই নাম
হইয়াছে ।

স্থান-মাহাত্ম্যো—স্থানের মহিমায় অর্থাৎ তপোবনে যেরূপ শান্তি ও পরস্পর মৌহুদ্য থাকে
উচিত, তাহা দ্বারা ।

হিংসা—বধ, হনন ।

প্রবন্ধ-চন্দ্রিকার বিবৃতি ।

দেষ—শক্রভাব, পরানিষ্ট ইচ্ছা করা ।

নদ—মত্ততা, গর্ভ ।

নাৎসর্য—আপনার প্রাধান্য মনে করা, অশ্রের অপেক্ষা আপনার শ্রেষ্ঠ বল বা দেখান ।

অবিকৃত-চিত্তে—বিকারশূন্য মনে অর্থাৎ ক্রোধ বা বিরক্তিশূন্য ভাবে ।

হস্তগ্রহ—হস্তদ্বারা গ্রহ (গ্রহণ), মুষ্টি ।

অপ্সরা-সম্বন্ধে—এই বালকের মাতা (শকুন্তলা) মেনকা অপ্সরার গর্ভে জন্মগ্রহণ করিয়াছেন এই সম্পর্কে—শকুন্তলা ও তাঁহার এই পুত্র এই দেব-ভূমিতে অবস্থান করিতেছেন । (দুর্কাসাব শাপে মহারাজ দুশ্শস্ত শকুন্তলাকে চিনিতে না পারিয়া ধর্মভয়ে পরিত্যাগ করেন । তখন শকুন্তলা নিরুপায় হইয়া উচ্চৈঃস্বরে রোদন করিতে থাকেন । তাহা শুনিয়া, মাতা মেনকা গর্ভবতী শকুন্তলাকে এই কণ্ঠ্যের তপোবনে আনয়ন করেন । শকুন্তলা এই স্থানেই এই পুত্রটী প্রসব করিয়াছেন) ।

শকুন্ত-লাবণ্য—উষ্ণতৎপুং । পক্ষীর সৌন্দর্য । শকুন্ত—পক্ষী ।

জননী নামাক্ষর—অর্থাৎ শকুন্ত-লাবণ্য, শব্দে শকুন্তলা নামের অক্ষর ।

মৃগ-তৃষ্ণিকা—মরীচিকা, সূর্য-কিরণে জলভ্রম ।

মরুভূমিতে সূর্য-কিরণ পড়িয়া, দূর হইতে জলাশয় বলিয়া ভ্রম হয় । তৃষ্ণাতুর হরিণে বা উহাকে জলাশয় মনে করিয়া, সেই দিকে ধাবিত হয় । এজন্য ঐরূপ ভ্রমকে মৃগতৃষ্ণিকাও বলে ।

মতিচ্ছন্ন—মতিভ্রম । ছন্ন—ছদ্ + ক্ত ভাবে ।

প্রত্যাখ্যান—অস্বীকার, পরিত্যাগ ।

উপেক্ষা—উদাস্য, অনাদর ।

আচ্ছোপাস্ত—আচ্ছ হইতে উপাস্ত, ঐশী তৎপুং ; উপাস্ত অস্তুর সমীপে অব্যয়ীভাব ।

নাষ্টাঙ্গ—প্রণিপাত-বিশেষ, অষ্টাঙ্গের সহিত প্রণাম ।

অপ্রতিহত প্রভাবে—অব্যাহত তেজে । জয়ন্ত—ইন্দ্রের পুত্র ।

সংকার ও সংবর্ধনা—সেবা (অতিথির প্রতি কর্তব্য পরিচর্যা) ও সমাদর (সম্মান প্রকাশ) ।

অভিজ্ঞান—স্মৃতিকারক চিত্ত ; যাহা দেখিয়া চিনিতে পারা যায় ঐরূপ নিদর্শন বস্তু ।

প্রদক্ষিণ—দক্ষিণ বাতকে কেন্দ্র স্বরূপ করিয়া যে বেটেন ।

অক্ষয় কুমার দত্ত ।

বাল্যকালে বাঙ্গালাসাহিত্যে অক্ষয়কুমার দত্তের নাম চিরস্মরণীয় । এই মহাত্মা ১২২৭ সালে নদিয়া জেলার চুপি গ্রামে জন্মগ্রহণ করেন । ইঁহার পিতা একজন সম্ভ্রান্ত ব্যক্তি ছিলেন । অক্ষয় কুমার বাল্যে বাঙ্গালা ও পারসি ভাষা শিক্ষা করেন । যৌবনের প্রারম্ভে নিজ অধ্যবসায়ে ইংরাজি ও সংস্কৃত ভাষায় কৃতবিদ্য হইয়া উঠেন । ইঁহার বিদ্যানুরাগ, স্মৃতিবুদ্ধি ও

প্রবন্ধ-চন্দ্রিকার বিবৃতি ।

সুশীলতা দেখিয়া, কলিকাতা ঘোড়াসাঁকো-নিবাসী ধর্মাত্মা দেবেন্দ্র নাথ ঠাকুর ইঁহাকে ভালবাসিতেন এবং পরম বন্ধুরূপে গ্রহণ করেন । মহর্ষি দেবেন্দ্র নাথ তদ্বিবোধিনী-নামে যে সভার প্রতিষ্ঠা করেন, ঐ নানা বিদ্যায় সুপণ্ডিত অক্ষয় কুমার কিছুকাল উহার অধ্যক্ষের পদ গ্রহণ করেন । ঐ সভা হইতে তদ্বিবোধিনী নামে যে মাসিক পত্রিকা প্রকাশিত হইত, অক্ষয় কুমার উহাতে গভীর চিন্তামূলক বহুবিধ প্রবন্ধ লিখিতেন । সুলেখকগণের লেখনী-প্রভাবে তদ্বিবোধিনী পত্রিকা অল্পকালের মধ্যেই গৌরবান্বিত হইয়াছিল । অক্ষয় কুমারের অধিকাংশ প্রবন্ধই বিজ্ঞান ও সমাজনীতি-বিষয়ক । উহাতে তাহার গভীর জ্ঞান ও লিখন-নৈপুণ্যের পরিচয় পাওয়া যায় । কোন কোন প্রবন্ধে অসাধারণ কল্পনা-শক্তিরও বিকাশ দেখা যায় । ক্রমশঃ তাহার নাম শিক্ষিত সমাজে প্রসিদ্ধ হইয়া উঠে । উহার কিছুকাল পরে তিনি ঐ সকল প্রবন্ধ ও আর কয়েকটি অত্যাৱণক প্রবন্ধ প্রণয়ন করিয়া বিদ্যালয়ের পাঠ্য কয়েকখানি পুস্তক প্রকাশিত করেন । তাহার প্রণীত পুস্তক-গুলির নাম চারুপাঠ ১ম, ২য় ও ৩য় ভাগ, পদার্থবিদ্যা, বাহ্যবস্তুর সহিত মানব-প্রকৃতির সম্বন্ধ-বিচার, ধর্মনীতি প্রভৃতি প্রধান । ইহার পরে তিনি ভারতবর্ষীয় উপাসক-সম্প্রদায়-নামক সুবৃহৎ পুস্তক প্রণয়ন করেন । এই পুস্তক দুই খণ্ডে বিভক্ত । আর্য্যগণের প্রথমাবস্থা হইতে বর্তমান সময় পর্য্যন্ত যাবতীয় বিষয় ইহাতে বর্ণিত হইয়াছে । এই পুস্তক প্রণয়নের জন্য তাঁহাকে ভারতবর্ষের সকল সম্প্রদায়ের বহুবিধ গ্রন্থ অধ্যয়ন ও বহুবিধ ধর্মাবলম্বী বিশিষ্ট ব্যক্তিগণের সহিত ধর্মসম্বন্ধীয় বিষয়ের আলোচনা করিতে হইয়াছিল । অক্ষয় কুমার চিরজীবন গভীর গবেষণার সহিত নানা বিদ্যার আলোচনা করায় তাঁহার মস্তিষ্কের রোগ জন্মে । বৃদ্ধাবস্থায় তিনি ঐ শিরঃপীড়ায় অতিশয় কাতর হইয়া পড়েন । তাঁহার প্রকৃতি বিদ্যাচর্চায় একরূপ আসক্ত হইয়াছিল যে, তিনি ঐ কঠিন পীড়াভোগের সময়েও নানা শাস্ত্র অধ্যয়ন না করিয়া থাকিতে পারিতেন না । চিকিৎসক ও বন্ধুগণের নিষেধসত্ত্বেও তিনি ক্ষান্ত হইতে পারিতেন না । অবশেষে দ্বাস্থ্যের জন্য তিনি বালি গ্রামে উদ্যান-শোভিত একটি সুন্দর বাটী প্রস্তুত করিয়া, সেখানে বাস করিতেন । ঐ বাটীতে অবস্থিতির সময়েই তিনি উপাসক-সম্প্রদায়ের ২য় খণ্ড প্রকাশ করেন ।

অক্ষয় কুমারের লেখার বিশেষ গুণ এই যে, উহা কোন পুস্তকের অনুবাদ নহে, অধিকন্তু ঐ সকল প্রবন্ধ প্রাকৃতিক ও নৈতিক বহুবিধ জ্ঞানপূর্ণ, সুস্বাক্ষ ও যুক্তিমূলক । ঐ সময়ে যে সকল বাঙ্গালা সাহিত্য-বিষয়ক পুস্তক প্রকাশিত হইয়াছিল, উহাদের মধ্যে অনেকগুলি সংস্কৃত ও ইংরাজি পুস্তক হইতে অনূদিত । মৌলিক চিন্তামূলক পুস্তক অক্ষয় কুমারের লেখনী হইতেই প্রথমে বাহির হয় । তাঁহার এই সকল পুস্তকের বিষয় ও লিখন-নৈপুণ্য শিক্ষার্থীগণের বিশেষ উপযোগী । যাহাতে শিক্ষার্থীর মনোবৃত্তির উৎকর্ষ ও মানব-সমাজের ক্রমোন্নতি হইতে পারে, একরূপ অনেক প্রবন্ধও অক্ষয় কুমারের লেখনী হইতে নির্গত হইয়াছে ।

মহাত্মা অক্ষয় কুমার ধর্মসম্বন্ধে ব্রাহ্ম মতাবলম্বী ছিলেন । মহর্ষি দেবেন্দ্র নাথ অনেক বিষয়েই ইঁহাকে আপনার দক্ষিণ হস্ত বলিয়া মনে করিতেন । এই বিশাল

প্রবন্ধ-চন্দ্রিকার বিবৃতি ।

বিশ্বত্রক্কাণ্ডের সকল অংশেই যে অনন্ত-জ্ঞান-নিধি বিশ্বপতির মহনীয় মহিমা পরিস্ফুটভাবে দেদীপ্যমান, তাহা এই ধর্মাত্মার লেখনী হইতে শতধারে প্রবাহিত হইয়াছে । কি নদ-নদী, পর্বত-প্রশ্রবণ, গিরি-গুহা, ভূমণ্ডল, চন্দ্র, সূর্য্য, গ্রহ, নক্ষত্র, ধুমকেতু, কি জীবদেহ, কি মনোময় জগৎ এ সকলের সর্ব্বাংশেই যে করুণাময় বিশ্ব-বিধাতার অপার করুণা, জ্ঞান ও মহিমা উজ্জ্বল অক্ষরে প্রকাশিত হইতেছে, তাহা ইঁহার বাগবন্তু, ধর্ম্মনীতি, চারুপাঠ ওয় ভাগ প্রভৃতি গ্রন্থে অতি সুন্দরভাবে বর্ণিত হইয়াছে । ইঁহার লেখায় বিষয় ও পদবিষ্ণাস যেমন সুসম্বন্ধ, তেমনি ব্যাকরণাদি দোষের সম্প্রকশূণ্য । ফলতঃ আমাদের মাতৃভাষার উন্নতি যঁহাদের সাহায্যে হইয়াছে, অক্ষয় কুমার তাঁহাদের মধ্যে বিশিষ্টভাবে গণনীয় ও চিরস্মরণীয় । ১২৯৩ সালে এই মহাত্মা দেহত্যাগ করেন ।

বিহঙ্গম-দেহ । (১৮ পৃঃ হইতে)

বিহঙ্গম—বিহায়স্+গন্+থ কর্তৃবাচ্যে নিপাতন । বিহঙ্গ ও বিহগ (৬) পদও হয় ; যাহাবা আকাশে গমন করে, পক্ষী ।

ভরণী স্বরূপ—নৌকা যেরূপ জলে ভাসমান হয়, ইঁহারাও তেমনি বায়ু সাগরে ভাসিয়া থাকে ।

পক্ষি-দেহের ভিন্ন ভিন্ন অঙ্গের সতিত ভরণীর ভিন্ন ভিন্ন অংশের সাদৃশ্য দেখান হইয়াছে । এই নিমিত্ত এই উপমাকে মালোপমা বলা যায় ।

দণ্ড—দাঁড় । কর্ণ—হাইল ।

মাংসালী—মাংস+অশ্+গিন্ কর্তৃবাচ্যে ; মাংসভোজী ।

বড়িশবৎ—বড়িশ+বৎ তুল্যার্থে ; কাঁটার মত ।

চটক—চটা (চড়ুই) পাখী । চটতি ভিনতি ধাত্যাদিকং ইতি ।

অপরিচ্ছিন্ন—পরিচ্ছেদ শূণ্য ; ইয়ত্তা দ্বারা যঁহার পরিমাণ করা যায় না ।

স্বপ্নদর্শন—ন্যায় বিষয়ক । (২০ পৃঃ হইতে)

মানব-সমাজের যাবতীয় কার্য্য শ্রায়ান্বনারেই চলা উচিত । রাজা ও রাজ-পুরুষেরা এবং সদাশয় মনস্বী ব্যক্তির ঐরূপ চেষ্টাই করিয়া থাকেন । তাহা হইলেও স্বার্থপর ক্ষুদ্রাশয় ব্যক্তির সময়ে সময়ে শ্রায়-পথ অতিক্রম করিয়া, এমন অনেক কাজ করে, যাহাতে জন-সমাজে অশ্রের উপর অত্যাচার ও অবিচার ঘটয়া থাকে । এই স্বপ্নদর্শন প্রবন্ধে ঐরূপ বিষয়ের বর্ণনা রূপকচ্ছলে করা হইয়াছে ।

নীহার-প্রভাবে—হিমকণধারা ।

উদাসীন—উৎ+আস্+শান কর্তৃবাচ্যে ; নিঃসম্বন্ধ, সংসারে উদাস্তযুক্ত ব্যক্তি ।

ক্ষোভ—ক্লভ্+অল্ ভাবে ; চাঞ্চল্য, দুঃখিতভাব ।

প্রবন্ধ-চল্লিকার বিবৃতি ।

বিপর্যয়—বি—পরি+ই+অন্ ভাবে ; বিপরীত ভাব ; ব্যতিক্রম অর্থাৎ স্থায়ের পরিবর্তে
অস্থায় ।

সামঞ্জস্য—সমঞ্জস+স্ত্য ভাবার্থ ; পূর্বাপর সমন্বয় ।

অনির্দেশ—নঞ্+নির্+দিশ্+য কৰ্ম্মবাচ্য ; যাহা নির্দেশ (নিরূপণ) করা যায় না ।

“যিনি সহিষ্ণুতা প্রভাবে.....প্রকাশিত হইবেন”—যে ব্যক্তি কৰ্ম্মক্ষেত্রে অহুবিধা বা
দুঃখে পতিত হইলেও স্থায়পথ হইতে বিচলিত না হন অর্থাৎ ধৰ্ম্মপথকেই দৃঢ়ভাবে
অবলম্বন করেন, সেই দুঃখ-সহিষ্ণু ব্যক্তিই ধৰ্ম্মের পরম রমণীয় ভাব অনুভব করিতে
পারেন । আর পাপাচারী ব্যক্তির ধৰ্ম্মের প্রথর জ্যোতিঃ দেখিয়া ভয়ে স্তম্ভিত হইয়া
পড়ে ।

তৎপরিবেশ-স্বরূপ আলোকঘটা—ঐ জ্যোতির পরিধিস্বরূপ আলোকসমূহ অর্থাৎ ঐ
জ্যোতির প্রতিবিম্বে যে উজ্জ্বল আলোক হইয়াছিল তাহা ।

লেখ্য পত্র—লিখিত পত্রাদি অর্থাৎ দলিল ।

অনুজ্ঞা-পত্র—আদেশ-পত্র অর্থাৎ আদালতের রায় ও ফয়সালা ।

ইন্সালবেণ্ট কোর্ট—নিষ্কৃতি পাইবার আদালত অর্থাৎ যে আদালতের সাহায্যে দেনাদার
(খাতক) মহাজনদিগকে দেনার টাকা না দিয়া অব্যাহতি পাইতে পারে, সেই
আদালত ।

“ ইন্সালবেণ্ট কোর্টের প্রায় সমস্ত নিষ্কৃতিপত্র ভস্মীভূত হইয়া গেল ”—অর্থাৎ
মহাজনদিগকে দেনার টাকা দিবার সামর্থ্য নাই—বলিয়া যাহারা আদালতের সাহায্যে
নিষ্কৃতি পাইয়াছে, তাহাদের মধ্যে প্রায় সকলেই মিথ্যা প্রমাণের সাহায্যে দেখাইয়াছে যে,
আপনারা নিঃসন্দেহ ও নিরূপায় । প্রকৃতপক্ষে ঐরূপ ব্যক্তির মহাজনদিগকে ফাঁকি
দিবার মতলবেই প্রায় আদালতের সাহায্য লইয়া থাকে ।

উদারভাবে ব্যয়-ব্যসন করিয়া—উন্নতভাবে খরচ ও আমোদ প্রমোদ করিয়া ।

ব্যসন—কাম ও কোপ-জনিত দোষ, নিফলোচ্চম ; মৃগয়া, দ্যুত, দিবানিদ্ৰা, পরনিন্দা,
বেশ্যাসক্তি, নৃত্য, গীত, ক্রীড়া, বৃথালমণ ও মদ্যপান কামজনিত এই ১০ এবং, দুঃখতা,
দৌরাত্ম্য, ক্ষতি, দ্বেষ, ঈর্ষ্যা, প্রতারণা, কটুক্তি ও নিষ্ঠুরাচরণ ক্রোধজনিত এই ৮
প্রকার দোষ ।

২৫ পৃঃ—“উহাতে লোকসমাজে কি বিষম———তাহার বিবরণ করিয়া শেষ
করা যায় না ।”———

যে সকল ব্যক্তি ছলে বলে অশ্লের সম্পত্তি হস্তগত করিয়া পরমমুখে কালযাপন
করিতেছিল, ধৰ্ম্মের প্রভাবে কিছুকাল পরে তাহাদের দুঃবস্থা ও বিবিধ প্রকার
ক্লেশ এবং যে সকল নিরীহ সদাশয় ব্যক্তি দুর্ভাগ্যের অত্যাচারে দুঃখের দশায়
পতিত হইয়াছিলেন, ধৰ্ম্মবলে তাহাদের পুনরায় ঐশ্বর্যালাভ ও সম্মান লাভ—এইরূপে
পৃষ্ঠভাবের যে কত পরিবর্তন হইল, তাহা সম্পূর্ণরূপে বর্ণন করা যায় না ।

প্রবন্ধ-চন্দ্রিকার বিবৃতি ।

বঙ্কিমচন্দ্র চট্টোপাধ্যায়

যে সকল মহামনা ব্যক্তির লেখনী-প্রভাবে বঙ্গসাহিত্যের মধ্যযুগে এই ভাষা মার্জিত, পরিপুষ্ট ও নবজীবনপ্রাপ্ত হইয়াছে, তাঁহাদের মধ্যে বঙ্কিমচন্দ্রই অগ্রগণ্য । ইঁহার পূর্বে দ্বারকানাথ বিদ্যাভূষণ, ঈশ্বরচন্দ্র গুপ্ত, ঈশ্বরচন্দ্র বিদ্যাসাগর, অক্ষয়কুমার দত্ত প্রভৃতি মহাত্মগণ যে সকল প্রবন্ধ লিখিয়া গিয়াছেন, উহার অধিকাংশই সংস্কৃত শব্দ-বহুল । বঙ্কিমচন্দ্র এই ভাষাকে সুগঠিত, প্রাজ্ঞল ও অভিনব ভাবে বিভূষিত করিয়াছেন । যেখানে যে চলিত শব্দটী বসাইলে, মনের ভাব বিশদরূপে প্রকাশ হইতে পারে, তিনি এমন নিপুণতার সহিত মধ্য মধ্য ঐরূপ শব্দের প্রয়োগ করিয়াছেন যে, তাহা দেখিয়া, তাঁহার ভূয়সী প্রশংসা করিতে হয় । চরিত্রগঠনে তিনি অতুলনীয় ছিলেন । তাঁহার লেখার আর একটি বিশেষ গুণ এই যে, তিনি যেখানে যে বিষয়ের বর্ণনা করিয়াছেন, উহা পাঠ করিলেই মনে হয়, যেন উহা তৎকালে ঠিক ঘটতেছে এবং কার্যকালে সচরাচর ঐরূপই হইয়া থাকে । আবার বাঙ্গালীর জীবনের যে যে বিষয়ে দোষ বা ন্যূনতা দেখা যায়, তাহাতে ঐ সকল দোষের পরিহার হয়, একরূপ ভাবেও অনেক স্থলে অতি সুন্দর বর্ণনা করিয়া গিয়াছেন । ফলতঃ, বাঙ্গালাভাষা বঙ্কিমের নধুময়ী বর্ণনা-প্রভাবে নজীব, প্রাজ্ঞল ও রম্যভাবে সমৃদ্ধ হইয়াছে, তাহা সকলেই একবাক্যে স্বীকার করিয়া থাকেন । অথচ ইনি আবশ্যিকমতে বঙ্গভাষাকে স্থলবিশেষে শব্দ-সম্পদেও সমৃদ্ধ করিয়া গিয়াছেন ।

এই মহাত্মা চব্বিশপরগণার অন্তর্গত কাঁটালপাড়া গ্রামে সন ১২৪৫ সালে জন্মগ্রহণ করিয়া উর্দু কলেজ হইতে বি. এ পরীক্ষায় উত্তীর্ণ হন । পরে দীর্ঘকাল ডেপুটী কালেক্টরের কায়া করেন । কৈশোর বয়সেই ইনি বিবিধ স্বরস কবিতা লিখিয়া শিক্ষিত সমাজে পরিচিত হন । ইনি যৌবনে বিবিধ দায়িত্বপূর্ণ রাজকীয় কার্যে ব্যাপ্ত থাকিয়াও কয়েকখানি উৎকৃষ্ট উপন্যাসগ্রন্থ প্রণয়ন করেন এবং তাহাতেই দেশের সর্বত্র খ্যাতি-নাগা হইয়া উঠেন । এই সময়েই তিনি বঙ্গদর্শন-নামক উৎকৃষ্ট মাসিক পত্র প্রকাশ করেন । এদেশের খ্যাতিনামা চিন্তাশীল অনেক ব্যক্তিই উঁহার লেখক হইয়াছিলেন । উঁহাতে ইতিবৃত্ত, পুরাবৃত্ত, প্রত্নতত্ত্ব, দর্শন, বিজ্ঞান, গণিত, জ্যোতিষ, সমাজনীতি, উপন্যাস, নাটক প্রভৃতি নানাবিষয়ের সুচিন্তা-প্রসূত উৎকৃষ্ট প্রবন্ধ সকল লিখিত হইত । উঁহা দ্বারা বাঙ্গালাভাষার যে উপকার ও উন্নতি হইয়াছে, তাহা বলা যায় না । এই সময় হইতেই বাঙ্গালাভাষা একটি গণনীয় ভাষার মধ্যে পরিগণিত হইয়াছে । এদেশের সুলেখকগণের মধ্যে অনেকেই বঙ্কিমের বন্ধু-স্থানীয় ছিলেন । ইঁহাদের মধ্যে কবিবর হেমচন্দ্র, রসরাজ দীনবন্ধু, সাহিত্যবন্ধু অক্ষয় কুমার সরকার, চিন্তাশীল রামদাস সেন প্রভৃতি ব্যক্তিগণ তাঁহার পরম প্রিয়পাত্র ছিলেন । ইঁহার প্রণীত পুস্তকগুলির মধ্যে দুর্গেশনন্দিনী, কপালকুণ্ডলা, বিষবৃক্ষ, দেবীচৌধুরাণী, কৃষ্ণচরিত্র, কমলাকান্তের দপ্তর প্রভৃতি বঙ্গসাহিত্যের রত্নস্বরূপ । বঙ্গীয় ১৩০০ সালে এই মহাত্মা নখর দেহ ত্যাগ করেন ।

প্রবন্ধ-চল্লিকার বিবৃতি ।

দেবমন্দির ।

বঙ্কিমচন্দ্রের দুর্গেশনন্দিনী-নামক ঐতিহাসিক উপন্যাসের প্রথমাংশ হইতে এই প্রবন্ধটি উদ্ধৃত । বঙ্কিমচন্দ্রের লেখনী হইতে যে কয়েকখানি উপন্যাস রচিত হইয়াছে, দুর্গেশনন্দিনী উহাদের মধ্যে প্রথম । ইহার নায়ক জগৎসিংহ—জয়পুরপতি প্রসিদ্ধ মানসিংহের জ্যেষ্ঠ পুত্র । নায়িকা দুর্গেশনন্দিনী—গড়মন্দারণের জায়গীরদারের একমাত্র কন্যা । এই প্রবন্ধে নায়ক-নায়িকার দেবমন্দিরে প্রথম সন্দর্শনের কথা বর্ণিত হইয়াছে ।

প্রদোষ কালে—রজনী মুখে, সন্ধ্যা সময়ে ।

নিরাশ্রয়ে—আশ্রয় অভাবে অর্থাৎ থাকিবার স্থান (গৃহাদি) না পাওয়ায় এবং সঙ্গে কেহ না থাকায় ।

নীল-নীরদ মালায়—নীলবর্ণ মেঘসমূহে ।

দিগন্ত-সংস্থিত—চারিদিকে ব্যাপ্ত, চতুর্দিকে প্রসারিত ।

বিদ্যাদীপ্তি-প্রদর্শিত—বিদ্যাতের আলোকধারা প্রকাশিত অর্থাৎ নিমেষমাত্র সময়ে বাহ্য নামানুভাবে দেখা গেল তাহা ।

নৈদাম—নিদাম সম্বন্ধীয়, গ্রীষ্মকালীন ।

শ্মশ—শিথিল, আল্গা ।

দ্রব্য-সংঘাতে—দ্রব্যের আঘাতে ।

চকিতমাত্র—অর্থাৎ অস্পষ্টরূপে, আভাসমাত্র ।

অবতরণ করিলেন—নামিলেন ।

সোপানাবলীর—শি ডিঙুলির ।

সংস্রবে—সংঘর্ষে, আঘাতে ।

হস্তমার্জনে—হাত বুলাইয়া ।

কোতূহলাবিষ্ট—আগ্রহযুক্ত । কোন অভিনব বিষয় জানিবার জন্য যে মনের উৎসুক্য (আগ্রহ) তাহাকে কোতূহল বলে ।

বল-দপিত—বলোদ্ধত, সবলে প্রযুক্ত ।

অর্গল-চ্যুত—অর্গল-ভ্রষ্ট অর্থাৎ খিল খোলা ।

উদ্দেশ্যে—অলক্ষ্যে অর্থাৎ মনে মনে ।

অসিচন্দ্র—তরবারি ও ঢাল ।

“রাজপুত্র হস্তে.....কুশাকুরও বিধিবে না”—অর্থাৎ রাজপুত্র জাতি স্ত্রীজাতির ম্যাদ্য প্রাণপণে রক্ষা করিয়া থাকেন ।

পন্যবেক্ষণ—পরি—অব + ইক্ষ্ + অনট্ ভাবে ; আলোচনার সহিত দর্শন, বিবেচনার সহিত ভাল করিয়া দেখা ।

তৎস্বীকৃত স্বর্ণমুদ্রায় লোভ—‘প্রদীপ জালিয়া ‘দিলে, স্বর্ণমুদ্রা দিব’ ঐ যুবক মন্দির-রক্ষককে এইরূপ কথা বলায়, রক্ষকের যে অর্থলোভ হইয়াছিল, তাহা ।

প্রবন্ধ-চন্দ্রিকার বিবৃতি ।

প্রকোষ্ঠ—কফোণি (কণুই) হইতে মণিবন্ধ (হাতের কব্জি) পর্যন্ত কর-ভাগ ।

পারিপাটা—(পরিপাটা + ষ্য স্বার্থে) শৃঙ্খলা, সুন্দররূপে সন্নিবেশ ।

হীনার্যতায়—বহুমূল্য না হওয়ায় । অর্ঘ—অর্ঘ + অন্ ভাবে ; মূল্য, পূজার দ্রব্য-বিশেষ ;

সম্পন্ন—সম্পত্তিশালিনী ।

অসৌষ্ঠব—অসামঞ্জস্য, সৌন্দর্যহীনতা ।

বক্ষোবিশালতায়—বক্ষোদেশের বিস্তৃতি জন্ম ; বুক চওড়া হওয়ায় ।

সর্ববাক্সের প্রচুরায়ত গঠনগুণে—সকল অঙ্গই বিশেষ প্রশস্ত ও বিস্তৃতভাবে গঠিত হওয়ায় ।

“শরীর তাদৃশ দীর্ঘ যে,..... ঐ সম্পাদক হইয়াছে”—অর্থাৎ অতিশয় দীর্ঘ হইলেও

বক্ষঃস্থল বিলক্ষণ প্রশস্ত, হস্ত পদ প্রভৃতি অঙ্গগুলিও তেমনি বৃহৎ, অথচ স্থল ।

ফলতঃ, যুবকের দেহ অতিশয় দীর্ঘ হইলেও বক্ষঃস্থল, হস্ত, পদ, স্কন্ধদেশ প্রভৃতিও

তাহার অনুকূপ দীর্ঘ ও স্থল । এই জন্মই উহার বিলক্ষণ সামঞ্জস্য (মানান)

হইয়াছে । তাহা না হইলে, একপ লম্বা শরীর অসমঞ্জস (বেমানান) বলিয়া মনে

হইত । ইহাতেই ঐ যুবকের সুদীর্ঘ দেহ অসামান্য শোভাজনক বলিয়াই মনে

হইয়াছিল ।

প্রাবৃট্—প্র + বৃন্ + ক্রিপ্, বন্য । প্রাবৃট্-সম্ভূত—বর্ষাকালে জাত ।

বসন্ত-প্রসূত রক্তপত্রাবলীতুল্য—বসন্তকালে জাত নূতন পত্র সকলের মত (আরক্তবর্ণ) ।

কবচাদি—সাঁজোয়ি প্রভৃতি, বস্ত্রাদি ।

কাম-সংবন্ধ অসি—খাপের মধ্যে স্থিত তরবারি ।

চন্দ্রাপীড়ের প্রতি শুকনাসের উপদেশ ।

এই প্রবন্ধ তারাশঙ্কর তর্করত্ন মহাশয়ের কাদম্বরী গ্রন্থ হইতে উদ্ধৃত ।

তারাশঙ্কর তর্করত্ন মহাশয়, বিদ্যাসাগর মহাশয়ের সমসাময়িক ; ইনি সংস্কৃত কলেজের অধ্যাপক ও পুস্তকানন্দ ছিলেন । যে সময়ে বিদ্যাসাগর মহাশয় সীতার বনবাস প্রকাশ করেন, তাহার অল্পকাল পরেই তর্করত্ন মহাশয় মহাকবি বাণভট্ট প্রণীত সংস্কৃত কাদম্বরী গ্রন্থের অনুবাদ প্রকাশ করেন । ইহার লেখার পদযোজনা যেমন সুন্দর, তেমনি উহা সুপদেশপূর্ণ ও অর্থবহুল । বর্তমান প্রবন্ধেই পাঠক তাহা বৃষ্টিতে পারিবেন ! উহা পাঠ করিলেই পাঠকের মন মুগ্ধ হইয়া যায় । ইহার অনূদিত বাঙ্গালা কাদম্বরী বঙ্গ সাহিত্যের অমূল্য রত্ন । বিদ্বৎ সমাজে এই পুস্তকের চিরকাল আদর থাকিবে । একপ উৎকৃষ্ট জ্ঞানপূর্ণ পুস্তক বঙ্গভাষায় অতি অল্পই দেখা যায় ।

কাদম্বরী নাটকের নায়ক চন্দ্রাপীড় এবং নায়িকা কাদম্বরী ।

যৌবরাজ্য—যুবরাজ + ষ্য ; পিতা বর্তমানে তাহার সাহায্যের জন্ম পুত্রের রাজপদ ।

অভিষিক্ত—তীর্থ-জলাদিদ্বারা স্নাত, বৃত ।

যুবরাজ—রাজকার্যে পিতার সহকারী রাজপুত্র ।

শ্রবন্ধ-চন্দ্রিকার বিবৃতি ।

নামগ্রী-সম্ভার—সামগ্রী সমূহ ।

জ্ঞাতব্য—জ্ঞা + তব্য কৰ্ম্মবাচ্যে ; যাহা জানা উচিত ।

উপদেষ্টব্য—উপ + দিশ + তব্য কৰ্ম্মবাচ্যে ; উপদেশের যোগ্য ।

যৌবনরূপ বনে প্রবেশ করিলে, বশু জন্তুর শ্রায় ব্যবহার হয়—অর্থাৎ বশু জন্তুরা যেমন যথেষ্টাচার, উদ্ধত ও হিংসক হয়, যৌবন অবস্থায়ও মানুষের প্রকৃতি তেমনি হইয়া থাকে ।

যৌবনের আরম্ভেকলুষিত হয়—অর্থাৎ বর্ষাকালে চারিদিকের কর্দম ও মলাদি নদীতে পড়িয়া উহার জলকে যেমন মলিন করিয়া ফেলে, যৌবনের আরম্ভেও তেমনি কামক্রোধাদি রিপুসকল প্রবল হইয়া মানুষের মনকে দূষিত ও কুপ্রবৃত্তিময় করিয়া থাকে ।

অহঙ্কার ধনের অনুগামী—অর্থাৎ ধন হইলে, তাহার সঙ্গে সঙ্কেত মানুষের মনে অহঙ্কারের উদয় হয় ।

প্রভুত্বরূপ হলাহলের ঔষধ নাই—অর্থাৎ প্রভুত্ব শক্তি হাতে আসিলে, মানুষ অহঙ্কার-বিষে এমন উদ্ধত হয় যে, কিছুতেই তাহার নিবারণ করা যায় না ।

অনর্গ-পারাবার—বিপদের সমুদ্র অর্থাৎ ঐগুলি হইতে এত বিপদ ঘটে যে, তাহার সংগা করা যায় না ।

“অসামান্য ধীশক্তি.....হইতে পারেন”—যাঁহাদের বুদ্ধি অসাধারণ তাঁহা ও বিবেকযুক্ত, তাঁহারা এই বিপদ হইতে আত্মরক্ষা করিয়া চলিতে পারেন ।

‘সদুপদেশ অমূল্য ও অসমুদ্র-সমুত্ত রত্ন’—অর্থাৎ প্রবাল মণি মুক্তাদি বহুমূল্য রত্নসকল দুর্গম সমুদ্রের গর্ভে পাওয়া যায় । কিন্তু সদুপদেশ উহাদের অপেক্ষাও মূল্যবান অর্থাৎ উহা দ্বারা যে কত উপকার হয়, তাহার পরিমাণ করা যায় না এবং উহা অতি দুস্প্রাপ্য ; সমুদ্রগর্ভে অনুসন্ধান করিলেও উহা পাওয়া যায় না ।

বৈরূপ্য—বিরূপ ভাব অর্থাৎ মাংসের লোলতা, অঙ্গসকলের শিথিলতা প্রভৃতি ।

পারিষদেরা—সভাস্থ ব্যক্তির অর্থাৎ সহচরেরা ।

অর্থ অনর্থের মূল—অর্থাৎ ধন হইতেই নানা বিপদ ঘটিয়া থাকে ।

বৈদক্ষ্য—বিদক্ষ + ক্য ভাবার্থে ; পাণ্ডিত্য

স্বার্থ-নিষ্পাদনপর—আপনার ইষ্টসাধনেই যত্ববান ।

দূত ক্রীড়া—পাশ ক্রীড়া ।

বিনোদ—আমোদ, আনন্দ ।

দুরবগাহ—দুর্বেদ্য, অতি জটিল ।

বাজ্যতন্ত্রের—রাজনীতির ।

অরাতিনগলের—বিপক্ষগণের ।

ধন ও ব্যয় ।

এই প্রবন্ধটী পণ্ডিতবর রামকমল ভট্টাচার্য্য মহাশয়ের 'বেকন' নামক ইংরাজি গ্রন্থের অনুবাদ হইতে উদ্ধৃত ।

রামকমল ভট্টাচার্য্য মহাশয় অসামান্য প্রতিভাশালী ও নানাবিদ্যায় সুপণ্ডিত ছিলেন । সুপ্রসিদ্ধ কৃষ্ণকমল ভট্টাচার্য্য মহাশয় ইঁহার অনুজ । উভয় সহোদরই সংস্কৃত কলেজে অধ্যয়ন করিয়া, প্রশংসার সহিত বি. এ পরীক্ষায় উত্তীর্ণ হন । ইঁহাদের বিদ্যাভ্যাসের কথা শিক্ষিত সনাজের সকলেই অবগত আছেন । রামকমল বাবু কিছু কাল কলিকাতা নর্ম্ম্যাল বিদ্যালয়ের প্রধান শিক্ষকের কার্য্য করেন । ঐ সময়েই ইনি ইংরাজি 'বেকন' নামক গ্রন্থের অনুবাদ প্রকাশ করেন । সমুদায় নর্ম্ম্যাল বিদ্যালয়ে ঐ অনুবাদের দীর্ঘকাল পাঠনা হুইয়াছিল । ইঁহার লেখা যেমন সরল, তেমনি গভীর ভাবপূর্ণ । দুঃখেব বিনয়, এই মহাশয় যৌবন অবস্থাতেই দেহত্যাগ করেন ।

বিত্ত-শাস্তা—বিত্ত বিষয়ে (ধন-ব্যয়ে) শাস্তা (কৃপণতা) ।

আপনার ওজন বুঝিয়া অর্থাৎ নিজের অবস্থা কিরূপ, তাহা বুঝিয়া ; আপনি কিরূপ দরের লোক অর্থাৎ নিজের আয়, ব্যয় ও সঞ্চতি কিরূপ, তাহা বিবেচনা করিয়া ।

উপজীবীগণ—কর্ম্মচারীগণ ।

বিকারস্থান—বিকৃতস্থান অর্থাৎ যে যে বিষয়ে অর্থের অপব্যয় হইতেছে, সেই সেই বিষয় ।

প্রভুর রাশি বুঝিয়া—মনিবের চাল-চলন বুঝিয়া অর্থাৎ কিরূপ বিষয়ে ও কোন সময়ে প্রভু অসতর্ক থাকেন, তাহা বুঝিয়া ।

হস্ত-সঙ্কেচ করিতে—ব্যয় সংক্ষেপ করিতে অর্থাৎ হাত গুড়াইতে ।

পারিপাটী—পরিপাটী + ষ্য স্বার্থে ; উৎকর্ষ, সু-সমাবেশ ।

আনুগ্য—অনুগীর ভাব, ঋণ-শূন্যতা ।

প্রললক্ষা—উচ্চ দৃষ্টি, বড় নজর ।

আপদার্থে—আপদের জন্ত অর্থাৎ কঠিন রোগ, সাংসারিক অশান্তি, বৈষয়িক কোন গোল-যোগ প্রভৃতি হইলে, তাহার জন্ত ।

অলম্বুন্ধি—অলম্ অর্থাৎ ব্যর্থ (নিস্প্রয়োজন—বৃথা) এইরূপ মনে করা । (অলম্ ব্যর্থ সমর্থয়োঃ—অমর ।)

সমুয়-সমুখান—(সম্ + ভূ + যপ্, সমুখান—সমুন্নতি) অনেকে মিলিত হইয়া বাণিজ্য করা, সম্মিলিত বণিক্-সমিতি । সমুখায়ীরা—সমবেত বণিকেরা ।

কুসীদ—কু—সদৃশ করণবাচ্যে ; কুৎসিত উপজীবিকা, সুদ লওয়া । কুৎসিতং সদনং অনেনেতি—অন্যের অর্জিত অর্থকে কুৎসিত জীবিকা বলা হয় ।

কুসীদ-ব্যবহারে—সুদ লওয়ায় ।

স্তব—গুণকীর্তন । চাটুবচন—তোষামোদী কথা ; যাহার যে গুণ নাই, তাহার সেই গুণ আছে—এইরূপ কথা ।

প্রবন্ধ-চন্দ্রিকার বিবৃতি ।

নির্বিঘ্ন—নির্বেদ-যুক্ত, খেদ-প্রাপ্ত ।

বিস্ত-শাঠ্য—ধন বিষয়ে শঠতা (কাতরতা) ।

দায়াদ—পুত্র, ভ্রাতা, উত্তরাধিকারী, সপিণ্ড ।

দায়—দা + ঘঞ্ কৰ্ম্মবাচ্যে ; পৈতৃক ধন, বিভাজ্য বস্তু ।

পৌরুষের পরিণাম

রমেশচন্দ্র দত্ত ।

এই প্রবন্ধ এবং ইহার পরবর্তী দুইটি প্রবন্ধ প্রসিদ্ধ ঐতিহাসিক স্নলেখক রমেশচন্দ্র দত্ত মহাশয়ের মহারাষ্ট্র-জীবন-প্রভাত নামক পুস্তক হইতে উদ্ধৃত ।

মনস্বী রমেশচন্দ্র বঙ্গীয় ১২৫৫ সালে কলিকাতার অন্তর্গত রামবাগানের প্রসিদ্ধ দত্ত বংশে জন্মগ্রহণ করেন । ইনি দেশ-বিখ্যাত সুরেন্দ্রনাথ বন্দ্যোপাধ্যায় মহাশয়ের সহিত সিভিল সার্ভিস পরীক্ষা দিয়া ঐ পরীক্ষায় ২য় স্থান অধিকার করেন । এদেশে আসিয়া, প্রথমে জয়েন্ট ম্যাজিষ্ট্রেটের কার্যে নিযুক্ত হন । অল্প কালের মধ্যেই ঐ কার্যে বিশেষ দক্ষতা প্রকাশ হওয়ায় ক্রমে জেলার ম্যাজিষ্ট্রেটের পদে আরোহণ করেন । বাজকীয় কার্যে ইহার বিশেষ যোগ্যতা ছিল । তাহা দেখিয়া, রাজপুরুষেরা ইহাকে বিভাগীয় কমিশনারের পদে উন্নীত করেন । এই কার্যেও ইহার অসামান্য পারদর্শিতাব পরিচয় পাওয়া যায় ।

ইনি বিবিধ দায়িত্ব-পূর্ণ শাসন ও বিচার বিভাগের কার্যে লিপ্ত থাকিয়াও বিদ্যালোচনায় বিশেষ অনুরক্ত ছিলেন । বিশেষতঃ মাতৃভাষার উন্নতি-সাধনে রমেশচন্দ্রের বিশেষ যত্ন ছিল । ইহার প্রণীত শতবর্ষ-নামক উপন্যাস চারিখানি সাহিত্যসংসারে বহুমূল্য রত্ন । ঐ পুস্তকগুলির প্রণয়নে ইহাকে ইতিহাস সম্বন্ধীয় নানাবিধ গ্রন্থের আলোচনা এবং ঐ সময়ের রাজনৈতিক ও সামাজিক নানা বিষয়ের অনুসন্ধান করিতে হইয়াছিল । উহার লেখা যেমন প্রাজ্ঞল, বর্ণনায় বিষয়ের সন্নিবেশ-নৈপুণ্যও তেমনি অসাধারণ । উহাতে গৃহীত, তপস্বী, বোদ্ধা, শান্তিপরায়ণ, ধনী, দরিদ্র প্রভৃতি ভিন্ন ভিন্ন শ্রেণীর লোকচরিত্রও তেমনি উৎকৃষ্ট ভাবে প্রদর্শিত হইয়াছে । ইহার বর্ণনার নৈপুণ্য এমন সুগঠিত যে, কিয়দংশ পাঠ করিলে সম্পূর্ণ গ্রন্থখানি পাঠ না করিয়া ধাকা যায় না । তিনি যে কেবল ঐতিহাসিক বিষয়ের আলোচনা ও বর্ণনায় যশস্বী হইয়াছিলেন, এমন নহে । ভারতের লুপ্তপ্রায় পুরাতত্ত্বেরও অনেক বিষয়ে পুনরুদ্ধার করিয়াছেন । এমন কি, স্থানে স্থানে ইউরোপীয় পণ্ডিতগণের ঐ সম্বন্ধে ভ্রমও দেখাইয়াছেন । ভারতের বেদ প্রাচীনতম ধর্মশাস্ত্র । বেদের অনুবাদ রমেশচন্দ্রের অক্ষয় কীর্তি । উহাতে ইহার গভীর গবেষণা ও অসাধারণ বুদ্ধিমত্তার পরিচয় পাওয়া যায় । এই স্মরণীয় কার্যের জন্য রমেশচন্দ্রকে বহুবৎসর যাবৎ নানাস্থান হইতে বহুবিধ প্রাচীন ও আধুনিক গ্রন্থের সংগ্রহ, অনুশীলন ও ঐ সকলের সমন্বয়ের নিমিত্ত

প্রবন্ধ-চন্দ্রিকার বিবৃতি।

বিশেষ পরিশ্রম করিতে হইয়াছিল। এই কার্যে ইঁহার নাম যুরোপ ও আমেরিকা পৰ্য্যন্ত বিখ্যাত হয়। কালের অন্যান্য পাঁচ সহস্র বৎসরের আবরণে ও বিবিধ উপদ্রবে বিপন্ন হইয়াও বিনষ্ট-প্রায় অনেক বিষয় ইঁহার মীমাংসিত হওয়ায় আমাদের দেশের মহোপকার সাধন হইয়াছে। বর্তমান হিন্দুসমাজের উন্নতিসাধনেও রমেশচন্দ্র যত্ববান ছিলেন। ইঁহার প্রণীত সমাজ, সংসার প্রভৃতি পুস্তক পাঠ করিলেই উঁহার পরিচয় পাওয়া যায়।

রাজকার্য হইতে অবসর গ্রহণ করিয়া, ইনি কিছু কাল বরোদা রাজ্যের প্রধান মন্ত্রীর কার্য করেন। এই কার্যেও ইঁহার বিশেষ সুখ্যাতির কথা শুনা যায়। এই মহাত্মা বঙ্গীয় ১৯১৬ সালে নখর দেহ ত্যাগ করিয়াছেন। রমেশচন্দ্র-প্রণীত বাঙ্গালা সাহিত্যের ভাষা অতি প্রাজ্ঞল। উঁহাতে বর্ণনীয় বিষয়গুলির সন্নিবেশ-নৈপুণ্যও অসাধারণ। শিক্ষিত সম্প্রদায় আগ্রহের সহিত ইঁহার পুস্তকগুলি পাঠ করিয়া থাকেন।

পৌরুষের পরিণাম

এই পুস্তকে মহাত্মা রমেশচন্দ্রের যে তিনটি প্রবন্ধ উদ্ধৃত হইয়াছে, তাহাতে অদ্ভূত-কলশাল রঘুনাথজীর অতুলনীয় প্রভুভক্তি, বীরত্বে অনুরাগ, দুঃসাহসিক কাব্য-পরম্পরা ও অন্যান্য মহনীয় গুণের কথাই বর্ণিত হইয়াছে। এজন্য এখানে সংক্ষেপে রঘুনাথজীর বিষয় লিখিত হইল :—

রঘুনাথজী শিবজীর সহকারী হইলেও মহারাষ্ট্রের অধিবাসী নহেন। ইঁহার পিতা ও পিতামহ রাজপুতনার অন্তর্গত যোধপুরের অধিবাসী ছিলেন। ইনি নিজে যেমন অসাধারণ গুণগ্রামে ভূষিত, ইঁহার পিতা পিতামহও তেমন গুণবান ও বীরশালী ছিলেন। রঘুনাথের পিতার নাম গজপতি সিংহ। ইনি যোধপুরের অধিপতি যশোবন্তের প্রিয়তম সেনাপতি ছিলেন। যশোবন্ত দিল্লীর সাজেহান বাদসাহের নিকট অধীনতা স্বীকার করিয়া, তাঁহার একজন প্রধান সেনাপতির পদ প্রাপ্ত হন। একবার একটা যুদ্ধে মহারাজ যশোবন্ত সিংহ গজপতির বীরত্বেই প্রাণ রক্ষা করেন। মহারাজ এই ঘটনার স্মরণার্থ তাঁহাকে একটা বহুমূল্য হার উপহার প্রদান করেন। গজপতিয় পিতাও বীরত্ব ও মহত্বে যোধপুর রাজ্যে বিশেষ প্রতিপত্তি লাভ করিয়াছিলেন।

বাদসাহ সাজেহানের বৃদ্ধাবস্থায় পুত্র আওরঙ্গজেব যখন বিদ্রোহী হন, তখন যুবরাজ দারা যশোবন্ত সিংহ ও কাসেম খাঁকে তাঁহার সহিত যুদ্ধ করিবার জন্য প্রেরণ করেন। উজ্জয়িনীর নিকটে শিপ্রা-তটে এই ঘোরতর যুদ্ধ হয়। কিন্তু বিশ্বাসঘাতক কাসেম যুদ্ধকালে আওরঙ্গজেবের মোহমস্ত্রে মুগ্ধ হইয়া, স্বসৈন্যে যুদ্ধস্থান হইতে পলায়ন করেন। যশোবন্তের সহিত ৮০০০ সহস্র মাত্র সৈনিক ছিল। তিনি অসম সাহসে আওরঙ্গজেবের প্রায় পঞ্চাশ হাজার সৈনিকের সহিত ঘোরতর যুদ্ধ করেন। অবশেষে পাঁচশত মাত্র সৈন্য জীবিত থাকিতে রণে ভঙ্গ দেন। এই যুদ্ধেই গজপতির প্রাণ নাশ হয়। তিনি মৃত্যুকালে একজন বঙ্গীয় বীরের হস্তে সেই বহুমূল্য হার দিয়া বলিয়া যান, আমার

প্রবন্ধ-চন্দ্রিকার বিবৃতি ।

একমাত্র শিশুপুত্র ও কন্যাটী মাতৃহীন । তাহাদের প্রতি যেন মহারাজের কৃপাদৃষ্টি থাকে । রঘুনাথ শৈশবে যশোবস্তুর ও তাঁহার মহিষীর স্নেহদৃষ্টিতেই পালিত হইয়াছিলেন । যৌবনের প্রারম্ভেই রঘুনাথ শিবজীর মহত্বের কথা শুনিয়া মহারাষ্ট্রে গমন করেন এবং তাহার অধীনে সামান্য সৈনিকের কার্যে নিযুক্ত হন । উচ্চবংশীয় হইয়াও এই সামান্য কার্যে প্রবৃত্ত হইতে হওয়ার তিনি কাহারও নিকট আত্মপরিচয় দিতেন না । চন্দ্রাও তাঁহার ভগিনী লক্ষ্মীদেবীকে বিবাহ করেন । তিনি শিবজীর অধীনে হাবিলদারের সেনাপতির কার্য করিতেন । চন্দ্রাও যুদ্ধ বিষয়ে বিলক্ষণ নিপুণ ছিলেন । বালক-রঘুনাথও অল্পকালমধ্যেই হাবিলদারের পদে আরোহণ করেন । রঘুনাথের আগমন কাল হইতে অনেকেই চন্দ্রাওএর বীরত্বের কথা ভুলিয়া গিয়াছিল । রঘুনাথ যে একজন অসাধারণ বীরশালী, তাহা সকলেই একবাক্যে স্বীকার করিতেন । ইহাতেই তাঁহার প্রতি চন্দ্রাওএর বিষম অশ্রুয়া ভাব জন্মে । আপনার সম্রম ও প্রতিপত্তির স্পৃহা মানুষের একরূপ বলবতী যে, বিশেষ আত্মীয়তা থাকিলেও ঐ বিষয়ে যিনি প্রতিযোগী, তাঁহার প্রাণ সংহারের স্বেচ্ছা পাইলে, মানুষ তাহাতেও পশ্চাৎপদ হয় না । কিন্তু প্রতিপক্ষ বীর রঘুনাথের মন এমন নির্মল ও সত্যনিষ্ঠ ছিল যে, আপনার প্রাণহানির সম্ভাবনা দেখিয়াও তিনি চন্দ্রাওএর বিপক্ষে বা সত্যের প্রতিকূলে একটীমাত্র কথাও বলিলেন না । তবে ধর্মের মহিমায় জয়পুরপতি মহারাজ জয়সিংহের দৃঢ় বিশ্বাস ও একান্ত অনুরোধেই সে যাত্রা রঘুনাথের প্রাণ রক্ষা হইয়াছিল ।

আবার যে শিবজী বিনাদোষে তাঁহার প্রাণসংহারে আদেশ করেন, ইনি সেই শিবজীর বহুবিধ গুণে ও অসাধারণ বীরত্বে তাঁহার প্রতি এমনই অনুরক্ত হইয়াছিলেন যে, ইঁহারই অতুলনীয় সাধনায় মহা সঙ্কটজাল হইতে মহারাষ্ট্র-কেশরীর বহুবিধ উপকার ও প্রাণরক্ষা হইয়াছিল, তাহা পরবর্তী দুইটী প্রবন্ধ পাঠ করিলেই উত্তমরূপে বুঝিতে পারা যাইবে । রমেশবাবুর মাধবীকঙ্কণ ও জীবনপ্রভাত এই দুইখানি পুস্তকে এই বিষয় বিশদভাবে বর্ণিত হইয়াছে ।

শিবজীকে দমন করিবার জন্য বাদসাহ আওরঙ্গজেব প্রথমে সায়েস্তা খাঁকে, পরে যশোবস্তুসিংহকে মহারাষ্ট্র প্রদেশে প্রেরণ করেন । তাঁহার উভয়েই শিবজীর বীরত্বে পরাস্ত হন । তখন বাদসাহ নিজ পুত্র মোয়াজিমকে তথায় পাঠাইয়া দেন এবং তাঁহার সাহায্যের জন্য যশোবস্তুসিংহকে পুনরায় মহারাষ্ট্র প্রদেশে প্রেরণ করেন । সম্রাটের সে চেষ্টাও বিফল হইলে, বাদসাহ অম্বরের অধিপতি মহাবীর বিচক্ষণ জয়সিংহ ও দিলওয়ার খাঁকে ঐ প্রদেশে পাঠাইয়া দেন ।

হিন্দুসেনাপতির সহিত যুদ্ধ করিতে শিবজী স্বভাবতঃ অনিচ্ছুক ছিলেন । বিশেষতঃ জয়পুরপতি জয়সিংহ যেমন বীর্যশালী, তেমনি তীক্ষ্ণবুদ্ধি—ইহাও শিবজী বিলক্ষণ জানিতেন । এইজন্য তিনি একদিন একাকী জয়সিংহের শিবিরে উপস্থিত হন এবং কয়েকটী স্থান বাদসাহকে ফিরাইয়া দিয়া তাঁহার সহিত সন্ধি-স্থাপনের প্রস্তাব করেন । মচামতি জয়সিংহ তাহা সম্বোধের সহিত অনুমোদন করেন । তদনুসারে শিবজী বিজয়পুরপতির অধিকারভুক্ত 'রুদ্রমণ্ডল' গিরিছূর্গ অধিকার করিয়া

প্রবন্ধ-চন্দ্রিকার বিবৃতি

বাদসাহকে উহা প্রদান করেন। ইহার পর জয়সিংহ তাঁহাকে সম্রাটের সহিত সাক্ষাৎ করিতে দিল্লীতে পাঠাইয়া দেন। সেখানে দিল্লীর আওরঙ্গজেব শিবজীর প্রতি সমুচিত সম্মান প্রকাশ করিবেন এবং তাঁহাকে রাজা বলিয়া স্বীকার করিবেন, এইরূপ কথা বলিয়া পাঠান হইয়াছিল। কিন্তু ক্রুর-প্রকৃতি বিশ্বাসঘাতক আওরঙ্গজেব তাঁহার প্রতি কিছুমাত্র সম্মান প্রকাশ করেন নাই, বরং অবমানিত করেন ও তাঁহাকে ৫ম শ্রেণীর সামান্ত কর্মচারীদিগের আসনে বসাইবার ব্যবস্থা করেন। ইহাতে শিবজী আপনাকে নিতান্ত অবমানিত বোধ করিয়া, অল্পক্ষণ পরেই বাদসাহের বিনা অনুমতিতে রাজসভা হইতে চলিয়া আসেন। ইহার পরে তাঁহাকে দিল্লীতে এক প্রকার অবরুদ্ধ ভাবেই থাকিতে হইয়াছিল। ফলতঃ শিবজী জয়সিংহের কথায় বিশ্বাস করিয়া, যোর বিপদ-সমুদ্রে নিমগ্ন হইয়াছিলেন। ঐ সময়ে একজন সম্রাসী নিশীথ রাত্রিতে শিবজীর সহিত সাক্ষাৎ করেন। সেই ঘটনা অবলম্বন করিয়াই এই প্রবন্ধটি লিখিত হইয়াছে।

৪৮ পৃঃ হইতে—

রক্তিমচ্ছটা রক্তবর্ণ মেঘের সৌন্দর্য্য।

দিগন্তবাহিনী—বহুদূর পব্যস্ত প্রবাহিত।

আজান—উপাসনা সময়ের স্ততিবাক্য।

চিন্তা-সূত্র—চিন্তারূপ সূত্র অর্থাৎ সুদীর্ঘ চিন্তা।

গরায়নী—গুরু-ঈশ্বর স্ত্রী-ঈশ্বর, সর্বাপেক্ষা গুরুতর, পরম পূজনীয়।

আহবে—যুদ্ধে।

উন্নত কার্যপরা—উৎকৃষ্ট কার্যসমূহ।

দোদগু-প্রতাপ -বাহুদণ্ডের পরাক্রম, বাহুবল।

দুন্দমনীয়—দুর্জেয়, যাঁহাকে দমন করা দুঃসাধ্য।

রাজচক্রবর্তী—রাজা সকলের মধ্যে যিনি সর্বশ্রেষ্ঠ, সার্বভৌম।

প্রতিকৃতি—প্রতিমূর্তি, প্রতিবন্দ্য।

নৈশ-শিশির—রাত্রিকালীন শিশির।

বিভূতি—ভঙ্গ।

কোম—তরবারির খাপ।

উৎসুক্য উৎসুক + ক্য ভাবার্থে ; আগ্রহ।

স্থস্ত—নি + অস্ + স্ত কণ্ঠধাতো ; অপিত, স্থাপিত।

গগনসঞ্চারি-বায়ু—৭মীতৎ ও কণ্ঠধা ; আকাশে প্রবাহিত বাতাস।

৫২ পৃঃ হইতে—

ছদ্মবেশে—গুপ্তবেশে, কপট পরিচ্ছদে।

নিদর্শন—চিহ্ন, চিনিবার বস্তু।

বস্মাচ্ছাদিত—সাজোয়া দ্বারা ঢাকা।

তূণ—শরাধার।

শ্রবক-চন্দ্রিকার বিবৃতি ।

৫৫ পৃঃ—

অবধারণা—নির্ণয়, নিশ্চয় ।

অবিচলিত—দৃঢ়, স্থির ।

বীর-পরামর্শ—বীরোচিত উপদেশ ।

নির্বন্ধে—অদৃষ্টের লিখনে, ভাগ্যালিপিতে ।

মর্মান্তিক—হৃদয়-বিদারক, মর্মান্তিক মনস্তাপজনক !

উদার—উন্নত ভাবের প্রকাশক ।

হৃদমনীয়—হৃৎপরাজেয়, যাহার দমন দুঃসাধ্য ।

আরোগ্য ।

ঐ ঘটনার পরে আওরঙ্গজেব আদেশ করিলেন, শিবজী যেখানে আছেন, উহার চারিদিকে সম্রাটের সৈন্যসকল এমন ভাবে থাকিবে, যাহাতে শিবজী দিল্লী হইতে কোনরূপে পলায়ন করিতে না পারেন । শিবজী তখন ঘোর বিপদে পতিত হইলেন । ইহার কয়েকদিন পরে চতুর-চূড়ামণি শিবজী গৌড়ার ভাগ করিয়া, চিকিৎসকদিগকে দেখাইতে লাগিলেন এবং সেই সঙ্গেই পলায়নের উপায়ও দেখিতে লাগিলেন ।

তন্নজী—ইনি শিবজীর সহচর । কুট বুদ্ধিতে ইনি শিবজীর উপযুক্ত পরামর্শদাতা ছিলেন । ইহারই সহিত পরামর্শ করিয়া সূচতুর শিবজী মিষ্টানের ঝড়ির মধ্যে চাপিয়া অবরুদ্ধ স্থান হইতে বহির্গত হন । শিবজীর জ্যেষ্ঠপুত্র শম্ভুজীও আর একটা ঝড়িতে ছিলেন ।

৬২ পৃঃ হইতে—

ইতি-কর্তব্য বিমূঢ় হইয়া - উপস্থিত বিষয়ে কি কর্তব্য, তাহা স্থির করিতে না পারিয়া, কর্তব্য-বুদ্ধি রহিত হইয়া ।

আজীবন-কাল—জীবন হইতে আরম্ভ করিয়া এই অর্থে আজীবন, অব্যয়ীভাব, ঐরূপ যে কাল, সুপ্ সুপ্ সমাস ; যতকাল জীবন থাকিবে ততকাল ।

নিরাশ্রয়ের আশ্রয়—অনাথের নাথ । যাহার আশ্রয় নাই আপনি তাহার অবলম্বন ।

‘এই মহৎ আচরণে আমাকে যথেষ্ট দণ্ড দিয়াছ’—অর্থাৎ আমি যে নিজের বুদ্ধিদোষে নির্দোষ প্রভুভক্ত বীরপুরুষের উপর প্রাণদণ্ডের ও দুরীকরণের আদেশ দিয়া অতীব গর্হিত কার্য করিয়াছি এবং তাহা করাতেও তুমি এই ঘোর বিপদ হইতে আমায় পরিত্রাণ করিলে, ইহাতেই আমাকে উপযুক্ত শিক্ষা দান করা হইল । তোমার এই কার্যেই আমাকে প্রকারান্তরে দণ্ড দেওয়া হইল অর্থাৎ তোমার এই অসাধারণ উপকারে আমি চিরজীবন আনন্দানি ভোগ করিব,—ইহাই প্রকৃত দণ্ডদান ।

অজস্র—নঞ-জস্+র কর্তৃবাচ্যে ; অবিরল, সতত ।

ভূদেবচন্দ্র মুখোপাধ্যায়।

বঙ্গীয় ১২৩২ সালের চৈত্রমাসে মহাত্মা ভূদেবচন্দ্র জন্মগ্রহণ করেন। উত্তরী জেলায় খানাকুলের সম্বিহিত নাপ্তিপাড়া-নামক গ্রাম ইহার জন্মস্থান। ইহার পিতা বিশ্বনাথ তর্কভূষণ মহাশয় যেমন সুপণ্ডিত, তেমন ধর্মপন্থাও ছিলেন। আট বৎসর বয়সে তিনি সংস্কৃত কলেজে অধ্যয়নের জন্ত প্রেরিত হন। এখানে তিন বৎসর যোগ্যতার সহিত পাঠ করিয়া, উত্তমরূপে ইংরাজি ভাষা শিখিবার জন্ত হিন্দু কলেজে প্রবিষ্ট হন এবং কয়েক বৎসরের মধ্যে এখানকার পাঠ সমাপ্ত করিয়া, পরীক্ষায় সর্বোচ্চ স্থান অধিকার করেন।

ইহার পরে তাহার কর্মজীবন আবিষ্কৃত হয়। ভূদেবচন্দ্রের কর্মজীবন অতীব প্রশংসনীয়। তিনি প্রথমে কিছুকাল হাওড়া জেলা স্কুলের প্রধান শিক্ষকের পদ গ্রহণ করেন। কর্তৃপক্ষেরা নানাবিদ্যায় ভূদেবচন্দ্রের পারদর্শিতা দেখিয়া, ইহাকে উত্তরী নর্ম্যাল বিদ্যালয়ের অধ্যক্ষপদে প্রতিষ্ঠিত করেন। আমাদের সুপ্রসিদ্ধ কবিবর মাইকেল মধুসূদন দত্ত ও আরও কয়েকজন শিক্ষিত ব্যক্তি ঐ পদের প্রার্থী ছিলেন। এজন্য কক্ষপ্রার্থীগণের একটা পরীক্ষা গ্রহণ করা হয়। ঐ পরীক্ষাতেও ভূদেবচন্দ্র সর্বপ্রথম হইয়াছিলেন।

নর্ম্যাল বিদ্যালয়ের অধ্যক্ষপদে প্রতিষ্ঠিত হইয়া তিনি নানা প্রকারে উহার উন্নতি করেন। এদেশীয় ছাত্রগণের শিক্ষার সুবিধার জন্ত তিনি এসময়ে কয়েকখানি পাঠ্যপুস্তক প্রণয়ন করেন। এসকল পুস্তকের অধিকাংশই মৌলিক—কোন পুস্তকের অনুবাদ নহে। ঐগুলির মধ্যে ক্ষেত্রতত্ত্ব ও প্রাকৃতিক বিজ্ঞান-প্রণয়নে তাঁহাকে ভাস্করাচাষ্যের লীলাবতী প্রভৃতি দুইরূহ বহুবিধ সংস্কৃত গ্রন্থের সাহায্যে অনেক পারিভাষিক শব্দের সংগ্রহ করিতে হইয়াছিল। স্থানে স্থানে স্বয়ংও ঐকম্প বহুসংখ্যক শব্দ গঠন করিয়া পুস্তকের অঙ্গসৌভব করিয়া দিয়াছেন। ইহার পরবর্তী গ্রন্থকারেরা এসকল শব্দের সাহায্যে বিশেষ উপকৃত হইয়াছেন। উহা ভিন্ন তিনি পুর্বাভ্যুসার, শিক্ষা-বিষয়ক প্রস্তাব, বঙ্গবিজ্ঞান প্রভৃতি গভীর চিন্তামূলক কয়েকখানি উৎকৃষ্ট গ্রন্থও এসময় প্রণয়ন করেন। বৃদ্ধ বয়সে সামাজিক প্রবন্ধ, আচার-প্রবন্ধ ও পারিবারিক প্রবন্ধ এই তিনখানি পুস্তক প্রণয়ন করিয়া অক্ষয়কীর্তি লাভ করিয়াছেন। ঐগুলি পাঠ করিলেই বুঝা যায়, মহাশয়স্বী ভূদেবচন্দ্র কিরূপ গভীর চিন্তাশীল ও সমাজহিতৈষী ছিলেন। বাঙ্গালার পূর্বতন গভর্নর নার চার্লস ইলিয়ড সাহেব সামাজিক প্রবন্ধ পাঠ করিয়া বলিয়াছিলেন, “ভারতীয় আধুনিক কোন পুস্তকেই এরূপ গভীরভাব ও চিন্তাশীলতার পরিচয় পাওয়া যায় নাই। প্রাচীন ব্রাহ্মণ-হৃদয়ে প্রাচ্য ও পাশ্চাত্য শিক্ষার মিশ্রণে যে অপূর্ব ফল উৎপন্ন হইতে পারে, এই পুস্তকই তাহার প্রমাণ।”

নর্ম্যাল বিদ্যালয়ের অধ্যক্ষতায় রাজপুরুষেরা তাঁহার অসামান্য পাণ্ডিত্য ও কর্মদক্ষতার পরিচয় পাইয়া, তাঁহাকে শিক্ষাবিভাগের সচিবপদে নিযুক্ত করেন। ইহারই যত্নে শিক্ষাবিভাগের নানা প্রকার উন্নতি হইয়াছিল। এই সময়ে তাঁহার বেতন ১৫০০ টাকা

প্রবন্ধ-চন্দ্রিকার বিবৃতি ।

হইয়াছিল । ইনি কয়েক বৎসর বঙ্গীয় শতর্গনেণ্টের সদস্যরূপে মনোনীত হন এবং নানা-প্রকারে এদেশীয়গণের উপকার সাধন করেন । ভূদেবচন্দ্র নিজগুণে রাজদত্ত 'সি, আই, ই,' উপাধি প্রাপ্ত হন । পঞ্জাব ও উত্তরপশ্চিম প্রদেশে কিরূপে শিক্ষা-বিস্তার হইতে পারে, তাহা নিরূপণ করিবার জন্ত রাজপুরুষেরা ভূদেবচন্দ্রকে যোগ্যতর বলিয়া মনোনীত করেন । তিনি এমন বিচক্ষণতার সহিত ঐ সম্বন্ধে মন্তব্য প্রকাশ করেন যে, রাজপুরুষেরা উহা পাঠ করিয়া পরম আীত হন এবং তদনুসারে ঐ উভয় প্রদেশের শিক্ষা-পদ্ধতি প্রবর্তিত করেন । এই সময়ে বিহার প্রদেশের আদালতসকলে পারসি ভাষার প্রচলন ছিল । ইহারই পরামর্শে পারসির পরিবর্তে নাগরী ভাষার প্রচলন হইয়াছে ।

৫৮ বৎসর বয়সে এই মহাত্মা রাজকাব্য হইতে অবসর লন । ইহার পরে তিনি কাশীধামে গমন এবং দুই বৎসরের মধ্যে বেদান্ত-দর্শন উত্তমরূপে অধ্যয়ন করিয়া চুঁচুড়ায় প্রত্যাগমন করেন । সংস্কৃত শাস্ত্রে ও দেশীয় আচার-ব্যবহারে তাঁহার বিশেষ শ্রদ্ধা ছিল । সংস্কৃত শিক্ষা না করিলে যে জ্ঞানের প্রগাঢ়তা ও 'প্রকৃত শিক্ষা লাভ হয় না, ইহাই তাঁহার দৃঢ় বিশ্বাস ছিল । জাতীয় ভাব-বিহীন হইলে যে, মানুষ অবলম্বনহীন হয়, ইহা তিনি পুনঃ পুনঃ বলিয়া গিয়াছেন । ইহা ভিন্ন আনাদের সংস্কৃত পুস্তকের অধিকাংশ গ্রন্থই গভীর জ্ঞানপূর্ণ । এদেশীয়েরা ইংরাজি শিক্ষা করিলেও ঐসকল সংস্কৃত গ্রন্থ পাঠ করা অবশ্যই কর্তব্য, ইহাও তিনি পুনঃ পুনঃ বলিয়া গিয়াছেন । এই সংস্কৃত শাস্ত্র অধ্যয়নের জন্ত চুঁচুড়া নগরীতে তিনি একটি সুবিশাল বিদ্যালয়ের স্থাপন করিয়া গিয়াছেন । মহামতি ভূদেবচন্দ্র সমগ্র জীবন রাজসেবা ও গ্রন্থাদি প্রণয়নে বাহা কিছু সঞ্চয় করিয়াছিলেন, সে সমস্তই সংস্কৃত চর্চার জন্ত দান করিয়া গিয়াছেন । পুত্রাদির জন্ত কিছুই রাখেন নাই, উহাতে প্রায় দুই লক্ষ টাকা ব্যয় হইয়াছে । ঐ চতুষ্পাঠীর সহিত একটি উষধালয়ও স্থাপিত হইয়াছে । উহাতে রোগাতুর ব্যক্তিদিগকে বিনামূল্যে কবিরাজি ও হোমিওপ্যাথিক ঔষধ বিতরণ করা হয় । এই মহাত্মা পিতৃদেবের নামানুসারে ঐ বিদ্যালয়ের "বিদ্যনাথ চতুষ্পাঠী" নাম রাখিয়াছেন । একরূপ দান এ জগতে অতি বিরল ।

১৩০৩ সালের জ্যৈষ্ঠ মাসে এই মহাত্মা নখর দেহ ত্যাগ করিয়াছেন । কিন্তু যশঃশরীনে অবিদ্যমান হইয়া এখনও বিরাজ করিতেছেন ।

মধুস্মৃতি ।

কবিবর মাইকেল মধুসূদন দত্ত মহোদয়ের মৃত্যুর পরে তাঁহার সম্বন্ধে সহাধ্যায়ী মহামতি ভূদেবচন্দ্রের যাহা যাহা স্মরণ হইয়াছিল, সেই বিষয়গুলি এই প্রবন্ধে লিখিত হইয়াছে ।

প্রবন্ধ-চন্দ্রিকার বিবৃতি ।

৬৫ পৃঃ হইতে—

কৈশোর—কিশোর + ক্ ভাবার্থে, নব-যৌবনের পূর্বাবস্থা, ১৫ বৎসর পর্যন্ত বয়স ।

অতিক্রান্ত-প্রায় গতপ্রায় অর্থাৎ তখন প্রায় ১৫০বৎসর বয়স অতীত হইয়াছে ।

শেষ—স্তুতিচ্ছলে নিন্দা বা নিন্দাচ্ছলে স্তুতি, অর্থাৎ কৃৎ অর্থ করিয়া দোষ দেখান ।

“করতল কলিতামলকবদ্ বদন্তি যে গোলং”—করতলে প্রাপ্ত (দহীত) আমলকের স্থায়

গোল ও পরিষ্কৃত (দোষশূন্য) মাহারা বলেন ।

অধ্যবসায়শীল—পুনঃ পুনঃ উৎসাহ-সম্পন্ন, কোন বিষয়ে দৃঢ় বন্ধ করা মাহার সম্ভাব ।

সৌজন্য—সুজন + ক্ ভাবার্থে ; ভদ্রতা, অমায়িকতা ।

আপ্যায়িত—আ—প্যায় + ক্ত কর্তৃবাচ্যে ; তপ্ত, বিশেষ আতিপ্রাপ্ত ।

অগত্যা—অ-গতিদ্বারা, অগ্নি গতি না পাওয়ায়, অর্থাৎ উপায়ান্তর না থাকায় ।

৬৮ পৃঃ হইতে—

সৌহার্দ্য—সুহৃদ্ + ক্ ভাবার্থে ; সুহৃদের ভাব ।

জিনিয়াস্ (genius) অসাধারণ বুদ্ধিসম্পন্ন ব্যক্তি, মৌলিক ভাবের উদ্ভাবনকারী

উচ্চমনাঃ ব্যক্তি ।

তদ্বাবধানে—পর্যবেক্ষণে, কর্তৃত্বের অধীনতায় ।

প্রতিভা—প্রত্যাৎপন্ন মতি, স্মৃতিষ্ক বুদ্ধি ।

সন্তানের শিক্ষা ।

৭১ পৃঃ হইতে—

সাধ্যায়ত্ত—সাধ্য দ্বারা আয়ত্ত, সাধকের অধীন ।

মনুষ্য-সাধারণ ধর্ম—মানুষের সাধারণ ধর্ম অর্থাৎ যে সকল গুণ উক্ত শ্রেণীর সকল মানুষেরই থাকা উচিত—সেমন, সত্যপাশন, ন্যায়পরতা, দয়া, মাতাপিতার প্রতি ভক্তি, শ্রমশীলতা প্রভৃতি ।

“অতএব সকল দেশেরই.....এবং তাহাই হওয়া উচিত”—অর্থাৎ যে জাতির মেরুপ ধর্ম, মেরুপ সামাজিক রীতি-পদ্ধতি, মেরুপ আচারব্যবহানের প্রচলন আছে, ঐগুলি শিক্ষা করাই প্রকৃতশিক্ষা । ঐগুলি শিক্ষার সহিত আপনা হইতেই মানুষের সাধারণ ধর্মের জ্ঞান অর্থাৎ সত্যকথন, পরোপকার, ন্যায়পরতা প্রভৃতি সাধারণ গুণের শিক্ষা হইয়া থাকে । এই নিমিত্ত জাতীয় ভাবের শিক্ষা এবং কিনে জাতীয় অভাব ও ব্যক্তিগত দোষগুলির পরিহার হইতে পারে, ঐগুলি শিক্ষার প্রথম অবস্থা হইতেই বালককে শিখান আবশ্যিক । বর্তমান শিক্ষা-পদ্ধতিতে উহা হয় না । এই নিমিত্ত বর্তমান শিক্ষা-পদ্ধতির সহিত আমাদের সামাজিক, পারিবারিক ও বৈময়িক বিষয়গুলিরও শিক্ষাদান করা পিতা-

প্রবন্ধ-চল্লিকার বিবৃতি ।

মাতা ও অন্যান্য গুরুজনগণের কর্তব্য—এই বিষয় অবলম্বন করিয়াই এই প্রবন্ধটি লিপিত হইয়াছে ।

প্রবাহিত—পরিচালিত ।

সংস্কার—সংশুদ্ধি করণ, যাহা আপনা হইতেই জন্মে, এরূপ জ্ঞান ; দৃঢ়প্রত্যয় ।

৭২ পৃঃ হইতে—

“এই জন্তু জাতীয় ভাব পরিহার করা, মানব-মনের অসাধ্য”—অর্থাৎ যে জাতির যেকোন ভাব ও আচার ব্যবহার, তাহা দেখিয়া ও শুনিয়া, মানুষের আপনা হইতেই মনে উঠাই দৃঢ়রূপে সংবদ্ধ হয়, উহা কেহই সহজে ছাড়িতে পারে না ।

বিজিত—বি + জি + জি কৰ্ম্মবাচ্যে ; বাহাকে পরাজিত করা হইয়াছে, পরাজিত ।

বিজেতা—বি + জি + ত্বন্ কৰ্ম্মবাচ্যে ; যিনি জয়লাভ করিয়াছেন, বিজয়ী ।

অভ্যুদয়োন্মুখ—৭মী তৎ ; উন্নতির দিকে অগ্রসর ।

পতন-প্রবণ—৭মী তৎ ; অধোগতির দিকে চলিত, অবনতিশীল ।

প্রয়োজন-সাধনোপযোগী—বাহা করা আবশ্যিক, তাহা করিবার উপযুক্ত, আবশ্যিক বিষয় সম্পাদনের উপযোগী ।

“সমাজের প্রয়োজন-সাধনোপযোগী অনুষ্ঠানই প্রকৃত শিক্ষার বিষয়”—অর্থাৎ যে সমাজের যেকোন প্রয়োজন, তাহা বুঝিয়া কার্য করাই মানুষের প্রকৃত শিক্ষণীয় ।

ভিত্তি—বনিয়াদ, দেওয়াল ।

সুপরিষ্কৃত-রূপে—অতি উত্তমরূপে, সুবাস্তভাবে ।

“মনুষ্যত্ব সাধন মস্ত কথা” অর্থাৎ গণ্যমান্য মানুষ কবিয়া তুলি (বড় দরের লোক হইতে চেষ্টা, বাহা করা উচিত, তাহা করিতে পারা) অল্প কালের সহজ চেষ্টায় হয় না অর্থাৎ উহা অতি দুঃসাধ্য বাপার ।

ইন্দ্রিয়-গ্রাম—ইন্দ্রিয় সকল ।

উপলব্ধি—অনুভব । অববোধ—উত্তমরূপে বোধ, প্রতীতি ।

ধী-শক্তি—বুদ্ধিশক্তি ।

উদ্ভাবনী-শক্তি—আবিষ্কারের ক্ষমতা ; (কোন নূতন বিষয় বাহির করিবার শক্তিক উদ্ভাবনী শক্তি বলে) ।

মনোবৃত্তি মাত্রেব কারণ-শক্তির নাম স্মৃতি অর্থাৎ স্মরণশক্তি হইতেই অভিনিবেশ, বুদ্ধির তীক্ষ্ণতা, একাগ্রতা প্রভৃতি মনোবৃত্তির প্রকাশ হয় ।

পর্যাপ্ত—প্রচুর, যথেষ্ট ।

কৃত্তিসামর্থ্য—৬তৎ পু ; কার্যদক্ষতার শক্তি ।

৭৪ পৃঃ হইতে—

দূরদর্শিতা—দূরদৃষ্টি অর্থাৎ ভবিষ্যতে কি ঘটবে, তাহা পূর্বেই বুঝিতে পারা ।

কল্পনা—রচনা, মনে মনে নূতন ভাব বা বিষয়ের গঠন ।

দৌর্বল্য-নিবন্ধন—দুর্বলতাহেতু ।

প্রবন্ধ-চন্দ্রিকার বিবৃতি ।

অনৃতবাদিতা—ন-ঋত-বাদিতা ; অসত্যকথনশীলতা, মিথ্যাবাদিতা ।

“দূরদর্শিতা বর্জিত করিয়াই অনৃতবাদিতার শাসন করা বিধেয়”—পরে কি ঘটবে, তাহা ভাল করিয়া বুঝাইয়া দিলেই মিথ্যা বাক্যের দমন হইতে পারে অর্থাৎ এখন মিথ্যা বলিয়া কোন বিষয় গোপন করিলেও পরে উহা প্রকাশ হইয়া পড়িবেই—মিথ্যা কখনও টিকিবে না, এই বিষয়টা ভাল করিয়া বুঝাইয়া দিলেই মিথ্যা বলিবার প্রবৃত্তি ঘুচিয়া যাইবে ।

বৈফল্যবশতঃ—নিষ্ফলতার জন্ত, বিফল হইয়া যাওয়ায় ।

উচ্চাশ্রয়-সম্পন্ন—উচ্চহৃদয়যুক্ত, উন্নতমনাঃ ।

উদ্বেক—উৎ + রিচ্ + যণ্ ভাবে ; উন্মেষ, সূচনা ।

ঈর্ষ্যা—দ্বेष, পরের ভাল দেখিয়া মনে কষ্ট বোধ করা, পরশ্রীকাতরতা ।

“ঈর্ষ্যা যাহাতে প্রতিযোগিতায় পরিণত হয়, তাহাই চেষ্টা করা আবশ্যিক”—পরের ভাল দেখিয়া, যদি মনে করা হয়, আমিও ঐরূপ ভাল হইব—উহার সমকক্ষ হইব, তাহা হইলে, বিদ্বেশভাব মনকে কলুষিত করিতে পারে না ; অধিকন্তু উহাতে আত্মোন্নতি হইয়া জীবনকে কলাগণের পথে চালিত করে । (এইরূপ প্রতিযোগিতাতেই অনেকে উন্নতি লাভ করিয়া, শেষে বড়লোক হইয়াছেন, তাহা অনুসন্ধান করিলেই জানিতে পারা যায় ।)

অনুচিকীর্ষা—অনু-কৃ + সন্ + অ, স্ত্র আ ; অনুকরণের ইচ্ছা ; একজন যাহা করেন তাহা দেখিয়া ঠিক সেইমত কাজ করিবার ইচ্ছাকে অনুচিকীর্ষা বলে ।

অন্যথারূপে—কি-বিণ, অশ্রায় রকমে অর্থাৎ উহাতে হিত কি অহিত হইবে, তাহা না বুঝিয়া ।

আত্মহত্যা—আপনার প্রাণহানি অর্থাৎ নিজের অনিষ্ট সাধন ।

হত্যা—হন্ + ক্যপ্ স্ত্রী আপ্ ।

আত্মগৌরব—গৌরব ; আপনার শ্রেষ্ঠতা, আত্ম-মর্যাদা ।

উদ্দীপিত—প্রকাশিত, প্রজ্বলিত ।

অনুরূপ—রূপের তুল্য এই অর্থে অব্যয়ীভাব ; সদৃশ ।

সহানুভূতি—অন্যের সুখ বা দুঃখ দেখিয়া তাহা আপনার হৃদয়ে বোধ করা, সম্ভাব অনুভব করা ।

সাংঘাতিক—সংঘাত + ষিক ; গুরুতর, বিশেষ হানিজনক ।

বিলাসিতা—বিলাসিন্ + তা ভাবার্থে ; বাবুগিরি, সৌখীনতা ।

সুখোপভোগ-চেষ্টা—সুখ ভোগ করিব এইরূপ চেষ্টা ।

৭৬ পৃঃ—

“বশুতা ব্যতিরেকে একতা জন্মিতে পারে না”—নিয়ম ও ন্যায়ের বশীভূত হইয়া চলিব এবং কর্তৃপক্ষের মতানুসারে কার্য করিব—এইরূপ বশুভাব না থাকিলে কোন জাতিরই একতা হয় না ।

অনভিজ্ঞ—অভিজ্ঞতাশূন্য ; যে ভালরূপে জানে না ।

প্রবন্ধ-চন্দ্রিকার বিবৃতি ।

অসামরিক জাতি—যে জাতি যুদ্ধকার্য্য করে না ।

বশ্যতা ভক্তিমূলক—অর্থাৎ যঁহার উপর শ্রদ্ধা ভক্তি থাকে, মানুষ তাঁহারই বশীভূত হইয়া চলে । ভক্তি না থাকিলে আন্তরিক বশ্যতা হয় না ।

ব্রহ্মনার্থ বিশ্বাস ।

ইনি বঙ্গসাহিত্যের বর্তমান সময়ের একজন সুলেখক । ইঁহার লেখা গভীর চিন্তা-মূলক ও প্রাঞ্জল । মানুষ্য জীবনের সুগঠন যেক্রমে হইতে পারে, তাহা ইঁহার কয়েকটা প্রবন্ধে সুন্দরভাবে লিখিত হইয়াছে । ইঁহার প্রণীত ছাত্রজীবন-নামক পুস্তক শিক্ষিত সমাজে বিশেষ আদৃত ।

প্রকৃতিবিষয়ে অধ্যয়ন ।

এই প্রবন্ধ-লেখক দেখাইয়াছেন, শুধু পুস্তক পাঠ করিলেই মনোবৃত্তির বিকাশ ও জীবনের উন্নতি হয় না । আমাদের চক্ষুর সম্মুখে যে বিশাল বিশ্ব-প্রকৃতি বিরাজমান রহিয়াছে, ইঁহার বিষয় উত্তমরূপে অনুশীলন করা কর্তব্য । মানুষ এখন বল-বিজ্ঞান, বাষ্প-বিজ্ঞান, তড়িৎবিজ্ঞান, বায়ু-বিজ্ঞান প্রভৃতি বিষয়ের অনুশীলন করিয়া যে সকল যন্ত্রেব সৃষ্টি করিয়াছে, ঐগুলি প্রকৃতির অনুশীলনের ফল । এই নিমিত্ত বাহ্য প্রকৃতিতে যে যে ক্রিয়া ও ভাব আমাদের ইন্দ্রিয়-গ্রাহ্য, ঐগুলির অনুশীলন করা অবশ্য কর্তব্য । প্রকৃতি অনন্ত জ্ঞানের নিকেতন । মানুষ সহস্র সহস্র বৎসর ব্যাপিয়া ঐ সম্বন্ধে গাহা কিছু জানিয়াছে, তাহা অতি সামান্য । এখনও উঁহার মধ্যে জ্ঞাতব্য অনেক বিষয় আছে । প্রকৃতিরূপ সজীব গ্রন্থের অনুশীলনে ঐ সকল বিষয়ের তত্ত্ব নিকপণে যত্নবান হওয়া প্রত্যেক মানুষেরই অবশ্য কর্তব্য । এখন আমরা পুস্তকাদিতে যে সকল বিষয় পাঠ করি, ঐগুলির উদ্ভাবনও প্রকৃতির অনুশীলনের ফল । এই প্রবন্ধে ঐ বিষয়টী সুন্দররূপে দেখান হইয়াছে ।

৭৭ পৃঃ হইতে—

নিষ্ক্রিয়—নাই ক্রিয়া বাহার, বহুরী ; ক্রিয়া-হীন ।

নেত্রাদি বহিরিন্দ্রিয় কাহারও নিষ্ক্রিয় নহে—অর্থাৎ সকলেরই চক্ষুকর্ণাদি বাহ্য ইন্দ্রিয়সমূহ শ্রবণাদি কার্য্য করিতেছে ও সেই সঙ্গে জ্ঞানের উন্মেষ হইতেছে ।

অধ্যয়নের লিপ্সা—পড়িবার ইচ্ছা । লিপ্সা—লভ্-সন্ + অ, স্ত্রী আপ ।

মনীষিগণের—তীক্ষ্ণবুদ্ধি ব্যক্তিগণের । মনীষা—মন + ঙ্গা ; তীক্ষ্ণবুদ্ধি । মনীষিন্—

মনীষা + ইন্ ।

নিত্য বিরাজমানা—নিয়ত বর্তমানা, বাহা সর্বদা বিদ্যমান আছে ।

প্রবন্ধ-চন্দ্রিকার বিবৃতি ।

অধীত—অধি + ই + ত কৰ্ম্মবাচ্যে ; পঠিত ।

পগোল—জ্যোতিষ শাস্ত্র । চন্দ্র, সূর্য্য, গ্রহ, নক্ষত্রাদির বিষয় যে শাস্ত্রের অনুশীলনে জানা যায় ।

স্থপতি—রাজমন্ত্রী, সূত্রধর ।

মস্তিষ্ক-নিঃসৃত—মনোবৃত্তি হইতে উদ্ভূত ।

পরিদর্শন—পরীক্ষা, বিশেষরূপে দর্শন ।

অনুশীলন—চর্চা, আলোচনা ।

পষ্যবেক্ষণ—পরি—অব + ঙ্গ + অনট্ ভাববাচ্যে ; তত্ত্বাবধান ।

৭৯ পৃঃ হইতে—

যুগান্তর—বিশেষ পরিবর্তন, অত্যধিক ভাবান্তর ।

দূরবীক্ষণ—যে যন্ত্রদ্বারা দূরস্থিত বস্তু উত্তমরূপে দেখিতে পাওয়া যায়, দূরবীণ ।

অনুবীক্ষণ—যে যন্ত্র দ্বারা অতি ক্ষুদ্র বস্তু সকলও উত্তমরূপে দেখিতে পাওয়া যায় ; অনুবীণ ।

দূর-শ্রবণ—যে যন্ত্রদ্বারা দূরস্থ ব্যক্তির সহিত কথা কহা যায়, টেলিফোন ।

শব্দ-ধারক—স্বরধর যন্ত্র, ফণোগ্রাফ ।

উন্নয়ন—অনুমনন, মনোযোগহীন ।

এস্থবন্ধ-দৃষ্টি বাহ্যজগতে অন্ধ ছাত্র—অর্থাৎ বাহারা কেবল পুস্তক পাঠমাত্র করে, বাহ্য জগতে যে সকল বাপার নিয়ত ঘটতেছে সে সকল বিষয় বাহারা মনোযোগের সহিত দেখে না, তাহারাই বাহ্য জগতে (বিশ্ব প্রকৃতির বিষয়ে) অন্ধ অর্থাৎ অজ্ঞান ।

পার্থক্য—পৃথক্ + ক্য ভাবার্থে ; প্রভেদ ।

প্রকৃতি-পষ্যবেক্ষণে—প্রকৃতির শক্তিতে যে যে কৰ্ম্ম হয়, তাহা ভাল করিয়া দেখিতে ।

অনাসক্ত—আস্থাহীন, যত্ন-বর্জিত ।

ছাত্রাধম—অপকৃষ্ট ছাত্র, অপ্রাসঙ্গিক বিষয় সম্বন্ধে যত্নহীন ছাত্র ।

মানব মন সর্ব্বশেষে অধ্যয়নের বিষয়—মানুষের মনের অবস্থা, কোন্ সময়ে কিরূপ হইতে পারে, কিরূপ কার্য্য দ্বারা ঐ মন সুগঠিত, স্বচ্ছন্দ ও বশীকৃত হইতে পারে, ইহা বুঝিয়া কাজ করিতে পারিলেই মানুষ অনেক কার্য্যে সুদক্ষ ও সুখী হইতে পারে । সুতরাং ঐরূপ বিষয়ের অনুশীলনই মানুষের প্রধান শিক্ষণীয় ।

মানবমন জগতের অন্তকৃতিমাত্র—মানুষ সচরাচর যাহা যাহা দেখে ও বেকপ বিষয় সকলের অনুশীলন করে, তাহার মনের গঠনও তদনুরূপ হইয়া থাকে । অর্থাৎ দৃষ্ট ও শ্রুত বিষয় সকলের অনুকরণেই মানুষের মনের গঠন হইয়া থাকে । ফলকথা, এই জগতে যাহা যাহা ঘটিতেছে, ঐগুলি দেখিয়া ও শুনিয়াই আমাদের যেকোন চিন্তা-প্রবাহ জন্মে, উহা হইতেই মনের গঠন হয় । এই জন্যই আমাদের মনকেই ‘জগতের অন্তকরণ মাত্র’ বলা হইয়াছে ।

মানবমনের ইতিহাস মনোবিজ্ঞান—অর্থাৎ মনের যে অবস্থার পরে যে অবস্থা ঘটিতে পারে, উহার জ্ঞানকেই মনোবিজ্ঞান বলা হয় ।

মানবমনের ভাবপ্রকাশ ভাষা-বিজ্ঞান—অর্থাৎ মানুষের মনে যখন যখন যে যে ভাবের

প্রবন্ধ-চল্লিকার বিবৃতি ।

উদয় হয়, ঐগুলিকে প্রকাশ করিতেই ভাষার উৎপত্তি হইয়াছে । আমাদের মনের ভাবপ্রকাশক ঐ ভাষাসম্বন্ধে বিশিষ্ট-জ্ঞান যাহা দ্বারা হইতে পারে, তাহাকেই ভাষাবিজ্ঞান বলা যায় ।

মানবমন অনন্ত রত্নের আকর—মানুষের মন হইতেই নানাবিধ স্মৃতিস্তা-কপ রত্নের উৎপত্তি হয় । অর্থাৎ মানুষের সকল উৎকৃষ্ট বিষয়ের অনুশীলন করিয়া জীবনের প্রকৃত উন্নতি সাধন করিয়া আসিতেছে, ঐগুলির উৎপত্তি উন্নত মন হইতেই হইতেছে ।

“তাহার প্রত্যেক ভাব..... জীবিত গ্রন্থ”—পুস্তক সকল নির্জীব । উহাতে যে যে বিষয় লিপিত আছে, তাহা পাঠ করিয়া কেহ আংশিকভাবে উহার শিক্ষণীয় বিষয়-গুলি অনুভব করিতে পারেন । কেহ কেহ তাহাও পারেন না । কিন্তু মন চৈতন্যময় বস্তু । মনে যে সকল বিষয়ের আলোচনা হয়, ঐগুলির অনুভব প্রত্যেক ব্যক্তির হইয়া থাকে এবং তাহাতেই মানুষের মানাবৃত্তি উজ্জ্বল ও উন্নত হয় । ফলতঃ মনের কাব্যই জীবিত গ্রন্থের স্বরূপ এবং উহা দ্বারা মানুষ নানাবিষয়ে জ্ঞানলাভ করিয়া উন্নতির পথে অগ্রসর হইতেছে । ফলতঃ মনই মানুষকে শ্রেষ্ঠ করিতেছে ।

উপেক্ষা—উপ + ঙ্ক্ষ্ + অন্, ভাবে, স্ত্রী আপ্ ; অগ্রাহ্য, অনাদর ।

নিহিত—স্থাপিত, অর্পিত ।

“প্রকৃতি-গ্রন্থ এমনই অনন্ত..... করা যাইতে পারে না”—এই বিশাল বিশ্ব-প্রকৃতি বিশ্ববিধতার যে অচিস্তনীয় স্তান হইতে উদ্ভূত হইয়াছে এবং উহার কার্য সকল যেরূপ কৌশলে ও কথানিয়মে চলিতেছে, মানবজাতি এই পৃথিবীতে আসিয়া অবধি এতাবৎকাল উহার আলোচনা করিয়া জল, বায়ু, অগ্নি, আকাশ, তড়িৎ, বাষ্প, গ্রহনক্ষত্রাদির গতি, দীর্ঘ-দেহের গঠন, ক্রমোন্নতি ও ক্ষয় প্রভৃতি বিষয়ের যাহা কিছু জানিয়াছে, তাহা অতি সামান্য । ঐ সম্বন্ধে জ্ঞাতব্য অনেক বিষয়ই জানিতে বাকি আছে, এবং তাহা যে মানব সম্পূর্ণরূপে কখন শিখিতে পারিবে, তাহারও সম্ভাবনা নাই । ফলতঃ আমাদের চারিদিকেই বিবিধ বস্তুতে ও উহাদের ক্রিয়াতে এখনও অনেক শিক্ষণীয় বিষয় আছে ; ঐ সকলের অনুশীলনেই প্রকৃত উন্নতি ও মনুষ্য লাভ হইবার সম্ভাবনা ।

৮১ পৃঃ হইতে—

অধিষ্ঠান ভূমিভাগেই—অবস্থান ভূভাগেই ; আমরা যে স্থানে বাস করিয়া আছি, সেই স্থানেই ।

অধিষ্ঠান—অধি + স্থা + অনট্ অধিকরণবাচ্যে ; থাকা যায় যে স্থানে ।

সেই বৈষম্যও অভাবনীয় সাদৃশ্য—অর্থাৎ গঠন, বর্ণ ও মনের ভাব প্রত্যেকের বিভিন্ন হইলেও নমাজবন্ধ হইয়া থাকা, আত্মীয়জনের প্রতি অনুরাগ, সদৃশ্যে আদর, ভাষার নামঞ্জর, প্রত্যেকের অভাব মোচনের চেষ্টা, স্বদেশের মঙ্গলেচ্ছা প্রভৃতি অনেক বিষয়ে মানুষমাত্রেই মনের ভাব তুল্য দেখা যায় ।

শ্রেয়স-চন্দ্রিকার বিবৃতি ।

৮২ পৃঃ হইতে —

শারীর ধর্ম—শরীর সম্বন্ধীয় ভাব, দেহরক্ষার প্রকৃতি ।

আপাত-দৃষ্টিতে—সহজ দর্শনে ।

উন্নতি—পরিমাণ, সীমা ।

বিষয়—বিষ + হন্ + টক্ কর্তৃবাচ্যে, বিষনাশক ।

লোমহর্ষণ—অতি ভীষণ, বাহাতে দেহ কণ্টকিত হয় এমন ব্যাপার ।

অধ্যাপকগণ—অর্থাৎ শিক্ষকের স্থানীয় (জ্যোতিষ) সকল । উহাদের নিকট আমরা সৃষ্টিকর্তার অনন্ত মহিমা, পরস্পর মহাকর্ষণ, ব্রহ্মাণ্ডের অসীমতা ও সেই সঙ্গে বিশ্ব-বিধাতার প্রতি প্রগাঢ় ভক্তিভাবের উদয়—এই সকল বিষয়ের শিক্ষা পাইয়া থাকি, এজন্য উহাদিগকে অধ্যাপক বলিয়া বর্ণিত হইয়াছে ।

গবেষণা—গো—এষ—অন, ভানে স্ত্রী আপ্ ; একান্তচিত্তে চিন্তা করা, গভীর মনঃসংযোগের সহিত অন্বেষণ ।

‘‘যত প্রকার কল কৌশল .. পরিদর্শনের ফল’’—অর্থাৎ প্রকৃতির বিষয় অনুশীলন করিয়াই মানুষ এই সকল কল ও কৌশলের আবিষ্কার করিয়াছে ।

৮৩ পৃঃ—

তদ্ব-জিজ্ঞাসু—তাহার স্বরূপ জানিবার জন্য ইচ্ছা, যথার্থ্য-জিজ্ঞাসু । তদ্ব—তদ্ + ত্ব
সকপার্শ্বে । জিজ্ঞাসু—জ্ঞা—সন্ + উ কর্তৃবাচ্যে ; জানিবার ইচ্ছা করে সে ।

মানব-সভ্যতার ক্রমবিকাশ ।

মানবজাতি উৎকৃষ্ট বুদ্ধিবৃত্তি, সুনিপুণ কর্মোদ্ভ্রিয় ও জ্ঞানেন্দ্రిয় পাইয়া, কীরূপ ক্রমোন্নতি করিয়াছে, তাহা ইহাতে দেখান হইয়াছে ।

৮৫ পৃঃ—

সমাজ-ধর্ম—৬তম পৃঃ : মানব সমূহের মধ্যে যে সকল নিয়ম ও রীতি প্রচলিত আছে,

তাহাকেই সমাজ-ধর্ম বলা যায় ; সমাজের মধ্যে অবশ্য পালনীয় আচার ও সংকর্ম ।

বিবর্তিত—বি-বৃত্-গিচ্ + ক্ত কর্তৃবাচ্যে ; পরিবর্তিত, প্রত্যাবর্তিত, ভ্রমিত, ঘূর্ণিত ।

অনুমেয়—অনুমানের যোগ্য ।

মস্তিষ্ক—মগজ, মাথার ঘি, বুদ্ধির আধার যে যন্ত্র, তাহাকেই সচরাচর মস্তিষ্ক বলা হয় ।

আপন প্রতিষ্ঠায়—আপনার গৌরব স্থাপনে, আপনার স্থিতি ও মর্যাদা রক্ষা করিতে ।

অবসর কালপ্রাপ্তি—অবকাশের সময় পাওয়া ।

৯০ পৃঃ—

পারমার্থিক—পরমার্থ-সম্বন্ধীয় অর্থাৎ ঈশ্বরতত্ত্ব বিষয়ক ।

পবন পুরুষার্থ—সর্বশ্রেষ্ঠ পৌরুষ, প্রধান প্রয়োজনীয় বিষয় ।

ভাগমাত্র—ছল মাত্র ।

প্রবন্ধ-চন্দ্রিকার বিবৃতি ।

সার গুরুদাস বন্দ্যোপাধ্যায় ।

শুণ থাকিলে, মানুষের কিরূপ উন্নতি ও সুখ্যাতি হয়, সার গুরুদাস বন্দ্যোপাধ্যায় মহোদয়ের জীবনই তাহার উজ্জ্বল দৃষ্টান্ত ।

এই মহাত্মা ১২৫১ সালে জন্মগ্রহণ করেন । তিন বৎসর বয়সের সময় ইঁহার পিতার মৃত্যু হয় । ঐ সময়ে ইঁহার জননী পুত্রটিকে লইয়া পিত্রালয়ে আশ্রয় লন । ইঁহার মাতা যেমন ধর্মনিষ্ঠা, তেমনি বুদ্ধিমতী ছিলেন । গুরুদাস বাল্যকাল হঠতেই মাতার একান্ত বশীভূত ও আজ্ঞাবীন হইয়া চলিতেন । ইনি যে উত্তরকালে অসাধারণ বিদ্যা, বিনয়, সত্যনিষ্ঠা, অমায়িকতা, ধর্মপরায়ণতা প্রভৃতি দেবোচিত গুণরাশিতে বিভূষিত হইয়া উঠেন, দেবী-রূপিণী জননীর অমৃতময় উপদেশই তাহার মূল । গুরুদাস যেমন বুদ্ধিমান, লেখা-পড়ায় তেমনি মত্তবান্ ছিলেন । শিক্ষার সহিত তাঁহার সহজাত বিনয়াদি গুণগুলিও পরিস্ফুট হইয়া উঠে । ইহাতে ইনি কি শিক্ষক, কি সহাধ্যায়ী, কি প্রতিবন্দী, সকলেরই স্নেহভাজন হইয়া উঠেন । ইনি যখন হিন্দুস্কুল হইতে প্রবেশিকা পরীক্ষা দেন, তখন ইঁহার শরীর এমন রুগ্ন ও দুর্বল যে, পরীক্ষা-গৃহে চলিয়া বাইতেও অশক্ত । এইজন্য প্রধান শিক্ষক প্যারীচরণ সরকার মহাশয় আপনার গাড়ি পাঠাইয়া গুরুদাসকে পরীক্ষাস্থলে লইয়া বাইতেন । সেইরূপ রুগ্ন অবস্থাতেও পরীক্ষা দিয়া গুরুদাস সর্বোচ্চ স্থান অধিকার করেন । তাহার পবে কয়েক বৎসরের মধ্যেই কলেজের পাঠ সন্ধান করেন এবং রায়চাঁদ প্রেনচাঁদ পরীক্ষায় সর্বপ্রথম হইয়া দশ হাজার টাকা পারিতোষিক প্রাপ্ত হন ।

ইঁহার পরে কিছুকাল প্রেসিডেন্সি কলেজের অধ্যাপকের পদ গ্রহণ করেন । কয়েক বৎসর এই কার্যা করিয়া, হাইকোর্টে ওকালতি করিতে প্রবৃত্ত হইলেন । অতি অল্পকালের মধ্যেই ওকালতিতে তাঁহার অসাধারণ যোগ্যতা প্রকাশিত হইয়া উঠিল । রাজপুরুষেরা আইন-বিষয়ে ইঁহার অসামান্য পারদর্শিতা ও অজ্ঞান্য নানা গুণের পরিচয় পাইয়া ইঁহাকে হাইকোর্টের জজের পদে বরণ করিলেন । তিনি বিশেষ যোগ্যতা ও প্রশংসার সহিত দীর্ঘকাল এই কার্য করেন এবং সার উপাধিতে বিভূষিত হন ।

হাইকোর্টে ওকালতি ও জজিয়তির সময় তিনি দেশহিতকর নানাবিধ কার্যে যোগদান করিয়াছিলেন । এই সময়ে তিনি দুইবার কলিকাতা বিশ্ববিদ্যালয়ের ভাইস-চ্যান্সেলারের পদ প্রাপ্ত হন । ইঁহার পূর্বে এ দেশের আর কোন ব্যক্তি এই গৌরবের পদ প্রাপ্ত হন নাই । মহাত্মা ভূদেবচন্দ্র মুখোপাধ্যায়ের দেহত্যাগের পরে রাজপুরুষেরা ইঁহাকেই পাঠ্যপুস্তক নির্বাচন-সমিতির অধ্যক্ষ পদে বরণ করেন । এই কার্যও তিনি বিশেষ দক্ষতার সহিত সম্পাদন করেন ।

মহাত্মা গুরুদাস নানা শাস্ত্রে সুপণ্ডিত ও অসামান্য প্রতিভা-সম্পন্ন ছিলেন । তিনি বিশেষ মতের সহিত সংস্কৃত ভাষায় লিখিত বহুবিধ শাস্ত্র অধ্যয়ন করেন । ইংরাজিতে

প্রবন্ধ-চন্দ্রিকার বিবৃতি ।

অভিজ্ঞ ব্যক্তিদিগের মধ্যে গুরুদাসের স্থায় স্বধর্মনিষ্ঠ ব্যক্তি এদেশে অতি অল্পই দেখা গিয়াছে । আর্য্য-ধর্ম ও দেশীয় আচার-ব্যবহারে তাঁহার প্রগাঢ় নিষ্ঠা ছিল । তাঁহার ভবন হিন্দু আচার ও অনুষ্ঠানের আদর্শ স্থান । তিনি প্রত্যহ অতি প্রত্যাষে গাত্রোথান ও মৃথ প্রক্ষালনাদির পরেই যথানিয়মে সন্ধ্যা-বন্দনাদি করিতেন । তিনি নিজে যেমন ধর্মনিষ্ঠ, পুত্র-পৌত্রেরা তেমনি নিষ্ঠাবান্ । তাঁহাদের পরিচ্ছদও অতি সাধারণ, সকলেরই পদে কাষ্ঠ-পাদুক । পরিচিত, অপরিচিত যে কোন ব্যক্তি তাঁহাদের বাটীতে যাইত, তাহাদের সকলের প্রতিই সৌজন্ম দেখিয়া বিষয় বোধ হইত । তাঁহার সংসারের ভাব দেখিয়া মনে হইত, যেন উহা মুনি-ঋষির আশ্রম । ফলতঃ তিনি বিদেশীয় বিদ্যালয় উচ্চ শিক্ষিত হইলেও সম্পূর্ণ হিন্দুয়ানিতে চলিতেন । এই নিমিত্ত সকলেই তাঁহাকে আন্তরিক শ্রদ্ধা-ভক্তি করিত ।

অসাধারণ জ্ঞানপরায়ণতায় রাজপুরুষদিগের নিকটেও মহামান্য গুরুদাসের বিশেষ প্রতিপত্তি ছিল । এমন কি, তাঁহারা সময়ে সময়ে সার্ব গুরুদাসের সহিত রাজ্যশাসন-সম্বন্ধীয় কোন কোন বিষয়েরও পরামর্শ করিতেন । আবার স্বদেশীয় ব্যক্তিগণও তাঁহাকে দেশহিতৈষী পরম বন্ধু বলিয়া মনে করিতেন । সমাজ ও সাধারণ হিতকর অধিকাংশ সভা সমিতিতেই তিনি আন্তরিকতার সহিত যোগদান করিতেন । যে কোন ব্যক্তি তাঁহার সহিত দেখা করিতে যাইত, তিনি অবিলম্বে তাহার সহিত সাক্ষাৎ করিতেন ও বিশেষ যত্ন ও অমায়িকতার সহিত তাঁহাকে সহুপদেশ দিতেন । ফলতঃ ধন, মান, বিদ্যা প্রভৃতি নানা বিষয়ে উন্নত হইলেও তিনি নিরহঙ্কার, পরহিতৈষী ও একান্ত ধীর-প্রকৃতি ছিলেন । এই সকল গুণেই তিনি সকলের নিকটে দেবোচিত সম্মান ও শ্রদ্ধা-ভাজন হইয়াছিলেন । কি হিন্দু, কি মুসলমান, কি খৃষ্টান, কি বৌদ্ধ সকলেই সার্ব গুরুদাসের প্রতি আন্তরিক শ্রদ্ধা দেখাইতেন । রাজপুরুষেরা এই মহাত্মার নানাবিধ গুণ দেখিয়া 'সার্ব' উপাধিতে ভূষিত করেন । তাঁহার স্থায় সর্বগুণ-ভূষিত ব্যক্তি এ সংসারে অতি অল্পই দেখা গিয়াছে । বঙ্গীয় ১৩২৫ সালের ১৮ই অগ্রহায়ণ এই মহাত্মা দেশবাসিগণকে শোক-কাতর করিয়া নিত্যধামে গমন করিয়াছেন ।

শারীরিক, মানসিক ও নৈতিক শিক্ষা ।

'শরীরমাচ্ছং খলু ধর্মসাধনম্'—ধর্মানুষ্ঠান করিবার প্রথম সাধন শরীর—ইহা নিশ্চিতরূপে বলা যায় অর্থাৎ দেহের সাহায্যেই ধর্মকর্মের অনুষ্ঠান হইয়া থাকে ; এই নিমিত্ত দেহকে সুস্থ রাখিয়া সকল কার্যাই করা উচিত ।

ব্রহ্মচর্য্য—ব্রহ্মচারীর ধর্ম, ইন্দ্রিয়-সংযম ।

সংযম—নিয়ম, অসৎ প্রবৃত্তির নিবারণ ।

৯২ পৃঃ—

আয়ত্ত্ব—আ + যত্ + ত্ত্ব ; বশীভূত, দখল ।

প্রবন্ধ-চন্দ্রিকার বিবৃতি ।

২৩ পৃঃ—

নৈতিক—নীতি + কিক : নীতি-সম্বন্ধীয় ।

কলুষিত—দূষিত, পাপযুক্ত ।

তর্জনঃ পরিহর্তব্যো বিদ্যালঙ্কৃতে অপি সন্ ।

মগিনা ভূষিতঃ সর্পো কিমসৌ ন ভয়ঙ্করঃ ॥

তর্জনঃ ছবুত্তো জনঃ বিদ্যাশাস্ত্রজ্ঞানেন অলঙ্কৃতঃ ভূষিতঃ সন্ ভবন্ অপি পরিহর্তবাঃ পরিত্যাগার্থঃ বর্জনীয় ইতি যাবৎ । তথাহি মগিনা শিরোরত্নেন ভূষিতঃ অলঙ্কৃতঃ অসৌ সর্পঃ বিষধরঃ কিং ভয়ঙ্করঃ ভয়াবহঃ ন ? অসৌ সর্পঃ অতি ভয়াবহ ইত্যর্থঃ ।

যে ব্যক্তি দুঃশীল, সে যদি বিদ্বান্ হয়, তাহা হইলেও তাহাকে পরিত্যাগ করা কর্তব্য । দেখ, কোন সর্পের মাথায় মাণিক থাকিলেও তাহার দশন-নিঃসৃত বিষে প্রাণহানির সম্ভাবনা । এজন্ম ঐ সর্প মণিভূষিত হইলেও পরিত্যজ্য ।

২৪ পৃঃ—

ঋজু—সরল । দম্ভবর্জিত—আত্মগ্লাঘা রহিত ; গর্বশূন্য ।

জড়জগৎ-সম্বন্ধীয়—নির্জীব জগৎ সম্পর্কীয় অর্থাৎ বাস্তবস্ত-বিষয়ক ।

এসিচ্ছাদনোপযোগী—খাদ্য পরিবেশের উপযুক্ত ।

আলস্ত্র অপব্যয়াদি-সম্ভৃত—অলসতা, অশ্রায় ব্যয় প্রভৃতি হইতে জাত ।

ইন্দ্রিয়পরতা-জনিত—অনুচিতরূপে ইন্দ্রিয়-সেবাদি হইতে উৎপন্ন ।

বাহুবিল্ব—বাজার মধ্যে উপদ্রব (অশান্তি) ।

রামপ্রাণ গুপ্ত ।

ময়মনসিং জেলার অন্তর্গত কেদারপুর গ্রামে এই মহাত্মা ১২৭৫ সালে জন্মগ্রহণ করিয়াছেন । পঠদশার পর হইতেই ইনি ইতিহাস ও সাহিত্য-বিষয়ক বিবিধ প্রবন্ধ লিখিয়া সুকথা, ভারতী, নবনর, প্রবাসী, সাহিত্য প্রভৃতি মাসিক পত্রিকায় প্রকাশ করিতে থাকেন ; তাহাতে অল্পকাল মধ্যেই বিদ্বৎ-সমাজে খ্যাতি লাভ করিয়াছেন । সাহিত্য-সংসারের ইতিহাস-সম্বন্ধীয় জ্ঞাতব্য অনেক বিষয় ইঁহাচারাই পূর্ণাঙ্গ-প্রায় হইয়াছে । ইতিপূর্বে বাঙ্গালা ভাষায় যে সকল ইতিহাস মুদ্রিত হয়, ঐগুলির অধিকাংশই স্কুলপাঠ্য ; এজন্ম উহাতে স্থানে স্থানে ইতিহাস-সম্বন্ধীয় কোন কোন বিষয় উপেক্ষিত, প্রচ্ছাদিত ও সংক্ষিপ্ত করা হইয়াছে । মহাত্মা রামপ্রাণ গুপ্ত বাঙ্গালা ইতিহাসের ঐ অসম্পূর্ণতার পূরণ করিয়াছেন । ইনি বহু পরিশ্রমে ভারতের প্রাচীন ও আধুনিক অধিকাংশ পুরাবৃত্ত ও ইতিবৃত্তের সংকলন করিয়া, কয়েকখানি ইতিহাসবিষয়ক গ্রন্থ প্রণয়ন করিয়াছেন । ইঁহার প্রণীত 'প্রাচীন ভারত' বঙ্গসাহিত্যের বহুমূল্য রত্ন । ইউরোপ ও আমেরিকার নত সূক্ষ্ম আয়-নব্যাদা-সম্পন্ন দেশে ঐরূপ পুস্তক প্রকাশিত হইলে, 'সহস্র সহস্র ব্যক্তি আশ্রয়ের সহিত উহা ক্রয় করিতেন, সন্দেহ নাই । উহাতে প্রাচীন ভারতের গৌরবস্থচক অনেক উৎকৃষ্ট

প্রবন্ধ-চন্দ্রিকার বিবৃতি ।

বিষয় সম্বন্ধে ও বহু পরিশ্রমে সংগৃহীত হইয়াছে, দেখা যায় । আমাদের এই ক্ষুদ্র সংগ্রহ-পুস্তকে প্রাচীন ভারতের বিদ্যাচর্চার একটি অংশ উদ্ধৃত হইয়াছে । ইহা ভিন্ন ইহাব প্রণীত হজরতের জীবনী, মোগল বংশ, পাঠান-ইতিবৃত্ত প্রভৃতি পুস্তক সাহিত্য-সংসারের বহুমূল্য রত্নস্বরূপ । ঐ সকল পুস্তকে ইতিহাস-সম্বন্ধীয় অনেক বিষয় বিশদ ও সুন্দর-ভাবে লিখিত হইয়াছে । ফলতঃ বাঙ্গালা ভাষায় ইতিহাসক্ষেত্রে মহামতি রামপ্রাণ গুপ্ত মহোদয়ের নাম চিরস্মরণীয় । এখনও ইনি বড়ের সহিত পুরাবৃত্ত ও ইতিবৃত্ত-সম্বন্ধীয় কয়েকখানি গ্রন্থ প্রণয়ন করিতেছেন ।

প্রাচীন ভারতের সভ্যতা (৯৫ পৃঃ হইতে) ।

পৃথিবীর সভ্য জনপদগুলির মধ্যে কোন্ দেশ আদিম সভ্য,—বিদ্যানুরাগী ব্যক্তিগণ আগ্রহের সহিত এই বিষয়ের অনুসন্ধান করিয়া থাকেন । যুরোপীয় পাণ্ডিতগণের মধ্যে অনেকেরই বলেন, মিশর দেশই আদিম সভ্যতার খনি । মিশরীয় সভ্যতাই ক্রমে উজ্জলতর হইয়া কালে কালে পৃথিবীর অন্যান্য অংশে ব্যাপ্ত হইয়াছে । কিন্তু বিশেষ অনুসন্ধান করিয়া দেখিলে, বুঝিতে পারা যায়, যুরোপীয় সভ্যতার বীজ মিশর হইতে বাবিলন, সিরিয়া, গ্রীস, রোম প্রভৃতি দেশে পবিব্যাপ্ত হইয়া, ক্রমে সমগ্র যুরোপে প্রসারিত হইয়াছে, বটে ; কিন্তু ভারতবাসী সভ্যতাবিশয়ে মিশরের বা অন্য কাহারও নিকট ঋণী নহে । ইহাদের জ্ঞান ও বিজ্ঞান মৌলিক । আন্যগণের গভীর গবেষণা হইতেই এদেশের ননাজনীতি, ধর্মনীতি ও রাজনীতির উদ্ভব হইয়াছে । কালের প্রাচীনত্ব সম্বন্ধে অনুসন্ধান করিলেও বুঝা যায়, যখন সমগ্র পৃথিবী বোর অজ্ঞান-রূপ অন্ধকারে আচ্ছন্ন, তখনও সমগ্র ভারত সভ্যতার আলোকে উজ্জল ছিল । ঐ সময়েই গভীর জ্ঞান-মূলক ঋগ্বেদের অনেক অংশ প্রকাশিত হয় । চিন্তাশীল রামপ্রাণ বাবু তাহার 'প্রাচীন ভারত' নামক পুস্তকে ঐরূপ বিষয়গুলি সুন্দররূপে দেখাইয়াছেন । ঐ পুস্তকের এক অংশ হইতে 'প্রাচীন ভারতের সভ্যতা' এই প্রবন্ধটি উদ্ধৃত হইয়াছে ।

অনুকরণ—কাহারও কোন কাৰ্য্য দেখিয়া সেইরূপ করা ; সদৃশীকরণ ।

দর্শন—অনুমান ও চিন্তামূলক শাস্ত্রবিশেষ ; মনোবিজ্ঞান শাস্ত্র ; জ্যোতিষ, সাংখ্য, পাতঞ্জল,

নীমাংসা, বৈশেষিক ও বেদান্ত আনাদের দেশের এই ছয় প্রকার শাস্ত্র ।

রাজনৈতিক—রাজনীতি-সম্বন্ধীয় ।

ভিত্তি—বনিয়াদ, দেওয়াল ।

অভ্যুদয়ের উন্নতির, শ্রীবৃদ্ধির ।

অধ্যুষিত—আধ + বস + ক্ত কৰ্ম্মবাচ্যে যে স্থানে বাস করিয়াছে ।

অভ্যুদিত—বিকাশপ্রাপ্ত, উন্নত ।

প্রবন্ধ-চন্দ্রিকার বিবৃতি ।

৯৭ পৃঃ—

উদঘাটিত—আবিষ্কৃত, উন্মুক্ত, প্রকাশিত ।

চিহ্ন-প্রসূত চিহ্ন হইতে উদ্ভূত ।

তৎ—স্বরূপ, যথার্থ্য ।

লাপ্তিপূর্ণ জ্যোতীরেখা—সমুচ্ছল আলোকরেখা, প্রভাময় কিরণ-চিহ্ন ।

পাশ্চাত্য পশ্চিম দেশীয় অর্থাৎ ইউরোপীয় ।

প্রতিভা—তীক্ষ্ণবুদ্ধি, প্রভাৎপর বুদ্ধি ।

প্রতিপত্তি—খ্যাতি, গৌরব ।

ধানপ্রভ নিস্তুজ, জ্যোতিঃশূন্য ।

পূর্বাঙ্কিত—পূর্বলক্ষ, পূর্বতন পণ্ডিতেরা বাহা জানিতেন ।

অনুক্রমে—প্রারম্ভে, আনুপূর্ণ্য রীতিতে ।

পাচ্য-শাস্ত্রের পূর্ব দেশীয় অর্থাৎ ভারতীয় শাস্ত্রের

উৎসস্থল উৎপত্তিস্থান, উদ্গম প্রদেশ ।

৯৮ পৃঃ—

উপাদান—নির্মাণ-সামগ্রী । যে যে উপকরণ দ্বারা কোন বস্তু নির্মিত হয়, ঐগুলিকেই উপাদান বলে ।

বিজ্ঞান সভ্যতার অন্ততম উপাদান—অর্থাৎ বিজ্ঞানের সাহায্যে মানবজাতির বর্তমান সভ্যতার গঠন হইয়াছে ।

রসায়ন—দুইটি বস্তুর মিলনে গুণান্তর হইলে, উহাদের ঐক্য বোগকে রসায়ন বলে ।
Chemistry.

গন্ধকিক অম্ল—গন্ধক হইতে উৎপাদিত অম্ল (Sulphuric Acid.)

নাইট্রিক অম্ল—যবক্ষার হইতে উৎপাদিত অম্ল (Nitric Acid.)

লাবণিক অম্ল—লবণ হইতে উৎপাদিত অম্ল ।

অম্লজানজ অম্লজান নামক বায়বীয় বস্তু হইতে জাত ।

রাসায়নিক—রসায়ণ + ষিক ; রসায়ণ-সম্বন্ধীয় ।

প্রক্রিয়া—প্র + কৃ + শ ভাবে, স্ত্রীং আপ্ ; প্রকরণ, অনুষ্ঠান ।

মহাদ্রাবক -মহান্ দ্রাবক ; প্রবল (শ্রেষ্ঠ) দ্রাবক । (দ্রাবক—ক্র + গন্ধক হইতে যে দ্রাবক (Acid) হয়, তাহা দ্বারা অধিকাংশ ধাতুকেই দ্রব করিতে পারা যায়, অর্থাৎ অম্ল বস্তুকে দ্রব করিবার শক্তি উহার অধিক, এই নিমিত্ত এদেশের রসায়নবেত্তা পণ্ডিতেরা উহার মহাদ্রাবক নাম দিয়াছেন ।

৯৯ পৃঃ -

নাইট্রিক—যবক্ষার + ষিক ; যবক্ষার জাত (Nitric)

প্রবন্ধ-চন্দ্রিকার বিবৃতি ।

লাবণিক—লবণজাত (Salted or Dealing in salt)

ধর্মগত প্রাণ—ধর্মকে গত ২য়া তৎ ; ধর্মগত প্রাণ যাঁহাদের, বহরী ; ধর্মময় জীবন, যাঁহাদের জীবনের অধিকাংশ ব্যাপারই ধর্মে অবলম্বন করিয়া হয় ।

তদগত-চিত্তে—২য়া তৎ, বহরী ; তন্ময়ভাবে, অনন্তমনে ।

তদুপলক্ষে—কর্মধা ; সেই ক্ষেত্রে ।

তৈত্তিরীয়—তিত্তিরি + গীয় ; তিত্তিরি সম্বন্ধীয় ।

সংহিতা—সন্ + ধা + ক্ত, স্ত্রী আপ্ ; বেদের শাখা ; মতাদি প্রণীত ধর্মশাস্ত্র

পার্থকা—পৃথক্ + ষা ভাবার্থে ; প্রভেদ ।

পরিণত—রূপান্তরিত ।

কল্পসূত্র—বেদাঙ্গ ঐহবিণেব । ঐহাতে যাগ যজ্ঞাদির বিধি (নিয়ম) লিপিবদ্ধ হইয়াছে । বেদের ৬ অঙ্গ—শিক্ষা, কল্প, ব্যাকরণ, নিকন্তু, চন্দঃ ও জ্যোতিষ ।

দশগুণোত্তরা বৃত্তি—১ হইতে ৯ পর্যন্ত অক্ষর সকলের স্থানীয়মান উত্তরোত্তর দশ দশ গুণে বর্দ্ধিত হয়, সংখ্যালিখনের এইরূপ পদ্ধতি, দশ দশ গুণে ক্রমবর্দ্ধিত রীতি ।

১০১ পৃঃ—

ধর্মচর্যা—ধর্ম + চর্ + য কর্মবাচ্যে, স্ত্রী আপ্ ; ধর্মচরণ, ধর্মমূলক ক্রিয়াসকলের অনুষ্ঠান ।

পব্যায়গত-গতি—২য়া তৎ পু ও কর্মধারয় ; পালাক্রমে যে গতি হয়, ক্রমান্বয়গামী গমন (ক্রমণ) ।

একাগ্রচিত্তে—বহরী ও বহরী ; অনন্তমনে ।

১০২ পৃঃ—

“কণ্ঠ, তালু, মূর্দ্ধা....তদ্রূপ নহে—”

কণ্ঠ, তালু, মূর্দ্ধা, দন্ত, ওষ্ঠ প্রভৃতি ভিন্ন ভিন্ন স্বরযন্ত্র হইতে উচ্চারিত বর্ণ সকলকে ভিন্ন ভিন্ন ভাগে বিভক্ত করিয়া, আমাদের বর্ণমালার সৃষ্টি হইয়াছে । উচ্চারণ-স্থান-ভেদে এইরূপ বর্ণমালার গঠন ও শৃঙ্খলা চীনে বা যুরোপীয় বর্ণমালায় নাই । এই নিমিত্ত ভারতীয় বর্ণমালার গঠন ও উচ্চারণনৈপুণ্য অশ্রু দুইটির অপেক্ষা উৎকৃষ্ট, চিস্তাশীল স্বর্গীয় রাজকৃষ্ণ মুখোপাধ্যায় মহোদয় ইহা উত্তমরূপে বুঝাইয়া দিয়াছেন ।

স্মরণাতীত কাল—অতি প্রাচীনকাল ; যে কালের অধিকাংশ ঘটনার বিষয় স্মরণ করিয়া পাওয়া যায় না ।

১০৩ পৃঃ—

পঞ্চনদ-বিধৌত—পঞ্চনদ দ্বারা প্রক্ষালিত অর্থাৎ শতদ্রু, বিপাসা, ইরাবতী চন্দ্রভাগা ও বিতস্তা, এই পঞ্চনদের (সিন্ধুনদের উপনদীর) বন্যাজলে পরিকৃত, স্বাস্থ্যপ্রদ ও উর্বর ।

রাজগোরব—রাজার শ্রেষ্ঠতা অর্থাৎ অধিক পরাক্রমশালী বলিয়া সম্মান ।

প্রবন্ধ-চন্দ্রিকার বিবৃতি ।

বীরকীর্তি—বীর এই বলিয়া খ্যাতিঃ । কীর্তি—কৃত + ত্তি ভাবে বা করণবাচ্যে এস্থলে 'দানাদিপ্রভবা কীর্তিঃ শৌর্যাদি প্রভবঃ বশঃ' শাস্ত্রিক পণ্ডিতগণের এই বাক্যটি চিস্তনীয় ।

প্রত্যাবর্তন—প্রতিগমন, পুনরাগমন ।

ঐতিহাসিক সত্য—(ইতিহাস + ক্তিক ঐতিহাসিক) ; ইতিহাস সম্বন্ধীয় প্রকৃত ঘটনা ।

ঐতিহাসিকতা সম্বন্ধে—যাথার্থ্য বিষয়ে ; প্রকৃতপক্ষে বিজয়সিংহ লঙ্কায় গমন করিয়া, সেখানে আধিপত্য স্থাপন করিয়াছিলেন কি না, এই বিষয়ে ।

মতদ্বৈধ—মতভেদ । দ্বৈধ—দ্বিধা + ষ্ ।

গবেষণা—গবেষ + অন ভাবে স্ত্রী আপ্, অন্বেষণ ; পুঙ্খানুপুঙ্খকপে অনুসন্ধান ।

অক্ষয়কুমার মৈত্রেয় ।

ইনি একজন প্রসিদ্ধ লেখক । নদিয়া জেলার অন্তর্গত কুমারখালি নামক প্রসিদ্ধ গ্রামে ইঁহার জন্ম । ইতিহাস সম্বন্ধীয় অনেক সত্য বিষয় ইঁহা দ্বারা আবিষ্কৃত হওয়ায় ঐ বিষয়ে বাঙ্গালা ভাষার অনেক অভাব ও সন্দেহের নিরাকরণ হইয়াছে । প্রত্নতত্ত্বের অনেক বিষয়ও ইঁহা দ্বারা নিরূপিত হইয়াছে । অতি প্রাচীন কালের অনেক প্রসিদ্ধ ঘটনা প্রস্তর ও ধাতুখণ্ডে লেখা আছে । ইনি গভীর গবেষণা দ্বারা ঐ সকল বিষয়ের সম্পূর্ণ তথ্য বিবিধ প্রমাণের সহিত লিপিবদ্ধ করিয়া শিক্ষিত সনাজের বিশেষ উপকার হইয়াছে । এখন যুরোপের অধিবাসীরা বাণিজ্যসূত্রে সাগরপথে গমন করিয়া, নানা দেশে উপনিবেশ সংস্থাপন করিতেছেন । প্রাচীন ভারতীয়েরাও যে বাণিজ্য ও অগ্ন্যান্ত্র কারণে সমুদ্রপথে গমনাগমন করিতেন এবং কোন কোন দ্বীপে উপনিবেশ সংস্থাপন করিয়া গিয়াছেন, তাহা ইঁহার অনেক প্রবন্ধে নিঃসংশয়ে জানা যায় ।

ইনি ঐতিহাসিক ও পৌরাণিক যে যে বিষয় অবলম্বন করিয়া বিবিধ প্রবন্ধ লিখিয়াছেন, ঐ গুলি পাঠ করিতে মনে স্বভাবতঃ যেমন কৌতূহলের উদয় হয়, ভাষাও তেমনি সুগঠিত ও নির্দোষ । ইংরাজী শিক্ষিত সম্প্রদায়ের মধ্যে শব্দ-পারিপাট্যযুক্ত একপ সূন্দর লেখা অল্পই দেখা যায় ।

সাগরিকা

১০৪ পৃঃ —

দ্বীপ-সমাবেশ—দ্বীপ সকলের একত্র সংস্থিতি

লীলা-নিকেতন—ক্রীড়াভবন অর্থাৎ মনোরম লাভণ্যময় প্রদেশ ।

সাগর-সমীরণ—সাগর-জলের উপর দিয়া প্রবাহিত বায়ু অর্থাৎ সলিলকণবাহী শীতল বায়ু ।

প্রবন্ধ-চন্দ্রিকার বিবৃতি ।

বৃষ্টিপাত নিয়মিত করিয়া রাখিয়াছে অর্থাৎ যথানিয়মে বৃষ্টিপাত করাইতেছে ।

উগ্রমূর্ত্তি—প্রথরভাব, প্রচণ্ডভাব । মূর্ত্তি—মূচ্ছ' + ক্তি ভাববাচ্যে ।

প্রাকৃতিক প্রাচুর্যো—স্বাভাবিক আধিক্যে অর্থাৎ স্বভাবের নিয়মানুসারে অধিক হওয়ায় ।

প্রাচুর্য—প্রচুর + ক্ষ ভাবার্থে ।

অল্লায়াস-লব্ধ—কর্ষণা ও বতব্রী, অল্প পরিশ্রমে প্রাপ্ত ।

আত্ম-তৃপ্ত—আপনার তৃপ্তিযুক্ত অর্থাৎ পরিতুষ্ট ।

বাণিজ্য-বিপণি—পণ্য বাণিজ্য, হট্ট ; বাণিজ্যের দোকানসকল ।

পণ্য-সম্ভারে—৬তৎ পুং ; বিক্রয় বস্তু সমূহে ।

বেলা-ভূমি—কর্ষণা ; সাগরের তট ভূমি ।

মুখরিত—শক্তিত, কোলাহলময় ।

প্রাচ্য—প্রাচ + ক্ষ্য সম্বন্ধীয় অর্থে, পূর্বদেশীয় অর্থাৎ ভারতবর্ষের সমীপস্থ ।

পণ্য-বাণিজ্য—৬তৎ পুং ; ক্রয় বিক্রয়ের স্থান গুলি ।

ভূ-প্রদক্ষিণে—৬তৎ পুং ; পৃথিবী পরিবেষ্টন কাব্যে ।

বাণিক্-সমিতি—বাণিকের দল, বাবসায়ি-সম্প্রদায় ।

প্রাচ্য সাগর-বক্ষে—পূর্বদেশীয় সাগরের উপরে ।

অপ্রতিহত—অবারিত, অস্ত্রের বাধাশূন্য ।

অক্ষুণ্ণ প্রতাপে—অবাধিত প্রভাবে অপরাজিত পরাক্রমে ।

১০৫ পৃঃ—

দীক্ষা—উপদেশ, সংস্কার, দৃঢ় ভাবে ব্রতী হওয়া ।

প্রভাব—শক্তি, তেজঃ, মহিমা ।

অনুযাত্রী—(অনু – যাত্রা = ঠন্) ; অনুগামী, অনুচর ।

মকগিরি—৬তৎ পুং ; মরুভূমিতে স্থিত পর্বত ।

আপৎ সম্বল—৬তৎ পুং ; বিপদে পরিব্যাপ্ত ।

উত্তাল তরঙ্গমালা—অত্যাচ্চ তরঙ্গসমূহ ।

নিরবচ্ছিন্ন—অবচ্ছেদ শূন্য, কেবল, নিরন্তর ।

উপনিবেশ—দেশান্তরে বাসস্থান । এক দেশের লোক দেশান্তরে গিয়া বাস করিলে,

উহাদের ঐরূপ বাসস্থানকে উপনিবেশ বলে ।

অনুকূল—সাহায্যকারী, হিতকর ।

কারণ-পরম্পরা—কারণ সকল, একটীর পব আর একটা, এইরূপ কারণ-সমূহ ।

নাতিশীতোষ্ণ—সম্মীতাতপ, অনধিক শীতোত্তপ্ত ।

প্রতিভাত—প্রতীত, অনুমিত প্রতিবোধিত ।

স্বত্রপাত—৬ তৎ ; অধুরন্ত ।

'তাহা মানব সমাজের ইতিহাসের পূর্বতন যুক্ত'—মানব জাতির ইতিহাস যে সময় হইতে

প্রবন্ধ-চন্দ্রিকার বিবৃতি ।

(সম্ভবতঃ গ্রীক জাতির সভ্যতার সময় অর্থাৎ খৃষ্ট-জন্মের ৬৭ শত বৎসর পূর্বে হইতে) লিখিত হইয়া আসিতেছে, তাহার বহুকাল পূর্বে (সম্ভবতঃ বৈদিক কালে) এই ভারতীয় উপনিবেশ সকল সংস্থাপিত হইয়াছিল ।

১০৩ পৃঃ—

জাতিগত সাতন্ত্রা—ভিন্ন ভিন্ন জাতির আচার, ব্যবহার, ভাষা ও ধর্ম প্রভৃতির জন্তু যে স্বতন্ত্র (স্বাধীন) ভাব তাহা ।

নৈসর্গিক পার্থক্য—প্রাকৃতিক প্রভেদ, সম্ভাব হইতে উৎপন্ন বিভিন্ন ভাব । নৈসর্গিক—নিসর্গ + ষিক্ জাত অর্থে । পার্থক্য—পৃথক্ + ষ্য ভাবার্থে ।

প্রত্নতত্ত্ব—পুরাতত্ত্ব, অতি প্রাচীন কালের অবস্থা (স্বরূপ) ।

শ্রেণীভিত্তিক লিপিতে—প্রস্তরাদিতে লৌহ বা অশ্রু প্রস্তর দ্বারা অঙ্কিত বর্ণমালায় ।

ভারতলিপি—ভারতবর্ষে প্রচলিত বর্ণমালা ।

পূর্বাচার্য্যগণ—পূর্বতন গুরুগণ অর্থাৎ প্রাচীন সাহিত্যসেবিগণ ।

১০৭ পৃঃ—

তরঙ্গসঙ্কুল—৩ তৎ ; তরঙ্গ দ্বারা ব্যাপ্ত ।

গৌরব দীপ—রূপক কর্মধা ; সম্মানরূপ প্রদীপ, মন্যাদালোক ।

নিদর্শন—চিহ্ন ; অভিজ্ঞান, যাহা দ্বারা জানিতে পারা যায়, এরূপ বস্তু বা বিষয় ।

উপনিবেশ-নিচয়ের--৬ তৎ ; উপনিবেশ সকলের ।

তথ্যানুসন্ধানের—যাথার্থ্য অনুেষণের । তথ্য—তথা + ষ্য ভাবার্থে ।

বন্ধপরিষ্কার—বহুব্রীহি, দৃঢ়প্রতিজ্ঞ, বন্ধ কোটিবন্ধ ।

১০৮ পৃঃ—

পর্য্যবসিত—পরি-অব + সো + ক্ত কর্মবাচ্যে ; পরিণামপ্রাপ্ত, সমাপ্ত ।

প্রতিকৃতি—প্রতিরূপ, প্রতিমূর্তি, অনুরূপ আকৃতি ।

জনশ্রুতি—লোক পরম্পরায় প্রচলিত বাক্য, জনরব, কিংবদন্তী ।

বিভিন্ন স্তর বিস্তারের—কর্মধা ও ৬ তৎ ; ভিন্ন ভিন্ন অবস্থা ঘটিবার ।

স্থাপত্য—স্থপতি + ষ্য ভাবার্থে ; স্থপতির কাষ্য, রাজমিস্ত্রির কাজ, অট্টালিকাদি নির্মাণ ।

ভাস্কর্য্য—ভাস্কর + ষ্য ভাবার্থে ; ভাস্কর বিদ্যা ; স্থত্রধর ও চিত্রকরের কার্য্য ।

অশ্বিনীকুমার দত্ত ।

স্বর্গীয় অশ্বিনীকুমার দত্ত বরিশাল নিবাসী । ইঁহার প্রণীত ভক্তিব্যোগ নামক গ্রন্থ সূচিস্তাপূর্ণ হিতোপদেশমূলক উৎকৃষ্ট গ্রন্থ । ঐ গ্রন্থ হইতে ঈশ্বরের সর্বব্যাপিত্ব ও ক্রোধ, এই দুইটি প্রবন্ধ উদ্ধৃত হইয়াছে । অশ্বিনীকুমার যেমন শ্রায়বান্, স্থপতি ও দেশহিতৈসী, তেমনি শুলেথক ছিলেন ।

প্রবন্ধ-চন্দ্রিকার বিবৃতি ।

ঈশ্বরের সর্বব্যাপিত্ব । (১০৯ পৃষ্ঠা হইতে)

বিশ্বতশ্চক্ষু—বিশ্বতঃ (বিশ্বের সকল স্থানে চক্ষু, (দৃষ্টি) যাহার, বহুব্রীহি ; জগতের সকল স্থানেই যিনি দেখিতেছেন ।

অন্তর্জগতে—জগতের অভ্যন্তর ভাগে । বাহ্যদৃষ্টিতে যে সকল বিষয় দেখিতে পাওয়া যায় না, সেই সকল বিষয় সম্বন্ধে অর্থাৎ মন, বুদ্ধি, প্রাকৃতিক শক্তি প্রভৃতি বিষয়ে ।

গভীরতম—সুগভীর, বহু নিম্নতলবর্তী ।

অন্তর্দর্শী—তলদর্শী : ভিতরে যাহা আছে, যিনি তাহা দেখিতে পান, অর্থাৎ মনের শব্দ ও গতি যিনি সর্বদা জানিতেছেন ।

প্রকোষ্ঠ—গৃহ, কুঠারী ; মহল ।

অন্তস্থল—হৃদয়ের মধ্যভাগ ।

হৃদয়াভ্যন্তরস্থিত—হৃদয়ের ভিতরে বর্তমান ।

পাপপুণ্যদর্শী—সুকৃতি ও দুষ্কৃতি যিনি দেখিতে পান ।

পুরাণ-পুরুষ—প্রাচীন পুরুষ, বিষ্ণু, জগদীশ্বর ।

ক্রোধ । (১১১ পৃষ্ঠা হইতে)

‘ক্রোধ মনুষ্যের মনুষ্যত্ব নাশ করে’—সত্য, সরলতা, দুয়া, বিনয় প্রভৃতি যে সকল গুণ থাকায় মানুষ শ্রেষ্ঠ জীব বলিয়া পরিগণিত হইয়াছে, ক্রোধের বশীভূত হইলে, সেই সকল গুণ নষ্ট করিয়া ফেলে ।

লোমহর্ষণ—অতি ভয়াবহ ; রোমাঞ্চকর ; যাহা দেখিলে বা শুনিলে, দেহ কণ্টকিত হইয়া উঠে, তাহা ।

পশুভাবাপন্ন—পশুব মত হিতাহিত জ্ঞানশূন্য ।

প্রতীয়মান—প্রতি + ই + শান কৰ্ম্মবাচ্যে ; জ্ঞায়মান, বোধগম্য ।

সুষমা—সু + সম + সন্ কৰ্ম্মবাচ্যে, স্ত্রী আপ্ ; সৌন্দর্য, উত্তমরূপে তুলনা ।

বিকটরূপ—অতি ভয়ানক মূর্তি ।

ব্রহ্ম—ব্রাসযুক্ত, ভীত ।

আসুরিকভাবে—উগ্রভাবে । আসুরিক—অসুর + ষিক সম্বন্ধীয়ার্থে ।

উত্তেজনা—উৎ + তিজ্ + অনট্ আ ভাবে ; উদ্দীপনা, উগ্রভাবে প্রেরণ ।

শিবনাথ শাস্ত্রী ।

এই মহাত্মা বঙ্গীয় ১২৫৩ সালের মাঘ মাসে কলিকাতার সন্নিকটবর্তী চান্দড়িপোতা-নামক গ্রামে মাতুলালয়ে জন্মগ্রহণ করেন । ইহার পিতার নাম হরানন্দ (হারাণচন্দ্র)

প্রবন্ধ-চন্দ্রিকার বিবৃতি ।

ভট্টাচার্য্য। ইনি স্বধর্মনিষ্ঠ সুপণ্ডিত ব্যক্তি ছিলেন। ইঁহার মাতুল দ্বারকানাথ বিদ্যাভূষণ মহাশয় সংস্কৃত কলেজের অধ্যাপক ও সোমপ্রকাশ নামক প্রসিদ্ধ সংবাদপত্রের প্রকাশক ও খ্যাতনামা ব্যক্তি ছিলেন। ঐ সময়ে আমাদের দেশের স্ত্রীজাতির মধ্যে বিদ্যাশিক্ষার প্রচলন ছিল না। কিন্তু শিবনাথের জননী সাধারণভাবে যে লেখাপড়া শিখিয়াছিলেন, তাহার সাহায্যেই শিবনাথের বাল্যশিক্ষার বিশেষ সুবিধা হইয়াছিল। ১০ বৎসর বয়সের সময় ইঁহার পিতা পুত্রকে সংস্কৃত কলেজে ভর্তি করিয়া দেন। ঐ সময়ে ইনি মাতুলের বাসায় থাকিতেন। বিদ্যাশিক্ষায় ভাগিনেয়েব একান্ত মনঃসংযোগ দেখিয়া বিদ্যাভূষণ মহাশয়েব আনন্দের সীমা থাকিত না। শিবনাথ যে পরে সুপণ্ডিত ও খ্যাতনামা ব্যক্তি হইবে, ইহা তাঁহার ধারণা ছিল। কিন্তু ইঁহার কিছুকাল পরেই তেজস্বী ভবানন্দ ভট্টাচার্য্য মহাশয় স্বগ্রামবাসী এক ব্যক্তির বাসায় পুত্রকে রাখিয়া দেন। তাহাতে শিবনাথকে বিশেষ কষ্ট স্বীকার করিয়া কলেজের পাঠ অভ্যাস করিতে হইত। ইহাতে লেখাপড়ার বিশেষ অসুবিধা দেখিয়া, অল্পকাল পরেই তাঁহাকে ঐ বাসা ছাড়িয়া, ভবানীপুরেব প্রসিদ্ধ উকীল মহেশচন্দ্র চৌধুরী মহাশয়ের বাটীতে থাকিতে হয়। এখানে তাহার লেখাপড়া শিখিবার বেশ সুবিধা হইয়াছিল। শিবনাথ খৃঃ ১৮৬৬ অব্দে প্রশংসার সহিত এণ্ট্রান্স পরীক্ষায় উত্তীর্ণ হইয়া যে বৃত্তি প্রাপ্ত হন, উহাব সাহায্যেই তাঁহার কলেজে পড়িবার বায় নির্বাহিত হইত। এফ্. এ, পরীক্ষাতেও ইনি উচ্চ শ্রেণীর মাসিক বৃত্তি ৩০০ প্রাপ্ত হন। ইহা ভিন্ন সংস্কৃত কলেজের বৃত্তি ১০০ ও প্রসিদ্ধ ডফ্. সাহেবেব বৃত্তি ১৫ টাকাও পাইয়াছিলেন। এইরূপে উত্তরোত্তর প্রশংসার সহিত তিনি বি. এ, ও এম্. এ পরীক্ষায় উত্তীর্ণ হইয়া উৎসাহের সহিত কর্মক্ষেত্রে প্রবেশ করেন।

এণ্ট্রান্স পরীক্ষা দিবার পূর্বেই ব্রাহ্মধর্মের প্রতি তাঁহার মন আকৃষ্ট হয় এবং তিনি আগ্রহের সহিত কেশবচন্দ্র সেন মহাশয়ের নিকট দীক্ষিত হন। এই সময় হইতে তিনি চিরজীবন ব্রাহ্মধর্ম প্রচারের জন্ত চেষ্টা করিয়া গিয়াছেন। ঐ ধর্মের প্রচারই তাঁহার জীবনের মহদ্রত ছিল। সুযোগ পাইলেই তিনি সমবেত ব্যক্তিগণের সভায় অন্যান্য ধর্মমতের অপেক্ষা ব্রাহ্মধর্মের উৎকর্ষের বিষয় প্রচার করিতে বস্তুবান হইতেন। এই সময়ে খ্যাতনামা কেশবচন্দ্র সেনের ওজস্বিনী বক্তৃতায় ইংরাজি শিক্ষিত কোন কোন ব্যক্তির মন বিচলিত হইয়া উঠে। ইঁহাদের মধ্যে কেহ কেহ ব্রাহ্মধর্মের দিকে আকৃষ্ট হন। মহামনাঃ শিবনাথ এই সময়েই একান্তমনে ব্রাহ্মমতের প্রচারে জীবন উৎসর্গ করেন। তাঁহার একান্ত নিষ্ঠা ও অক্লান্ত পরিশ্রমে ব্রাহ্মধর্মের যে বিশেষ উন্নতি হইয়াছে, তাহা সকলকেই একবাক্যে স্বীকার করিতে হইবে। কেশবচন্দ্র তাঁহাকে প্রাণের স্থায় প্রিয় বলিয়া মনে করিতেন।

ইঁহার কিছুকাল পরে দ্বারকানাথ বিদ্যাভূষণ মহাশয় পীড়িত হইয়া পড়েন এবং শিবনাথকে আহ্বান করেন। শিবনাথ তাঁহার নিকট গমন করিলে, বিদ্যাভূষণ মহাশয় তাঁহার উপর সোমপ্রকাশ পত্রিকা ও স্থানীয় বিদ্যালয়ের ভার দিয়া স্বাস্থ্যলাভের জন্ত

প্রবন্ধ-চন্দ্রিকার বিবৃতি ।

উত্তরপশ্চিম প্রদেশে যাইবাব অভিপ্রায় প্রকাশ করেন । শাস্ত্রী মহাশয় মাতুলের ঐ সমুদায় ভার সানন্দচিত্তে গ্রহণ করেন । তাঁহার একান্ত যত্নে ঐ পত্রিকা ও বিদ্যালয়ের কাষা সূচাক্রমে নির্বাহিত হইয়াছিল । ইহা ভিন্ন তিনি এই সময়েই গ্রামা পথ ও জলাশয়ের উন্নতি এবং রুগণ ব্যক্তিদিগের সুচিকিৎসার ব্যবস্থা করিয়া দিয়াছিলেন ।

এই সময়ে মহাত্মা কেশবচন্দ্র সেনের কন্যার সহিত কুচবিহারের মহারাজ-কুমারের শুভ বিবাহ হয় । ঐ বিবাহ উপলক্ষে মহামনাঃ শিবনাথ শাস্ত্রী ও বিচক্ষণ কস্মবীর বিজয়কৃষ্ণ গোস্বামী প্রভৃতি খ্যাতনামা ব্রাহ্মগণের সহিত কেশবচন্দ্রের প্রকাশ্যভাবে বিরোধ চলিতে থাকে এবং ইহাদের একান্ত যত্নে সাধারণ ব্রাহ্মসমাজের ভিত্তি স্থাপিত হয় । শিবনাথ এই সমাজের আচার্য্য পদ গ্রহণ করেন । মহর্ষি দেবেন্দ্রনাথ এই সমাজগৃহ নিৰ্ম্মাণের জন্য দশ হাজার টাকা প্রদান করেন । ধর্ম্মপ্রাণ শিবনাথ একান্তচিত্তে জীবনের অবশিষ্টভাগ সাধারণ ব্রাহ্মসমাজের উন্নতির জন্য জীবন সমর্পণ করিয়া গিয়াছেন ও নানা প্রকারে ইহার শ্রীবৃদ্ধি সাধন করিয়াছেন ।

এই মহাত্মা যে কেবল ব্রাহ্মধর্ম্মের উন্নতিতেই জীবন অর্পণ করিয়াছিলেন, তাহা নহে । বাঙ্গালা ভাষা ইহার নিকট অপরিশোধ্য ঋণে আবদ্ধ । ইনি গদ্য ও পদ্যে যে সকল পুস্তক ও প্রবন্ধ লিখিয়া গিয়াছেন, ঐ গুলি যেমন নীতিমূলক, তেমনি প্রাজ্ঞল ও হৃদয়স্পর্শী । উহাতে তাঁহার গভীর জ্ঞান, সমাজ-হিতৈষিতা ও চিন্তাশীলতার উজ্জ্বল প্রমাণ পাওয়া যায় । ঐ গুলির মধ্যে পুষ্পমালা, পুষ্পাঞ্জলি, হিমালয়কুম্ভম প্রভৃতি পদ্যগ্রন্থ, মেজ-বৌ, নয়ন-তারা, যুগান্তর প্রভৃতি উপন্যাস, গৃহধর্ম্ম, ধর্ম্ম-জীবন, প্রবন্ধমালা প্রভৃতি হিতোপদেশ গ্রন্থ প্রধান । ইহা ভিন্ন তাহার সৃষ্টি-প্রস্তুত বহুবিধ প্রবন্ধ তত্ত্বকৌমুদীতে প্রকাশিত হইয়াছে । চৈতন্যদেব যখন সংসারশ্রম পরিত্যাগ করিয়া সন্ন্যাস অবলম্বন করেন, সেই সময়ের ঘটনা অবলম্বন করিয়া, তিনি যে কবিতাগুলি লিখিয়া গিয়াছেন, উহা পাঠ করিলে সকলেরই হৃদয় গলিয়া যায় । স্ত্রীজাতির উন্নতির জন্যও এই মহামনাঃ সদাশয় যে সকল কাব্য করিয়া গিয়াছেন, তাহা চিরস্মরণীয় । পুণ্যাঙ্গী দেশভূষণ শাস্ত্রী মহোদয় বঙ্গীয় ১৩২৫ সালের ১৩ই আশ্বিন দেশবাসিগণকে শোককাতর করিয়া, অবিদ্যার আনন্দময় ধামে গমন করিয়াছেন ।

মহাত্মা রাজা রামমোহন রায় ।

এই ঈশ্বরজন্মা ব্যক্তি নানা ভাষায় সুপণ্ডিত ও ব্রাহ্মধর্ম্মের সংস্থাপনকর্তা । তিনি বহুবিধ বাধাবিঘ্ন অতিক্রম করিয়া, এদেশে ব্রাহ্মধর্ম্মের প্রতিষ্ঠা করেন । তাঁহার এই কাষ্য দ্বারা এদেশে খৃষ্টধর্ম্মের স্রোত এক প্রকার বন্ধ হইয়া গিয়াছে । লেখক শিবনাথ শাস্ত্রী মহাশয় ব্রাহ্মধর্ম্মাবলম্বী । তাঁহার সম্বন্ধে লেখকের যে অভিপ্রায়, তাহা এই প্রবন্ধে ওজস্বিনী ভাষায় বর্ণিত হইয়াছে ।

প্রবন্ধ-চন্দ্রিকার বিবৃতি ।

১১২ পৃঃ হইতে—

তুঙ্গ শৃঙ্গ—তুঙ্গ শৃঙ্গ যাহার, বৃহতী ; উন্নত-শিখর ।

আভ্যন্তরীণ—অভ্যন্তর+গী ন জাতার্থে ; অভ্যন্তরস্থ ।

সংঘাত—সম্+হন্+ঘঞ ভাবে ; নিবিড়-সংযোগ, জমাট ।

ঘনসন্নিবিষ্ট—নিবিড়ভাবে সংস্থিত, জমাট হইয়া যাহা আছে ।

অর্শান-নিনাদে—বক্রপাতের স্থায় ভীষণ শব্দে ।

শ্রী-সৌন্দর্য—শোভা ও মনোহারিত্ব । শ্রী—শ্রি+দ্রি+প্ কস্ম্বাচ্যে ।

জ্বালামুখী—অগ্নিময় পদার্থের জ্বালা (শিখা) যাহাব মূখে আছে, অগ্নিময়ী শিখাব উদগীবণ ।

বিশ্লিষ্ট—বি+শ্লি+ক্ত কস্ম্বাচ্যে ; বিশ্লিষ্ট, ইতস্ততঃ চালিত ।

‘গিরিব জীবন কি সংগ্রামের জীবন।’—অর্থাৎ শীতাতপ, জল, বায়ু ও আগ্নেয় কণ্ড উপদ্রব সহ্য করিয়া পর্বত সকল অটলভাবে যুগ যুগান্তর কাল দণ্ডায়মান রহিয়াছে ।

সংঘর্ষণ—পরস্পর স্পর্শ বা ঘাত প্রতিঘাত ।

উপাদান—উপ-আ+দা+অনট্, কবণবাচ্যে ; নির্মাণ-সামগ্রী, যে যে সামগ্রী দ্বারা কোন বস্তু গঠন হইয়া থাকে, ঐগুলিকেই উহার উপাদান বলে ।

মাল-মসলা—উপাদান, নির্মাণ-সামগ্রী ।

নাশ্চঃ পশ্চা বিদ্যতে অয়নায়—অয়নায় গমনায় (উন্নতি মার্গে গমনের জন্য) অশ্চঃ (অপব) পশ্চাঃ (পশ) বিদ্যতে (নাই) অর্থাৎ উন্নতি লাভ করিতে হইলে, আয়শক্তির উপর নির্ভর ককা ভিন্ন অশ্চ কোন উপায় নাই ।

শতানামেমি প্রথমঃ—(অহং) শতানাং (শত জনের মধ্যে) প্রথমঃ (সর্বশ্রেষ্ঠ) এমি গচ্ছামি (অর্থাৎ হইব) । এখানে শত শব্দের অর্থ বহুসংখ্যক ।

ত্রিসীমার মধ্যে—সংস্রবে অর্থাৎ সেই স্থানের নিকটে ।

১১৪ পৃঃ—

শঙ্করের পরে—শঙ্কবাচ্যোর পরে ; ইনি বিচাবে বৌদ্ধমতের অসারতা সপ্রমাণ করিয়া, ভাবতবর্ষে সনাতন আর্ষা ধর্মের পুনঃ প্রতিষ্ঠা করেন ।

ধূমকেতু—গগনমণ্ডলে কখন কখন যে ধূমময় বিশাল বাষ্পবাশি অতি দ্রুতবেগে দূর্গিত হইতে দেখা যায়, উহাকে ধূমকেতু বলে । উহার উর্দ্ধভাগ অপেক্ষাকৃত সঙ্কীর্ণ ও নিম্নভাগ (পুচ্ছদেশ) সুবিস্তৃত । নিম্নভাগে ক্ষুদ্র ক্ষুদ্র অসংখ্য অগ্নিকণা দেখা যায় ।

অস্তনিহিত—অভ্যন্তরে স্থাপিত, সদয়ে নিহিত ।

‘মানব-আত্মার মহদ্বজ্ঞান’—মানুষের আত্মা যে মহান্ অর্থাৎ উৎকৃষ্ট ও পবিত্র—এইরূপ জ্ঞান ।

বিশ্বাত্মা—পরমাত্মা ; যিনি সার্বভৌম আত্মার মধ্যে থাকিয়া, বিশ্বজীবের স্রষ্টাঃখাদি অনুভব করেন ।

প্রবন্ধ-চন্দ্রিকার বিবৃতি ।

বিধৃত—রক্ষিত, আকৃষ্ট ।

নিয়তি—ভাগা, যাহা অবশ্যই ঘটবে, নিয়ম ।

শৃঙ্খলিত—শৃঙ্খলাবদ্ধ ।

আত্ম-মহত্ব-জ্ঞানে—আপনার শ্রেষ্ঠত্ববোধে অর্থাৎ মানবের আত্মা যে শ্রেষ্ঠ, এইরূপ জ্ঞানে ।

আত্মমর্যাদাজ্ঞানের—আমি (মানব) যে উৎকৃষ্ট জীব ও তদনুযায়ী সম্মান পাইবার অধিকারী, এইরূপ বোধের ।

প্রভাব—শক্তি, মহিমা ।

মহাপুরুষোচিত—যাহা মহাপুরুষে অভ্যন্ত অর্থাৎ মহাপুরুষেই যাহা ঘটা বা প্রাপ্ত হওয়া সম্ভব ।

মহাপুরুষ—বিদ্যা, বুদ্ধি, ধর্ম প্রভৃতি বিষয়ে সাধারণ অসাধারণ প্রভাব, তিনি ; অসামান্য মহত্বশালী ব্যক্তি ।

গাম্ভীর্য—গম্ভীর + ম্য ভাবার্থে । গম্ভীর ভাব ; যাহা সহজে বিচলিত হয় না, এমন ভাব, হর্ষ, শোক, ভয়াদিতে যাহার বিকার বা চাঞ্চল্য হয় না এবং যে ভাব সহজে উপলব্ধি করা যায় না, সেই ভাবেই গাম্ভীর্য বলা যায় ।

প্রবর্তনা—অব + ত-ণিচ্ + অনট্-আ ; প্রস্তাবনা, উত্থাপন ।

১১৫ পৃঃ—

স্বাবলম্বন-শক্তি—স্বীকৃত, কর্মধা ; আত্মনির্ভরশক্তি ; আপনার উপর নির্ভর করিয়া কাণ্ড্য করিবার ক্ষমতা ।

গুঢ়—গুহ্ + ক্ত্ব কর্মবাচ্যে ; অপ্রকাশিত, গুহ্য, প্রচ্ছন্ন ।

বিঘ্ন—বি + হন্ + টন্ কর্তৃবাচ্যে ; হানি, অনিষ্ট ।

বাধা—বাধ্ + ঙ-আ ; প্রতিবন্ধ, প্রতিবোধ ।

বজ-মৃষ্টিতে—বজের ন্যায় দৃঢ় বন্ধনে ।

নিরস্ত—নিব + অস্ + ক্ত্ব কর্মবাচ্যে ; নিবারিত, বিক্ষিপ্ত ।

কাপুরুষতা—ক্ (নিন্দিত) পুরুষ কাপুরুষ, পরে তা ভাবার্থে ; পুরুষহীনতা, অপৌরুষ ।

সমশ্রা—সম্ + অস্ + য কর্মবাচ্যে—স্বী আপ, শ্লোক পূরণের জন্য বা কোন প্রথের উত্তর দিবার জন্য যে সংক্ষিপ্ত বাক্যের সংযোগ করিতে হয়, তাহা ; চিন্তনীয় বিষয় ।

১১৬ পৃঃ—

অপরাজিত—অব্যাহত, সর্বজয়ী ।

ভৌতিক জগৎ—জড় জগৎ, পঞ্চভূতাত্মক নির্জীব বিশ্ব ।

দুর্লভ্য—দুরতিক্রম্য, যাহাকে অতিক্রম করা দুঃসাধ্য ।

মহাশক্তি—বিশাল শক্তি ; যে শক্তি বিশ্বময় ব্যাপ্ত অর্থাৎ যে ঈশ্বরেচ্ছারূপ শক্তিদ্বারা সমুদায় জগৎত্রকাণ্ড পরিচালিত হইতেছে, সেই মহনীয় শক্তি ।

বিধৃত—রক্ষিত, পরিচালিত ।

প্রবন্ধ-চন্দ্রিকার বিবৃতি ।

স সেতু বিধৃতিরেমাং লোকানাং অসম্ভেদায়—সঃ (বিশ্বনিয়ন্তা) সেতু : —সেতুস্বরূপ (নমুচ্যার্থক অব্যয়) এমাং লোকানাং (এই লোক সকলের) অসম্ভেদায় (একতা বন্ধা করিবার জন্ত) বিধৃতিঃ (অবলম্বন) অর্থাৎ লোক সকলের একতা করণের জন্ত তিনিই নিখিল বিশ্বব্যাপী মহনীয় ধর্মরূপে অবলম্বনস্বরূপ হইয়া আছেন । উহার প্রভাবেই মানবের হৃদয়ে ধর্মভাবের উদয় ও অস্বাভাবিক কাল ধর্মের জয় হইতেছে ।

ধর্মাবহ—ধর্মকে যিনি বহন (ধারণ) করিয়া আসিতেছেন ।

শাস্ত—নি + অস্ + ক্ত কশ্মবাচ্যে , বাহা শাস (অর্পণ) করা হইয়াছে ; গচ্ছিত ।

১১৭ পৃঃ—

বাধ্যতা—বাধ্ + য কশ্মবাচ্যে—বাধা । বাধ্য + তা ভাবার্থে ; বশ্যতা, বারণীয়তা ।

দায়িত্বজ্ঞান—অবশ্য কর্তব্য বলিয়া মনে করা অর্থাৎ আমি এইরূপ কাণ্ড করিতে বাধ্য, এইরূপ জ্ঞান করা ।

(প্রধান প্রধান ধর্মপ্রচারকেরা যে নানাবিধ বাধাবিঘ্ন—এমন কি নানা প্রকার নির্যাতন সহ করিয়াও পৃথিবীতে ধর্মের প্রচার করিতে ক্ষান্ত হন নাই, তাহার কারণ এই যে, তাঁহাদের প্রত্যেকের মনেব ধারণা এইরূপ ছিল যে, আমি এইরূপ ধর্মপ্রচার করিতেই আসিয়াছি ; অতএব ইহাই আমার অবশ্য কর্তব্য কশ্ম । যতই বাধা উপস্থিত হউক না, আমি কিছুতেই এই ঈশ্বরেচ্ছাক্রমে মহাপ্রতি হইতে গলিত হইব না ।

উদাহ—মহৎ, উন্নত ।

১১৮ পৃঃ—

সার্বভৌমিক—সর্বভূমি + িক, সর্বভূমি সম্বন্ধীয়, বাহা সকল দেশেরই হিতজনক ।

সার্বজনীন—সর্বজন + িন হিতার্থে ; সর্বজনের মঙ্গলকর ।

নরসেবা-ব্রতে—৬তৎ, কপক কশ্মধারয় , মানুষের দুঃখনিবারণ, বিবিধ প্রকার কল্যাণ-মাধন ও ধর্মভাব-প্রবর্তনরূপ জীবনের অবশ্য কর্তব্যকার্যো ।

নবীন সন্ন্যাসী ।

ভুবনপাবন বুদ্ধদেব কপিলবস্তুর রাজা শুদ্ধোদনের একমাত্র পুত্র । ব্যাধি, জরা ও মৃত্যুজনিত দুঃখে জীবগণ নিয়তই ক্লেণ ভোগ করিতেছে,—ইহা দেখিয়া, তাঁহার হৃদয় অতিশয় কাতর হইয়া উঠে । এই দুঃখ নিবারণ জন্ত তিনি সংসার আশ্রম পরিত্যাগ করিয়া সন্ন্যাস অবলম্বন কবেন । নবীন বয়সেই তিনি অতুল ঐশ্বর্যময় সূখের সংসারে জলাঞ্জলি দিয়া, ভিক্ষু-ব্রত অবলম্বন করেন । এই ঘটনা অবলম্বনে ধর্মপ্রাণ মহাত্মা কৃষ্ণকুমার মিত্র মহোদয় বুদ্ধচরিত-নামক যে গ্রন্থ প্রণয়ন করিয়াছেন, উহার কিয়দংশ এই প্রবন্ধে উদ্ধৃত হইয়াছে ।

প্রবন্ধ-চন্দ্রিকার বিবৃতি ।

সিদ্ধার্থ—বুদ্ধদেবের পিতৃদত্ত নাম । দীর্ঘকাল তপস্যা করিয়া, ইনি 'বুদ্ধ' এই নামে প্রসিদ্ধ হন ।

হৃদয়-মধ্যে যে তুমুল ঝটিকা—এক দিকে পিতা, মাতা, পত্নী, আয়ু্যীয় স্বজনগণের প্রতি মায়াব আকর্ষণ এবং অন্য দিকে ব্যাধি, জরা, মৃত্যুজনিত জীবের দুঃখ নিবারণে ব্যাকুলতা ও এই দুঃখময় সংসারবন্ধন ত্যাগ করিতে একান্ত প্রয়াস—এই উভয়-বিধ চিন্তার ঘাত-প্রতিঘাতরূপ ঝটিকা । মাতৃসমা গৌতমী—বুদ্ধদেব ভূমিষ্ঠ হইবার পরেই তাঁহার জননী 'দহভাগ' করেন । তাহাতে পিতা শুদ্ধোদন বুদ্ধের মাতৃধনা গৌতমীর পাণি-গ্রহণ কবেন । গৌতমীরও কোন পুত্র বা কন্যা হয় নাই । তিনি বুদ্ধকেই আপনার পুত্র বলিয়া মনে করিতেন ও প্রাণাধিক মেহ করিতেন ।

১১৯—১২০ পৃঃ ।

পাপপ্রবণ—৭৩২ ; পাপের দিকেই সহজে অগ্রসর ।

কৃত-সঙ্কল—বহুব্রী ; দৃঢ়-প্রতিজ্ঞ ।

বাতল—রক্ষক । এই শিশুর প্রতি মেহই সিদ্ধার্থকে সংসার-ক্ষেত্রে রক্ষা করিবে, এইরূপ মনে করিয়াই পিতামহ এই পোলের বাতল নাম রাখিয়াছিলেন ।

উৎসব-মন্দি—আনন্দ ভাব ।

উদভ্রান্ত—আগণিত, উচ্ছ্রান্ত ।

১২১—১২২ পৃঃ ।

অজস্রধাবে—অনর্গল ধাবায়, অব্যাহত স্রোতে ।

অমিত—অপরিমিত, অসীম ।

কল্পান্ত-তপস্কারী—প্রলয়ান্ত পর্য্যন্ত তপস্যায় নিরত । [ব্রহ্মার এক দিনকে কল্প বলে] ।

ভৃগুসম্ভৃত—৫৩২ ; বিষয়ভোগেব পিপাসা হইতে উৎপন্ন ।

শোক-বিদগ্ধ হৃদয়ে ; ৩৩২—বহুব্রী ; শোকসন্তপ্তমনে ।

দস্ত-নাদ—দস্তযুক্ত নাদ মধ্যপদলোপী কৰ্ম্মধা ; আফালনের সহিত উচ্চ শব্দ ।

মহাপ্রজাবতী—মহাপ্রজা + বতু 'আছে' অর্থে ; অসামান্য প্রভাবসম্পন্ন পুত্রের জননী ।

চেটী—অস্ত্যুপ-রক্ষিকা নারী, দাসী ।

১২৩—১২৪ পৃঃ —

নিগড়-বন্ধন—শৃঙ্খল-বন্ধন ।

উপলব্ধি—উপ + লভ্ + ত্তি, বোধ, অনুভব ।

মৃগাল-কোমল—উপমান সমাস ; পদ্মনালের স্থায় কোমল ।

কমলদল-শোভন—পদ্মদলের স্থায় শোভাজনক ।

নিলিপ্ত—সংশ্রবশূন্য, স্বতন্ত্র ।

শ্লাঘ্য—শ্লাঘ্ + য কৰ্ম্মবাচ্যে ; গৌরবের বিষয়, প্রশংসনীয় ।

প্রবন্ধ-চন্দ্রিকার বিবৃতি ।

তপশ্চর্যা—তপঃ + চর্ + য ভাবে—স্ত্রী ঙ্রাপ্ ; তপস্ত্রাব অনুষ্ঠান, তপস্ত্রা কার্য ।

১২৫—১২৬পৃঃ—

পুষ্প-ফল-মণ্ডিত—ফুল ও ফলে শোভিত ।

বিহগ-কুঞ্জিত—পক্ষিগণের কলরবে শব্দিত ।

প্রমোদ-উদ্যান—আনন্দজনক উপবন ।

বঙ্কিকির্ণী-জাল-সমীরিত—রত্নময়ী ক্ষুদ্র ঘণ্টা (ঘুঞ্জুর) সকলের দ্বারা শব্দিত । * সমীরিত
—সম্ + ঙ্গ্ + ক্ত কৰ্ম্মবাচ্যে ; উচ্চারিত বা শব্দিত ।

হাস্ত-লাস্ত—হাস্ত সহিত রমণী-নৃত্য । লাসা—লস্—গিচ্ + য ভাববাচ্যে ।

উপচার—উপ + চর + যঞ্ কৰ্ম্মবাচ্যে ; সেবা-দ্রব্য, সজ্জা, পূজার সামগ্রী ।

বেদনাশুক—বহুব্রী ; দুঃখমূলক, বাথাজনক ।

মায়া-মরীচি-সদৃশ—মায়াময়ী মৃগতৃক্ষিকার মত অর্থাৎ সৃষ্ণের আকাঙ্ক্ষায় লোকে যে কাষে
প্রবৃত্ত হয়, কিম্ব পরিণামে মহাদুঃখদায়ক—এমন কি প্রাণনাশকও হইয়া থাকে,
তাহার সদৃশ ।

পরিচর্যা—সেবা । অনর্গল—অবাধিত, অবারিত ।

শোক-দক্ষুদয়ে—শোক-সম্ভৃতিতে । শোক—প্রিয় বস্তুর বা ব্যক্তির অদর্শনজনিত দুঃখ ।

কৃত-নিশ্চয়—দৃঢ়চিত্ত, কৃতাবধারণ ।

দিগ্‌মণ্ডল—সকল দিক্, চারিদিক্ । সমস্ত—সম্যক্ ভীত, ভয়ব্যাকুল ।

সংক্ষোভিত—তরঙ্গাকুল, উদ্বেলিত ।

বিসংবাদী—বিরোধী, পরস্পর বিরুদ্ধ ।

উন্মনস্কভাবে—উন্মনার স্থায়, উদভ্রান্ত-চিত্তের মত ।

সিকতাময়—বালুকাময় ।

১২৮—১২৯পৃঃ—

অনবদ্য-বপুঃ—অনিন্দিত দেহ, সর্ব্বাঙ্গ-সুন্দর শরীর ।

পদ উলঙ্গ করিলেন—মোজা ও জুতা গুলিয়া ফেলিলেন ।

কাষায় বস্ত্র—বেশমী কাপড় । কাষায়—কষায় + ঙ্গ্ জাত অর্থে ।

নদী-সৈকতে—নদীর বালুকাময় তটে ।

১৩২ পৃঃ—

অঞ্জন-রাজ—অঞ্জন প্রদেশের অধিপতি, গোপার পিতা ।

মুনসী মোজাম্মেল হক্ ।

এই মহাত্মা নদীয়া জেলায় অন্তর্গত প্রসিদ্ধ শান্তিপুরে জন্মগ্রহণ করিয়াছেন । ইনি উচ্চ-
বংশজাত সদাশয় সাহিত্যসেবী । ইহার প্রণীত সাহিত্য পুস্তকগুলি দ্বারা বাঙ্গালা সাহিত্য-

প্রবন্ধ-চন্দ্রিকার বিবৃতি ।

সংসারের গোরব বন্ধিত হইয়াছে । ঐ সকল পুস্তকের অধিকাংশই উৎকৃষ্ট পারসিক গ্রন্থ অবলম্বনে লিখিত । ইহা ভিন্ন এই মহাত্মা বিদ্যালয়ের পাঠোপযোগী কয়েকখানি উৎকৃষ্ট গ্রন্থও প্রণয়ন করিয়াছেন । ইহার প্রণীত হজরতের জীবনী, মহর্ষি মনসুর অভূতি গ্রন্থগুলি সাহিত্য জগতের বহুমূল্য রত্নস্বরূপ । আমাদের এই প্রবন্ধটি 'মহর্ষি মনসুর' নামক গ্রন্থ হইতে উদ্ধৃত । ইহার লেখা যেমন প্রাণস্পর্শী, তেমনি প্রাজ্ঞল ।

সিংহল ।

অমরাবর্তী—ইন্দ্রপুরী ।

অধিকার-পদ—অধিকারভুক্ত স্থান, রাজ্য ।

কল্পনা-প্রসূত—কল্পনাজাত ।

কল্পনার প্রতিভায়—কল্পনার প্রভায় ।

মহোদধি—মহাসমুদ্র । উদধি—উদ + ধা + কি অধিবাচ্যে

১৩৮—১৩৯ পৃঃ—

রাজচক্রবর্তী—রাজশ্রেষ্ঠ, সার্বভৌম ভূপতি ।

পুণ্যত্রয়—বহুব্রী ; পুণ্যশীল, পবিত্র নিয়মাবলম্বী ।

অসারতা—সারহীনতা, ক্ষণ-ধ্বংসিতা ।

সম্বর্পণে—সাবধানে, তৃপ্তিপ্রদ-ভাবে ।

অহিংসা-পাদপের—অহিংসা-রূপ বৃক্ষের ; সর্বজীবে দয়া প্রকাশই পরম ধর্ম, এই মতের ।

প্রতিষ্ঠা—স্থাপন, সংস্কার ।

সাম্য—কাহাকেও হেয় জ্ঞান না করা, সমভাব ।

মৈত্রী—মিত্রভাব, সকলেই মিত্রস্থানীয় এইরূপ মনে করা ।

উদ্দীপক—উত্তেজক, বৃদ্ধিকারক, প্রজ্বালক ।

ধর্মোন্মাদে—ধর্মময়ভাবের উত্তেজনায় ।

মুক্তাসার—৬৩৯, উৎকৃষ্ট মুক্তা ।

ঐশ্বর্য-নিকেতন—ঐশ্বর্যের আলায়, সমৃদ্ধির আধার ।

মুক্তা-শুষ্টি—মধ্যপদলোপী কর্মধা ; মুক্তাগর্ভ শুষ্টি (ঝিনুক) ।

মাতঙ্গের গ্রাস ও উদ্গীরণ—গণেশজননী বিশ্বমাতা যে সময়ে পুত্র গজাননকে ক্রোড়ে লইয়া, তরঙ্গাকুল সমুদ্রের উপরে ভক্তিমান্ বালক শ্রীমন্তকে দর্শন দান করেন, ঐ সময়ে তরঙ্গভরে গজাননের মস্তক এক একবার অদৃশ্য হইতে লাগিল ; তখন নাবিকেরা মনে করিল, ঐ রমণী মাতঙ্গকে গ্রাস করিতেছেন ; আবার সেই তরঙ্গ অপনীত হইলেই গজাননের মস্তক দৃষ্ট হইতে লাগিল । তখন তাহারা মনে করিল, ঐ রমণী গ্রস্ত মাতঙ্গকে আবার উদ্গীরণ করিতেছেন, পুনঃ পুনঃ এইরূপ দৃশ্য । (কবিকঙ্কণ মুকন্দরামের এই অপূর্ব কল্পনা প্রসিদ্ধ চণ্ডী কাব্যে দ্রষ্টব্য) ।

শ্রেণী ১৪ শ্লিকার বিবৃতি।

উচ্চায়—উৎ + শ্রি + যঞ্ ভাবে, উচ্চতা।

৪১- ১৪০ পৃঃ—

পাদোদন চতুঃশত—পাদ দ্বাবা উদন ৩৩২, চতুঃ হস্ত দ্বিগু, পাদে কক্ষধা, এক পদ্য ক০
চারি হাত।

পদাক্ষ—পদচিহ্ন।

পাতাশ্রয়—৬৩২, বন্দব, যেখানে জাহাজসকল নিরাপদে থাকে।

কাঙ্ক্ষিতগৌরব—মধ্যপদলোপা কক্ষধা, খ্যাতি-জনিত মহত্ব।

স্বর্গা বংশাবতংস—স্বর্গাকুলের শিরোভূষণ।

১৪৪—১৪৫ পৃঃ—

নৌ-সাধন-সম্পন্ন—নৌকপ সাধন রূপক কক্ষধা; তাহাছারা সম্পন্ন ঐয়াতৎ পু. ন. ব. ০
সমুদ্র অর্থাৎ জলমুদ্রে নিপুণ।

সমবেত—সম-অব + ই + ত + ভূবাচ্যে, বৈশ্বিলিত।

অপ্রতিহত-প্রভাবে—অবাধি প্রভাবে।

শস্য-গোমলা—৩৩২, শস্যসমৃদ্ধ, গোমবর্ণা, শস্যবতলা।

সৌরাজ্য-সুখে—(সৌরাজ্য = স্বর্গ = স্বর্গ, সৌরাজ্যজনিত সুখ মধ্যপদলোপা কক্ষধা
সৌরাজ্য জনিত সুখে; শাসনরাজ্য সুপালন-জনিত সুখে।

কবিবর শ্রীরবীন্দ্রনাথ ঠাকুর।

এই পুরুষরত্ন সন ১২৬৮ সালে কলিকাতার অন্তর্গত যোড়াসাঁকোর গোপাল
ঠাকুরবংশে জন্মগ্রহণ করিয়াছেন। ইহার পিতামহ প্রিন্স দ্বারকানাথ ঠাকুর
জ্ঞান ও মহত্বে বিশেষ খ্যাতিসম্পন্ন ব্যক্তি ছিলেন। ইহার পিতা মহর্ষি দেবেন্দ্র
ঠাকুর ধর্মচর্চায় অতি পবিত্রভাবে জীবন অতিবাহিত করিয়া সকলেরই প্রগাঢ়
ভক্তির ভাজন ছিলেন। ইহার জ্ঞান-উহার অসামান্য স্থায়পরতা, স্বার্থত্যাগ ও
জ্ঞানও অতুলনীয় ছিল। রবীন্দ্রনাথ অসাধারণ প্রতিভাশালী। ইনি গৃহশিক্ষক
নিকটে অধ্যয়ন করিয়াই নানা বিদ্যায় প্রগাঢ় পাণ্ডিত্য লাভ করিয়াছেন। ই-
কাল বিদ্যালয়ের পাঠের উপর নির্ভর করিতে হয় না। ইনি বাল্যাবয়সে অতি
• মাত্র কলিকাতা নর্ম্যাল বিদ্যালয়ে পাঠ করেন এবং মৌবনের প্রারম্ভে ইংরাজি
উত্তমরূপে শিখিবার জন্য বিলাতে গিয়া লণ্ডন বিশ্ববিদ্যালয়ে কিছুকাল মাত্র অধ্যয়ন
করিয়াছিলেন। ইনি অভিনব ভাবপূর্ণ কবিতা রচনায় এদেশের সর্বশ্রেষ্ঠ কবি
সাধারণ বিষয়ের মধ্যে ইনি অপূর্ব ভাবের সমাবেশ করিয়া, এমন সুন্দর কবিতা

